





- MAG 4603







HISTORIÆ
ECCLESIASTICÆ
BREVIARIUM
A MUNDI REPARATIONE
USQUE AD ANNUM
MDCCLX.



ECCLESIASTICÆ
HISTORIÆ
BREVIARIUM

AUCTORE
JOANNE-LAURENTIO

BERTI
FLORENTINO

FRATRE EREMITA AUGUSTINIANO.

EDITIO SECUNDA

Ab Auctore ipso recognita, pluribus in locis emendata, &
Chronologiæ sacræ elementis nunc primum locupletata.

PARS PRIMA

*Quæ complectitur Chronologiæ Rudimenta, & Decem
Prætorum Seculorum Synopsim.*



VENETIIS,
MDCCLXI.

EX TYPOGRAPHIA REMONDINIANA.
SUPERIORUM PERMISSU, AC PRIVILEGIO.

124

UNIVERSIS
 AUGUSTINIANÆ FAMILIÆ
 PRÆSULIBUS
 ALUMNISQUE
 Studiorum curriculum peragentibus.

F. JOANNES-LAURENTIUS BERTI S. P.

HORTANTE , ac jubente , om-
 nemque operam , & munifi-
 centiam præstante Vigilantissi-
 mo , Amantissimoque Familiæ
 nostræ Moderatore , & Supremo Anti-
 stite , FRANCISCO-XAVERIO VAS-
 * 3 QUEZ ,

QUEZ, in lucem emittens hanc Historiæ Ecclesiasticæ Epitomen, aliquas arbitror proferendas esse rationes, ob quas eandem vobis, amplissimi PRÆSULES, atque optimæ spei ADOLESCENTES, neminem alteri præferens, sed omnium simul favorem captans & clientelam, inscribere, & nuncupare deliberavi. Principio cum prælaudatus Augustiniani Ordinis MAGISTER, & RECTOR præstantissimus æque, ac beneficentissimus, in me hominem Italum, humili natum loco, trellis minimique precii scriptorem plurima, eaque singularia, ac pene immortalia contulerit merita, non respiciens quæ litteris addidi ornamenta, vel decora, quippe probe sentio hæc nulla penitus esse, sed quam a pueritia ad senectam usque addiscendi, docendique enutrivisti cupiditatem; necessum est, ut cunctis exhibeam aliquam grati animi mei significationem, atque manifesto monumento profitear me saltem gratias illas

age-

agere , quas referre non valeo , neque in me , quod jure meritoque redarguitur a Seneca , una cum ætate beneficiorum memoriam senescere . Neque Summi Viri benefacta , & virtutum ornamenta , ac specimina commemorabo , quoniam notissima sunt , neque alicujus indigent commendatione : innumera , neque oratione comprehendi possunt : splendidissima , neque obliniri debent laudationum fuco , verborumque pigmentis . Singularis humilitas Illum ad Perpetui Præsidis fastigium evexit : probitatis exemplar supra Speculam collocavit : flagrantissima caritas omnibus reddidit acceptissimum . Quamobrem devincti & obsequentis filii , & clientuli erga Parentem optimum , erga Præsidium decusque meum , iis præsertim , qui eidem Instituto nomen dederunt , hoc reverentiæ & honoris perenne , atque immortale testimonium exhibeo , posterisque commendo , quasi suspenso omnium Gymnasiorum ,

Cœnobiorumque absidibus, aris, museisque anathemate. Deinde vero, quod semper in votis habui, singulos mecum ejusdem Instituti, ejusdemque doctrinæ professione conjunctos, quasi manuum mearum dilatatione, ubique gentium constitutos alloquor, & complector; neque Italiæ duntaxat incolas, quibuscum aliquandiu versatus fui, verum etiam longinquos, & quavis locorum intercapedine diffitos, celebresque aut peracti gloria regiminis, aut commisso tradendarum disciplinarum munere, aut promovendi literarum incrementa sollicitudine, & cura, honoris causa, convenio, ratus ab honesto viro cum adstantes, tum absentes sodales pariter esse colendos. Cum autem nihil habeam, quod ex angusta Pifarum provincia ad Vos dono mittam; exiguum hoc, tenuissimumque munusculum gratanter, ac lubenter excipere ne dedignemini, præsertim dum a vobis nullam aliam, præter comitatem, atque humanam

ma-

manitatem vestram, expostulat remunerationem: quamquam *communione*, & *beneficentiae*, monente Apostolo, nefas est oblivisci, & indecorum est spernere Filii Sirach saluberrimum rectissimumque consilium, quod comprehenditur versu capitis quarti postremo. Præterea, si aliquam ex hoc Opusculo existimatis percipi posse utilitatem, illud perlegite; nam hæc fuit altera scribendi ratio, probis, studiosisque prodesse. Ceterum si rude, impolitum, prolixum, non elaboratum industria, non brevitate jucundum, non rerum gestarum enarratione perfectum, non denique historiarum copia, & delectu exornatum esse videatur; procul Opusculum ipsum abjicite. Etsi enim unicuique a natura inditum est, ut partus ingenii sui, informes quoque & abortivos, haud mediocriter diligat; ego tamen nunquam quos edidi tanta profecutus sum dilectione, ut vellem alicui afferre incommodum, vel detrimentum.

x
tum. Quare in hujus parvitatē munu-
sculi attendite animi mei sinceritatem,
atque meæ erga vos benevolentiaē ma-
gnitudinem. Valete.



PRÆ-

PRÆFATIO.

PAUCIS hujus Operis conscribendi consilium, methodum, atque utilitatem exponam. Quum primum tradendæ Historiæ suscepî demandatam mihi provinciam, animadverti pene innumeros esse Scriptores, qui res a Majoribus gestas litteris consignarunt: quorum si duntaxat nomina vellem recensere, excederet istorum index hæc duo Breviarii volumina. Illi quoque, qui ad unam tantum Historiæ partem exornandam animum applicuerunt, & librorum amplitudine, & rerum copia, & prolixitate verborum, legendi, discendique cupidos prorsus exanimant. Nemo unus, quamvis lynceis sit oculis, insomnis, assiduus, & diurna, ac nocturna manu auctores verset, & pervolutet, universos unquam perlegavit. Tyronibus itaque, præsertim Theologica doctrina imbuendis, & ad sacras habendas conciones formandis, multiplicia illa, & prægrandia volumina inutiliter proponuntur. At, inquis, complura sunt, eaque exquisitissima, Ecclesiasticæ Historiæ Compendia, quæ, neglectis interim locupletioribus Voluminibus, præsidio esse possunt adolescentibus. Id quidem si inficias ibo, irridebunt me singuli. Verum hæc difficultatem non imminuunt, sed augment. Petenti enim quodnam ex his Compendiis præferendum existimemus, quid respondendum sit, omnino me latet. Si Chronicorum laudavero libros, Tabulasque Chronologicas; nescio quid ex iis eruere possit discipulus, nisi forte rationem temporum, nu-
daque

daque sive Caesarum, sive Pontificum, sive celebratissimorum Virorum nomina, rerumque humanarum vicissitudines, aliaque id genus, quæ aut noscat, aut ignoret, parum sua interesse crediderim. In ipsa ulterius temporum supputatione Chronographi adeo discrepant, ut si unius sectemur calculos, alterius computo reprehendamus. Quamobrem lectione unius parum, aut nihil proficimus, collatione autem plurimorum confundimur. His autem neglectis, si forte avida celerique manu arripiamus Historiarum Synopses, nescio quid harum adminiculo percepturi simus utilitatis. Etenim aliqua eo elucubrata sunt sine, ne memoria excidat quidquid vehementi & diuturno comparatum est studio. Iis itaque, qui Historicos nec a limine salutarunt, neque ab iis aliquas acceperunt servandas custodiendasque divitias, nullo erunt istiusmodi Epitomes adjumento. Quædam aliæ comprehendunt vel acutissimas animadversiones in præteritorum temporum monumenta, vel præceptiones, & consuetudines ad mores instituendos, regendamque rempublicam opportuna: sementis tamen ac messis, putationis & vindemiæ distinguenda sunt tempora; atque meliora seligere, aliena carpere, emendare anachronismos, exercitati viri opus est, subacti ingenii, improbiq; laboris. Permultæ denique auctores habent heterodoxos, qui nempe nituntur Romanæ Ecclesiæ deprimere dignitatem, Majorum evertere traditiones, & propagare nefaria dogmata; atque istorum scripta doctiores resellere naviterque oppugnare, adolentes vitare sedulo debent, & procul abjicere. Subiit itaque animum meum cogitatio ejusmodi Epitomen condere, in qua nec sola annorum series, nudaque virorum nomina occurrerent, neque legentibus necessaria foret prævia institutio, neque fastidium pareret rerum multiplicitas & permixtio, neque assentatio improbos ignarosque palparet, neque de humano genere benemeritos calumnia pro-

scin-

scinderet, neque pernicioſa doctrinæ propinaretur venenum. Id vero utrum aſſecutus fuerim, compertum erit experimento.

Methodum talem tenendam eſſe putavi, in qua neque lucidus ordo deeſſet, neque præteritorum temporum acta inquirentem deſatigaret prolixitas, perturbaret varietas, inopia & jejunitas excrucieret, ſtyli obnubilaret opacitas, orationis ambitus circumageret. De Romanis Pontificibus initio diſſerere conſtitui, quoniam ob dignitatis ſaſtigium, ob religionis principatum, ob fidei deſcriptum, ob auctoritatem magiſterii, ſunt mortalibus omnibus præſerendi. Quinam fuerint Apoſtolica Sedis inſaſores, & ſchiſmatum ſciſſurarumque architecti, ſuo loco adnotatur. Si legitimi Petri ſucceſſores aliquid humani paſſi ſunt, quemadmodum fateri neceſſum erat, ita id temperanter narraui, admonens nunquam illos fidei integritatem vitæ ſacinnore violaffe: quod veræ Eccleſiæ non labefactat, ſed corroborat firmitudinem. Hinc enim comprobatur adverſus eandem Eccleſiam nunquam Portas inferi prævalere, nunquam mergi, quamvis jaſtetur fluctibus, Petri naviculam. Pertractavi proximo loco de Conciliis, quibus explorata eſt Apoſtolorum traditio, confirmata fides, reſtituta diſciplina, atque conſixæ hæreſes, moresque reformati fuere. Tertio hæreticorum deſcripſi deliramenta, propterea quod fruſtra ſacrorum Antiquitum veneratur conſeſſus, quiſquis non execratur Satanae Synagogas. Quarto autem loco ſermonem inſtituo de Scripturibus Eccleſiaſticis; quorum, cum ſingulos recensere longe excederet Breviarii fines, illuſterioribus laudaris, reliquos promiſcue & coacervatim commemoro. Quoniam vero duo ſunt, quibus mundus principaliter regitur, nimirum, auctoritas ſacra Pontificum, & Regalis poteſtas; Caſarum quinto in capite trado notitiam, cui addo plurimorum Sanctorum catalogum, tum quia eo loci de Perſecutionibus, ac de Marty-

Martyribus opportune differitur : tum etiam quia regnantium in calis hereditas erit , ut propositam spem habemus , peregrinationis nostræ terminus , merces laborum , studiorum complementum , atque intellectus satietas . Ea , quæ sexto attinguntur capite , spectant ad Catholicæ Ecclesiæ dogmata , & disciplinam : dogmata vero ea sunt , quæ firmissima fide tenemus , accepimus perpetua traditione a Majoribus ; & sacrarum Scripturarum oraculis , Apostolicæ Cathedræ definitionibus , Synodis Oecumenicis , sanctorumque Patrum documentis credenda cunctis Christifidelibus proponuntur ; neque seculorum decursu , aut diversitate locorum , alicui , vel minimæ , obnoxia sunt mutationi . Disciplina autem vel ritus & ceremonias , vel rigidioris , seu benignioris consuetudinis leges perscribens , pro temporum , locorumque varietate mutatur ; & recte , atque inculcate se gerit , qui illius , in qua commoratur , Ecclesiæ obtemperat institutionibus . Quibus addidimus Religiosas quoque Familias , harumque primordia , necnon quædam alia , quæ dici possunt prædictorum supplementum , & aliquod post collectionem segetis spicilegium . Atque hisce limitibus utraque Pars circumscribitur : nam quæ sequuntur in Appendice ex profanis historiis collecta , externa additamenta sunt , & mantissæ . Hanc itaque servavi methodum , qua unius ab aliis seculis segregatur historia , & quæ spectant ad unam ejusdem historiæ partem , secernuntur a ceteris : In his vero dedi operam , ne veritatem infringere aut assentandi libidine , aut rursus odio & livore , vitans , ut in primo Annalium admonuit Tacitus , sædum crimen servitutis , quod inhaeret adulationi , & falsam speciem libertatis , ne inest malignitati .

Utilitatem denique hujus Operis haud minimam futuram fore confido . Etenim eorum , quæ sunt dispersa , collectio , & eorum , quæ permista sunt ,

sunt ; segregatio ; magno tyronibus esse potest com-
modo , atque adjumento . Si ad studium Ecclesia-
stica Historiæ tantummodo exstimularet , & viam
sterneret ; neque istud parvum mihi videretur emo-
lumentum . De Historiæ laudibus dictum est alibi :
nec rursus in silvam ferenda sunt ligna . Sat erit
pervulgatam Tullii descriptionem , & poeticum , no-
tissimumque Historiæ præconium repetere . Cicero
enim in dialogis de Oratore ad Quintum fratrem ,
Historia , inquit , testis temporum , lux verita-
tis , vita memoriæ , magistra vitæ , lux vetu-
statis . Præconium vero illud versibus hisce com-
prehenditur :

Illa ego , quæ gestis præsum custodia rebus ,
Digero quod caveas , quodque sequaris
iter :

Priscaque ne veteris vaneſcat gloria ſæcli ,
Vivida deſenſant quæ monumenta da-
mus .

Et ſua virtuti per me ſunt præmia , rursùm
Impia famoſis deſero facta notis .

Eloquor & ſummi quantum jaçtentur , & imi :
Eloquor & cæcæ faſque neſaque
deæ .

Quod majus theatrum , circuſque capacior ;
aut quæ

Doctior humanas ſcena referre vices ?

Me ſine quis prudens ? Unde experientia ma-
jor ?

Qui me adiit , tandem non mage do-
ctus eat ?

Omnis enim noſtro pendet prudentia ſenſu ,

Riteque nil , noſtra qui caret arte ;
ſapit .

Praefari non opus eſt plura ; ſiquidem , ut Lu-
cianus agebat , Proæmium Historicorum non quæ-
rit benevolentiam , quam præcipue captat Orator .
NOI

NOI RIFORMATORI

Dello Studio di Padova.

A Vendo veduto per la Fede di Revisione , ed Approvazione del P. F. Gio. Paolo Zapparella Inquisitor Generale del Santo Ufficio di Venezia nel Libro intitolato *Ecclesiastica Historia Breviarium* &c. non v' esser cosa alcuna contro la Santa Fede Cattolica , e parimente per Attestato del Segretario Nostro , niente contro Principi , e buoni costumi concediamo Licenza a Giambattista Remondini Stampator di Venezia che possi essere stampato , osservando gli ordini in materia di Stampe , e presentando le solite Copie alle Pubbliche Librerie di Venezia , & di Padova .

Dat. li 23. Agosto 1760.

(Angelo Contarini Proc. Ref.

(Bernardo Nani Ref.

(Francesco Morosini 2. Cav. Proc. Ref.:

Registrato in Libro a carte 63. al Num. 66.


Giacomo Zuccato Segretario .

Adi 4. Settembre 1760.

Registrato nel Magistrato Eccellentissimo degli Esecutori contro la Bestemmia

Gio: Pietro Dolfin Segretario .

CHRO-



CHRONOLOGIÆ RUDIMENTA.

C A P U T I.

DE TEMPORE, HUIUSQUE PARTIBUS.



QUAM nos rationem temporum dicimus, appellitant alii Græco vocabulo *Chronologiam*, a χρόνος, *tempus*, & λόγος, *ratio*. Hinc pariter nomen trahunt *Chronicon*, in quo series temporum adinvenitur digesta, & *Chronologus*, aut *Chronographus*, Scriptor Annalium. Ethnici quoque Saturnum, quo nomine *tempus* colebant, Κρόνον dixere, atque ab ipso devorari liberos autumabant, quoniam omnia tempus absorbit. Est itaque *Chronologia*, aut *Chronographia*, temporum ratio, vel descriptio.

TEMPUS quidam a χρόνος, *tunc*, quidam a τίμω, *fecer*, quidam a *tepor* dictum volunt, quasi a veris temperie. Facilius autem est tempus mente percipere, quam describere verbis. Philosophi ajunt tempus esse mensuram motus, vel durationem rerum corporearum, nec sine principio, nec sine fine existentium. Iis enim, quæ divina sunt, non tempus competit, sed æternitas. Fortasse veteres Saturno Rheam, id est, terram dederunt uxorem,

Tom. I.

A

rem,

rem, quoniam temporalia quælibet e terra gignuntur.

EX PRIMO *Geneseos* percipimus initio temporis, quando Deus condidit cælum, & terram, fuisse materiam quamdam formæ expertem, quam latinus interpret vocat *terram inanem*, & *vacuam*, & Codex Hebraicus *Tohu & Bohu*; tum producta luce, diem a nocte fuisse secretam. Hinc nati apud Eusebium in 1. de Præparatione Evangelica Phœnicum Dii *Tboth*, & *Bau*, & quod primum in Theogonia statuit Hesiodus, *Chaos*, hujusque filii Erebus & Nox, a quibus procreati finguntur Æther, & Dies. Sunt itaque partes temporis præcipuæ tenebræ & lumen, nox & dies. Et nox quidem præcessit diei; nam ut Apostolus ait 2. ad Corinth. 4. 6. *Deus e tenebris fecit lumen splendescere*. Hac de re Judæi a vespera ad vesperam juxta præscripta legis agunt dies Festos. Eo processit Gentilium insania, ut has quoque temporis partes inter Numina referrent. Nocti verò mactabant gallum, *Quod tepidum vigili provocet ore diem*, inquit in 1. Fastorum Ovidius. Dies item ac æther lucidus est Jupiter ille *Diespiter*, & *Lucetius*, de quo Agellius lib. 4. Noct. Attic. cap. 12. Orti illinc *Lucifer*, & *Hesperus*, quibus equos desultorios consecrabant.

SEQUITUR pars minor diei *Hora*, ab *Hor*, *lux*, appellata, unde Sol etiam, & Apollo *Horas* vocatur; sive ab *ὅρις*, idest, *terminare*, ac definire, quod horæ partes dierum finiant, ac dividant. Fuerunt olim horæ idem, ac quatuor anni partes, ver, æstas, autumnus, & hiems. Hujus partitionis causa dicuntur horæ apud Nasonem citato lib. 1. Fastorum, una cum Jano, idest, Sole servare, & custodire cardines cæli, atque apud Horatium lib. 1. Ode 12. mundum temperare. Propter quatuor illas horas, vel anni tempora Gentes consecrasse Soli quadrigas, scribit Isidorus lib. 18. Originum cap. 36. Horas deinde Ægyptii in duodecim diei partes dissecuerunt, eo quod animal Serapi dicatum duodecies in die mingeret æqualibus intervallis. Duplicatus tandem est numerus, & ex duodenis horæ factæ vigintiquatuor. Videtis lib. 1. Saturnalium cap. 21. Macrobius.

DUODECIM horas diei, ac totidem noctis numerabant tempore adventus Dominici Romani pariter, & Judæi. Idcirco Dominus universas diei partes significans in-

inquit Joannis 11. 9. *Notne duodecim sunt horæ diei?* In quatuor enim quadrantes diem partiebantur, quorum habebat quilibet horas ternas: ac prima incipiebat cum ortu Solis, sexta in meridie, duodecima vero absoluebatur cum Sol occideret. Præcipue tamen cujuscunque quadrantis priorem horam, primam nempe, tertiam, sextam, & nonam Judæi orationis causa observabant. Tertia enim, sexta, & nona, sacrificia precesque fieri solebant, quod præter Hebræos docent nos Cyprianus de Oratione Dominica, & Hieronymus ad caput 7. Danielis, & in epistolis ad Lætam, & ad Demetriadem. In cap. 10. Numerorum præcipitur, ut festis diebus horæ ipsæ tubarum sonitu significentur. Eapropter illas vocat Tertullianus in libro de Jejunis *insigniores in rebus humanis, quæ diem distribuunt, quæ negocia distinguunt, quæ publice resonant.*

Cum tres illæ horæ essent ceteris notiores, illarum designatione indicabatur medium illud tempus, quod inter unam, & alteram orationis horam intercedebat. Ita hora tertia usque ad meridiem, nona usque ad Solis occasum computabatur. Ex his colligimus horam Sextam, qua crucifixus est Dominus, fuisse meridiem, impletumque vaticinium Amos 8. 9. *Et erit in die illa, dicit Dominus Deus: Occidet Sol in meridie, & tenebrescere faciam terram in die luminis.* Apparet etiam nullam esse antilogiam inter Marcum Evangelistam asserentem cap. 15. 25. Christum affixum Crucii *hora tertia*, & Joannem scribentem cap. 19. 14. patratum hoc scelus *hora quasi sexta*. Etenim id contigit medio tempore inter tertiam, & sextam horam nondum exacto. (1)

Ut diem, ita noctem in quatuor partes primum Romani, deinde Judæi diviserunt, quas appellarunt *Vigilias* a militum nocturnis excubiis. Quatuor illæ vigilie tribus horis singulæ constabant, ac erant tempore hiemali longiores, & breviores æstivo. Erant autem

A 2

erant

(1) Utique nonnulli Patrum, inter quos S. P. Augustinus, tradunt Christum Dominum *hora tertia* crucifixum fuisse in Prætorio lingua Judæorum, & *hora sexta* licetorum manu; sed hæc moralis explicatio litteralem, quam hic innuimus, minime excludit.

erant olim apud Hebræos tres vigilie, teste David Kimchi; a temporibus tamen Pompeji, qui Ierosolymam expugnavit anno P. Jul. 4651. ante Vulg. Aram 63. iidem Judæi cum Romanorum moribus congruentes, statuerunt quaternas. De priori Vigilia, seu Vigiliarum initio vide Hieremiam Thren. 2. 19. Secundam, ac tertiam commemorat Lucas 12. 38. quartam Matthæus 14. 25. & Marcus 6. 48.

QUARTA hæc vigilia Matutina appellatur Exodi 14. 24. & secundum gallicinium apud Synesium, & Aristophanem. Gallus enim in medinoctio, & sub adventum lucis edit cantum. In eadem vigilia conspici solem in vertice montis Cassii in Arabia Petra scribit Plinius lib. 5. cap. 22. Non ergo differt ab hac vigilia Aurora, quam gentes *Matutam*, & *Αυροδία*, hoc est, Albam Deam nuncuparunt: de qua Strabo lib. 11. Geographiæ, Hyginus fabul. 2. & Cicero in 1. Tusculan. Ex his inferitur, in aurora demersum Pharaonis exercitum, Petrum ejusque naviculam jactatam fluctibus evalisse naufragium, eundem Petrum tertio negasse Magistrum, & hunc opus redemptionis inchoasse, quemadmodum Pontifex Hebræorum sacerdotale munus auspicabatur. Nam hæc omnia in quarta vigilia, & in secundis galliciniis evenisse commonstrant loca paulo supra producta.

A VIGILIIS, quas memoravimus, nomen traxerunt nocturnæ preces, quibus veteres Christiani vacabant. De his plura in libello precum Marcellini & Faustini, in libro 3. Institutionum Cassiani, in libris pertractantibus de Ritibus Eccl. Isidori, Honorii, aliorumque, & in Cardinalis Bonæ Divina Psalmodia. Iis autem vigiliis abrogatis, exceptis quæ aguntur in Natali Domini, Vigilias consuevimus appellare dies profestos, & interdum officia, maxime Defunctorum, quæ nocturnis olim vigiliis persolvebantur.

C A P U T II.

DE ETYMOLOGIA, DISTINCTIONE, INITIO, ET
VARIETATE DIERUM.

PARTICULIS temporis explanatis, agam de die, non quatenus significat lucem a tenebris segregatam, sed prout est spatium vigintiquatuor horarum, & *vespere*, & *mane*, ut divinæ Scripturæ utar phrasi, componitur. Appellatur dies *ἡμέρα τοῦ Διός*, nempe à Jove, seu luce, nobiliori diei parte; sive, ut Varro inquit, à Deo, qui lucis, & diei est auctor, & rector. Græci *ἡμέραν* dicunt, quoniam dum lumen emicat, homines gratulantur; ideoque veteres scripserunt *ἡμέραν*, nempe *desiderabilem*. Integræ proinde diem, quæ tenebras lucemque complectitur, vocant *νοξὶ καὶ ἡμέραν*.

Ex quo autem *νοξὶ καὶ ἡμέραν* sit noctis, lucisque complexio, sequitur optime diem appellari illam temporis partem, in qua vespere & mane, tenebræ & lux distinguuntur. Quare duæ noctes, & dies unus, cum parte lucis, seu diei præcedentis, & insequentis, tres dies dici possunt. Ita quod legitur Mat. 12. 40. Jonam fuisse in ventre ceti *τρεῖς ἡμέρας, καὶ τρεῖς νύκτας*, & Mat. 27. 63. ac Marci 8. 31. Christum a mortuis resurrexisse *μετὰ τρεῖς ἡμέρας*, post tres dies, accipiendum est, ac si diceretur, *μετὰ τρία νοξὶ καὶ ἡμέρας*, post tria dienoctia.

IN NATURALEM, & artificialem Astronomi diem dispartiunt: & dies naturalis est ille, quo sol ab ortu ad occasum procedens, ad idem, unde profectus erat, punctum revertitur; artificialis vero dies est, in quo sol supra Finitorem, vel Horizontem versatur, & cui ex adverso nox respondet. Nunc de die naturali agimus; quem tamen plerique cum artificiali confundunt, dum de naturali die locutum putant Basilium scribentem in Hexameron diem esse aerem, quem sol illuminat, & Aristotelem asserentem nihil aliud esse diem, quam solis excursus ab oriente in occasum. At missa illa Astronomorum partitione, diem nos alium civilem vocamus, legalem alterum, tertium Ecclesiasticum. Ac primum dicimus illum, qui in consuetudine & usu receptus est modo, & incipit ab ortu solis: legalem, qui protrahitur

a vespera ad vesperam : Ecclesiasticum , qui a media nocte ad mediam noctem producitur . Hoc enim postremo utimur in jejuniis , festisque servandis . Ea partitione liquet Joannem , qui cap. 13. 1. ait Dominum instituisse postremam cœnam *ante diem festum Pasche* , non discrepare a ceteris Evangelistis , qui ajunt Pascha a discipulis præparatum *primo die azymorum* . Ubi enim alii Evangelistæ commemorant diem legalem juxta mandatum Exodi 12. 6. Joannes *diem* communi , & usitata significatione usurpavit .

QUATUOR sunt cardines , a quibus dierum ducuntur initia . Ab oriente enim sole diem auspicabantur Babyloii : a meridie veteres Umbri ; a solis occasu Athenienses , & Judæi , atque a medinoctio Romani . Id literis tradunt Plinius lib. 2. cap. 77. & Censorinus de die Natali . Vide & Legem Paulli , *More Romano* , ff. de Feriis . Non tamen perpetua fuit prædictarum Gentium consuetudo . Enimvero Judæi , posteaquam venerunt in ditionem Romanorum , retento in diebus festis vetusto more , in aliis victores imitari cœperunt ; atque ætate Anastasii Sinaitæ , qui floruit circa annum 560. Ægyptii ab initio noctis , & Athenienses ab ortu solis dies inchoabant . Quod Anastasius ipse testatur lib. 1. Anag. Contemplat. in Hexameron . Nec reprehendendus est Isidorus idem asserens in lib. de Mundo cap. 1. Morem itaque nostrum auspicandi diem ab oriente sole comprobant vetustior consuetudo , plurium consensus , necnon Ulpiani leges ff. de usucap. .

DIERUM varia sunt apud profanæ , & apud sacræ Historiæ Scriptores , vocabula . Romanis ex Numæ instituto alii dies erant *Festi* , alii *Profesti* , alii *Intercisi* . *Festi* , dicebantur , qui dicati erant diis : *Profesti* , quibus publicæ , aut privatæ res administrabantur , hominesque procul erant a numinum religione : *Intercisi* autem illi , quibus fas erat nonnullis horis , & nonnullis aliis nefas erat jus dicere , quasi forent diis , hominibusque communes : Ac festi dies in sacrificia , epulas , ludos , feriasque dividebantur ; siquidem aut sacrificiorum oblatione , aut divinis epulis , aut ferias agendo sacra celebritas agebatur . *Profesti* quidam dicebantur *Fasti* , quibus prætori sari licebat , & ea verba proferre , *Do* , *Dico* , *Addico* : alii *Comitiales* , a comitio dicti , eo quod populus simul con-

veni-

veniret: *Comperendini* alii, quibus in perendinum, sive in diem alium differebantur judicia: *Stati* dies alii, qui cum peregrino iudicii causa constituebantur, ac demum alii *Præliares*, quibus fas erat res repetere, & hostes lacerare. De his plura qui de Antiquitatibus Romanis pertractant.

SUNT & apud JCC. dierum nomina alia permulta. *Atri* enim dicuntur dies, quibus educere legiones, & acies cum hostibus committere religio non sinit. *Religiosi*, ac tristi omine infames, & funesti, in quibus nec rem divinam facere, nec novi aliquid exordiri homines superstitiosi audebant. *Sigillarii*, in quibus deorum sigilla fictilia, & imagunculae emebantur a pueris, & pro munere invicem missitari solebant. *Diffisi*, qui, re in alteram diem rejecta, quasi diffindebantur. Complures demum alii, ut dies actionis, condictus, solutionis, cretionis, sessionum, de quibus Lexica Juridica, & quotquot differunt de significatione verborum.

INVENIES præterea apud sacrarum rerum Scriptores multa dierum nomina a præcedentibus diversa. Dies enim *Sancti* vocantur dies Quadragesimæ. Dies *Votorum* ii, quibus contrahuntur sponsalia, & fiunt nuptiæ. Dies *Magnus*, festum Dominicæ Resurrectionis. Dies *Consecrati*, solemnitas Dominicæ Nativitatis cum tribus diebus sequentibus. Dies *Ægyptii*, quos ut nocivos quidam non absque superstitione solent adnotare. Dies *Neophytorum* illi octo, quibus recens baptizati albis vestibus induuntur: dies *Censorius*, vel dies *Humanus*, in quo ante supremi Iudicis tribunal adstabunt homines universi.

C A P U T III.

DE FERIIS FESTISQUE DIEBUS.

FERIARUM nomine non semper idem significatur. Apud Latinos enim *feriæ* dicuntur dies, quibus a forensibus negociis, & ab operibus minime necessariis vacatur. In hac significatione feriæ vocantur tum publicæ celebritates, tum dies quibus Magistratus ob vacationem aliquam jus non dicunt, nec non nundinæ paganorum, idest, rusticorum gratia institutæ, & quotquot vacationes ab opere a prætore, vel sacrorum

antistite indicuntur. Adde *privatas ferias*, dies nempe, in quibus memoria agitur in peculiari urbe, aut familia vel expiationum, vel natalium, vel funerum. Atque hujusmodi dies *feriati* a feriendis victimis, sive a *ferendis* epulis appellantur, nisi mavis cum Vossio *feriarum* nomen repetere a *Festis*, s. in r. commutato.

IN HAC significatione dies in Dei honorem, Sanctorumque cultum dicati vocantur *Feriae*, ut constat ex cap. *Pronunciandum*, de Consecrat. dist. 3. ex Novella 54. Leonis, & ex Cod. lib. 3. tit. 12. Hinc *feriari* in Ecclesiasticis sanctionibus idem sonat ac festum colere, & *Feriales* commemorati in epistolis Chromatii, & Heliodori ad Hieronymum sunt libri, aut catalogi festa Martyrum describentes. Vocantur item *feriae* septem dies qui præcedunt, & septem qui sequuntur festa Dominicæ Resurrectionis, atque Nativitatis, in quibus nemo in forum compelli poterat, non tantum canone 6. Concilii VII. Toletani, verum etiam Imperialibus Constitutionibus, ut liquet ex præcitato tit. 12. lege 2. 7. & ultima. Adde ex Ivone lib. 4. cap. 15. dies tres Rogationum. Memorant etiam leges, & Canones *Ferias Messivas*: ex lege quippe Ulpiani, *Ne quis Messium*, ff. de Feriis 1. messis, & vindemiæ temporibus adversarius non potest cogi ad iudicium. Ferias quoque *Jovis*, & *Mercurii*, quas interdum legimus interdictas Christianis, non aliud significare intelligimus, quam festa Paganicæ superstitionis.

HACTENUS explicavimus quid sit *feria*, in qua a negotiis, litibusque cessamus. Verum mos obtrinuit, ut *feria* dicantur singuli dies hebdomadæ, die solis excepto. In Vitis Romanorum Pontificum asseritur id constitutum fuisse a Sylvestro, ut clerici scirent se, abjecta ceterarum rerum cura, uni Deo vacare oportere. Quidam censent, ex quo Constantinus Magnus sancivit, ut hebdomada Paschatis esset feriata, inde factum, ut ab ipsa hebdomada, quæ prima erat anni Ecclesiastici, dies etiam reliquarum hebdomadarum vocarentur *Feriae*.

QUINAM sint dies Festi, constat ex dictis. A Græco *ἑστία* quod est, *festum diem agere*, repetunt cum Gerardo Joanne Vossio etymologiam hujus nominis *Festum* doctiores Grammatici: *ἑστία* vero arcessunt Græci *ἑστία*, *ἑστία*, *ἑστία*, seu *lare*: unde & *Vesta* ignis præses, virgi-

virginesque Vestales: Festa enim agentes, apud larem suum, idest, domi amicos convivio excipiunt. Communis est persuasio, Festum esse diem; in quo jurgia, & laboriosa opera cessant: quod testatur etiam Tibullus libro 2. Elegia 1. eo versu,

Luce sacra requiescat humus, requiescat arator, & novem sequentibus.

PLURA in Festis Gentiles peragebant, a quibus non abhorrent Christiani, eadem specialis venerationis cultusque ratione exercentes. Hæc recenset, notisque e Libanio Sophista, Plutarcho, Arnobio, Lipsio, aliisque sollerter collectis explanat erudita dissertatione Jo. Fronto Parisiensis Academix Cancellarius. Hujusmodi sunt referre templa, & simulacra detegere: indicere in profectis quietem, & operum cessationem; summo mane ad solemnitatem accedere; cum fervis, & captivis, puerisque in pædagogio mitius agere: decorare terram floribus, advenas rogare apud se convivari, aurum effundere in pauperes, splendidis incedere vestibibus, hymnos post epulas decantare, cessare jurgia, & reconciliari civem civi, hospitem hospiti, mulierem mulieri.

EX GENTILIUM quoque moribus derivasse videtur, ut Christiani natales, & emortuales dies tanquam Festos haberent. Natalem quippe mundi celebrarunt Ægyptii XIII. Kal. Augusti; Romani Urbis suæ XI. Kal. Majas, quem diem a Pale pastorum, & pabulorum Dea, Palilia dixerunt. Adde Natalia Deorum, ut Apollinis die 7. Aprilis, Mercurii 17. Maji, & iis similia apud Dempsterum lib. IV. Antiq. Roman. Occurrunt ibidem, & Regum, & Cæsarum natalitiæ festivitates, Romuli die 20. Septembris. Octaviani Augusti die 23. ejusdem mensis, Germanici diei 31. Sextilis. Meminere istiusmodi Festorum sacri etiam libri, ut Natalis Pharaonis Gen. 40. 20. Natalis Antiochi 2. Machab. 6. 7. Natalis Herodis Antipæ Marc. 6. 21. Connumerabantur inter Natalia festa dedicationes templorum, inaugurationes regum, dieque, in quibus ab imminente periculo civitates & oppida evasisent. Præter natales dies, emortuales & anniversarios recolebant, & mortuorum memoriam celebrabant funebribus orationibus recitatis olim a consanguineis, erectis cippis, ac statuis, inscriptisque monumentis, hymnis,

hymnis, & carminibus, atque depictis historiis, ætisque in commentaria relatis.

ÆQUUM erat, ut sublatis erroribus, consimilia Festa institueret Ecclesia, ne videretur minoris æstimare virtutem, quam Ethnici vitia. Quamobrem natalem diem eorum, quos noverat Sanctos materno ex utero prodiisse, ab Apostolicis Sæculis celebravit, videlicet, Reparatoris nostri, & Præcursoris Joannis, addiditque postea Nativitatem Beatæ Mariæ castissimæ ejusdem Reparatoris nostri Parentis. Acta quoque Martyrum a Notariis perquiri, & litteris mandari curavit, templa arasque supra illorum exuvias extruxit, imagines ad viventium exemplum atque præsidium exposuit, hymnos & psalmodiam instituit, & quoniam soluti e corpore rapiuntur in viam meliorem ac sempiternam, diem obitus consuevit appellare *Natalem*. Ad hæc diem, qua Apostolorum Princeps, cum Antiochiæ, tum Romæ sedere cœpit, ac diem pariter consecrationis Pontificis, vel Episcopi, potiori jure, quam inaugurationis Cæsarium, & Augustorum, coli annua celebritate mandavit. Templorum item dedicationis diem inter festa referre voluit, retento veteri Nomine Encæniorum, quod extat 1. Mach. 4. 59. & Joannis 10. 22. & significat *innovationem* ἀποῖν καὶ ἀναστῆναι, proptereaquod Esdras mense Adar, Salomon mense Tisri, & Judas Machabæus mense Casleu, purgato, innovatoque templo Jerosolymitano, indixerant Encæniorum solemnia.

NEC studuit solummodo Ecclesia in hujusmodi Festis quidquid superstitiosum est abolere; sed ulterius ritus quosdam Gentilium, qui vix eradicari poterant, consimili, sed religiosa ceremonia correxit. Etenim in festo Purificationis Deiparæ, quod Festum Græci ὑπαπαντήν, idest, *occursum* appellant, quoniam tunc Simeon obviam Christo processit, instituta fuit a Gelasio, aut a Sergio R. P. benedictio Candelarum adversus lustrationes *amburbales*, quibus Ethnici accensis facibus ut justa perolverent diis Manibus urbem expiabant seu februebant; sive, ut aliis placet, ad eliminanda Lupercalia, quæ *februa sacra* vocitabantur, & a quibus secundus mensis dicitur Februarius. Kalendis quoque Augusti, qua die consecrata fuit ædes Martis, & celebrabatur Claudii Imperatoris Nativitas, dedicatus est Titulus Æquitii, & S. Petri

Vin-

Vincula majori veneratione honorari cœperunt, ut in desuetudinem abirent memorata Claudii, & Martis Solemnia. Sunt denique multi, qui Natalem Domini alligatum putant VIII. Kal. Ianuarias, quoniam ipso die colebant Ethnici Solis nativitatem; quibus tamen in aliam diem ortum Solis iustitiæ, & Salvatoris mundi relegantibus, nequaquam possumus assentiri.

SINGULOS dies enumerare supervacaneum est; quisquis enim in Calendaria Romanæ Ecclesiæ conjiciat oculos, percipiet illorum numerum. In antiquioribus vero Calendariis desideratur festum Trinitatis, quarto-decimo sæculo institutum a Joanne XXII. Ideo namque præcedentibus sæculis non colebatur Ss. Trinitatis festivitas, quoniam repetito Trisagio, aliisque precibus quotidie eam adoramus. Afferendum est idem de festo Sacratissimi Corporis Christi, quod etsi diebus singulis immolamus, ejusque institutio recolitur feria V. Majoris hebdomadæ, solemniori tamen ritu celebratur ab universa Ecclesia ab anno 1264. ex Urbani IV. Constitutione. Inter B. M. V. festivitates recentiores sunt Præsentationis, quæ in Occidentali Ecclesia cœpit anno 1372. & Conceptionis, quam post Sixti IV. & Pii V. decreta, religiose ac solemniter celebrari mandavit anno 1708. Clemens XI. Incœpit solemnitas omnium Sanctorum sedente Bonifacio IV. ad summum Pontificatum evecto. an. 608. Is enim Pantheon, quod M. Agrippa in honorem omnium Deorum ædificaverat, consecravit in cultum B. Virginis, omniumque Martyrum. Festorum deinde numerum pietas fidelium, sacrorumque Antistitum religio adeo multiplicavit, ut desit modo tempus singula recensendi.

INTER dies Festos quidam peculiari, nunc antiquato, vocabulo distinguuntur. Legimus enim alicubi *Festum Architrictini*, quo nomine appellabatur Dominica secunda post Epiphaniam: *Festum Stelle*, sanctorumque luminum, videlicet ipsam Epiphaniæ celebritatem: *Festum epularum*, idest, Cathedræ S. Petri Antiochenæ, in qua Ethnici convivia agebant ad sepulcra parentum. *Festum divisionis Apostolorum*, die 15. Julii, quo fertur in diversas mundi provincias illos abiisse.

CAPUT IV.

DE HEBDOMADA, SABBATO, ET
DIE DOMINICA.

HEBDOMADA'S ab ἑβδομα: *septimus*, est septem dierum spatium, unde & *septimana* appellatur non vulgari tantum consuetudine, sed etiam in Cod. Theodos. l. 5. de *spectac.* Hebræi item spatium illud dierum vocant *Sciabuh* a radice *Sciabah*, *septem*. Hinc aliquando dies septimus hebdomada dicitur, ut in libris Josephi animadvertit illustris Vossius, & vicissim nomen *Sabbati*, quod significat diem septimam, interum usurpatur ad significandam hebdomadam. Ita Marci 16. 2. habetur sanctas mulieres ad Christi monumentum venisse *valde mane una sabbatorum*; & Phariseus Lucæ 28. 12. agebat, *Jejuno bis in Sabbato*: ac prima hebdomadæ dies vocatur *prima Sabbati* Matthæi 23. 1. & Marc. 16. 9. In quibus, aliisque locis certum est, nomen *Sabbati* pro tota septimana usurpari.

Non solum hebdomadas dierum, verum etiam hebdomadas annorum legimus in sacris Bibliis, & in Hebræorum Commentariis. *Numerabitis* (ita Levit. 15.) *quoque tibi septem hebdomadas annorum, idest, septies septem, quæ simul faciunt annos 49. sanctificabisque annum quinquagesimum*. Singularum autem harum hebdomadarum annus septimus est annus ille Sabbaticus, de quo lex Moïsis eodem capite Levitici v. 4. *Septimo autem anno Sabbatum erit terræ, requietionis domini, agrum non seres, & vineam non putabis*.

INTER hebdomadas annorum celeberrimæ sunt illæ septuaginta, quibus Daniel Propheta cap. 9. 24. tempus futuræ redemptionis definierat. Quarum, sententia eorum qui Dominum cruci suffixum arbitantur anno Vul. Aera 29. talis esse debet partitio, ut harum hebdomadarum initium statuatur in anno 457. ante Aeram Christianam; hebdomada septuagesima, quam Propheta dixit, decisam esse & abbreviatam, inchoata sit anno ejusdem Aera 26., & in dimidio hebdomadæ, scilicet post alios tres annos, Christus occisus fuerit, prædicto nimirum anno 29. Enimvero si annis 457. addamus annos 29. resultat sum-

summa annorum 486. atque annus quadringentesimus octuagesimus sextus est dimidium hebdomadis septuagesimæ . Nam septuaginta hebdomadæ annorum sunt anni 490.

AB ANNORUM hebdomadæ ad hebdomadam dierum revocemur oportet . Insignitur hæc enim in Epistolis Romanorum Pontificum , & in libris ritualibus , necnon apud Historicos , nominibus quibusdam peculiaribus . Atque hebdomada præcedens Dominicam Resurrectionis a Græcis Latinisque vocatur ἑβδομας μεγάλη, *hebdomada major*, ob maxima Ecclesiarum officia : *indulgentis* item ob pœnitentium absolutionem . Vocatur quoque *hebdomada pœnalis & laboriosa* propter Domini passionem . Rursus *hebdomada authentica* in monumentis Ambrosianæ Basilicæ . Tertia post Pascha dicitur *hebdomada expectationis*, quod per id temporis Spiritus Sancti expectetur adventus . Quarta hebdomada Quadragesimæ , cujus Sabbato sacræ habentur ordinationes , in Gelasii primi , Innocentii III. aliorumque Pontificum litteris *Hebdomada Mediana* vocatur . Hebdomadæ autem reliquæ , ut *Paschalis*, in *Albis* , *Pentecostes* , pronuntiatio duntaxat nomine innotescunt .

NOMINA septem dierum , e quibus conflatur hebdomada , sunt cuique notissima . Eorundem nominum origo inde repetitur , quod singulis diei horis Ethnici præesse putaverint unum ex septem sideribus , quæ sunt Sol , Luna , Mars , Mercurius , Jovis , Venus , Saturnus ; adeo , ut primæ horæ diei primi præsit Sol , secundæ Luna , tertiæ Mars , &c. primæ autem horæ secundi diei Luna , primæ horæ tertii diei Mars præsit , atque ita deinceps . Quare a planeta , aut sidere horæ primæ habet dies , ut appelletur dies Solis , dies Lunæ , dies Martis , &c. Legantur Dio lib. 37. & Philander lib. 9. Not. in Vitruvium . Verum , ut supra monuimus , Ecclesiastici ex decreto Sylvestri his nominibus , ortis vel ex Pythagoricis subtilitatibus , vel ex commentis Ægyptiorum , commune Feriarum nomen substituerunt , ita tamen , ut primam diem hebdomadæ appellent *Dominicam* , septimam *Sabbatum* .

SABBATI etymologiam deductam a *Sciabah* , *septem* , tradidimus supra : sed repetita a *Sciabat* significat *cessationem* ,

nem, & *requiem*; atque hoc pacto non totam denotat hebdomadam, sed diem septimam, in qua Deus *requievit ab omni opere, quod patrauerat*. Gen. 2. 2. Hinc Judæi creationis memores sabbatum colebant juxta legis præceptum Exodi 20. 11. & Deut. 5. 14. Persius Sat. 5. Judæos irridens horum festa vocat *Sabbata recutita*, & Rutilius ad Numanianum lib. 1. inquit, *Septima quæque dies turpi damnata Veterno*: Ovidius pariter in libro 1. de Arte amandi, *Culpa Palæstino septima Festa viro*. Sabbatum anno Dominicæ Passionis incidens in hebdomadam azyorum dicitur *Magnus dies* Joan. 19. 31. non quod fuerit ipsa Paschæ solemnitas, sed quia populus cum victimis pacificis per totam azyorum hebdomadam templum adibat: Dies vero hoc præcedens Sabbatum vocatur *Parasceve* Marci 15. 42. Est autem παρασκευή idem; ac *præparatio*; nam Judæi feria sexta post meridiem parant cibaria, mensasque sternunt præ die proximo. Hujus rei causa dies emortualis Christi dicitur in Evangelio παρασκευή τῆς ἀνάστα. Commemoratur Lucæ 6. 1. Sabbatum δευτερόπρωτον, *secundo-primum*. Disceptatur adhuc quodnam Sabbatum indigitet Evangelista: sed inter varias interpretationes illam existimamus probabiliorē, quæ tradit Sabbatum δευτερόπρωτον fuisse quod immediate sequebatur secundum diem azyorum, quasi diceretur, ἀπὸ τῆς δευτέρας πρώτου, *primum post diem secundum*.

SABBATI in diem Dominicum translata festivitas fuit abrogatio legis quantum ad determinationem diei, non quantum ad cultum divinitatis, divinorumque beneficiorum contemplationem. Cum enim dies Dominica sit illa, in qua Deus mundum condidit, in qua Christus resurrexit, & in qua Spiritus Sanctus descendit super Apostolos; in cultu ejusdem diei commemoratur beneficium creationis, cujus gratia observatio Sabbati primitus fuerat indicta, & memoria repetitur peracta redemptio, & sanctificatio animarum, ita, ut in hujus Festi observatione perficiatur, non defraudetur finis præcepti, *Memento, ut diem Sabbati sanctifices*.

PRÆ ceteris Dominicis præcipuam venerationem expostulant Dominica Paschatis, & Pentecostes. *Pascha* ety-

etymologiam sortitur a radice *Pasach*, *transvit*, non, ut quidam existimarunt, a verbo Græco *πάσχω*, *patior*. Hebræi solemnissimam habuere Paschatis celebritatem exeunte luna 14. mensis Nisan, idest, vespera diei quartadecimæ, unde initium sumebat dies XV. legalis, in cuius nocte angelus pertransiens exterminavit primogenitos Ægyptiorum. A quo transitu prima dies azymorum Phase, vel Pascha appellatur; legatur caput 12. Exodi. Qui in Paschate celebrando eandem lunam 14. observabant, *Quartadecimani* dicti sunt: eosque traditione derivata ab Apostolis secundo Ecclesiæ Seculo S. Victor I., & anno 325. Nicæna Synodus proscripsit, lata lege, ne alio, quam Dominico die Pascha ubique Gentium celebraretur; quod saluberrime institutum est, ne Christiani Judæis communicare viderentur, nec Agni typici, sed Christi, qui Pascha nostrum immolatus est, mysteria sacra recolerent.

EODEM plane modo *Pentecostem*, sive diem quinquagesimum, quem colebant Judæi in memoriam legis datæ in Monte Sinai quinquagesimo die egressionis ex Ægypto, Christiani colunt die quinquagesima post Dominicam resurrectionis, ob divini Spiritus charismata Apostolis distributa. Est enim *πεντηκστή* idem, ac *Quinquagesima*: ac recte hoc nomen ob dierum numerum quadrat in Pentecostem Christianam, haud secus, ac *ἑβδωμάδων*, *festum hebdomadarum*, & *ἡμέραι τῶν νῆων*, *dies novorum*; quibus nominibus Exodi 34. 22. iuxta versionem LXX. insignitur Pentecostes Judaica.

C A P U T V.

DE MENSIBUS VARIARUM GENTIUM, ET
ROMANORUM PRÆSERTIM.

S EQUITUR, ut dicamus de Mensibus, quorum nomen venit a *metior*, ut docet Cicero lib. 2. de Nat. Deor. vel, ut Varroni, & Isidoro placuit, a *μῆναι*, idest, motus, & lunæ decursus, vel etiam ab Hebræorum radice *Manals*, quod est *numerare*. Est itaque mens spatium illud temporis, quo luna suum peragit cursum, sive anni pars duodena.

HE-

HEBRÆORUM menses sunt, (1)

NISAN, olim Avib, ita appellatus ab *Aviv*, *Spica*, quoniam eo mense incipit segetum spica virefcere.

Jar.

Sivam.

Tammus.

Ab.

(1) Annus Hebræorum Civilis incipit a septimo mense Ecclesiastico *Tisri*. In Hebræo Calendario hæc Festa recensentur. *Nisan* die I. Jejunium ob mortem filiorum Aaron. X. alterum ob Mariæ obitum: & eligebatur eo die Agnus mactandus in Paschate. Celebrandum istud erat die 14. ad vespæram. XV. prima dies Azymorum. XVI. *Homer*, seu oblatio novi manipuli: hinc supputabantur dies Pentecostes. XXI. Ultima solemnitas Azymorum. XXVI. Jejunium ob mortem Josue.

Iiar die X. Jejunium ob captam Arcam. XIV. Pascha celebrandum ab iis, qui celebrare non potuerunt superiori mense. XXVII. Jejunium ob mortem Samuelis.

Sivam die VI. *Pentecoste*, seu Festum Hebdomadarum. XXIII. Jejunium ob defectionem decem Tribuum sub Jeroboamo. XXV. Jejunium aliud ob quorundam Rabbiorum cædem. XXVII. Tertium Jejunium ob combustum Haninam eum libro Legis.

Tammus die XXVII. Jejunium ob fractas tabulas legis, aliaque posteriorum temporum infortunia.

Ab die I. Jejunium ob mortem Aaron. IX. Jejunium alterum ob incensum cum urbe Templum, primo a Chaldeis, secundo a Romanis.

Elul die XVII. Jejunium ob mortem exploratorum terræ Chanaan. XXI. *Ἐλὺθρον*, nempe delatio lignorum ad Templum.

Tisri die III. Jejunium ob necem Godoliæ & Judæorum in Maspha. V. Jejunium ob mortem 10. Israelitarum, & Aehiba filii Joseph. VII. Jejunium ob constitutum vitulum, indictumque propterea gladium. X. Jejunium *Kippurim*, seu expiationis. XV. *Scenopegia*, sive Festum Tabernaculorum. XXI. *ροχοτοπία*, Festum Ramorum. XXIII. Legis & Moïsi festiva memoria. Dedicatio item Templi Salomonis.

Marshevan die VI. Jejunium ob excæcatum Sedechiam, ejusque filios a Nabuchodonosor interfectos. XXVII. Jove, sive pluvie in autumno tempestivæ petitio.

Kisleu die VII. Jejunium ob combustum a rege Joachim volumen conscriptum a Baruch. XXV. *Encania*, vel Dedicatio Templi, festumque Luminarium.

Thebet die VIII. Memoria Legis in Græcum sub Ptolomæo rege conversæ, eum jejunio IX. & X. dies afflictionis ob obsidionem clademque Jerusalem sub rege Babylonis.

Schebat die VIII. Mortis Justorum, qui extiterunt sub Josue lugubris cum jejunio recordatio. XXIII. Jejunium propter idolum Michæ, concubinam violatam in Gabaa, motusque Israelitarum contra tribum Benjamin.

Adar die VII. Mors Moïsi atque jejunium. IX. Jejunium ob contentiones inter discipulos Sammai, & Scholam Hillel. XIII. Lætitia ob interfectum Nicanorem. XIV. & XV. Festa Sortium.

*Ab.**Ebul.**Tisri*, dictus olim *Ethanim*.*Marscheyvan.**Casleu.**Thebet.**Schabat.**Adar.**Veadar*, five *Adar secundus*.

Horum singuli a neomeniis inchoantur: & quoniam menses lunares sunt, ac breviores solaribus post tertium annum Judæi lunationem unam addunt, five mensem decimum tertium, quem vocant *Adar secundum*.

NOMINA mensium apud Ægyptios sunt,

*Thoth.**Paophi.**Athyr.**Chojac.**Tybi.**Mechir.**Phamenoth.**Pharmuthi.**Pachon.**Payni.**Epiphi.**Mesori.*

Quorum mensis primus, idest, *Thoth* cum primum vagus, & mobilis foret, capta a Cæsare Augusto Alexandria anno V. C. 724. ante Æram Christianam 30. fixus est die 29. Augusti, ut colligitur ex Dione lib. 51. Rom. Hist.

ATTICORUM, five Atheniensium mensium ista sunt nomina,

*Hecatombæon.**Metagitnion.**Bædromion.**Memakterion.**Pyanepsion.**Posideon.**Gamelion.**Antheſterion.**Elaphebolion.*

Tom. I.

B

Mu

Munichion. (1)

Thargelion.

Scirrhophorion.

Primus mensis Atticus, videlicet, Hecatombæon initium ducebat a Neomenia proximior Solstitio æstatis paullo post Idus Junias, dum sol octavam partem Cancri transmittens ad inferiores circulos incipit remeare.

APUD Macedones menses vocabantur,

Xanthicus.

Artemisius.

Dasius.

Panemus.

Lous.

Gorpiaus.

Hyperberæus.

Dius.

Apellæus.

Audineus.

Peritius.

Dystro.

Horum mensium primus *Xanthicus* concurret cum Nisan Hebræorum, *Hyperberæus* cum Tisri, & Adar cum *Dystro*, ut constat ex Flavio Josepho lib. 2. Antiq. cap. 6. & lib. 3. cap. 9. Ab *Hyperberæo* annum auspicabantur Syro-Macedones, a *Dio* quidam alii inter Europæ fines.

PERSARUM menses sunt, qui sequuntur,

Pharavardin.

Adarpahschth.

Chardad.

Thirmeh.

Merdedmeh.

Schaharimeh.

Meharmeh.

Abenmeh.

Adarmeh.

Dimeh.

Benmeh.

Asphandar.

Hi omnes menses sunt dierum 30. postremo autem mensi addunt

(1) Scribendum *Munychion*, *Μυνυχιον*.

addunt quinque dierum epagomenas, sive appendices. Progreditur vero *Pharavardin* à neomenia tnenlis *Aegyptii* Chojac.

MENSES Armeniorum,

Sahami.

Theri.

Cagutsch.

Arats.

Mahich.

Arich.

Abili.

Mariri.

Marchats.

Harvatsis.

Navvasari.

Huri.

NEOMENIA *Sahami* concurrir cum sexta die mensis *Aegyptiorum* Chojac.

HAGARENORUM, & Arabum isti sunt menses,

Mubaram, seu *Moharram*.

Tzepharu, aut *Sasar*.

Rabiù Evel, sive *Rebiab primus*.

Rabiù Achir, vel *Rebiab secundus*.

Giumadù Evel, alias *Giumada*.

Giumadù Achir.

Rezeb, aut *Regiab*.

Sahabèn, aut *Schahan*.

Ramadhan.

Schevval, vel *Shaval*.

Dul, *Kaidarhi*, *Silcaddè*, aut *Doul*, *Kadah*.

Dulhaga, *Silchize*, aut *Doulhegiab*.

SUNT omnes lunares: (1) cumque nullos addant dies, & annos suos exaequant solaribus, variat apud Hagarenos initium anni, seu mensis *Mubaram*; qui anno primo Hegiræ, Christi 622. incidit in diem 16. mensis Julii.

B 2

Ro-

(1) Primus scilicet *Mubaram* dierum 30. secundus *Tzepharu* dierum 29. & sic deinceps. Addita hisce mensibus nomina sunt variè tantummodo pronuntiationis. Necessarium non duximus alia mensium nomina apud Veteres reperta transcribere. Ea accurate collegit in suis Institutionibus ad studium Antiquitatis Everardus Audrichius Scholae Piarum, omnium, ut putò, qui de hoc argumento scribere novissimus.

ROMANORUM menses, ut modo enumerantur, cuique sunt noti. Romulus tamen ex decem mensibus annum constituit dierum 304. Januario, & Februario seclusis. Hos duos menses Numa addidit, qui annum instituit dierum 354. Duodeno hoc numero usus est etiam Julius Cæsar, ad dies 365. annum protrahens. Qui ergo in anno Romuleo primus erat, Martius a Marte, quod is pater Romuli credebatur, nomen accepit. Januario autem Numa Pompilius affixit anni primordia deferens honorem Jano, quem aiebant colendæ terræ, quam belli gerendisse studiosiorem, & volens a re bellica ad agriculturam Romanos transferre. Februarium a Februo Deo lustrationum denominari adnotavimus cap. 2. Aprilem quasi Aphrilem, ἀπὸ ἀφρός, *spuma*, ex qua nata Venus, cui mensis iste fuit sacer, vel potius *quod annum aperiat*, dictum volunt: Majum vel a majoribus, vel a Maja matre Mercurii; & Junium a junioribus, sive a Junone. Quintilis, Sextilis, alique a numeris sortiti sunt nomina; quamquam lege M. Antonii Quintilis appellatus sit *Julius* in honorem Julii Cæsaris nati eodem mense; & Sextilis dictus sit *Augustus* in honorem Augusti, qui Sextili mense inivit consulatum, tres egit triumphos, Ægyptum devicit, & civilibus bellis finem imposuit.

APUD Latinos mensium dies Kalendis, Nonis, & Idibus distinguuntur. Kalendæ a καλῶ dictæ sunt, quod olim ad primum lunæ adspectum sacrificio peracto Pontifex ad curiam Capitolii vocata plebe pronuntiabat quot numero dies usque ad Nonas superessent, aut quinquies, aut septies repetito verbo καλῶ, idest *voco*. Hinc prima dies, ex iis, quæ calarentur, *Kalendæ*, & Curia, ad quam plebs vocabatur, *Curia Calabra* fuit nuncupata. Nonæ verò a nova lunæ observatione, seu potius quod incidant in diem nonum ante Idus, auctore Varrone lib. 5. de L. L. appellatæ fuerunt. Idus denique etymon habet ἀπὸ τοῦ εἶδus, quod eo die in anno Romuleo luna plenam speciem ostenderet, vel a verbo Tuscorum *idare*, idest dividere, quoniam idusensem dividunt ac findunt, ut inquit Horatius libro 4. Ode 11. *Idus tibi sunt agenda, Qui diesensem Veneris maribus, Findit Aprilem.*

QUA ratione singuli cujusque mensis dies designantur, perspicue docent qui pertractant de Kalendario; atque
ad

ad memoriā juvandam tetraſtichon quoddam conſer-
bunt. Hujus tamen loco placet nobis verſus apponere
ex Eclogario Auſonii Burdigalenſis:

*At Nonas modo quarta aperit, modo ſexta refert lux.
Sexta refert Maſi, Octobris, Martiſque recurſu,
Et qui Solſtitio ſua tempora Julius infert.
Cetera pars Menſum quartis eſt prædita Nonis.
Omnes vero Idus octava luce recurrunt.
Poſt idus, quas quiſque ſuas habet ordine menſis,
Diverſe numero redeunt variante Kalenda.*

C A P U T VI.

PERTRACTATUR DE ANNO, DE JUBILÆO,
ET DE SEculo.

ANNUM dici, quaſi majorem circum, ſicut annulus
minor circulus dicitur, Varro, Servius, alique tra-
diderunt. A Græcis tamen, qui annum *ἔτος* appellant,
nomen hoc derivaffe cenſet Feſtus Pompejus: nec de-
ſunt, qui illud arceſſant ab innovatione, ſive *ἀνὰ τὸν
ἀναρῆσαι*, uti obſervat laudatus Servius ad verſum Vi-
gilii *Æn. 1. Triginta magnos volvendis menſibus orbes.*
Eſt itaque annus tempus, quo ſol Zodiacum percurrit,
revolvitur, & curſum iterum innovat.

UNDE Veteres duxerint annorum initia, diximus cap-
præcedenti. Sed animadvertendum eſt, Judæis duplicem
eſſe annum, ſacrum, qui incipit a Niſan, ut habetur
*Exodi 12. 2. Menſis iſte vobis principium menſium, pri-
mus erit in menſibus anni:* & annum civilem, inchoan-
dum a menſe ſeptimo, ſeu Tiſri, quando cuncta exacto
meſſis, & vindemiæ tempore, conduntur, ut conſtat ex
eodem libro cap. 23. 16. & 24. 22. Græci item, præ-
ſertim poſt Chriſti adventum, nunc a verno tempore,
nunc ab autumnio initium anni auſpiciantur. Et quam-
vis Auctor Chronici Alexandrini anni primordia ſtatuat
in die 21. Martii, & Maximus Monachus in Aprili;
communiter tamen annum Eccleſiaſticum ſubducunt
ab VIII. Calendarum Aprilium; unde & nos annos ab
Incarnatione conſuevimus numerare. Proſecto reliqua an-
norum initia ex inferius tradenda Epocharum explana-
tione innoſcent.



QUEMADMODUM varia sunt annorum principia, ita varia est longitudo, ac extensio. Discrimen inter annum Romuli, Numæ, & Julii Cæsaris assignatum est paullo supra. Illud vero, quod inter annum solare, & lunarem intercedit, unicuique obvium est; siquidem lunarem annum constare diebus 354. & horis fere 9. solare autem diebus 365. & fere 6. horis nemo prorsus ignorat. Tempus itaque in istiusmodi quisquiliis non est terendum.

NON contemnenda videtur quæstio de annis Patriarcharum: nonnulli enim non percipientes quomodo vitam tam diuturnam egissent, opinati sunt annos illorum fuisse nostratibus breviores, adeo, ut decem eorundem annorum unum duntaxat communem annum conficerent, & Noe V. G. qui Gen. 9. 29. vixisse dicitur annis non-gentis & quinquaginta, vixerit annis 95. Sed hæc opinio manifestæ falsitatis revincitur. Etenim Gen. 7. in anno sexcentesimo ipsius Noe distincte commemoratur mensis secundus, cujus die 17. coepit diluvium; & proximo cap. 8. narratur arcam 27. die mensis septimi requievisse super montes Armeniæ, ac prima die mensis decimi apparuisse, aquis imminutis, cacumina montium: tum dies numerantur usque ad initia anni vitæ sexcentessimi primi, ut manifestum sit annos Noe duodecim mensibus constasse. Ad hæc cap. 5. ejusdem libri legimus Cainan genuisse Malaleel anno ætatis suæ 70. & Henoch Mathusalam anno 65. si autem quilibet annus Patriarcharum annos decem communes comprehendisset, Cainan septennis, & Henoch in minori ætate liberos procreassent. *Quis autem, inquit Augustinus lib. 15. de C. D. c. 12. generat homo septennis?*

QUÆRITUR insuper, cujus durationis fuerint anni Ægyptiorum, quorum aliqui ab Osiride ad Alexandrum numerabant annos 10000. aliqui 23000. auctore lib. 1. Hist. Diodoro Siculo. At primo tamquam fabulosa rejicienda est prodigiosa illa Ægyptiorum antiquitas. Deinde Plinio, Censorino, & præcitato Diodoro testibus, non fuit apud Ægyptios annorum forma, sed fuerunt anni unius, duorum, vel trium tantummodo mensium. Præterea Augustinus lib. 12. præcitati Operis cap. 10. ait: *Perhibentur Ægyptii quendam tam breves annos habuisse, ut quaternis mensibus finirentur.* Dynastiæ demum Ægyptiorum, a Julio Africano, & ab Eusebio descriptæ,

ex quibus exurgit portentosa illa annorum multitudo, implicitas, non successivas esse demonstrat in libro 1. de Idololatria Gentium Gerardus Joannes Vossius.

DIXIMUS superiori cap. 4. Judæos colere annum Sabbaticum, illum nempe, qui cum sex annis præcedentibus constituere hebdomadam unam annorum. Fuit quoque illis celeberrimus annus quinquagesimus recurrens post septem hebdomadas annorum, idest, post annos 49. Annus iste quinquagesimus vocatur annus *Jubilæi* Levit. 25. 11. nomine derivato a *Jubal*, *buccina*, sive a *Jabal*, *adducere*, quoniam clangore buccinæ annuntiabatur, & afferebat libertatem; atque eodem anno servi sui juris fiebant, & fundi redibant ad pristinos dominos. Bernardus Lamy, & alii, qui putant Jubilæum solitum annuntiari cornu arietis, ignorant arietum cornua, cum solida sint, non vacua, inflari non posse. Jubilæum Septuaginta dixerunt annum *remissionis*, τὸς ἀφίρων.

JUBILÆUM Romani etiam Pontifices instituere. Tribuunt quidam hanc institutionem Bonifacio VIII., qui indulsit, ut centesimo quoque anno venia peccatorum donarentur quicunque inviserent Romana templa. At constat ex Const. ipsius Bonifacii lib. 5. Extravagantium communium, cap. *Antiquorum*, hunc Pontificem Jubilæum non instituisse, sed confirmasse. Ex quo autem Romani Pontifices anno centesimo, & non quinquagesimo indixerint olim Jubilæum, non videntur animum intendisse ad Judæorum consuetudinem, sed potius abolere voluisse superstitionem antiquorum Romanorum, qui centesimo quoque anno ab Urbe Condita celebrabant Ludos Seculares. Clemens tamen VI. singulis annis quinquagesimis Jubilæum alligavit, Constit. *Unigenitus*, Extrav. Com. tit. de remis., & indulg. lata anno 1343. Seditibus Urbano VI. Bonifacio IX. Martino V. & Nicolao V. Jubilæum post tringintatres annos repeti consuevit; ac demum Paulus II. & Sixtus IV. celebrandum esse mandarunt singulis annis 25. prout ab anno 1475. hætenus servatum est.

PRIOR itaque Jubilæorum institutio spectabat ad finem cujusque Seculi; & quodlibet Seculum comprehendit spatium annorum centum. Vel a *sequor*, quod ætate una abeunte sequatur altera, vel a *feco*, quod in minores partes spatium illud secetur, vel aliunde repetas Seculi etymo-

logiam, parum refert. Quod nos dicimus *Seculum*, Græci appellant *γερών*, aut *αἰών*. At *γερών* apud Plutarchum aliquando significat annum; Artemidorus autem Seculo tribuit annos septem, Heraclitus triginta, Verrius Flaccus centum & decem, Varro, & modo Scriptores omnes, annos centum. Nestor, cum vixerit annis 90., nimirum tribus Seculis juxta Heracliti numerationem, quasi vitam protraxisset ad tria secula, ut definita sunt a Varrone, aperto mendacio ab Ovidio 12. *Metamorph.* ita loquens inducitur, *Vixi annos bis centum, nunc tertia vivitur ætas*. Eodem errore labuntur, qui per Nestoreos annos designari arbitrantur insolitam, ac prodigiosam senectam.

GRÆCORUM *αἰών*, & Hebræorum *Holam* aliquando æternum, aliquando seculum, & aliquando diuturnum, & indefinitum tempus significant. Hac ambiguitate conantur Origenistæ eludere illa Sacrarum Scripturarum loca, quibus damnatorum supplicia sempiterna esse enuntiatur. Verum eam ambiguitatem non habet aut hebraica phrasis, *Min holamhad Holam*, aut græca, *τὸς αἰώνας τῶν αἰώνων*, scilicet, *in secula seculorum*; qua phrasi impiorum cruciatus perenniter duraturus exprimitur Apoc. 20. 10. quamquam ad Origenistas refellendos alia plura suppetant argumenta.

C A P U T VII.

QUIBUSDAM CYCLIS PRÆMISSIS, PERIODUS JULIANA EXPLANATUR.

EXACTIOR ceteris mensura annorum est Periodus Juliana, a Josepho Scaligero, Julii filio, seculo 16. ex variis compacta cyclis, & annis Julianis accommodata; unde ipsius Periodi Julianæ depromptum est nomen. Nequit idcirco hæc periodus plane dignosci, nisi cyclorum, ex quibus fabricata est, præmittatur notitia.

HORUM cyclorum prior est Indictio, quam Græci *ἐπιτίμησις* vocant, idest, largitionem; a pensatione enim tributorum, quorum canon annis singulis indicebatur, Indictionis nomen derivant quamplurimi. Ab apparitione Crucis facta Constantino an. 312. Indictionem, quasi *indicationem*,

tionem, dictam putat Panvinius: ab Actio autem promontorio, seu bello illic commisso, anno U. C. 723., ante Æram Christianam 31. etymologiam indiëtionis quidam Græculi nimium insulse deduxerunt, quasi Indiëtio vocanda foret *ἰναικτηρίων*. Auctor Chronici Alexandrini statuit Indiëtionum initia in anno I. Monarchiæ Julii Cæsaris, ante Chr. 48. ac primo Æræ Antiochenæ. Hinc Scaliger etiam auspicatur Indiëctiones, quas appellat Cæsarianas. Quidam vero Indiëctiones numerant ab anno secundo Cæsaris Augusti, idest, ab anno ante Ch. 30., si computentur a pugna Actiaca. At consentiunt omnes, Indiëctionem Constantinianam ab anno V. Æ. 312. & a Kalendis Septembris esse inchoandam, adeo, ut annus proximus 313. Kal. Jan. signandus sit *Indiëctione 1.*

DIXI Indiëctionem *Constantinianam*; nam sunt Indiëtionum diversa nomina, ac diversa principia. Constantiniana, ut nuper dixi, inchoatur a Kalendis Septembris; eamque rationem innuit S. Ambrosius in epistola ad Episcopos Æmilix: eandem quoque tenent Epistolæ Gregorii Magni. At Indiëtio *Cæsariana*, cujus generis est *Valentiaca* l. 9. de indulgentiis debitorum in Cod. Theodos. progreditur ab VIII. Calendarum Octobris: atque hinc Indiëctiones supputat Ven. Beda de Rat. temp. cap. 46. Indiëtio demum Romana, nunc Pontificia, a Kalendis Januariis ducit exordium.

EST autem Indiëtionum *πεντηδεκτηρίς*, sive Cyclus annorum quindecim, quibus exactis reditur ad unitatem. Igitur cum annus 313. Kal. Januariis signandus fuerit *Indiëctione 1.* congruit eadem nota anno 328. 343. 358. atque ita deinceps, adeo, ut annus 1582. Correctionis Gregorianæ notam habuerit Indiëctionis 10. & præsens annus 1760. Indiëctionis 8. Inveniendi autem numeri Indiëtionum in quolibet anno V. Æ. vulgarissimus canon comprehenditur sequenti disticho,

Si tribus adjunctis, Domini divideris annos.

Ter tibi per quinos, indiëtio certa parebit.

DATO itaque anno Christi. addantur 3. & summa dividatur per 15., ac numerus, qui neglecto quotiente residuus est, annum indicat indiëctionis; & si nihil sit reliqui, indiëctionis annus erit 15.

SEQUITUR Cyclus alter, idest Lunariss, annorum 19. quem græco vocabulo passim *ἑνναιδεκάτηρδ* vocant. Idem

cyclus Metonicus appellatur a Metone celebri Astrologo Atheniensi Pausaniae filio, qui illum edidit anno 4. Olympiadis 86, ante Aeram Christ. 433. (1) Dicitur quoque Aureus numerus, quoniam tanti eundem cyclum faciebat antiquitas, ut illum aureis pingeret caracteribus. Inchoavit Meton cyclum suum a solstitio æstivo, sive potius a Neomenia illi propinquiore, unde progredi annum Atticum prænotavimus cap. 6. Undeviginti illi anni, quibus lunæ astrorumque perficitur revolutio, Annus Metonus (forte Metonicus) vocatur a Diodoro Siculo lib. 3. de fabulosis antiquorum gestis. Invenitur annus Cycli lunaris, si dato anno Æ. V. addatur unitas, ac summa dividatur per 19. Ea enim partitione facta, numerus, qui secluso quotiente superest, indicat lunarem annum; & si nihil remaneat, erit annus Cycli lunaris 19. Juvandæ memoriæ causa traditur canon iste arithmeticus sequenti disticho,

Unum addes annis Domini, summamque novenis

Et denis tribuas, numerus tibi ut aureus adsit.

Hac regula adhibita constat aureum numerum hujus anni 1760. esse 13. Prætermitto periodum Calippi, qui anno 3. Olympiadis 112., idest, 330. ante Æ. Christ. animadvertens in anno octavo cycli V. Metonici variationem unius diei, instituit periodum ab ipso auctore *Calippicam* nuncupatam, tanquam subsidiariam Metonicæ, & constata ex quatuor cyclis lunaribus, nempe ex annis 76. hujus enim nullus nobis in hisce institutionibus futurus est usus.

TERTIUS est Cyclus solis complectens annos 28. Hujus auctor fuit Soligenes egregius Mathematicus, cuius præsertim opera anno Confusionis, ante Aeram Dionysianam 46, usus est in Calendarii reformatione Julius Cæsar. Appellatur autem *Cyclus solis* a prima hebdomadis die, quoniam exacto duntaxat spatio annorum 28. iisdem litteris (quas vocant Dominicales) dies hebdomadæ prænotantur. Harum vero litterarum juxta Soligenis institutionem ille erat ordo, quem indicat versiculus,

Gau-

(1) Rabbi Hillel Cyclum alium 19. annorum ad Neomenias investigandas Judæis tradidisse fertur anno Christi 358. imperante Constantio. Idem Hillel primus constituit Epocham illam Judaicam, quæ a creatione mundi usque ad principium Æræ Christianæ comprehendit annos 3760.

Gaudet Francus Equo, Dorus Canis, Baltasar Agno.

Cum itaque primus annus Cycli sit Bissextilis, quemadmodum 5. 9. 13. 17. 21. & 25, præsignabatur olim prior ille annus litteris G. F. At post correctionem Gregorianam, quæ contigit anno 1582, litteræ illæ interdum e loco suo dimoventur, atque modo ita Cyclus solaris procedit, ut primo hujus cycli anno affixæ sint litteræ D. C, secundo B, tertio A, quarto G. quinto F. E.; atque ita deinceps, duplicatis litteris in quolibet anno bissextili, quoniam huic una additur dies mensi Februario, diesque Dominica de una in aliam feriam transcurrit, ut constat ex Calendario.

CANON investigandi annum hujus Cycli est hujusmodi. Dato anno Æræ Vulgaris adde 9. deinde summam divide per 28.; ac numerus, qui neglecto quotiente supererit, is cycli annum commonstrabit: ac si nihil super sit, annus cycli erit 28. Hæc regula comprehenditur sequenti disticho:

*Junge annis Domini ter ternos, perque viginti
Octo fecit summam; Cyclus solaris habetur.*

Invenies hujus canonis ope annum 1760. esse 5. cycli solaris; cui respondent, cum bissextilis sit, litteræ Dominicales F. E.

JAM VERO si cyclus solaris 28. multiplicetur per cyclum lunarem 19. resultat summa 532, quæ summa Periodus Victoriana, sive Dionysiana appellatur. Hanc enim periodum anno Christi 463. rogante Hilario Papa instituit Victorius Aquitanus, ut in celebrando Paschate cum Latinis Alexandrini in posterum convenirent, eandemque periodum recensuit & adhibuit anno 526. Dionysius Exiguus, ut ipsemet innuit in Epistola, quam laudat Beda de Rat. Temp. cap. 40. Est autem Victorianæ periodi hæc proprietas, quod iidem Lunæ & Solis characteres non nisi transacto illo cyclo annorum 532. simul concurrerint. V. G. annus 1. Æræ Ch. fuit cycli lunaris 2. & Solis 10. nec una simul redierunt similes cycli, nisi anno 533. ineunte; atque hoc anno 1760. est cycli Lunæ 13. & Solis 5., qui conjunctim redibunt anno 2384.

HUNC Cyclum Victorianum, annorum 532. si multiplicemus per cyclum indictionum, consurget summa annorum 7980. quæ summa est Periodus illa Juliana, cu-

tujus gratia præmissa fuit aliarum periodorum explanatio. (1)

CAPUT VIII.

DE UTILITATE, ET USU PRÆDICTÆ PERIODI, NECNON
DE GRÆCO-ROMANA, ATQUE NORISIANA.

PERIODI Julianæ multiplex est utilitas; nam primum si annus quilibet ejusdem periodi dividatur per 15. juxta canonem supra præmissum, habetur annus Indictionis; si per 19., annus cycli lunaris; si per 28, annus solaris cycli. Deinde potest hæc periodus tam annis, qui Æram præcessere Christianam, tam iis, qui subsequuti sunt, immo ante mundum quoque confectis, ac perpetuo in posterum excogitatis aptari. Insuper hujus periodi ope deprehenduntur Chronicorum errores, & præcipui Historiæ cardines retinentur memoria. Sat est, si dicamus Cl. Petavium, qui Scaligerum ubique exagitavit, in Magno Opere de Doctr. Temp. lib. 7. cap. 8. hæc litteris consignasse: *Magnopere Chronologia tyronibus auctor sum, uti Julianam hanc periodum, ejusque tractationem, & usum sedulo condiscant, certoque sibi persuadeant, sine hoc præsidio difficilem, & erroribus obnoxiam temporum esse doctrinam; e contra vero tutissimam ac facillimam iniri viam, si quis eam sibi, quam dixi, Periodum præscribat.* Similia Illustris Pagius dissert. prævia in Criticam Annalium Baronii.

UT EADEM utamur periodo in annis Æræ Christ., sciamus oportet, annum primum ejusdem Æræ esse P. Jul. 4714. quoniam anno Juliano 46, in quo communis Æræ statuuntur initia, fuit annus 4. Indictionis, 2. lunaris cycli, & 10. cycli solaris, qui tres characteres nunquam invenientur rursus conjuncti, nisi post exactam totam periodum annorum 7980, at simul convenerunt anno hu-

(1) *Jothicam* Periodum, seu *Canicularem*, traditam a Porphyrio, de qua Marshamus, & Stanleyus, complectentem annos 1460. ante Æram Nabonassar, ceterosque Cyclos, quorum nullus nobis erit usus, necessum non est declarare. Cyclus vero Lunisolatis annorum 1932. ab Augustino Aetini collenter deductus, utpote innixus supputationi LXX. Interpr. nequit nobis in usu esse perpetuo.

hujus periodi 4714. Igitur cum annus P. J. 4714. sit primus Vulg. *Æræ*, dato quolibet anno Christi, adinventur cum quo anno P. Jul. concurrat, si addantur anni 4713, quibus P. Juliana antevertit *Æræ* Christianæ. Est itaque præsens annus 1760. P. J. 6473, quo diviso per 15. habetur Indictio 8, diviso per 19. habetur annus cycli lunaris 13., & diviso per 28, habetur annus cycli solaris 5.

Ex quo autem cum anno primo *Æræ* Vulgaris concurrat annus P. J. 4714, sequitur annum Mundi 4004., qui juxta recentiorum, & communiori usu receptam Chronologiam est itidem annus primus ejusdem *Æræ*, supputari ab anno P. Jul. 710, atque in hoc anno aspectabilis mundi consignandam esse productionem; siquidem ut anno 4714. respondeat annus 4004, necessum esse superaddere annos 710. Atque hæc de Periodo Juliana.

ADDAMUS nonnulla de Periodo Græco-Romana, quam exornavit, & ad Latinorum usum accommodavit Antonius Pagius. Juxta *Æram* Ecclesiasticam Antiochenam, & Constantinopolitanam (*Æra* enim civilis apud Græcos diversa est, ut dicam infra pertractans de Annis mundi) natus est Christus anno 5493, qui concurrit cum anno Juliano 45. Ut hac periodo utamur, 1. debemus annum inchoare more Latinorum a Kal. Januariis. 2. a cyclo lunæ, quem exhibet hæc periodus, unitatem detrachere. 3. addere quatuor unitates cyclo solis. 4. Indictionem, uti exhibetur, retinere nihil detrahendo, & nihil addendo. Enim vero si annum P. Græcorum 5493. divides per 15, erit Indictio 3. si divides per 19, erit cycli lunæ annus 2., si divides per 28, erit cycli solis annus 5. Indictione igitur retenta, & a cyclo lunæ ablata unitate, cyclo autem solis quatuor unitatibus adjectis, habetur Indictio 3, annus cycli lunaris 1, & annus cycli solaris 9. qui sunt characteres anni Juliani 45, Periodi Julianæ 4713. Hæc regula cuique anno *Æræ* Vulgaris aptari poterit, dummodo ei superaddatur prædicta illa summa annorum 5493, qui juxta Græcos præcedunt ipsius *Æræ* Vulgaris initia.

NONNULLI denique induxerunt Periodum annorum 1932, quam appellarunt Norisianam, quod conflata sit ex 23. cyclis annorum 84, seu comprehendat 23. ogdoecontes-

Yesserateridas, cyclosque Paschales Latinorum, quos eruditissimis dissertationibus illustravit Cardinalis Norisus. Istius Periodi, quæ progreditur ab anno 1. Æræ Dionysianæ, sive ab anno Juliano 46, perutilis est usus ad inveniendum cyclum solarem, novilunia, diemque Paschalem. Quæ enim competunt anno primo Æræ Christianæ, eadem, cyclo illo revoluto, convenient anno 1933; prout constat ex tabulis expansis in Calendario Romano F. Guillelmi Bonjour.

CAPUT IX.

DE EPOCHIS, ÆRISQUE PRÆCIPUIS, AC PRIMUM DE MUNDIALI.

HACTENUS de Periodis: nunc de Epochis notioribus pertractabimus, a mundana ducentes initium. *Ἐποχή* apud Philosophos idem est, ac quædam mentis remora, vel cohibitio assensionis, a verbo *ἐπιχω*, *contineo*, *cohibeo*: apud astronomos autem *Ἐποχή* est status cæli, situs siderum, & gradus planetarum in Zodiaco; atque apud Chronologos illustre aliquod exordium futuri temporis, quod & Æræ appellatur.

ÆRAM vero Isidorus dictam putat a priori censu, quo C. Augustus universum orbem descripsit, & omnis orbis professus est *as reddere eidem Augusto*. Id contigit ex Lapide Ancyrano, & ex Dione libro 53. Cos. Augusto VI. & Arippa, id. anno V. C. 726. ante Æ. Chr. 28. Quidam Æræ nomen derivant ex quo Arabis irruentibus in Hispaniam cœperint anni Epochæ Hispanicæ, quæ figitur anno 38. ante Dionysianam, adnotari hisce litteris A. ER. A. *Annus erat Augusti*; vel potius ab eo tempore Hispani cœperint Romanis Æræ persolvere. Sunt denique nomen Æræ deducetes ab *Arab*, *supputare*. Frustra in origine nominum vestiganda immoraremur, posteaquam assecuti sumus eorum significationem.

PRINCEPS itaque Epocharum est Mundana, quæ scilicet a creatione mundi inchoatur. De hac pertractaturi supponimus mundum aliquando habuisse principium; neque id esse inanem persuasionem, fabulamque senilem, ut permulti effutiant apud Gisbertum Voetium in Opu-

Opusculo de Atheismo, & apud Mersennium in Genesim. A qua opinione non abhorruisse Galilæum, & Thomam Hobbes censet Tribacchovius in dissertatione quam inscripsit, *Veritas creationis mundi*; quamquam mathematici plures non alia fortassis ratione tanquam athei audierint, nisi quod scripserint quæstionem de origine mundi non posse dirimi physicis argumentis.

ARBITRAMUR tamen nos humana quoque evinci ratione, mundum sempiternum non esse. *Æternitas* enim est Numinis attributum; & necessum est, ut quidquid est ex nihilo, aliquando non fuerit. Frustra etiam fingitur illa mundi longævitas, quam nullæ produnt historiæ: quod pariter asserendum est de naufragiis & cataclysmis, quibus autumant periisse vetustissimarum rerum memoriam. Quis enim, si homines universi aut igne, aut aqua consumpti sunt, præteritorum vitam nuntiavit? Si vero a communi interitu servati sunt aliqui; cur ii, secus, ac fecit Noë a diluvio servatus, nil prorsus de majoribus suis tradiderunt? Demum, ut cætera mittam, artes, scientiæ, bella, & quidquid novi decursu temporis contigit, sistam mundi æternitatem evertunt. Non fugit hæc ratio ipsos contemptores divinitatis, & religionis; inter quos T. Lucretius lib. 5. de Rer. nat. ait:

*Præterea si nulla fuit genitalis origo
Terrarum, & cæli, semperque æterna fuere,
Cur supra bellum Thebanum, & funera Troja
Non alias alii quoque res cecinere poete?
Quare etiam quedam nunc artes expoliuntur,
Nunc etiam augescunt?*

Tametsi autem hæc momenta nullum robur haberent; nihilominus ad asserendam mundi nativitatem & initium divina nos Scriptura compelleret.

VERUM quæstio agitur gravissima, num Hebræicorum num Græcorum Codicum sit præferenda Chronologia. Illi nos adhærendum existimamus, quam exhibent Hebræica exemplaria. Principio nos movet, quod codicibus discrepantibus, confugiendum ad illos sit, qui primum editi fuerunt, & purior ex fonte, quam e rivulis aqua hauriatur. Deinde diversitatem numerorum, aliter se habentium in Codicibus Græcis, aliter in Hebræicis, tribuendam esse Scriptori, qui de Bibliotheca Ptolomæi

mæi Græca Biblia describenda primus accepit, monet l. 15. de C. Dei cap. 13. S. Augustinus. Præterea Hebraicam supputationem sequitur Latina Vulgata, quam Tridentina Synodus Canonicam definivit; etsi divinæ Scripturæ auctoritati sola numerorum varietas, vel similia Amanuensium errata parum officiant. Fieri ulterius non potuit, ut in codicibus tam multis, ac tam longe lateque dispersis Judæorum malitia annorum seriem perverteret; neque causa potest excogitari cur id attentarent, cum sua potius, quam Græcorum chronologia, ipsorum confutetur impietas. Ad hæc Hieronymus ad Chromatium scribens Versionem LXX. corruptam atque violatam esse testatur; & Justinus Martyr in Dialogo cum Tryphone, atque Origenes Homilia 12. in Jeremiam vocant Judæos Hellenistas Scripturarum falsarios. Si denique non malitia, sed imperitia adulterata est in sacris Bibliis series numerorum, facilius id evenire potuit in Græcis codicibus, quam in Hebraicis, cum isti annos designant integris dictionibus numeralibus, non elementorum apicibus, notisque arithmeticis. Vide quæ sequenti capite dicuntur de Epocha universalis diluvii.

RECEPTA itaque Hebræorum Chronologia, Epocha mundi figenda est in anno P. Julianæ 710. ante Aeram Christianam 4004. Etsi enim certo definiri nequeat quo anno mundi natus est Christus; tamen secundum illam supputationem a mundi exordio usque ad Nativitatem Domini fluxere, plus, minus, anni 4000., & ab ipsa Nativitate usque ad Aeram Vulg. anni 4: quæ est sententia recentiorum Chronologorum, aris paullo infra explicandis coherens, & juvandæ memoriæ aptior ceteris.

EPOCHÆ tamen Hebræis communior (nam variae supputationes reperiuntur etiam apud Rabbinos) inchoatur ab anno 3761. ante Aeram Christianam, a *Tisri* septimo mense annos enumerando.

INTER Græcos Antiocheni a mundi exordio usque ad Incarnationem Domini enumerant annos 5493. (1) Constantin-

(1) Etsi Moschovitæ Russique Græcorum Schismati hærentes ante Constantinopolitanam Ærā uterentur, attamen sub Petro I. ac sub initia postremi hujus Seculi XVIII. adhibere coeperunt communem vulgaremque supputationem Epochæ Dionysianæ, juxta tamen consuetudinem Protestantium, qui Correctionem Calendarii factam sedente Romano Pontifice Gregorio XIII. mandum receperunt.

Constantinopolitani & Moschovitæ annos 5509. Alexandrini 5504.; sed hi biennio Natale Christi præmittunt: incarnatum enim, natumque ex Virgine Dei Verbum existimant anno 43. Juliano, C. Augusti 42. quum Antiocheni, & Constantinopolitani Incarnationem, & Nativitatem Domini consignent anno 45. Juliano, & C. Augusti 44. Itaque Antiochenorum Æra decennio discrepat ab Alexandrina, & hæc a Constantinopolitana annis 8. Juxta communioem Græcorum Æram natus est Christus anno a creatione mundi 5493.

IGITUR si dato anno Æræ Vulgaris addantur anni 4004., erit annus mundi juxta nostram, & omnium fere recentiorum Chronologiam: si addantur anni 3761. erit annus mundi juxta vulgatum computum Hebræorum; & si addantur anni 5493. erit annus Mundi juxta Æram inter Græcos communioem. Ab aliis autem recentioribus in hoc discrepamus, quod hi in autumno, & die 23. Octobris, nos verno tempore, ac die 21. Martii, quando Sol constituitur in 1. gradu Arietis, arbitramur Deum produxisse cælum, & terram. Opinionis autem nostræ alibi munimenta produximus.

C A P U T X.

APFERUNTUR EPOCHÆ SACRÆ, QUÆ ÆRAM
CHRISTIANAM PRÆCESSERUNT.

SEX SUNT illustriores Historiæ Sacræ Epochæ, unde a mundi creatione usque ad Christum totidem distinguuntur ætates. Ac prima est, quæ ab ipsa mundi productione ducit initium, de qua pertractatum est nuper. Altera, quæ inchoatur ab universali diluvio. Tertia progrediens a vocatione Abraham. Quarta, quam auspicamur a Lege per Moysen lata. Quinta ducens initium ab ædificatione Templi. Sexta, quam a soluta per Cyrum captivitate exordimur.

EPOCHÆ diluvii figenda est in anno P. Jul. 2366. Mundi 1656. ante Æram Ch. 2348. Ex Chronologia enim Bibliorum Hebræicorum, & Latinæ Vulgatæ Adam

genuit Seth anno ætatis suæ	130.
Seth Enos an.	105.
Enos Cainan an.	90.
Cainan Malaleel an.	70.
Malaleel Jared an.	65.
Jared Henoch an.	162.
Henoch Mathusalam an.	65.
Mathusala Lamech an.	187.
Lamech Noe an.	182.
Diluvium vero cœpit anno Noe	600.

Conficiunt hi anni summam 1656.

GRÆCI quidem ab Orbe Condito ad Diluvium usque numerant annos 2242., & Samaritani annos 1307. At supra ostendimus præferendam esse Chronologiam Hebraicam Textus, cui & Chaldæus, & Latinus consentiunt. Deinde Græci Codices inter se discrepant. Nam in Vulgatis editionibus LXX. habetur Adam genuisse filium Seth anno ætatis suæ 230. in Versione autem, quæ usus est S. Joannes Chrysostomus, & in ea, quam adhibuerunt Flavius Josephus in Antiquitatibus Judaicis, & Theophilus Antiochenus lib. 3. ad Autolyicum, necnon in Bibliis Aldinis legitur ab Adam genitum Sethum *τριάκοντα καὶ τριακοσίου*, *trigesimo ac trecentesimo*: quam lectionem probarunt quoque Suidas, & Joannes Antiochenus, annos ab origine mundi usque ad diluvium 2342. non vero 2242. enumerando. Immo S. Clemens Alexandrinus lib. 1. Strom. aliam sequutus supputationem ab Adamo ad Diluvium numerat annos 2148. Non possumus itaque calculos adeo discrepantes, neglectis Hebraicis, approbare.

IDEM est asserendum de computo Samaritanorum. Et enim S. Hieronymus libro Tradit. Hebraicæ testatur tam in Hebræis, quam in Samaritanorum libris legi Mathusalam genuisse Lamech anno ætatis suæ 187., & nihilominus in autographo, ut fertur, Codice Samaritano, quem laudant Scaliger in notis Eusebianis, & Seldenus Præfat. in Marmora Arundelliana, habetur Mathusalam genuisse Lamech anno 77. atque in Bibliis Samaritanis in lucem editis, necnon apud Vossium diff. 4. Chronologica, & apud Petavium lib. 9. de Doctrina Temp. cap. 7. anno 67. Aperte denique S. Epiphanius Hær. 55. 1a e.

fatetur omnia Samaritanorum exemplaria in numeris discrepare. Atque hæc præstantiam Hebræicæ supputationis confirmant. Æra itaque Diluvii recte in anno Mundi 1656. constituitur: unde in Computo Judaico Hillel habetur, *Ab Adam ad Diluvium usque anni mille sexcenti quinquaginta sex.*

INCHOATUR tertia Mundi Epocha ab Abrahami migratione, & exitu a Mesopotamia, sive a benedictione illa Gen. 12. 3. *In te benedicentur universæ cognationes terræ*, atque a promissione fœderis Evangelici. Statuitur autem hæc Epocha in anno P. Julianæ 2793. Mundi 2083. post diluvium 427. ante Æram Christ. 1921. Enimvero Æra Diluvii fixa est paullo supra in anno Mundi 1656.

Sem genuit Arphaxad anno ætatis suæ centesimo, & post diluvium 2.

Arphaxad Sale anno æt. suæ (1) 35.

Sale procreavit Heber añ. 30.

Heber Phaleg anno 34.

Phaleg Rehu añ. 30.

Rehu Sarug anno 32.

Sarug Nachôr añ. 30.

Nachôr Thare añ. 29.

Thare Abraham añ. 130.

Thare autem post annos 75. vita functo, dum ætatis suæ annum ageret 205. Deus iniit fœdus cum Abraham.

CONFICIUNT prædicti anni summam annorum 2083. & seclusis annis 1656., qui fluxerunt ante diluvium, summam annorum 427.

GRÆCI tamen a Diluvii initio usque ad migrationem Abraham numerant annos 1311. & Samaritani annos 1077. ita, ut Codices Samaritani superent Hebræos annis 650. Græci Samaritanos annis 234., & Hebræos annis 884. At necessum non est repetere, cur Hebræicam supputationem computo Samaritarum Græcorumque præferamus.

C 2

SUNT

(1) Inter Arphaxad, & Sale, quidam ducti auctoritate LXX. interpretum, & S. Lucæ Evangelistæ, locant Cainanum; plura autem de ea questione, An inferendus ille sit, an abradendus, diximus de Theol. discipl. libro XXVI. cap. 4.

SUNT nihilominus, qui nostræ adhærentes Chronologiæ a Diluvio ad migrationem Abraham ex Haran urbe Mesopotamiæ, ubi Thare decessit, enumerant solummodo annos 367. Hi nimirum natum putant Abraham anno Thare 70. non 130. Fulcitur hæc sententia verbis Gen. 11. 26. *Vixit Thare septuaginta annis, & genuit Abraham*; pugnatque pro illa acerrime Petavius lib. 9. de Doctr. temp. cap. 18. Sequimur tamen nos Usserium, aliosque viros doctissimos, qui docent Abraham natum anno Thare 130. Ratio est, quoniam ex præcit. cap. 11. Gen. versu 32. Thare mortuus est in Haran anno vitæ suæ 205. Quando autem Abraham iubente Domino, & patre defuncto egressus est de Haran, *septuaginta quinque annorum erat*, ex cap. 12. Gen. vers. 4. Si modo annos istos 75. Abraham subtraxerimus ab illis annis 205. vitæ Thare; residui erunt anni 130. Hac itaque ætate Thare genuit Abraham. Porro cap. 11. Gen. v. 26. non tantum Abraham commemoratur, sed etiam duo illius fratres. Legitur enim: *Vixitque Thare septuaginta annis, & genuit Abram, Nachor, & Aran*. Fieri non potuit, ut hi tres eodem anno 70. Thare nascerentur. Abraham itaque priori loco nominatus est, non quia *πρωτότοκος*, & natu major, sed promissionis, & dignitatis causa. Hinc Aran, qui ante Thare patrem suum mortuus est in Ur Chaldeorum, genuit filiam nomine Melcham, quæ nupsit Nachor patruo suo. Videtur itaque Aran senior duobus fratribus suis Nachor, & Abraham. Eadem ratione, non ætatis, sed dignitatis privilegio, inter filios Noe primo loco nominatur Sem, Gen. 5. 31. *Noe vero cum quingentorum esset annorum, genuit Sem, Cham, & Japhet*; quamquam Japhet fuerit filiorum Noe primogenitus, ut probabilius existimant Rabbīnorum doctissimi, R. Salomon, Aben-Ezrae, R. Levi Ben-Gerson, Moses Gerundensis, necnon Procopius, Cajetanus, aliique apud Vossium diss. 5. Chronolog. cap. 5. Vossius idem, & Hugo Grotius in Genesim, atque Jacobus Usserius in Annalibus Vet. & Novi Testam. 1. & 2. æt. Mundi. His adstipulatur quod Gen. 9. 24. Cham dicitur filius Noe *minor*, & Japhet 10. 21. juxta Hebraicos Codices, de quorum tamen sensu contentiose differitur, *magnus*, aut *major*.

QUARTA Epochæ progreditur ab exitu filiorum Israël de Æ-

RUDIMENTA.

47

de *Aegypto*, & a lege data per Moysen. Egressi sunt autem Israelitæ de *Aegypto* anno P. Juliae 3223. anno Mundi 2513. & anno ante *Aram Christianam* 1491. Enimvero quando Abraham egressus est de Haran agebat annum ætatis suæ 75. ut dictum est supra, ejusque anno centesimo natus est Isaac. Numerantur itaque ab exordio peregrinationis Abrahæ usque ad Isaac anni 25. Isaac nascuntur Jacob, & Esau an. 60. Jacob cum universa familia in *Aegyptum*

130.

17.

198.

descendit annos natus

Moritur ibidem post annos

Fluxerunt deinde usque ad *Exodum*

Sunt anni

430.

Præcesserant vocationem Abrahæ anni a creatione Mundi 2083. Adde nunc annos 430. conficitur Epochæ Mundialis summa annorum 2513.

HABETUR de annis illis 430. peregrinationis, ac servitutis, illustre testimonium *Exodi* 12. 40. *Habitatio autem filiorum Israel in Aegypto fuit quadringentorum triginta annorum.* Enimvero annos istos 430. a peregrinatione Abraham supputandos esse, aperte docet Apostolus ad *Galatas* 3. 17. Consentiant Patres: inter quos S. Hieronymus in hunc locum inquit: *Computandi isti anni 430. ab eo tempore, quo Deus ad Abraham locutus est, dicens: In semine tuo benedicentur omnes gentes.* Idem tradit Josephus lib. 2. *Antiq.* cap. 5. *Κατελείπον δὲ τὴν Αἴγυπτον, μετὰ τὴν Εὐδίκην πεντή καὶ δεκάτῃ κατὰ σελήνας, μετὰ ἑτὶ τριάκοντα καὶ τετρακίσια ἢ τὸν πρῶτον ἡμῶν Ἀβραάμιν εἰς τὴν Χαναταῖαν ἐλθεῖν.* Reliquerunt autem *Aegyptum* mense *Xanthico*, luna 14. anno quadringentesimo trigesimo, postquam pater noster Abraham in *Chananzam* venit. Abierunt in eandem sententiam Rabbiorum doctissimi, necnon Severus Sulpitius, Beda, Rupertus, Tostatus, ut sexcentos alios omittam. Suffragatur quoque Versio LXX. quæ citato cap. 12. *Exodi* habet, *ἡ γῆ Αἴγυπτου, καὶ ἐν γῇ Χαναάν.* Haud secus legitur in Codice Samaritano.

PROFECTI sunt Israelitæ *Ramesse* inferioris *Aegypti* urbe, quam putant aliqui eandem esse cum *Arsenoite* (1)

C 3

die

(1) Vide Tabulas Geographicas Aug. Lubin. In Lexico Baudrand, *Ramesse* dicitur *Iskaal Lein*, *Alschemes*, aliis *Bufris* memorata a Plinio, Strabonē, &c.

die 15. mensis Abib, seu Nisan, Exodi 12. 37. Tercio autem post exitum mense Moses in monte Sinai, cunctis ab accessu prohibitis præter Aaron, sed majestatis fulgorem cernentibus ac trepidantibus, a Domino legem accepit Exodi 19. 20. Quare Epochæ Exodi, & Legis. latæ eodem anno Mundi 2513. statuitur.

SUBDUCITUR Epochæ quinta a *jactis. a. Salomone fundamentis templi*, idest, exactis ab exitu filiorum Israel de Ægypto annis 479. & anno. 480. inchoato, nimirum anno. P. Jul. 3702. Mundi 2992. Ante Æram Chr. 1012. Fulcitur hæc Epochæ hisce calculis.

Mosis post datam legem numerantur anni	40.
Josue, & Seniorum	17.
Judicum	299.
Heli Sacerdotis	40.
Samuelis, & Saulis	40.
Davidis item	40.
Salomonis jam completi	32.

Sunt in unam summam redacti 479.
Quibus si addantur anni 2513. qui a creatione mundi fluxerunt ante legem scriptam, consurgit annus Epochæ Mundialis 2992. in quo jacta fuerunt Templi fundamenta.

COMMONSTRANT hujus Epochæ initium quæ leguntur lib. 3. Regum 6. 1. *Factum est ergo quadragesimo octogesimo anno egressionis filiorum Israel de terra Ægypti, in anno quarto, mense Zio. (ipse est mensis secundus.) regni Salomonis super Israel edificari cepit domus Domino.* Idem legitur lib. 2. Paralip. 3. 2. Consentiunt Codices Hebræi, horumque Chronologia, quæ inscribitur *Seder Holam*. Idem habetur in Bibliis Græcis juxta editionem Complutensem, & melioris notæ alias; tametsi in quibusdam pro *ὀδοντος* exaratum sit *τισσαρχος*. In depravatam hujus generis Codicem incidit Carolus Sigonius, qui Comment. in Historiam Sacram Severi Sulpitii inquit: *Capite 6. lib. 3. Regum in Codice Hebræo, numerantur anni 480. in Græco 440.* Habetur tamen in *τῷ τισσαρχος & τετρακισίον. ιη*, in Romana LXX. Interpretum editione; sed mendum ipse quoque Sulpitius lib. 1. memoratæ Historiæ longe antea deprehenderat. Jam ergo anni 479. transacti erant ab Exodo, & decurrebat quadragesim-

tell-

testimus octogesimus, quando a Salomone Templum cœpit ædificari, ut diximus paullo supra.

SUPPUTATUR Epochæ sexta a fine captivitatis Babylo-
nica, & a libertate Judæis per Cyrum restituta, anno P.
Jul. 4178. Mundi 3468. ante Æram Christianam 536. Nam
a jactis Templi fundamentis usque ad invasionem Judææ
factam a Nabuchodonosor, & ad initium captivitatis flu-
xerunt anni 407.

In Captivitate Judæi permanserunt an. 79.

Sunt omnes anni 477. Addantur 2991. qui ante ædifica-
tionem Templi præcesserant, secunda enim mense anni
Mundi 2992. incepta fuit sacræ ædis structura. Resultat
summa annorum 3468. Mundanæ Epochæ.

Hujus Epochæ initia ex Chronologia Regum Juda, &
Israel magis apparent. Defuncto enim Salomone cum re-
gnasset annis 40. ex 3. Regum 11. 42. ideoque cum vi-
xisset a fundatione templi annis 36. Roboam ejus filius
decem a se Tribus avertit, quæ venerunt in ditionem
Jeroboami; atque ita Regnum Juda, & Regnum Israel
distracta sunt, & regnarunt ab anno M. 2992.

REGES JUDA. REGES ISRAEL.

Salomon.	36.		36.
Roboam.	17.	Jeroboam	22.
Abias	3.	Nadab	1.
Aza	41.	Baaza	24.
Josaphat	25.	Ela	2.
Joram	7.	Zambri 7. d.	
Ochozias	1.	Amri	12.
Athalia	6.	Achab	22.
Joas	40.	Ochosias	2.
Amasias	29.	Joram	12.
Ozias	51.	Jehu	28.
Joathan	16.	Joachas	17.
Achaz	16.	Joas	16.
Ezechias	27.	Jeroboamus II.	41.
Manasses	55.	Interregnum	11.
Amon	2.	Zacharias 6. m.	
Josias	31.	Selhum 1. m.	
Joachas 3. m.		Manahem	10.
Joachim	4.	Phacee	20.
	C 4		Capti-

Captivitatis	70.	Osee anno	9.
Summa	477.	venit in potestatem Salmanasaris regis Assyriorum : unde ad libertatem Judæorum numerantur anni.	192.

Summa 477.

PERSPICUA erit hujus calculi ratio, si animadvertatur Captivitatem Babylonicam cœpisse anno 4. Joakim, & Mundi 3398. Oseam vero regem Israel subjugatum fuisse a Salmanasare anno regni sui 6. & Mundi 3276. a jactis Templi fundamentis 285. Sive autem anno M. 3398. addas annos 70. Captivitatis, sive anno M. 3276. addas annos 192. qui a Salmanasare ad restitutam per Cyrum libertatem fluxerunt, pervenies ad annum M. 3468. & a fundatione Templi 477.

A LIBERTATE Judaici populi, & a Monarchia Persarum fundata per Cyrum, usque ad Christi Nativitatem numerantur 532. nimirum a Cyro usque ad Alexandrum Macedonem computantur anni

Ab Alexandro ad Antiochum 112.

Hinc ad Joannem Hircanum 90.

Ab Hircano ad Herodem Magnum 93.

Hujus anno trigesimo sexto, si ejus anni computentur ab eo tempore, quo salutatus fuit Rex a Romanis, natus est Christus.

36.

Summa annorum 532.

ADDATUR hæc summa Epochæ libertatis Judaicæ, sive anno Mundi 3468. & conflabitur summa annorum 4000. quos a mundi creatione usque ad Redemptoris nostri Nativitatem innixi eruditissimorum virorum calculis diximus numerandos.

HABET iste computus præsidium aliquod in traditione Hebræorum attributa Eliæ prophetæ in Thalmud lib. Sanhedrim cap. Helec, quæ est hujusmodi : *Sex millia annorum mundi, & postea interitus : duo millia inanitatis, duo millia legis, duo millia annorum Messie.* (1) Sed quo-

(1) Nicolaus Cardinalis de Cusa in *Conjectura de novissimis diebus* num. 12. & 13. verius esse opinatur, tot annos a Moylis morte usque ad Christum fluxisse, quot ab Adam usque ad dies Noe, & quot a

quoniam hæc traditio non est Eliæ Thesbitæ, sed Rab-
bini ejusdem nominis, qui floruit circa annum 154. a
restituto Templo, atque nostrum non est definire fu-
tura tempora; quæ, ut legimus Act. 1. 7. *Pater posuit
in sua potestate*; idcirco non alius erit nobis traditionis
illius usus, nisi ad revincendam pervicaciam Judæorum,
qui, licet exacti sint Herode alienigena inter ipsos re-
gnante anni 4000. irritis tamen votis, & per orbem dis-
persi adhuc Messiam præstolantur.

CONSTAT ex dictis sex Mundi ætates ante Christi ad-
ventum distingui,

I.	A creatione ad diluvium annorum	1656.
II.	A diluvio ad vocationem Abrahæ	426.
III.	A vocatione Abrahæ ad Exodum	430.
IV.	Ab Exodo ad Templum	479.
V.	A Templo ad finem Captivitatis	477.
VI.	A soluta Captivitate ad Christum	532.

Summa annorum

4000.

C A P U T XI.

PROFANÆ EPOCHÆ, QUÆ PRÆCEDUNT AERAM CHRISTIANAM.

S EQUUNTUR modo Epochæ illustriores, quarum in Hi-
storia frequentior est usus. Harum prima est *Imperii
Assyriorum*, cujus initia recentior Chronologia statuit in
anno P. Julianæ 3447. Mundi 2737. ante Christum 1267.
(1) quo tempore Ninus Beli filius, inito fœdere cum
Ariæo

diebus diluvii sub Noe usque ad mortem ipsius Moyſis; adeo, ut tot
fluere debeant a Christo usque ad complementum annorum. Ita præ-
eunte Philone omne tempus dividit in quatuor partes; quarum postre-
ma a Christi resurrectione ad mundi finem extendatur. Qua sententia,
si vera foret, apertum esset quomodo Christus dicatur mortuus *in me-
dio annorum*, & quare tempus, quod a morte Christi ad mundi
finem decurrit, seu postremum quaternarium, appellatur *finis seculo-
rum*, ac *tempus novissimum*. De hac pariter conjectura nihil temere
definimus.

(1) Ita etiam in IV. Mundi Ætate Jacobus Uſſerius. Plures sta-
tuerunt hujus Imperii, regnique Babylonici initia in anno M. 1717.
eoquod Calisthenes Philosophus dixerit captam ab Alexandro Mæce-
done Babylonem anno Epochæ Assyriorum 1903. captam vero Baby-
lonem ab Alexandro anno M. 3619. a quo deductis annis solidis 1903.
manet initium Babylonis in anno 1717. Ita Calvinus; sed Alexandro

Aræx rege Arabum, Asiam fere totam in sui potestatem redegit; ut litteris tradiderunt Herodotus, Appianus Alexandrinus, & Dionysius Halicarnassensis. Petavius tamen lib. 13. de doctrina Temp. statuit imperii Assyriorum primordia in anno P. Jul. 2604. ante Christum 2110. Is enim putat Ninum fuisse Assur filium Nemrod filii Chus, filii Cham; filii Noe, ac Nemrodum esse Belum, qui condidit Babylonem, de quo Gen. 10. 10. Non videtur mihi ea opinio inverisimilis; nam Babylonem conditam a Belo tradiderunt quoque Abydenus apud Eusebium lib. 9. de Præp. Evang. cap. 41, & Dorotheus Sidonius eo versu,

Antiqua urbs Babylon, Tyrio quæ condita Belo.

Nemrod autem dictus est *Belus*, quoniam Ninus, ut inquit S. Hieronymus in cap. 2. Osee, patrem suum in Deum retulit; ac Deus in Daniele *Bel* dicitur; unde *Belus* Assyriorum, & *Baal*, quem Sidonii, & Phœnices coluerunt,

CERTIOR est Epochæ secunda *Excidii Trojæ*, regiarum olim, & clarissimæ urbis Phrygiæ minoris sitæ ad montem Idam, oramque maritimam, Nam Ilium eversum anno 408. ante primam Olympiadem fere omnes consentiunt, Cappellus, Petavius, Usserius, alii; idque Græcorum Chronica testantur, auctore Eusebio in X. de Præp. Evang. Quamvis autem Tatianus apud eundem Eusebium & Eratosthenes apud Clem. Alexandrinum in 1. Strom. a Trojæ excidio ad priorem Olympiadem numerent annos 407. hæc tamen unius tantum anni differentia nequit nos a communi opinione divellere. Annus vero 408. ante Olympiadem I. est annus P. Jul.

3530.

dedita est Babylon an. P. J. 4381. Mundi 3672. ante Christum, seu ante Æram Christianam, 333. Franciscus Junius, Pareus, Piscator, alique auctorem Imperii Assyrici faciunt non Assur, aut Nium, sed hujus parentem Nemrodum. Hunc autem & Ninum eundem hominem fuisse contendit in sua Chronologia Mercator. Semiramidem Nino uxorem fuisse tradit Diodorus Siculus. A Semiramide positum Nino Epitaphium excisum in columna, in libro de *Æquivocis* refert Xenophon. Epitaphium est quod sequitur: *Mibi pater Jupiter Belus. Avus Saturnus Babylonius. Proavus Chus, Saturnus Æthiops. Abavus Saturnus Ægyptius. Atavus Coelus Phoenix Ogyges.* Hunc esse Noe perspicuum est; ideoque Saturnius Ægyptius est Cham; & Ninus fuit filius Beli, filii Nemrod, filii Chus, filii Cham, filii Noe. At quæ ratione cogimur Epitaphium illud probare, & subscribere Xenophonti?

3530. Mundi 2820. Ante Christum 1184. In hoc itaque anno Troja capta, & Ilium dirutum est.

TERTIA est Epocha *Regni Argivorum*, quorum primus Rex Inachus in Peloponneso principatum iniit anno P. Jul. 2858. M. 2148. ante Æram Christianam 1856. Ab anno tamen superiori Inachi regnum auspicatur Petavius lib. 13. de doct. temp. quod, cum minimum discrimen sit, non moramur.

PROXIMA est Epocha *Olympiadum*, quæ statuitur omnium suffragio in anno P. Julianæ 3938. Mundi 3228. ante Chr. 776. die 19. mensis Julii. Loquimur de Olympiadum supputatione, qua utuntur Græcorum Historiæ, ab hoc dumtaxat tempore meliori annorum rerumque serie digestæ, ac minus fabulosæ. At Græci enumerant Olympiades a prædicto anno P. Jul. 3938. quo anno ludos Olympicos instauravit Iphitus, & stadio vicit Corœbus Eleus. Hinc Olympiades istæ *Iphitææ* vulgo appellantur. Verum ante annos 430. agonem Olympicum constituerat Hercules Idæus, & quinto quoque anno iusserat celebrari, auctore Pausania in Eliacis. Est Olympias spatium annorum quatuor, ex eo appellata, quod juxta Olympiam Elidis civitatem, quæ & Pisa dicta est, quinto quoque anno fierent certamina gymnica in honorem Jovis Olympii. Ita Vossius in Etymologico. Quatuor itaque annis transactis nova inchoatur Olympias, adeo, ut Æra Christiana, quæ figitur in anno Iphitæo 777. initium ducat ab anno 1. Olympiadis 195.

QUINTA est Epocha *Urbis Condita*, constituenda in anno P. Jul. 3961. Mundi 3241. ante Æram communem 753. Quamvis enim diversa statuatur a Chronologis Urbis initia, quæ a M. Porcio Catone, a Fastis Capitolinis, a Fabio Pictore & Lucio Cincio traduntur, atque in partes distrahunt Chronologos; nihilominus recentiores sensu unanimi auspicantur Æram Christianam ab anno V. C. 754. ideoque supponunt ante eandem æram annos Urbis 753. præterisse. Atque recentiorum sententiæ suffragatur, quod hæc sit opinio Varronis, & communiori recepta plausu, unde anni U. C. hinc supputati appellari solent anni Urbis *Varroniani*. Deinde Dionysius Halicarnassensis lib. 1. Cato, alique scribunt conditam Romam anno 432. post Trojæ excidium, qui annus concurrit cum anno P. Julianæ 3961. Præterea juxta

juxta Varronem, & Plutarchum natalia Urbis statuuntur in anno Iphiti 24., idest anno 4. Olympiadis 6. (1) qui unus idemque est cum prædicto anno P. Julianæ 3961. ante Christum 753.

HANC itaque Epocham & nos sectabimur in annis Urbis enumerandis. At prætermittere nolumus non minori probabilitate inniti sententiam illorum, qui censent conditam Romam anno P. Julianæ 3966. Mundi 3256. ante Christum 748., idest toto quinquennio post Palilia Varroniana. Fulcitur hæc opinio, quam ceteris præferendam putant Panvinus noster, & Jacobus Usserius, Fabii Pictoris auctoritate, & Secularium ludorum, Fastorumque ratione; quibus momentis evincitur Romam fuisse conditam anno Iphiti 29. seu anno 1. Olympiadis 8. ante Æram Christianam 748. atque anno 6. Varroiano.

SEXTA Epochæ est *Nabonassari*, statuenda in anno P. Jul. 3967. M. 3257. ante Chr. 747. Primum quoniam communi fere Chronologorum consensione prior annus Nabonassari incidit in annum Iphiti 29. labentem, sive in annum 1. Olympiadis 8. itidem labentem, atque in annum U. C. 7. si a Calendis Januariis, non a Palilibus computetur: atque hi omnes characteres quadrant anno P. J. 3967. Deinde in Canone Regum Babyloniorum edito a Ptolomæo a principio regni Nabonassari usque ad obitum Alexandri Magni numerantur anni 424. decessit autem Alexander anno P. J. 4390. ante Æ. Chr. 324. qui est annus quadringentesimus vicesimus quartus computatus ab anno P. Jul. 3967. Præterea Censorinus, qui scribebat librum de die Natali *Coss. Ulpio & Pontiano*, cap. 13. eundem Consulatum adscribit anno Nabonassari nonagesimo octogesimo sexto. Incidit vero Consulatus Ulpii & Pontiani in annum Æ. Chr. 238. Adde huic numero annos 747. ante vulgarem æram, conficitur summa annorum 985. qui ante prædictum Con-

(1) Conditam Romam anno 2. Olympiadis septima ex sententia Cornelii Nepotis & Lutatii scribit *Polybius*. cap. 1. Solinus. Antea appellatam *Valentiam* quidam putant. Vide ibi *Exercit. Salmassi*. Ex nomine sententiarum est orta diversitas; siquidem & *Pope*, & *robur*, ac *Valentia* idem sonant.

Consulatum fluxerunt. Igitur anno 747. ante Æram Chr. five anno P. Jul. 3967. constituenda est Epocha Nabonassari. (1)

INQUIRITUR quisnam fuerit Nabonassar, cujus Epocham nuper definivimus. Andreas Oleander, Joannes Funckius, & Bontinghus existimant Nabonassarum esse eundem cum Salmanasare patre Sennachirib, de quo 4. Regum 18. 9. ac putant opinionem suam comprobari nominum similitudine; sed illos prolixè refellit Isagoge Chronologica Sethus Calvisius. Et quidem ratio temporum non convenit; nam quo tempore Salmanasar imperabat Assyriis, Babyloniorum rex erat Berodach Filius Baladan, Regum 4. 20. 12. five Merodach Baladan, Is. 39. 1. Iste vero Merodach non alius est, quam Maidoch Cempad, qui juxta canonem Ptolomæi regnavit in Babylone anno 27. postquam imperium illud instituit Nabonassar. Igitur Nabonassar alterius imperii fuit moderator, alterius Salmanasar; & ille aliquantulum senior isto. Neque ulla est nominum similitudo; cum Salmanasar scribatur, *Salman-esel*, & Nabonassar *Nebo-neper* si recurramus ad fontes. Nabonassar itaque idem est, ac Baladan primus, unde genitus est Merodach Baladan memoratus ab Isaia. Appellatur idem Baladan ab Herodoto Belesus; atque is est, qui conspirante Arbace, aut Pharnace Mediæ præfecto destruxit Imperium Assyrium, regnumque Babyloniz occupavit. Ita imperii Baladan initia adeo fuerunt conspicua, ut Æram hanc constituerent, quam dicimus Epocham Nabonassari.

SEPTIMA Epocha est *Cyræ, seu Monarchiæ Persarum*, fingenda in anno P. Jul. 4178. M. 3468. ante Æram Christ. 536. Hoc enim anno Cambyse patre in Persia defuncto, Cyrus potitus est Monarchia totius Orientis, Judæisque in Regno suo versantibus facultatem concessit in patriam redeundi, ac templum Jerosolymitanum iterum ædificandi, ut diximus cap. præcedenti.

OCTAVA Epocha est *Monarchiæ Græcorum*, cujus initia referri debent ad an. P. Jul. 4384. M. 3674. ante Chr.

(1) Hac Æra Nabonassari nihil antiquius reperiri in Chaldæorum Astronomia plures viri docti observarunt, unde constat portentosam esse ipsorum Chaldæorum jactantiam, dum ab eo tempore, quo astræ observari ceperunt usque ad expeditionem Alexandri Magni fluxisse autumant annos 470000.

Chr. 330. Enimvero Alexander Philippi Macedo successit patri defuncto anno ætatis suæ vigesimo, P. Jul. 4378. & anno 1. Olympiadis 111. quo anno Philippum inter ludos occisum a Pausania scribunt Diodorus, Plutarchus, & Arrianus. Delevit autem Alexander Darii copias, & ipse Darius Bessi parricidio interiit anno 3. Olymp. 112. P. Julianæ 4384. atque ita Alexander anno regni sui sexto, ut Historici tradunt, toto Oriente potitus est; Aera itaque Græcorum, si computetur a Monarchia Alexandri, recte in anno 330. ante aeram Vulgarem constituitur.

ALEXANDRI tamen distinguuntur Aerae alia duæ: quarum prima supputatur a morte Philippi, idest, ab anno 1. Olymp. 111. ante Aeram Christianam 336. ut nuperime dicebamus; altera vero ab anno 3. ejusdem Olymp. 111. ante Ch. 334. & P. Jul. 4380. quo anno idem Alexander electus Græcorum adversus Persas Imperator in Asiam transmisit; & Darium ad Granicum amnem illustri certamine superavit. Atque hæc Aera in anno tertio regni Alexandri figenda, a Diodoro, Plutarcho, Curtio, ceterisque Historicis peculiari ratione adnotatur, lidemque Historici Olympiadem centesimam undecimam, in quam incidit, vocare solent antonomastice τὴν Ἀπολυμνιαδα.

COMPLURIS dum annos Græcorum enumerant, utuntur *Epocha Seleucidarum*, quam nono ponimus loco. Pro hujus Epochæ intelligentia sciendum est, ab Alexandro, qui naturæ concessit anno P. Jul. 4306. Olymp. 114. anno 1. & ante Chr. anno 324. posteaquam a morte Philippi regnasset annis 12. & mensibus 8. nullum designatum fuisse imperii successorem, tametsi apud Perdicam, cui moriens anulum suum dederat, summa potestas aliquandiu vigerit. Diviso itaque inter Macedones imperio, Seleucus Babylonem invasit, atque inde expulso Nicanore duce Antigoni, Mediam, Susianam, ceterasque finitimas regiones in suam redegit potestatem. Contigit id anno 1. Olimp. 117. idest, anno P. Julianæ 4402. Mundi 3692. ante Christum 312. & Urbis Conditiæ 442. Atque hæc est Epocha Seleucidarum, quam auctor libri 1. Machabæorum computat a mense Nisan, & a verno tempore; auctor autem 2. libri ab autumno & a mense Tisri. Quare nulla est contradiçtio quod lib. 1. Mach.

1. Mach. cap. 2. 1. statuitur initium regni Demetrii in anno Seleucidarum 151. & lib. 2. cap. 14. 4. in anno 150. Hæc Seleucidarum Aera ab autumno subducta appellari consuevit *Aera Contractuum*, quod autumnali tempore collectis segetibus, & vindemia peracta, prædia novis colonis inito contractu locentur.

ME NON latet nonnullos supputare annos Seleucidarum, non ab initio regni Seleuci in Babylone, sed ab initio regno ejusdem Seleuci in Syria, idest, ab anno 4. Olymp. 119. ante Christum 301; in quo anno ab exercitu Seleuci, Lysimachi, & Cassandri Antigonus, & Demetrius devicti fuerunt, & Seleucus condidit Antiochiam. Sed qui ita sentiunt, facili negotio refelluntur. Primo quoniam Eusebius in Chron. refert Natalia regni Babylonis, Syriæ, & superiorum locorum, in annum 1. Olymp. 117., & in lib. 8. Demonstrat. Evan. in annum duodecimum post mortem Alexandri, ideoque in annum P. Jul. 4402. Deinde quia Concilium Nicænum, quod constat celebratum fuisse anno Ch. 325. Aët. 2. Synodi Chalcedonenfis, necnon ab Eusebio, a Dionysio Exiguo, a Cresconio, aliisque dicitur celebratum *anno Græcorum* 636. quod falsum erit, nisi Græcorum, sive Seleucidarum Aeram computaverimus ab autumno anni 312. ante Christum. Postremo quoniam Cardinalis Norisius diss. 2. de Epochis Syromacedonum tam invicte hanc æram Seleucidarum definivit, ut nullus sit in præsentiarum Chronologus, qui hanc sententiam oppugnet.

JAM VERO Epochæ, quæ remanent explicandæ, inconcussam habent certissimumque principium. Decima itaque est *Aera subacta a Romanis Judææ, & debellatæ a Pompejo Jerosolymæ*. Hæc æra, in anno P. Jul. 4651. M. 3941. ante Christum 63. statuenda est. Nam Pompejus an. U. C. 691. *Coss. Cicerone & Antonio*, capto Templo in solemnî Jejunio tertii mensis, hoc est, die 28. Casleu, vertente anno 2. Olymp. 179. Judæos fecit tributarios Romano populo; & licet Hircano reddiderit Pontificatum, abstulit illi tamen diadema, & Syriam Scauro Quæstori suo regendam commisit. Quæ ex Josepho lib. 14. Antiq. cap. 8. & lib. 1. de Bello cap. 3. ex Dione lib. 37. ex Severo Sulpicio lib. 2. Hist. Sacræ, aliisque Historicis, satis comperta sunt. Profecto adnotatione dignum esse videtur, quod eadem die 28. Mensis 3. Jerosolyma ante

ante annos 543. a Nabuchodonosor capta fuerat, eademque die post annos 26. rursus ab Herode, & Solio fuit expugnata, ita, ut uno, eodemque die Judæorum populus olim Babylonis, deinde Romanis, postea Herodis Idumæo cœperit inservire.

UNDÉCIMA est *Æra Antiochena*, cujus initium locandū est in anno P. Jul. 4665. M. 3955. ante Chr. 49. sive anno 4. Olymp. 182. & U. C. 705. *Coff. Claudio Marcello, & L. Cornelio Lentulo*. Hanc Epocham illustravit prælaudatus Cardinalis Norisius dissert. 3. de Epochis Syromacedonum ex nummis sub Publio Licinio Muciano, & sub Pomponio Flacco proculis. Ex utroque enim numismate constat Epocham Antiochenam progredi ab autumno prædicti A. U. 705. & P. Jbl. 4665. Nam Mucianus fuit Syriæ administrator an. U. C. 821, & Flaccus Syriam obtinuit anno U. 786. In priore autem numismate sub Muciano signatur annus Epochæ Antiochenæ 117., in altero sub Flacco annus ejusdem Epochæ 82. Ut vero annus Antiochenus 117. incidat in annum U. 821. necessum est, ut primus annus Epochæ Antiochenorum concurrat cum anno U. 705; idque pari ratione consequitur, si annus U. 786. sit *Æræ Antiochenæ* 82. His, aliisque gravissimis munimentis Norisius refellit Langium & Scaligerum, qui *Æram Antiochenam* inchoarunt ab anno U. C. 706. P. Jul. 4666. necnon Christmannum & Hervartum, qui annos Antiochenos cœpisse autumarunt una cum annis Julianis. Quod Norisius validissime propugnavit, tradiderant aliis monimentis innixi Petavius lib. 10. de Doctr. Temp. cap. 64. & Usserius ad annum P. Jul. 4665.

DVODECIMA est Epochæ *primi anni Juliani*, quæ omnium consensu computatur ab anno U. C. 709. ante *Æram Christianam* 45. sive P. Julianæ 4669. Mundi vero 3959. Siquidem annus ille, a Calendis Januariis computandus, primus est, qui sequitur annum *Confusionis*, & Reformationem Calendarii factam a Julio Cæsare, ut luxantes annos ad certos limites revocaret.

DECIMATERTIA est Epochæ *Cæsaris Augusti*, sive Romani Imperii. Principatus autem Cæsaris Augusti varia statuuntur initia. Vel enim computantur a nece Julii Cæsaris avunculi sui, qui Idibus Martiis occisus est in Senatu anno U. C. 710. atque ita Augustus imperare cœpit

cœpit anno P. Jul. 4670. M. 3960. ante Æram Christianam 44. Vel numerantur ab inito Triumviratu, seu fœdere, & conspiratione Augusti, Lepidi, & Antonii, qui prætextu Reipublicæ constituendæ imperium indepti sunt anno U. C. 711. die 27. Novembris; atque ita cœpit Augusti principatus anno P. Jul. 4671. M. 3961. ante Christum 43. Vel supputantur a Pugna Actiaca, seu navali certamine; quo apud Actium, urbem, & promontorium Epiri, Antonio devicto an. U. C. 723. quarto Nonas Septembris, cessit Augusto universum Romanum Imperium; & sic ipsius Principatus inchoatur ab anno P. Jul. 4683. M. 3973. ante Æram Christ. 31. Hæc a nullo erudito Chronologo controvertuntur, ac proluxa dissertatione etiam a nobis alibi complanantur.

QUARTEDECIMA est *Æra Hispanica*, computanda ab anno P. Julianæ 4676. M. 3966. ante Æram Chr. 38. Labente enim anno U. 715. *Coss. L. Marcio, & C. Sabinio*, & omittius Calvinus Hispaniam Augusto subegit, ut libro 18. narrat Dio: ac a proximis Kal. Januariis anni U. C. 716. qui est P. Jul. 4676., cœperunt Hispani initiare novum annorum computum. De hac Epochâ S. Julianus Archiepiscopus Toletanus lib. 2. contra Judæos inquit: *Æra inventa est ante 38. annos, quam Christus nasceretur.* (1) *Nunc autem acclamatur Æra 724. Detrahitur itaque 38. annis, ex quo æra inventa est, usque ad Christi Nativitatem residui sunt anni 686. Diximus cap. 9. non deesse, qui ipsum commune Æræ nomen repetant ab Epochâ istâ Hispanorum.*

POSTREMA, & quintadecima Epochâ est *Herodis Magni*, quo regnante in Judæa natus est Christus. At non unum est Regni Herodis principium. Is enim, cum alienigena esset, & Idumæus genere, teste Josepho lib. 14. Antiq. cap. 2. post occupatam ab Antonio Syriam, ejusdem Antonii opera declaratus fuit rex a Romanis, *Domitio Calvino, & Asinio Pollione Coss.* teste eodem Josepho cit. libro cap. 14. & lib. 1. de Bello cap. item 14. Perspicuum est autem consulatum Calvini & Pollionis incidere in annum U. C. 714. & 1. Olympiadis 185. sive in annum 6. Julianum, & quintum principatus Augusti,

Tem. I.

D

gasti,

(1) Loquitur S. Julianus de Natali *Dionysiano*, nimirum de tempore, a quo Dionysianam, communemque Æram auspiciamur.

gusti, si a necē Julii Cæsaris computetur. Atque annus iste est P. Jul. 4674. Mundi 3964. ante Ær. Chr. 40. At Herodes summa rerum potitus est *Vipsanio Agrippa & Caninio Gallo Coss.* anno U. C. 717. quando captis Jerosolymis periit Antigonus, quasi recurrente in idem temporis momentum illata a Pompejo Judæis calamitate, ut prænotatum est supra, & præcitatus Josephus scribit lib. 14. Antiq. cap. 28. Itaque ab anno U. C. 717. & 4. Olymp. 185. Juliano 9. & Augusti. 10, sive, quod idem est, ab anno P. Jul. 4667. M. 3967. ante Æ. Chr. 37. computanda est hæc Epocha Herodiana. Hinc est, quod Herodes regnasse dicitur annos trigintaquatuor a morte Antigoni, triginta vero septem ex quo declaratus fuit rex a Romanis, teste eodem Josepho lib. 17. Antiq. cap. 10. & lib. 1. de Bello cap. ultimo. Mortuus est autem Herodes anno U. 751. anno Juliano 43. C. Aug. 42. & P. Julianæ 4710. circa festa Paschalia, ut lib. 29. Th. Discipl. cap. 1. prop. 3. demonstravimus. Atque hæc de Epochis, quæ Nativitatem Domini præcesserunt.

CAPUT XII.

DE ANNO DOMINICÆ NATIVITATIS, ET DE
ÆRA CHRISTIANA.

NON eadem est, ut quidam existimarunt, Æra Christiana, & Epocha Natalis Christi; nam hæc incerta est, illa vera omnino explorata, & singulis manifesta. Controvertitur quo anno intemerata Virgo Christum pepererit; omnesque tandem consentiunt vel anno U. C. 748. 3. Olymp. 193. P. Julianæ 4708. & Cæsaris Augusti 39. vel anno proxime sequenti, in lucem editum fuisse Generis nostri Reparatorem. Postremam sententiam nos post Norisium, Cappellum, Usserium, Natalem Alexandrum, Gravesonium, aliosque permultos, amplexati sumus; pro altera Pagio, Blanchinio, Schelestrateno, cum illustri aliorum Eruditorum copia, certantibus.

SENTENTIA igitur nostra Maria Primogenitum suum in lucem edidit anno 41. Juliano, Cæsaris Augusti 40. U. C. 749. Olympiadis 193. anno 4. P. Jul. 4709. & quinto ante Æram Communem ad finem properante, VIII. Calend. Jan. *Augusto XII. & L. Cornelio Sulla Coss.* Produ-

Proximus vero sententiæ hujus nostræ munimenta cum lib. 29. Theologicarum disquisitionum cap. 2. tum in dissertationibus Chronologicis, quas prælo commissimus.

AT VULGARIS Aera progreditur à Calendis Januariis anni 46. Juliani, C. Augusti 45. U. C. 754. Olympiadis 195. anno primo, Per. Jul. 4714. solido quadriennio post Christi Nativitatem. Apertissime enim viri clarissimi, Petavius lib. XI. de doct. Temp. cap. 29. Norisius in dissert. de duobus Nummis Diocletiani & Licinii, & Pagius ad annum Ch. 284. demonstrarunt Æram Diocletianeam, seu Martyrum Alexandrinorum, incipere à Consulatu *Carini Augusti 11. & Aurelii Numeriani A. II.* idest, à prædicto anno 284. P. Jul. 4997. & U. C. 1037. Detractis itaque ab Æra Diocletiani annis 283. qui præcesserunt ab exordio Æra Christianæ usque ad imperium ejusdem Diocletiani, residuus erit annus P. Jul. 4714. & U. C. 754. in quo proinde rectissime constituuntur ipsius Christianæ Æræ principia.

HÆC Vulgaris Æra eadem est, cum illa, quam Dionysianam appellant. Dionysius enim Exiguus loco Cycli annorum 95. quem S. Cyrillus coepit ab anno 153. Diocletiani, Ær. Ch. 436. ac terminavit in anno Diocletiani 247. Christi 30. induxit Cyclum Victorianum annorum 532. suisque Cyclis noluit memoriam impii persecutoris innectere, sed magis elegit ab Incarnatione Domini tempora prænotare; ut Dionysius ipse testatur in sua ad Petronium Epistola. Quum autem idem Dionysius Cyclos suos inchoaverit ab anno Diocletiani 248. & Æræ Ch. 531. ut ibidem Dionysius declarat, & docet quoque Venerabilis Beda de rat. Temp. cap. 45., sequitur annum 1. Cycli Dionysii esse annum Julianum 45. qui proxime initia Æræ Christianæ præcessit, & eundem Cyclum ab Æra Dionysiana discrepare, ut demonstrat Petavius lib. 12. de doct. Temp. cap. 2. immo Vulgaris Æræ non Dionysium revera auctorem fuisse, sed Bedam, quemadmodum in dissert. 3. de Cyclo Paschali Ravennate cap. 5. animadvertit Norisius.

IN EO tamen à Bedæ computo discrepamus, quod is à Christi Domini Conceptione, nos ab ejus Nativitate, seu potius neglectis diebus septem anni exeuntis, à proximis Calendis Januariis annos Christianæ Epochæ supputamus. Quamquam rationem illam computandi an-

nos a Dominica Incarnatione Orientis Ecclesiæ, & diu in publicis monumentis Florentini, aliiqve servaverint. Immo Pisani ad nostra usque tempora unum annum Æræ Conceptionis Domini addiderunt, fortasse enumerationem illam sequuti Cycli decemnovalis, cujus præcesserat unus annus, *quando facta est Incarnatio*, ut inquit Beda præcitato cap. 45. & in libro de argum. Lunæ pag. 215. Sed provide, sapienterque instituerunt paucis ab hinc annis Provinciæ nostræ Rectores, ut ad confusionem omnem vitandam *communi stylo* uteremur.

NUNC statuto Vulgaris Æræ principio in anno Juliano 46. U. C. 754. & P. Jul. 4714. facillimum est cum annis Christi Epochas illas componere, quas duobus præcedentibus capitibus explicavimus. Adde E. G. huic anno 1760. annos 776., & habebis annum Iphitæum, sive Olympiacum 2536. Adde annos 753. & emerget annus U. C. 2513. Adde annos 330. & erit annus Græcorum 2090. Adde annos 424. & conflabitur annus Seleucidarum 2184. Adde annos 45. & exsurgit annus Julianus 1805. Adde annos 38. & occurret annus 1798. Æræ Hispanicæ. Adde annos 4713. & efficietur annus P. Julianæ 6473. Ita de reliquis Epochis agendum est, addendo annis Æræ Christianæ annos, qui eandem æram præcesserunt, alterius Epochæ cujus computus investigatur.

C A P U T XIII.

DE ANNIS CHRISTI, ET DE EPOCHÆ TIBERII CÆSARIS.

DE FINITO anno Dominicæ Nativitatis, arduum non est annos reliquos vitæ Salvatoris nostri adinvenire. Nam ex Ægypto, quo illum una cum Matre adspertaverat S. Joseph, ab Angelo monitus de proxima cæde Bethlehemiticorum puerorum, rediit Jesus defuncto Herode, & in Judæa regnante Archelao, anno U. C. 751. Juliano 43. Augusti 42. ante Æram Vulg. 3., atque ætatis suæ anno secundo; siquidem hoc anno contigit circa festa Paschalia mors Herodis, & peractæ Paschæ Archelaus Romam veniens confirmatus fuit Ethnarcha super Judæam, Idumæam, & Samariam, ceteris regni Herodis provinciis Philippo, & Herodi Antipæ
distri-

distributis, ut narrat lib. 17. Antiquitatum cap. 10. Flavius Josephus. De hoc reditu de Ægypto pertractat S. Matthæus cap. 2. 19.

DUODECIM annos natus Jerosolymam a parentibus ductus Christus ad Festum Paschæ, Jerosolymis permansit, & per triduum quæsitus, inventus est in atrio Templi sedens, ac differens inter Legisperitos. Lucæ 2. 43. Quod contigisse anno Æ. V. 8., Herodis Antipæ, & Philippi anno 11., Juliano 53. Cæsaris Augusti 52. & U. C. 761., ex prædefinito tempore Dominicæ Nativitatis aperte consequitur.

BAPTIZATUM Dominum a Joanne, cum ingredi cœpisset annum trigessimum. testatur S. Lucas cap. 3. 23. ideoque consignandus est Christi baptismus anno Æ. V. 26. Juliano 71. U. C. 779. Herodis Antipæ, & Philippi 29.

INTER Christi baptismum, ejusque crucifixionem quatuor intercessisse Paschata colligimus ex Evangelica Historia: de quorum 1. agitur Joannis 2. 13. de altero Joan. 5. 1. de tertio Joannis 6. 4. Postremum vero illud est, quo celebrato affixus est cruci: ideoque passio Domini consignanda est anno ætatis suæ 33. Ær. Vulgaris 29. Olympiadis 202. anno primo, Correctionis Julii Cæl. 74. P. Julianæ 4742. Herodis Antipæ, & Philippi 32. Consulibus (ut memorabilem Redemptionis annum illustrioribus characteribus designemus) *Rubellio Gemino*, & *C. Fusio Gemino*: quibus Coss. Dominum subiisse pro nobis teterrimum crucis supplicium sententia est & antiquior, & communior, & verior.

VIDETUR tamen huic sententiæ adversari quod legitur Lucæ 3. 1. prædicationem & baptismum Joannis, a quo Dominus tinctus est in Jordane, cœpisse anno *quintodecimo imperii Tiberii Cæsaris*. Cum enim Tiberius imperium adeptus sit statim post mortem Cæsaris Augusti, qui decessit Coss. *duobus Sextis*, anno U. C. 767. die 14. Calendarum Septembrium, idest, anno Æ. Vulg. 14. & die 19. Augusti; sequitur annum Tiberii decimum quintum incidere in annum Æ. Vulg. 29. & U. C. 782. quo anno, aut sequenti, Dominum venisse ad baptismum contendunt cum Usserio plerique recentiores. Qui proinde passionem Domini differre coguntur ad annum Æ. V. 33. veræ ætatis Christi trigessimum septimum, U. C. 786. ac Tiberii Cæsaris 19.

VERUM hæc sententia, quæ aperte & veterum traditioni, & , ni fallor, Evangelio quoque repugnat (propterea quod non anno 34. , ut autumant recentiores illi Chronologi, sed anno tricesimo ineunte baptizatum Dominum Lucas narrat absque ullis involucris verborum,) nunquam mihi probari potuit; atque ad Evangelicam cum Romana conciliandam historiam, cum viris eruditissimis recurrendum esse censeo ad Epocham Imperii Proconsularis Tiberii Cæsaris.

ITAQUE præter imperium Augusteum, quod diximus collatum Tiberio anno U. C. 767. die 19. mensis sextilis, admittendum est imperium Proconsulare ejusdem Tiberii; de quo scribit Vellejus Paterculus lib. 2. cap. 121. *Senatus Populusque Romanus postulante patre ejus, ut jus æquum ei in omnibus provinciis exercitibusque esset, &c.* Atque hoc imperium concessum Tiberio, dum ex Pannoniis, Dalmatisque triumphum egit, tradit eo loci Paterculus. Triumphus autem Tiberii consignatur a Scriptoribus Romanæ Historiæ Tiberio Germanico Cæsare, & C. Fontejo Capisne Coss. anno U. C. 765. & Vulg. Æ. 12. Bene ergo se habet, Anno Æ. V. 26. quo consignavimus baptismum Domini, vertebatur annus imperii Proconsularis Tiberii Cæsaris *decimus quintus*, ut inquit Lucas Evangelista, & annus imperii Augustalis 12. absolvendus 14. Cal. Septembris; & anno Æ. V. 29. quo asserimus Christum in ara crucis fuisse immolatum, fuebatur annus imperii Proconsularis 18. annus autem Imperii Augustei 15. Atque ita Tertullianus lib. adv. Judæos cap. 8. ait passum Christum *quintodecimo anno imperii Tiberii*, & in 1. contra Marcionem, *baptizatum anno 12. ejusdem Tiberii Cæsaris*. Quæ de solo imperio Proconsulari, prout a nobis fixum est, possunt intelligi.

CAPUT XIV.

DE EPOCHIS, QUARUM INITIUM STATUITUR POST
ÆRAM CHRISTIANAM.

CONSUEVERANT plerique Veterum supputare annos
a *Passione Domini*, quam superiori capite consignandam diximus in Consulatu duorum *Geminorum*, & in anno Vulg. *Æræ* 29. S. Hieronymus de Script. Eccl. & S. Isidorus Hispalensis in libro de Vita, & Morte Sanctorum, docent Petrum Apostolorum principem coronatum fuisse martyrio anno 37. post *Domini Passionem*: & Hippolytus Portuensis apud Canisium, & Schelestratium, ait annum 13. imperatoris Alexandri esse a *Passione Christi* 206. At Petrum subiisse martyrium *Coss. Nervæ, & Vestini*, anno *Æræ* Vulg. 65., affirmat S. Epiphanius h. 26. cap. 6., & consonat Catalogus Romanorum Pontificum tempore Liberii exaratus. Annus vero 13. imperii Alexandri, successoris *Æliogabali*, concurrit cum anno *Æræ* Vulg. 234. Nequit autem annus a *Passione Christi* 37. incidere in annum *Æræ* communis 65., neque annus ab eadem *Passione* 206. in annum *Æræ* 234., nisi Mors Christi consignetur in anno *Æræ* Vulgaris 29., & in Consulatu *Geminorum*: quæ aperte Epocham *Dominicæ Passionis* stabiliunt, & corroborant quæ de annis Domini dicta sunt capite præcedenti.

Diu etiam in usu fuit *Æra Diocletiani*, seu *Martyrum*, quam cap. 12. figendam dixi in anno *Æræ* Christianæ 284., quod Baronius ad eundem annum. Petavius de doctrina Temp. lib. 11. cap. 30., Norisius in Diff. de duobus Nummis Dioclet. & Licinii, & Emanuel a Schelestrate diff. 2. Antiq. Eccl. cap. 8., veteribus inscriptionibus, Ambrosii, & Evagrii testimoniis, aliisque monumentis tanta evidentia statuerunt, ut rejecta opinione Scaligeri, Chronologi omnes in illorum sententiam descenderint. (1)

D 4

IL-

(1) *Æra* Diocletiani, quam diximus appellari *Æram Martyrum*, ab Eusebio vocatur *Æra Persecutionis*, ab Æthiopibus *Æra Gratiæ*, & ab Mahumetanis *Æra Elkupsî* seu *Captivitatum*. Cum subducatur ab obitu Numeriani, quo occiso Diocletianus assumpsit imperium anno Chr. 284. XV. Kalendas Octobris; convincuntur errasse quosquot aliunde hujus *Æræ* primordia sunt auspiciati.

ILLUSTRIS item est *Epocha Constantini*, inter Imperatores, qui palam professi sunt religionem Christianam, (1) primi: quam Epocham quidam a devicto Maxentio, & a restituta Ecclesiæ pace, quidam vero a celebrata Nicæna synodo auspicantur. Constantinus imperare cepit ex Fastis Idatio attributis, *Constantio Choro Aug. VI. & Galerio Maximiano Aug. VI. Coss.*, nempe anno Ch. 306. VIII. Calendas Augusti. Maxentium vero superavit juxta præcitatos Fastos, *Constantino Augusto II. & Licinio Aug. II. Coss.*, scilicet, anno Ch. 312. V. Calendas Novembris, quo tempore, ut inquit Severus Sulpitius, impositus est finis persecutioni. Nicæna demum Synodus, ipso Constantino imperante, celebrata est *Coss. Paulino, & Juliano*, idest, anno Ch. 325. XIII. Calendas Julias, quemadmodum præter Historicos omnes testantur in præfat. ad Symbolum Patres Concilii Chalcedonensis.

Apud Arabes, & Saracenos in usu est *Epocha*, quam *Hegiram* vocant, sive a fuga Mahumedis, sive ab Hagar, a qua gens Hagarena ducit originem. Statuendum initium Hegiræ in anno Christi 622. & die 16. Julii ineunte feria sexta, (2) cujus diei nocte Pseudopropheta ex urbe Mecha invalescentibus hostibus coactus est fugere, proteritum est, ac vulgare. Sed quoniam singuli Turcarum menses sunt Lunares, & ideo anni Hegiræ varia habere solent initia, ut prænotavimus cap. 5., ad revocandos annos Hegiræ ad annos Julianos nullam aliam viam adinvenimus magis expeditam, quam si post triginta duos annos Julianos, exactos & absolutos dixerimus annos Hegiræ 33., siquidem intervallo annorum 32. communium redit Hegira ad idem fere principium, & dies 10. horæ 21. & minuta 12.,

(1) Dixi *Palam*, ut evitetur quæstio de Religione utriusque Philippi: de qua alibi.

(2) Die Julii 16. sive XVII. Kal. Augusti, unde inchoatur *Hegira*, erat dies lunæ 5. Epacta enim erat signanda XIV. & Aureus Numerus 6. Erat item annus Cycli Solaris 6., & notandus *lit. Domini. C.* ideoque *Dies Veneris*. Concurrerat autem annus ille 622. cum anno 1371. *Æræ Nabonassaris*, ab U.C. supputato a Palilibus 1375., ab institutione Olympiadum 1398., atque vertebatur Heraclii Imperatoris annus XIII.

12., quibus annus Hegiræ minor est anno Juliano, unum annum ejusdem Hegiræ superaddunt. (1)

ADDAMUS Epocham Caroli Magni, seu foundationis novi Imperii, atque finis Imperii Græcorum, & initii Imperii Turcarum. Carolum Magnum inauguratum fuisse solempni ritu a Romano Pontifice Leone III., faustisque populi acclamationibus dictum *Imperatorem Romanum*, & *Augustum*, anno Christi 800. hora secunda matutina diei 25. Decembris, scribit in ejus vita cap. 28. illius Cancellarius Eginhardus. Hinc itaque initia ducit Occidentis Imperium. Græcum autem ad Turcas pertransiit anno Christi 1453., quando Mahumetes II. filius Amuratidis II. anno tertio principatus sui, Hegiræ 857. Constantinopolim expugnavit. Mirum, quod primus in Oriente Imperator Christianus fuit Constantinus Magnus filius Helenæ, & ultimus Constantinus Palæologus isidem filius Helenæ!

(1) Omittimus Epocham Persarum institutam anno 631: dictam vero *Yezdejerd* a Yezdejerdo filio Scháriari Persarum rege: cujus Epochæ anni ratione quantitatis sunt Nabonassarei, sive Ægyptiaci veteres.





ECCLÉSIASTICÆ

HISTORIÆ

BREVIARIUM.



ONSTITUI hoc Opere tyronibus sacrarum scientiarum studio animum intendentibus, memoriæ juvandæ causa, improbique laboris vitandi, tradere universæ Ecclesiasticæ Historiæ Prospectum quemdam, vel Epitomen, iis, quæ ad res humanas profanasque attinent, penitus non prætermisiss. A Natali autem Salvatoris nostri *Dionysiano*, ad hæc usque tempora, facta Seculorum partitione, Opus istud progreditur. Natali illo, communisque Æræ inspectis primordiis, misso vero Dominicæ Nativitatis anno in controversiam maximam posito, illuxit primum Christiani nominis Sæculum, C. *Cæsare*, & L. *Æmilio Paulo Coss.* anno Octaviani Augusti 45. computato a cæde Julii Cæsaris Dictatoris. Inchoatus tunc erat annus quintus ætatis Christi, in sententia eorum, qui natum propugnant anno U.C. 749.

Pri-

Primus enim annus communis *Æræ* concurrit cum anno U.C. 754. P. Jul. 4714. Correct. Julianæ 46. & Primo Olympiadis 195. Anno autem ejusdem *Æ.* V. 26. decimoquinto Imperii Proconsularis Tiberii Cæs. incœpit Præcursoris Domini prædicatio, quam subsecutus est Reparatoris baptismus. Is vero juxta vetustissimam Sanctorum Patrum traditionem immolatus in ara crucis pro universi humani generis redemptione lytrum persolvit anno communis *Æræ* 29. ætatis suæ 33. imperii Augustalis Tiberii 16. Proconsularis 19. *Coss. duobus Geminis*, ac primo Olympiadis 202. Postquam vero resurrexit, & quadraginta dierum spatio Ecclesiam, quam acquisivit sanguine suo, fidei ac mysteriorum traditione formavit; ad cælos victor conscendens, eandem Ecclesiam Romanis Pontificibus, vires suas gerentibus, instituendam regendamque commisit.



PRIMUM ECCLESIAE

S E C U L U M.

C A P U T I.

DE ROMANIS PONTIFICIBUS PRIMI SEculi.

AD MINISTRARUNT itaque Romanam Ecclesiam primo seculo *Petrus*, *Linus*, *Cletus*, & *Clemens*. I. PETRUS Galilæus genere, postolorum princeps, & Cephæ, idest, *Petra* nomine insignitus, Romam sub *Claudio* venerat circa initia anni 41. Æ. V. id asserentibus Eusebio, Hieronymo, & Severo Sulpitio. Rediisse rursus ad eandem urbem imperante *Nerone*, nullus dubitat: nec desunt, qui hunc unum statuunt ejus in urbem adventum, innixi testimonio Lactantii in lib. *de mortibus Persecutorum*. Ibidem Simonem Samaritanum, magum vaserimum, cui erectam a Romanis statuam affirmat Justinus Martyr. (1) *Semoni Sango* Deo Sabinarum erectam fuisse purant alii) volare tentantem oratione e sublimi aere dejecit. (2) In persecutione Neronis obiit affixus Cruci *Coss. Nerva*, & *Vestino*, idest, anno 65., post passionem Domini 37. tertio Kal. Julias, cum a priori in Urbem adventu tenuisset ibidem Cathedram sacerdotalem circa annos 25.

II. LINUS Volaterris, ut fertur, (3) exortus, & in Ecclesiasticis tabulis appellatus *e regione Tusciae*, successit Petro; seditque juxta vetustiores Catalogos, emendatosque Codices libri Pontificalis, annis undecim; & martyrio coronatus est, quamquam id negent recentiores non-

(1) Etiam Eusebius lib. 11. H. E. cap. 14 Statuamque Simoni Mago erectam fuisse diversam a statua erecta Semoni Sango Deo Fidio demonstrat ad an. 44. Ven. Card. Baronius.

(2) Id quidam recentiores in dubium revocant; sed vide Ven. Baronium ad an. Chr. 68. & Ven. Bellarminum lib. 2. de Rom. Pontif. cap. 23. & lib. 3. cap. 2.

(3) *Linus natione Tuscus, patria Volaterranus*, inquit Baronius ad an. 69 & ita Pagius, cetetisque; in Catalogis tamen & in libro Pontificali habetur dumtaxat, *Linus natione Italus e regione Tusciae, ex patre Herculano*, &c. Sunt qui procreatum scribunt ex præclarissima *Maurorum* gente.

nonnulli, anno *Æ. V. 76. Vespasiano VII. & Tito V.* nona die Kalendarum Octobris,

III. SUCCESSOR Lini juxta traditionem Romanæ Ecclesiæ, præferendam Criticorum commentationibus, (1) fuit *Cletus* patria Romanus; qui Episcopatum gessisse dicitur annis 12. menses enim diesque in hac synopsi ut plurimum prætermittimus. Quare obiit *Coll. T. Aurelio Fulvo 11. & A. Sempronio Atratino*, nimirum anno *Æ. V. 89.* eique in Pontificatu successit *Clemens*.

IV. HUNC Romanum, & præclarissimo nato genere opinabatur antiquitas: recentiores levissima ducti conjectura putant ex Judaica stirpe procreatum. Episcopatum tenuit annis 9. scilicet, usque ad annum Christi 98., quo imperante Trajano, in Chersonesum Thraciæ deportatus, post exactum ærumnis, & egestate biennium, in mare demersus est, anno tertio imperii ejusdem Trajani, *V. Æ. 100.* ut inquit Eusebius lib. 3. H. E. cap. 34. Hieronymus de Script. Eccl. Martyrologium Bedæ XI. Kal. Decembris, & MSS. Codices Florentini libri Pontificalis. Unde apparet recentioris Chronologiæ, Clementis obitum statuentis in anno 77. haud certa, & labilis supputatio. (2)

P. A.

(1) Lino quidam Clementem, non Cletum successisse opinantur, & fulcitur horum opinio auctoritate SS. Optati Milevitani lib. 2. & Augustini epistola 165. Vetusta tamen Romanæ Ecclesiæ monumenta Clementem faciunt ordine quartum. Orta priorum sententia ex quo Cletum eundem esse cum Anacleto crediderint, nominis decepti similitudine. Fuerunt ex hæreticis, qui Cletum simul cum Lino sedisse autumarunt. Fallax assertio, traditioni, Catalogis pervertisis, & unitati Apostolicæ Sedis repugnans, æque absurda, ac sit illa, quæ Petrum, & Paulum eadem potestate, eodemque jure Ecclesiæ Romanæ asserunt præfuisse. Hæc est autem utriusque Pagii Chronologia, Romanus Petri Pontificatus incepit anno *Æræ Vulgaris 55. Lini 65. Clementis 67. Cleti 77. Anacleti 85. Evaristi 95. &c.*

(2) Chronologia Romanorum Pontificum, qui sederunt prioribus seculis, adeo implicata est, ut diversam supputandi rationem complures inierint. Vide Baronium, Petavium, Papebrochium, utrumque Pagium, Tillemontium, Pearsonum, Dodwellum, alios. Ad hanc præferendam nos impulerunt, quæ de Petri in urbem adventu, & de obitu Clementis Trajano imperante Veteres tradiderunt. Quod adversus Clementis Chronologiam ab Eusebio traditam opponunt ex Epistola ejusdem Clementis ad Corinthios Isaac Vossius epist. 2. ad Rivetum, Pearsonius in Vindictis epistolæ S. Ignatii, & Anjonius Pagius ad annum 78. solvitur a Schellstrateno diff. 2. Antiq. Eccl. cap. 1. Legendus ad annum 69. & 93. Venerabilis Annalium Conditor Baronius. In ea, quam sequimur, Chronologia etiam Pontificatus Anacleti comprehenditur in primo Seculo. De illo tamen agendum seculo proximo, quoniam ei complures tribuunt 9. aut decem annos Episcopatus, & hunc Ven. Baronius inter annum 103. & 112. circumscribit.

PATRIARCHARUM NOMINA.

Hoc primo Seculo Alexandrinam Ecclesiam rexerunt
S. Marcus Evangelista, Anianus, Avilius, & Cerdo.
 Antiochenam post Petrum, *Evdodius, & Martyr Ignatius.*
 Jerosolymitanam *Jacobus Alphaei, & Simeon.*

CAPUT II.

DE CONCILIIIS PRIORI SEculo CELEBRATIS.

TRIA primo vertente seculo celebrata fuerunt Concilia in Actibus Apostolorum descripta.

CONCILIIUM primum congregatum fuit paullo post adventum Spiritus Sancti, ut alius Apostolus eligeretur in locum Judæ proditoris. Electus est autem *Matthias* in concursu *Barabæ* cognomento *Iusti*. Vide Act. Apostol. cap. 1.

IN ALTERO Concilio septem electi fuere diaconi, non administri duntaxat mensarum, ut inquit Novatores, sed liturgiæ inservientes, & ordinati manuum impositione. Quorum primus *Stephanus* sapientiâ & signis præclarus obrutus lapidibus retulit præsignatam nomine proprio coronam, Act. cap. 6. & 7. Hæc duo Concilia paullo post Ascensionem Domini contigere.

TERTIUM celebratum fuit circa annum Christi 30. jam promulgato in Palæstina Evangelio, decretumque ea in Synodo, ne regeneratis baptismo circumcisionis, rituumque legis Mosaicæ onus imponeretur, ibid. cap. 15. Convenerunt ad hanc Synodum Apostoli omnes, & presbyteri, non vero plebs, ac fidelium multitudo: omniumque primus locutus est, iudiciumque protulit Petrus, sed ceterorum quoque Apostolorum nomine promulgata sententia; atque ita futuris Sacerdotum conventibus præscripta forma.

SUNT qui putant aliud ab Apostolis coactum Concilium ad condendum Symbolum, promulgandosque canones, qui *Apostolici* nuncupantur. (1.) Verum quod ad Symbolum

(1.) Quidam octo Apostolorum Concilia recensent, quorum tamen octavum vel dubium, vel supposititium esse opinantur. Videtis Apparatum Annati lib. 5. Sectione 2.

lum attinet, nec de tempore, nec de modo, quo conditum sit, conveniunt historici. *Apostolicum* dici arbitramur, quod Apostolicam comprehendat doctrinam. Eadem ratione laudati canones dicti sunt *Apostolici*: imo hos inter spurii extant nonnulli; unde liber, quo 84. continentur, can. *Sancte Romana* dist. 15. declaratur apocryphus.

C A P U T III.

DE HÆRETICIS PRIMI SECULI.

ERUPERUNT primo Seculo hæreses Simonis, Cerinthi, Menandri, Ebionis, Saturnini, Basilidis, & Nicolaitarum. (1)

SIMON genere Samaritanus, baptizatus a Philippo, in eam primum prolapsus est impietatem, ut crediderit dona Spiritus Sancti pecunia obtineri. De se adeo superbe sensit, ut sese deum Judæorum legislatorem, mundique Reparatorem, & Paracletum quoque jactaret. Helenæ, quam deperibat, sub Minervæ nomine cultum impendit latræ. Dogmatizavit præterea mundum productum ab angelis, animosque solutis corporibus in alia corpora transmigrare. Fertur & negasse futuram mortuorum resurrectionem.

CERINTHUS in Asia natus, viventibus adhuc Apostolis, commentus est, Deum non esse Creatorem mundi. Legem Moylis etiamnum ad salutem necessariam asseruit. Mille annorum regnum carnalibus voluptatibus, victimisque cruentis transigendum iniecit; & Christum purum hominem ex Maria & Joseph procreatum ausus est affirmare.

MENANDER, & Ebion (2) eidem hæserunt luto, fuitque unus Simonis conterraneus, & discipulus, alter e secta Pha-

(1) Omittimus hæreses sectasque adhuc persistentes. Judæorum, nempe, *Phariseorum*, quorum origo refertur ad tempora Machabæorum, nomen vero est a *Pharis*, segregavit. *Sadduceorum*, qui dicti sunt a *Pfadoch* vocabulo significante *justitiam*. Essæorum, obscuri nominis, neque in libris novi testamenti occurrentis. *Herodianorum*, de quibus cap. 22. S. Matthæus. *Primi* frivolas traditiones legi contrarias servabant. *Secundi* negabant animos post obitum permanere, esse spiritum, & futuram resurrectionem. *Tertii*, cum alioqui cælibes essent ac religiosi, sacrificia exteriora damnabant. *Postremi* credebant Herodem fuisse Messiam in lege promissum. Adde *Samaritanos* a Judæis schismate separatos.

(2) Ebionem emersisse statim post excidium Jerusalemitem tradit Eusebius.

Phariseorum, & Pauli Apostoli infensissimus hostis, *mendicus*, quod ejus nomen sonat, & inops.

SATURNINUS, ac *Basilides* (1) fuerunt Menandri auditores. Addidere tamen illius erroribus pecularia figmenta, ut 365. angelorum propaginem, parem cælorum membrorumque humani corporis numerum, & quosdam prophetas barbaris insulsisque nominibus designatos.

NICOLAITARUM impura secta admittebat mulierum, etiam conjugatarum, promiscuum usum esumque carniū idolothyti. Nomen accepere a *Nicolas* Diacono, qui uxori imprudenter dimissæ facultatem fecit, ut nuberet cui-cumque vellet. Commemorantur i. *Nicolaïta* cap. 2. Apocalypseos. Apollonius Tyanæus Romæ sub Domitiano exercebat præstigia. (2)

C A P U T IV.

DE SCRIPTORIBUS I. SEculi.

SI EPISTOLÆ Jesu Christi ad *Abgarum* regem Edessæ, & B. Mariz Virginis ad *Messanenses* & ad *Florentinos* exploratæ essent auctoritatis; principem sibi locum isto in capite vindicarent. Verum supposititiæ censentur; quamvis prima ob Eusebii assertio-

(1) Tertullianus de Præscript. cap. 46. & S. Hieronymus in Amos ajunt, Deum omnipotentem a Basilide appellari *Abraxam*. S. Irenæus in voce illa *Abraxas* contineri docet numerum illum cælorum 365. Perspicua est computatio; nam Græce A valet i. B. 2. p 100. a. 1. & 60. a. 1. & 100. Quorum numerorum summa est 365. Vossius in i. de Idol. eo nomine designari putat Deum Persarum *Mithram*, id Solem, qui annuo cursu implet numerum illum dierum. Balsace & Beaufobre nomen illud repetunt ab Ægyptiorum superstitione. Non sunt audiendi, qui in ipso vocabulo *Abraxas* Trinitatis & Incarnationis mysteria vestigant. A, inquit, est *Ab* Pater, B *Ben* Filius, R. *Ruach* Spiritus, A *Achodes* Sanctus Scriptura *Salus*, A *Awé* Per, & ΕΥΛΟΓΗΤΟΝ. Nemo non videt hujus interpretationis auctorem modo ad Hebraicum, modo ad Græcum Alphabetum confugere, litterasque e suo loco amovere. Quis etiam credat vel Ægyptios vel Hæreticos primi Seculi propugnasse divinarum Personarum Trinitatem, & Domini Incarnationem? Idem dicendum de *Abracadabra*, voce a prædicto vocabulo *Abraxas* derivata.

(2) Quidam post S. Philastrium memorarunt *Judaistas*, qui proditorem laudarent. Alii Thebutis, qui apostatavit a fide, Hymenæi, Phileti, & Alexandri, de quibus Paulus Apostolus i. Diotrephes, de quo ep. 3. Joannes, mentionem fecere. At non omnes impii, & communionis privati nomen Sæctæ alicui dedere.

tionem *lib. 1. H. E. cap. 13.* propugnatores habeat complures. (1)

MEMORANDI sunt itaque Scriptores Agiographi, quorum libri in canone divinarum Scripturarum habentur; tum recensendi sunt ceteri.

S. MATTHÆUS, qui & *Levi*, Evangelium conscripsit Hebraica lingua, circa annum 8. a Christi resurrectione; ipse autem circa annum *Æ. V. 60.* martyrium perpeffus est Hierapoli in Parthia.

MARCUS ex Hebræo Matthæi, atque ex his, quæ audierat a Petro, Evangelium mandavit litteris Romæ, Græca, quæ tum communis erat, lingua, non autem Latina; idque circa annum 40. *Æ. Vulg.* & post decimum a Christi passione.

LUCAS Antiochenus, & medicus (Pictorem quoque nonnulli faciunt, scriptura, ac antiquitate silentibus) Evangelium Græce scripsit in Achajæ, vel Beotiæ partibus circa annum *Æ. V. 56.* Scripsit & Actus Apostolorum; atque ipse martyrio affectus est in Bithynia, anno ætatis suæ, ut fertur, 84. cum vitam egisset cœlibem.

JOANNES filius Zebedæi, & Salomis Evangelium edidit reversus Ephesum, Nerva imperante, anno 97. cum tamen relegatus a Domitiano in insulam Pathmum, superiori anno 96. scripsisset *Apocalypsim*. Ephesi itidem, eodemque tempore, quo Evangelium, tres conscripsit Epistolas, quæ habentur in canone: senioque confectus tranquillo fine quievit post initia proximi seculi, idest, anno 104.

PAULUS, *Saulus* antea, Cilix ac patria Tarſensis anno *Æ. V. 31.* ad Christum conversus, & factus ex persecutore Apostolus Evangelium longe lateque promulgavit, suisque Epistolis erudit Ecclesiam. Extant Pauli epistolæ XIV. Una *ad Romanos*, & *ad Corinthios* duæ, scriptæ circa annum 57. *Ad Galatas* quarta, adversus Judaizantes, data ante priorem *ad Corinthios* juxta Dodwellum, & Caveum, seu potius anno 58. Ex urbe Roma scripsit circa annum 60. *ad Ephesios*, *ad Philippenses*, *ad Philemonem*, & *ad Hebræos*: epistola pariter *ad Colossenses* eodem tempore, eodemque loco scripta est. Duæ

Tom. I.

E

ad

(1) De hac Epistola in utramque partem disputavimus *lib. 29 de Theol. discipuli. cap. 6. num. 4.*

ad *Theſſalonicenſes* datæ videntur Corinthi anno 52. Ad Titum ſcripſit ex Epiro, vel Macedonia anno 64., & ad *Timotheum* epiſtolas duas; paullo ante martyrium, conſignandum anno 65., non, ut quidam autumant, 68. Affictæ autem ac ſuppoſitæ ſunt, quæ ſub Pauli nomine ab aliquibus laudantur, ad *Senecam*, atque ad *Laodicenſes*.

PETRUS quoque duas Epiſtolas Roma conſcripſit ad eſcotos Ponti, Aſiæ, Bithyniæ, & finitimarum provinciarum, plenas inſtituendæ vitæ præceptis: unam anno 43. dum Marcus Alexandriam profeſſurus Roma diſcederet; alteram poſtremo vitæ ſuæ tempore, inſtante jam depoſitione *tabernaculi* ſui, ſcilicet, corporei carceris, ut inquit cap. I. 14.

JACOBUS *Alpha*i primus Jeruſolymorum Epiſcopus, *columna* appellatus a Paulo, epiſtolam ſcripſit argumento multiplicem, in qua docet fidem ſine operibus nihil prodeſſe: quæ Epiſtola appellatur *Catholica*, & edita eſt anno 61. paullo ante, quam præcipitaretur de pinna templi, & a Synedrlo damnaretur procurante Anano Pontifice.

JUDAS, vel *Thaddæus* prædicti Jacobi germanus frater ſcripſit & ipſe brevem Epiſtolam, de qua olim hæſitarunt nonnulli, quoniam de libro *Henoch*, qui Apocryphus eſt, teſtimonium aſſumit. Sed communi tandem adprobatione tamquam canonica recepta eſt. Ex verſu 18. conſtat fuiſſe ſcriptam poſt ſecundam Petri. Libris hætenus recensitis Novum componitur Teſtamentum. (1)

MODO Scriptores laudabimus alios: ac primum *Clementem* Romanum Pontificem, cujus duæ extant ad *Corinthios* Epiſtolæ, quarum prima communi eruditorum conſenſu recipitur; aliam vero Hieronymus, Photius, & recentiorum plures exiſtimant reprobandam. Eidem Clementi perperam adſcribuntur oſto *Conſtitutionum Apoſtolicarum* libri, *Itinerarium Petri*, diſputatio *Petri & Apionis*, & epiſtolæ aliæ quinque.

BAR-

(1) Codicem Apocryphorum librorum Novi Teſtamenti compilavit, ediditque Fabricius. Qui de Apoſtolis ſcripſere, a Sagittario quoque in Introduct. ad Hiſt. Eccl. & a Franc. Buddæo de Eccl. Apoſtolica laudantur.

BARNABAS, qui & *Ioseph Levites*, unam conscripsit epistolam: quam tamen Hieronymus & Eusebius vocant *apocrypham*, nempe extra Canonem divinorum librorum.

HERMAS, seu *Pastor*, edidit Opus tripartitum, complectens *visiones, statuta, ac similitudines*, sed *apocryphum* declaratur decreto Gelasii. (1) Scripsit Hermas circa an. 92.

ETIAM *Flavius Iosephus*, & *Philo Alexandrinus* Iudæorum doctissimi solent hic recenseri: ille ob testimonium de Christo, quod habetur libro 18. *antiq. Judaic.* iste autem, quod in *vita eorum*, qui *Asceta* dicuntur, videatur plurimum commendare Christianos Alexandrinos. Utrumque tamen ambiguum est, atque obscurum. Commemoratur S. Hieronymus in Catal. n. 24. *Iustum a Tiberiade Iosepho æqualem*.

PRÆTERMITTO *Acta presbyterorum Achaja*, seu Martyrii S. Andreæ Apostoli, Scripta quæ tribuuntur *Prochoro, Lino, & Abdia*, Epistolas *Martialis Episcopi Lemovicensium*, (2) atque *Acta Pilati*: de quibus varia sunt sapientissimorum virorum iudicia, nec aliquid certi possumus definire. (3)

(1) Olim tamen a pluribus magno in pretio habitus, & in quibusdam perfectus Ecclesiis. Nicodemi Evangelium, aliaque spuria prætermittimus. *Dionysium Areopagitam*, ac primum Atheniensem Episcopum Eusebius lib. 5. H. E. cap. 4. ceterique commemorant. An sit auctor librorum, qui sub ejus nomine circumferuntur, & an distinguendus sit a S. Dionysio Parisiensem Antistite controversatur.

(2) Habendus eodem in loco *Aurelianus* S. Martialis auditor, & in Episcopatu successor.

(3) *Dionysium Areopagitam*, eique adscripta Opera, ob dissensiones Auctorum, cum de uno aut duplici Dionysio, tum de libris Dionysii nomine insignitis, consulto prætermisimus. Sed *Areopagitæ* libros, præter Maximum monachum, Syncellum, Suidam, Photium, aliosque Græcorum, laudant Trithemius, Facultas Parisiensis in sua contra Erasmus Censura, Sixtus Senensis lib. 2. Biblioth. S., Bellarminus lib. de Script. Eccl., Baronius ad an. 109. Possévinus in Apparatu Sacro, Nat. Alex. dissert. 22. Seculi 1. Annatus, & alii, in oppositam partem abeuntibus Erasmo, Riveto, Dallæo, Launojo, Morino, Blondello, Caveo; Papebrochio item, sed hoc, aliisque orthodoxis alieno spiritu ab iis, qui Ecclesiasticam student evertere Hierarchiam.

Sibyllarum libri, qui modo extant, communiori Eruditorum iudicio habeantur supposititii.

C A P U T . V.

DE ROMANIS IMPERATORIBUS, MARTYRIBUS,
ET SANCTIS ALIIS PRIMI SECULI
ILLUSTRIORIBUS.

OCTAVIANUM *Augustum* e Velitris oriundum, sed natum Romæ juxta Suetonium, Velitris auctore Dione, Romanum tenuisse imperium, quando natus est Christus, & ejusdem Cæsaris anno 45. inchoandam Æram Christianam, dictum est supra. Obiit autem Augustus *Coss. duobus Sextis*, idest, anno Æ. V. 14. die 19. mensis Sextilis, cum imperasset annis fere 58. vixisset autem 76. Augusto imperante, ab Herode Ascalonita Judæorum rege interfecti fuere in omnibus finibus Bethlehemi cuncti infantes bimuli, quos Ecclesia numerat inter martyres. Contigit immanissima hæc cædes quarto ante Æram communem anno.

AUGUSTO successit in imperio *Tiberius* e gente Claudia, filius Tiberii Neronis, & Livie Drusillæ, Augustum principatum indeptus eodem anno 14. cum tamen ante exactum biennium consecutus fuisset imperium Proconsulare; cujus Epocham sequitur Lucas Evangelista. Decessit autem Tiberius anno Christi 37. *Coss. Accernio, & Nigrino*, die 16. Martii: eoque imperante anno 28. Æræ vulgaris, jussu Herodis Antipæ, & saltatrice puella petente, decollatus est S. Joannes Baptista; & proximo anno suffixus cruci Caput martyrum, mundi que Redemptor. (1)

Post

(1) Tiberius ob vitium ebrietatis *Biberius* a jocularibus dictus, atque ob portentosam libidinem, cujus nefanda exempla in secessu insulæ Capreeni innoxit, *Caprinus* appellatus & *Hircus*: unde in Epigrammate Ausonius:

Prenomen Liberi nactus Nero prima juventa

Tempora laudato gessit in Imperio

Frustra dehinc solo Caprearum clausus in antro,

Quæ prodit vitii, credit opera locis.

Protomartyr Stephanus lapidibus obrutus, Tiberio imperante, *Act. cap. 7.* Vide Baronium ad annum Christi 34. Per idem tempus persecutionem magnam factam in Ecclesia Jerosolymis testantur præcit. *Act. Apost. cap. 8.* 1. referenda potius ad anni 33. exitum. Suetonius & Tacitus tradunt Tiberium obiisse die 16. Martii, Dio autem die 26.

POST Tiberium imperavit *Cajus* cognomento *Caligula* filius Germanici, & Agrippinæ, confossus a Cassio Cherea triginta vulneribus die 24. Januarii, dum quartum cum *Sentio Saturnino* gereret consulatum, anno sc. Vulg. Æræ 41. quo imperante egregiam fidei Catholicæ navavit operam S. Barnabas, eamdemque fidem amplexus est Cornelius Centurio baptizatus a Petro: atque fideles an. 40. coeperunt Antiochiæ denominari Christiani. (1)

SUCCESSIT *Cajo Claudius* frater Germanici, & filius Drusi & Antoniæ, sublatu veneno in boletis sumpto, conscia uxore Agrippina die 13. Octobris, *Coss. M. Asinio Marcello, & M. Acilio Aviola*, nempe anno Ch. 54. A Claudio Herodes Agrippa adactus Judææ & Samariæ principatu in Ecclesiam deserviit, & Jacobum fratrem Joannis occidit gladio, ac Petrum carceri, unde ab angelo ereptus est, mancipavit. (2)

POST Claudium imperium tenuit *Nero* e gente Domitia, filius Domitii Enobarbi, & Agrippinæ, qui seipsum interemit die 10. Junii, *Coss. Silio Italico, & M. Galerio*, nempe anno Ch. 68. Undecimo Neronis anno, Ær. Chr. 64. exorta est prima, post Herodianam, seu Judaicam, persecutio, in Christiani fideles incendii Urbis & exitiosæ superstitionis conflata calumnia. (3) Non modo Romæ, sed ubique perse-

E 3

cutio

(1) Eodem anno 40. *Cajus Caligula* jussit statuum suam poni in templo Jerosolymitano. Verum id differente Petronio Syriæ præside, & contranitante Agrippa mandatum non fuit executioni: erratque Grotius asserens impletum in *Cajo* quod scribit Apostolus in 2. ad Thessalonicenses cap. 3. 4. & illum esse prænunciatum eoloci Antichristum. *Caligulam* dictum volunt a caligis, quas ornatas margaritis portaverit, vel potius a caligis, quas deferabant gregarii milites. Ausonius præmisso Tiberio,

Post hunc castrensis caliga cognomine Caesar,

Successit sevo senior ingenio.

(2) Repudiasset *Claudius* *Æmiliam Lepidam*, *Plautiam Herculanillam*, & *Æliam Petinam* nobilissimas matronas. *Messalina* altera *Claudii* uxor, adeo impura, ut viro vivente palam nuberet *Cajo Silio*, jugulata est, proco quoque *Silione* necato. *Agrippina* filia erat fratris sui Germanici: unde a S. C. postulavit, Ut nuptiæ inter patruos neptesque ratæ haberentur. A *Nerva* abrogatum fuit hoc *Senatus* consultum, repugnans etiam divinis legibus *Leviticæ* 18. 12.

(3) Decem vulgo ante *Constantinum Magnum* enumerantur persecutiones Ecclesiæ, de quibus singulis suo loco. I. Neronis. II. Fl. Domitiani. III. Ulpii Trajani. IV. M. Aur. Antonini Veri. V. Sept. Severi. VI. Maximini Thracis. VII. Decii. VIII. Valeriani. IX. Aureliani. X. Diocletiani, & Maximiani.

tatio defœviit. Necati in Urbe Apostolorum Principes, *Processus & Martinianus, Basilissa, Anastasia, Herodion, Olympias*, aliique Apostolorum discipuli. Interfecti item Mediolani an. 65. *Nazarius & Celsus*, necnon *Gervasius & Protasius*. Per idem temporis *Torpes* Pisis martyr occubuit (1). Postremo autem Neronis anno *Marcus Evangelista* prope Urbem Alexandrinam, & *Evodius Antiochiæ*, cujus post Petrum gessit Episcopatum, martyrium perpeffi sunt. Fertur anno Neronis quarto obdormisse, & ad cælum fuisse assumptam beatissimam Christi Matrem; an Jerosolymis, an Ephesi, Patres, & Historici non consentiunt. Concurrit quartus ille annus cum anno Æ. V. 57. (2)

EXTINCTO Nerone, regnarunt unius anni intervallo *Sergius Sulpicius Galba, Marcus Salvius Otho, & Aulus Vitellius*: quibus, uno post alium, interfectis, imperium indeptus est *Flavius Vespasianus* anno Christi 69. Kalendis Junii. Anno Vespasiani 2. Æræ Vulg. 70. a morte Christi 42. a Tito ejus Filio expugnata est Jerusaleem Kal. Sept. in cujus Urbis obsidione perierunt undecies centena millia Hebræorum, & 97. millia in captivitatem adducta sunt. (3) Vespasianus vero naturæ con-

(1) Decem millia Martyrum in eadem civitate sub Nerone martyrium perpeffi sunt. Putarunt nonnulli Neronem iterum venturum, & futurum fore præcursores Antichristi. Tradit id Lactantius de Mortibus Persecut. cap. 2. At variant lectiones; & qui credunt Neronem esse translatus, & adhuc vivere, ibidem appellantur *deliri*. Reversurum scribit Iulianus. 41. Commodianus.

(2) In fragmento Hippolyti Thebani inter Codd. Vaticanos habetur Deiparam vixisse post Domini Passionem annis XL., omnes vero illius annos fuisse LXI. Apostolis de quibus in I. P. adde LXXII. Discipulos Domini, *Timotheum* discipulum Pauli primum Episcopum, & *Cesarium* Terracinensem, ac sanctis mulieribus, quæ Dominum secuta sunt, *Mariam Cleopha, Salomen, Martham, & Mariam Magdalenam* sorores *Lazaræ*.

(3) Excidium Jerosolymitanum prædictum a Daniele cap. 9. 26. & a Christo Domino Matth. 24. 15. ante annos septem ingentibus clamoribus annuntiare cepit Jesus F. Anani, anno nempe Æ. V. 63. atque an. 65. die 21. Maji visi in aere currus exercitusque pugnantes, atque die 29. in festo Pentecostes audita vox illa excedentium Angelorum, *Migremus hinc*. Legitote Joseph de Bello.

Sub Vespasiano dirutum fuisse templum illud Judæorum in Ægypto, quod ædificaverat ante annos fere 256. Onias a Jasone fratre suo dejectus Pontificatu. Ab hoc templo derivatam quidam putant fabulam *Asini*, quem Judæi ab Ethnicis coluisse dicuntur; Neque enim inverisimile est illud, quod erat appellandum τὸ ἱερὸν Οὐν, appellatum fuisse neglecta minima littera *Jota* τὸ ἱερὸν Οὐν.

concessit anno Ch. 79. die 24. Junii, in Consulatu suo nono, imperiique anno 10. Sub Galba fertur in Achaja pro Christo mortem crucis pertulisse *S. Andreas* Apostolus, & anno post Jerosolymitanum excidium, nempe A. V. 71. *Bartholomæo* in majori Armenia detracta cutis, & caput abscissum.

IMPERAVIT post Vespasianum invictissimus ejus filius *Titus*, qui post biennium satis cessit *Silvano & Pollione* *Coss.* anno Ch. 81. idibus Septembris. Post quem imperium arripuit *Domitianus* ejus frater, & filius Vespasiani, & Domitillæ.

DOMITIANUS imperium administravit annis 15. interitque XIV. Kal. Octobris *Coss. Valente, & Antistio*, anno Ch. 96. Erupit Domitiano imperante secunda Ecclesiæ persecutio, anno Ch. 93. Pergami in Mysia *Antipas* inclusus in bovem æneum candentem: Romæ *Joannes* in olei ferventis dolium: (1) *Flavius Clemens* Domitiani patruelis percussus gladio: *Flavia Domitilla* in insulam Pontiam relegata: cum duobus eunuchis *Nereo, & Achilleo*, postea Tarracinæ martyrium passis: occisus *M. Acilius Glabrio* Exconsul: *Felicula* item Virgo inedia, fame, & equuleo necata; & *Nicomedes* presbyter plumbatis cæsus. Jussit quoque Domitianus occidi omnes posteros Davidis, ut inquit Eusebius lib. 3. H. E. cap. 19. (2) Hoc Cæsare quidam Athenis affectum martyrio ajunt *Dionysium Areopagitam*, mortuumque *Onesium* Ephesiorum Episcopum, repugnante tamen Baronio.

E 4

Do-

(1) Eundem Joannem vixisse annos CX. usque ad Domitianum, legitur in prælaudato Fragmento; at post obitum Domitiani ex Pathmo rediisse Ephesum, ibique Ecclesiam rexissetque ad Trajani tempora tradit Hieronymus.

(2) Alibi 20. Domitianus ipse dicitur a Juvenale *Calvus Nero*, a Tertulliano *Portio Neronis in crudelitate*, a Lactantio *Non minor Nerone tyrannus*, ab Eusebio *Neroniana impietatis & odii adversus Deum successor*. Vide Not. Baluzii in lib. de Mortibus Persecut. cap. 3. Non videtur itaque a cæde Christianorum, ut Dodwellus & Gisb. Cuperus autumant, abstinuisse.

Dio in *Domitiano* plures ab eo necatos commemorat, aliorumque interficiendorum nomina sub pulvinari scripta in tabulis tiliaceis, maturatas in ejus necem insidias, Domitia uxore, Norbano P. P. & Petronio II. haud ignaris, inflicta illi vulnera, cadaver a Phyllide nutrice sepultum.

DOMITIANO successit *Nerva Cocceius* Narniensis, qui regnavit tantummodo usque ad diem 27. Januarii anni Ch. 98. quo obiit stomachi dolore correptus. Post Nervam autem imperavit *M. Ulpius Trajanus* Hispalinatus: de quo proximo secundo seculo.

C A P U T VI.

DE PRIMI CHRISTIANI SEculi DOCTRINA,
AC DISCIPLINA.

Quidquid modo credendum proponit Romana Ecclesia, a Christo, vel Apostolis traditum fuit. Articulus fidei initio expositos colligitur e *Symbolo* edito pro initiandis baptisate. Trium Personarum divinarum distinctionem, miracula quæ evenerunt baptizato Domino, & forma baptismi Evangelici aperte confirmant. Verbi divinitatem execratio hæresis Cerinthianæ, & Evangelium, Joannis præsertim, commonstrant. Eucharistiæ Sacramentum, & Sacrificium comprobatur institutione Dominicæ Cœnæ, litterisque Apostolicis ad Corinthios, & ad Hebræos. Sacramentalem absolutionem demonstrant collata Apostolis facultas ligandi, & solvendi. Extremæ Unctionis egregium est testimonium caput 5. Epistolæ Jacobi. Sacrorum librorum canonem ab initio conditum inde eruitur, quod non inveniatur a quo, & ubi primum fuerit institutus. Traditionem aliorum dogmatum ab ætate Apostolorum viguisse ostendimus, ex quo aliquo exorto errore, statim Ecclesia illum proscripserit. Ecclesiasticam Hierarchiam, distinctionem Episcoporum a presbyteris, & sacram ordinationem impositione manuum peractam, Acta declarant Apostolica, & Pauli epistola ad Titum. (1)

AD

(1) Liturgiam in Ecclesiæ primordiis cum sola oratione Dominica, paucisque precibus peractam, post Gregorium Papam in Epist. ad Joannem Syrac. tradiderunt Valafridus Strabo, Rupertus, Stephanus Augu-
stod. Honoratus, Durandus, alique de divinis Officiis, & sacris Ritibus pertractantes. Quare ab eruditis inter spurias rejiciuntur Liturgiæ, quæ sub nomine Apostolorum Petri, Matthæi, Marci, necnon Jacobi ceteris forte antiquior, atque XII. simul Apostolorum laudantur De illa quæ legitur in Constitutionibus Clementis Rom. idem ferri solet judicium.

AD DISCIPLINAM quod attinet, abrogatis cæremoniis, quæ typus erant futurorum, retinendos crediderunt Apostoli ritus ad res divinas decentius tractandas perutiles, ut lumina, thura, indumenta. Statis diebus, septimo primum hebdomadis die, tum Dominico conveniebant in unum, festaue religiose servabant. Pro templis fuerunt principio privatorum hominum aedes. Præmissis precibus, sacrorumque librorum lectione, unde Liturgia derivavit; fiebat oblatio, & sub utraque specie communio. Non omittebatur utilis exhortatio: & addebantur sobria quædam convivium, quæ Agapæ dicebantur. Communis erat fidelium vita, & in unum singula conferebantur. Gravioribus vitiis polluti privabantur communione sacrorum; quam poenam Apostolus inflixit cuidam Corinthio. Exortas controversias Apostoli aut voce, aut per litteras componebant: his denatis, dirimebat antistes; aut communi consensione terminabantur. Ne religionis nostræ mytheria irriderentur a paganis, arcani disciplina cantè servata est; unde fideles cœnæ *Thyestæ*, aliorumque criminum insimulabantur ab iis, qui nesciebant quid in eorum congressu ageretur. (1)

AP-

(1) Auctor Constitutionum Apostolicarum lib. 5. cap. 18. affirmat instituta fuisse ab Apostolis Festa Dominicæ Resurrectionis, Dominicæ in Albis, Ascensionis Domini, & Pentecostes. Idem tradit de Paschatis custodienda vigilia. Jejunium 4. temporum esse pariter ex traditione Apostolica alibi diximus, idque non uno in loco asserit Leo Magnus. Apostolorum, & Stephani Protomartyris Festa indicta fuisse a Discipulis ipsorum Apostolorum, affirmat idem Auctor Constitutionum lib. 8. cap. 33.

A P P E N D I X

DE EXTERNIS EVENTIBUS.

PERPAUCA ex profana historia hic ducimus subjicienda, ad Judæos, Romanosque spectantia.

ANNO 1. *Ætæ Christianæ* *Cajus Caesar* iniit consulatum in Syria. 2. *Lucius Caesar* repentino morbo oblit *Massiliæ*. 3. *C. Caesar* *Tigranem* Armenia expulit, præfecitque *Ariobarzanem* origine *Medum*. 4. *Augustus* renuit appellari a Populo Romano *Dominus*, & adoptavit *Tiberium*. 5. *Conspecta* Romæ die 28. Martii eclipsis Solis, de qua *Dio* libro 55. *Agrippa* nepoti *Augusti* data toga virilis. 6. *Archelaus* Romam accersitus, & *Viennam* ob tyrannidem, quam in Judæos & Samaritas exercuit, pulsus est in exsilium. 7. Judæa, Samaria, & Idumæa a *Sulpicio Quirino* redactæ sunt in provinciam, & oppressus est *Judas Galilaus*, qui concitaverat ad arma Judæos. 8. Dejectus Pontificatu *Joazar*, & substitutus *Ananus*: profanatum a Samaritanis templum, ossibus mortuorum ubique sparsis. 9. Lata ab *Augusto* in cœlibes lex *Papia Poppæ*: confectum a *Tiberio* bellum Pannonicum: Extinctus in Germania cum tribus legionibus *Quintilius Varus*. 10. *Tiberius* suo, *Drusique* fratris nomine dedicavit Romæ ædem *Concordiæ*: & fato

Altaria quovis tempore ad oblationem Sacrificiorum erecta, Ecclesia etiam Christi ad Sacram Synaxim adhibuit. Lege Apostolum ad Heb. cap. 13. *Tertullianum* de Orat. cap. 14. & 1. ad Uxorem cap. 7. *Cyprianum* epist. 66. altaria tanquam primitus condita commemorantes. Ligna initio fuisse constat; sed aliqua pro locorum opportunitate fuisse lapidea censet lib. 1. Rerum Liturg. cap. 20. Cardinalis Bona. Idem præcedenti capite 19. ab Apostolorum ætate templa extitisse, & etiam a Pontificibus consecrata, plerumque tamen constructa in cœmeteriis cryptisque Martyrum (unde Martyria quoque dicebantur) multiplici eruditione demonstrat. Quenam existerint in Urbe Roma docebit *Arimghus*. Primam vero Christianorum Ecclesiam fuisse ajunt domum, in qua Dominus celebravit postremum Pascha, & instituit Eucharistiam. Illic ordinatos septem diaconos, & consecratum Jacobum primum *Jerosolymitanum* Episcopum tradit *Nicephorus* lib. 2. cap. 3. ductus testimonio, non satis explorato, *Evodii* Episcopi *Antiocheni*, qui primus post *Petrum* sedet *Antiochia*, ut ait *Eusebius* libro 3. H. E. cap. 22.

fato functa est Salome, soror Herodis Magni. 11. In Germaniam Tiberius & Germanicus irruerunt. 12. Annius Rufus missus est in Judæam Procurator: exauctoratus ab ipso Ananus, & huic suffectus est Ismael. Romæ Tiberius de Germanis triumphavit. 13. Augustus in decennium, veluti invitus, suscepit regimen Reipublicæ. 14. Idem Augustus lustrum condidit, & Nolæ in Campania decessit. 15. Drusus Tiberii filius dictus est Cæsar. Procurator Judææ in locum Anni Rufi Valerius Gratus constitutus est a Tiberio. 16. Archelaus Cappadociæ rex Romam evocatus, ibi angore senioque confectus est. 17. Triumphavit Germanicus de Cheruscis, Chartistis, & Angrivariis. Pulsus in exilium Ovidius. Ingens terræmotus in Asia. Valerius Gratus detruso Ismaele Pontificem Judæorum subrogavit Eleazaram filium Anani. 18. Germanicus victo Orode res Armeniæ composuit; & Jerosolymis renuntiatus a Valerio Pontifex Jud. Simon F. Cananthe. 19. Discussa Romæ Sibyllarum oracula: Ægyptia, & Judaica Sacra interdicta: dirutum Isidis templum, & in Tiberim simulacrum demersum: Germanicus a Pisone, ut vulgo creditum, sublatus veneno. 20. Piso judicio postulatus sibi mortem conscivit. 21. Vita functus est P. Sulpicius Quirinus, qui censum peregit in Syria. 22. Cn. Sentius e Syria revocatus, eique suffectus est L. Pomponius Flaccus. 23. Ælius Sejanus Drusum Tib. F. veneno, ei per Lygdam spadonem propinato, e vita sustulit: Livia Drusi conjuge adulterio corrupta. Dejecto Simone P. Jerosolymis suffectus Josephus Cajaphas. 24. Philippus Tetrarcha instauratam Paneadem urbem vocavit Cæsaream Philippi. 25. Pontius Pilatus, revocato Valerio Grato, factus Procurator Judææ. 26. (1) Thraces domuit Sabinus. 27. Herodes Antipas Præcur-

so-

(1) Pilatus jubente Tiberio anno Christi 35. vel 36. Romam venire jussus; missus in Judæam Marcello, qui interim Procuratoris munere fungeretur. Non pervenit tamen Romam Pilatus ante obitum Tiberii, qui decessit anno 37. die 19. Martii, ut diximus cap. 5. Propria se manu Pilatus interfecit anno Ær. Vulg. 39, juxta alios an. 40. Relegatus dicitur a Caligula Viennam Galliæ. Deportatum Lugdunum scribitur in *Apologia contra Galli calumnias* Franciscus Petrarcha pag. 1079. edit. Basil. Ait ibidem Petrarcha, Pilatum fuisse Gallum. Quod ajunt Prætores fuisse Aretii, ubi extant *Pilati* nomine ædes, crediderim esse popularem credulitatem.

forem carcere Macherunte detinuit. 28. Deducitur ab hoc anno *Victoriana Periodus*, quæ cum annis *Æræ Vulgaris* conjungitur, si ab his anni 27. detrahantur. 29. Obiit *Livia Mater* Tiberii, 86. anno ætatis suæ. 30. *Sejanus*, dissimulante Tiberio, honoribus afficitur a Senatu. 31. Idem e curia in carcerem abductus occiditur, ejusque cadaver in Tiberim demergitur. Judæis infensissimum appellat Philo *de legatione ad Casum*. 32. *Junius Gallio* immodicus Tiberii adulator damnatus exilio. 33. Mortuo Pomponio Flacco Præfecto Syriæ successit *L. Vitellius*. 34. Obiit *Philippus Tetrarcha*. 35. In locum *Cajaphæ* Vitellius Pontificem renunciavit *Jonatham Anani F.* 36. Visam in *Ægypto phœnicem* Dio, Plinius, & Solinus testantur. 37. Mortui Tiberii successor *Caligula* Judææ procuratorem loco Pontii Pilati constituit *Marullum*. 38. *Caligula* ad mortem adegit *Macronem*, P. P. *Flaccum* hujus amicum in Andrum insulam relegavit. 39. *Herodes Antipas* expoliatus est Tetrarchia, & Lugdunum prius, tum in Hispaniam relegatus. 40. Orta Alexandriæ inter Judæos, & Græcos seditione, *Philo Judæus*, & *Apion* Grammaticus Romam venerunt. *Agrippa* a Cajo patrum Herodis Tetrarchiam obtinuit. 41. Cajo *Caligula* occiso a Cassio, *Claudius Caesar* Agrippam catena aurea donavit: atque is Jerosolymam reversus, amoto a Sacerdotio Theophilo Anani F. substituit *Simonem* cognomento *Cantharam*. 42. Revocato Petronio Præses Syriæ renunciatus est *Vibius Marfus*. Agrippa Simonem exuit Pontificatu, quem contulit *Mathiæ* fratri *Jonathæ*. Romæ laboratum maxima frumenti penuria. 43. Invasit *Claudius*, domuitque Britanniam: ademptum *Mathiæ* Pontificatum Agrippa *Max. Elionæo* dedit. Fames prænunciata ab Agabo irrupit. 44. Triumphavit *Claudius* de Britannis: illi Romæ, & in Galliis arcus triumphalis decretus: *Messalina* ejus uxoris carpentum, ut olim *Liviæ*
A. con-

Prætermisimus hujus sæculi eventus alios complures, nempe ingentem in Asia terræmotum anno juxta Eusebium 20. incensum theatrum Pompei anno 23. perniciosam amphitheatri ruinam in urbe Fidanatium cum magna hominum clade memoratam a Tacito, allatam ex *Ægypto* miræ pulchritudinis phœnicem, de qua idem Tacitus, Dio, ac Plinius, Lugdunum incendio confagratum *Aproniano* & *Capitane Coss.* idest, anno Christi 59. &c.

A. concessum. Obiit Judææ rex *Agrippa*; regnique Procurator missus est *Cl. Cuspius Fadus*, cui successit *Cassius Longinus*. 45. *Agrippa Junior* jus in templum, & sacrum ærarium consecutus, Pontificatu decoravit *Josephum Canei F.* 46. *Messalina* Claudii conjux veneno sustulit *M. Vinucium* recusantem cum ipsa stupri consuetudinem, *Helena* Adiabenes in veteri Syria regina laborantes fame Judæos juvit; quod & fecit *Izates* rex illorum religionem amplexus. 47. *C. Silio Nervæ Messalina* palam in urbe nupsit, raptoque *Silio* ad supplicium, impurissima femina occisa est in hortis *Lucullianis*. Post *Cuspium Fadum* Judæam administravit *Tiberius Alexander*. Opera *Herodis* regis *Chalcidis* Pontificatus a *Josepho Canei F.* translatus in *Ananiam filium Nebedæi*. 48. *L. Annæus Seneca* e *Corfica*, quo eum *Caligula* relegarat, a *Claudio* revocatus hortatu *Agrippinæ* alterius uxoris suæ, instituendæ pueritiæ *Neronis F.* præficitur. In procuratore Judææ *Tiberio Alexandro* successit *Ventidius Cumanus*; & per id temporis naturæ concessit *Herodes Rex Chalcidis*. 49. Missus ad regendam *Samariam Ant. Claudi Felix*, *Claudii Imp.* libertus, regnumque *Chalcidis* *Agrippæ Juniori* collatum est: Judæi *Roma* expulsi. *Seneca* gessit præturam. 50. *Claudius* opera *Pallantis* liberti adoptavit *Domitium Neronem*. 51. Præfuit *Syriæ F. Vinidius Quadratus*: *Parthi* in *Armeniam* irruerunt, collatumque *Neroni* fuit imperium *Proconsulare*. 52. Propter ejusdam *Galilæi* cædem, magni Judæos inter ac *Samaritas* excitati tumultus. *Claudius* edidit *Naumachiam*; *Nero Octaviæ* *Claudii* filiam duxit uxorem. 53. Propter rixas *Samaritarum* venerunt *Romam* *Jonathas*, *Ananias*, & *Ananus* principes *Sacerdotum*: *Agrippæ* præter regnum *Chalcidis* data *Philippi Tetrarchia*. 54. Extincto *Claudio* successit *Domitius Nero*, ejus gener, filiusque *Agrippinæ*. 55. *Latronibus*, magis, & impostoribus referta *Judæa*, quam *Felix* præfectus animadvertendo in improbos purgare curavit. Interfectus tamen eo hortante etiam *Jonathas* Pontifex a *Dora Jerosolymitano*. 56. *Corinthii* scortis liberius abutebantur. 57. *Demetrius* faber argentarius *Dianæ Ephesæ* conflabat & vendebat ædículas. 58. *Parthi* rursus cum *Romanis* pro *Armenia* certarunt. 59. *Subortam Cæsareæ* seditionem inter Judæos, ac *Gentiles*.

les, utrisque urbem illam esse suam asserentibus, *Felix* minaci edicto studuit compescere. 60. Revocato *Felici* successor datus est *Porcius Festus*, qui latrones provinciam infestantes iussit comprehendi. *Agrippa* Pontificatum contulit *Ismaeli Phabei* F. 61. Propter magnum cœnaculum ab eodem *Agrippa* ædificatum prope *Xystum*, unde prospiciebat quidquid agebatur in templo, in regem Ierosolymitani proceres surrexere. 62. *Nero*, dimissa *Octavia* causans sterilitatem, & relegata in *Pandatariam*, uxorem duxit *Poppæam* Sabinam. (1) Exaucto-
rato Ierosolymis *Ismaele*, Pontifex creatus est ab *Agrippa* *Iosephus Simonis* F. cognomine *Cabeus*; ac *Porcio Festo* defuncto successor missus a *Nerone Albinus*. 63. *Vologeses* Syriam occupans repellitur a *Corbulone* Proconsule: Rex *Agrippa* Pontificem Max. nominavit *Jesum* F. *Gamalielis* post *Jesum* alterum F. *Damnei*. 64. *Nero*, ut cerneret *Trojæ* ardentis imaginem, Romam incendit; & ad invidiam declinandam iussit Christianos exquisitissimis pœnis affici. 65. Interfecti a *Nerone* *Lucanus* Poeta, & *Seneca* præceptor suus: *Poppæa* etiam gravida ictu calcis perempta. Ierosolymis vacca ad aram mactanda peperit agnum: visæ per aerem discurrentes igneæ phalanges; atque vox illa excedentium angelorum, *Migremus hinc*. 66. Vexante *Gessio Floro* Judæos, hi contra Romanos delectis belli ducibus arma sumpserunt. 67. *Vespasianus* inita contra Judæos expeditione, recuperavit Galilæam, Jotapatam expugnavit, urbes alias in deditio-
nem recepit, adaucto Romanorum exercitu legionibus, quas *Titus* ejus filius abduxit Alexandria. 68. *Vespasianus* compositis Galliarum motibus, in Judæam redux *Jerichuntem* occupavit; misitque *Cæsarea* Romam *Ti-*
tum,

(1) Rapuit postea *Nero* *Statiliam Messalinam* uxorem *Attici Vestini* Consulis, ipso nuptiarum tempore trucidato. Vim intulit *Rubriæ* virgini *Vestali*, & *Sporum* exfectis virilibus duxit in conjugem, imo & ipse nupsit liberto *Doryphoro*. Turpissima patravit alia; de quibus *Dio*, *Suetonius*, *Tacitus*. Matris *Agrippinæ* eadem *Nero* mandavit *Aniceto* Centurioni, corpusque parentis vulneribus confossum ac denudatum inspicere ausus est. Apposita fuit ad *Agrippinæ* statuum tabella cum hac inscriptione, *Ego quid potui? Sed tu culeum meruisti*. Pœnam scilicet parricidæ descriptam a *Tullio* in *Orat.* pro *Sex. Roscio Amerino*. Vide *Pempejam* legem *Digest.* lib. 48. titulo 9. l. *Quamquam*.

tum, ut *Galba*, qui successit *Neroni*, gratularetur imperium, & novi principis iussa capefferet. 69. *Titus* audita, dum præternavigaret *Achajam*, cæde *Galbæ*, remeavit ad patrem: extincto autem *Vitellio*, *Vespasianus* ad imperium evehitur, dum adhuc moraretur in *Syria*. 70. Patre in *Italiam* reverso, *Titus* *Ierosolymas* cinxit obsidione, paullo ante diem *Azymorum*, concurrentem cum 14. *Aprilis*: eandemque urbem penitus occupavit die 8. *Gorpii*, seu 1. *Septembris*. 71. *Titus*, ac pater de subacta *Judæa* triumpharunt. Missus in ipsam *Judæam* legatus *Cæsaris Lucilius Bassus*. Indictus fiscus *Judaicus*, idest, iussi *Hebræi*, ubicumque degerent, pendere *Capitolio* binas drachmas, quas antea templo solvebant. 72. *Nazarai*, qui *Legem*, & *Evangelium* servabant, sunt appellati. 73. Sublato e vivis *Lucilio Basso*, *Judææ* obtinuit regimen *Flavius Silva*. Sexcenti sicarii ad *Lupum Aegypti* præsidem adducti sunt puniendi. 74. *Jonathas* *Judæus* *Cyrenenses* pauperes in solitudinem adduxit, quasi illic miracula patraturus: at detecta, ac punita est impostura. 75. Advenit *Romam* *Berenices* *Agrippæ* majoris filia, quam *Titus* adamavit, & in *Palatio* detinuit; quod cum ægre ferrent *Romani*, invitus invitam dimisit. 76. Claruit *Q. Asconius Pedianus* historicus. 77. Natus est *Imp. Hadrianus*. 78. Obiit *Ravennæ* *S. Apollinaris* martyr. 79. *Vespasianus* in villa sua apud *Sabinos* profluvio ventris extinguitur. Imperat *Titus*. *Vesuvii* incendium in *Campania* vicinas urbes, hominesque combussit. 80. Extruxit *Titus*, dedicavitque *Romæ* amphitheatrum, ac *thermas*. *Pantheon*, & *templa Serapidis*, *Isidis*, & *Neptuni* flamma vastavit. 81. *Domitianus* imperium inceptus *Septembrem Germanicum*, *Octobrem Domitianum* dici voluit: vites in urbe feri prohibuit: pepulit inde philosophos, & mathematicos. 82. In *Germaniam* *Domitianus* cum exercitu profectus, rediit ut victor, cum nullo hoste congressus. 83. Tres *Virgines Vestales* ob stuprum vivæ defossæ sunt. 84. Florebat hoc tempore *Apollonius Tyaneus*, sophista, mendaciis, ineptiisque celebris; cuius vitam descripsit *Philostratus*. 85. *Domitianus* *Consul XI.* de *Cattis*, *Dacis*, & *Germanis* triumphum egit. 86. Institutus fuit primus agon *Capitolinus*. 87. Deum, sc ac Dominum appellavit *Domitianus*. 88. Celebra-

ti fuerunt ludi seculares, & Daci rursus bello devicti. 89. Cœpit, ut inquit Tacitus, per intervalla ac spiramina Domitianus, interfectis viris illustribus, rempublicam exhaurire. *L. Antonius* Præfectus Germaniæ rebellavit, & a *L. Maximo* superatus, & captus. 90. Decennalia Domitiani celebrata fuere. 91. *Apollonius* coniectus in carcerem & postea adductus ad Cæsarem, festur ab hujus oculis evanuisse. Ædificata hoc anno Capitolium, Stadium, Forum transitorium, horrea piperatoria, fanumque Minervæ. 92. *Cornelia Maximilla* Vestalis viva ob stuprum defossa fuit. 93. Cœpit Domitianus omni sævitie genere vexare Christianos. 94. Exornabat hoc anno *Flav. Josephus* libros Antiq. Judaicarum. 95. Lapidibus strata est via, quæ est inter Puteolos & Sinuessam. 96. Libertinorum conspiratione, nec uxore ignara, *Domitianus* interfectus est 14. Kal. Octobres. 97. Initio principatus *Nervæ*, decreto S. C. revocati ab exilio fuerunt quos relegaverat Domitianus. Sublata irem Judaici fisci calumnia. Adoptatus a Cæsare *M. Ulpius Trajanus*. 98. Obiit *Nerva*, tenuitque *Trajanus* rerum habenas. 99. Adveniens *Trajanus* Romam Congiarium distribuit, & a S. P. Q. R. *Optimus* appellatur. 100. Ireficiscitur *Trajanus* ad bellum Dacicum. *C. Plinius Secundus* Consul suffectus fuit cum Cornuto Tertullo a Kalendis Septembris.

FLORUERUNT primo Christi Seculo litteris, *Pub. Ovidius Naso* Sulmonensis, Poeta facilis ac tersus, sed in elegiis paullo lascivior. *Titus Livius* Patavinus Romanæ patet Historiæ, cui ab *Asinio Patavinitas* objecta. *Strabo* veterum Historiarum accuratus Collector. *Phædrus* Thrax, libertus Augusti, festivissimus, & latinissimus fabulator. *M. Annaeus Seneca* philosophus, declamator, & rhetor. *Valerius Maximus* dictorum, factorumque memorabilium collector, Ciceroni tam similis, ajebat Erasmus, quam mulus homini. *C. Vellejus Paterculus* Romanus Historicus, luculentus, pressus, ac nitidus. *Philo Judeus* Alexandrinus sententiis locuples, ac disertissimus, Platoni ab aliquibus comparatus. *Aulus Persius Flaccus* Volaterranus Satiricus, acutus quidem, sed obscurus. *Pomponius Mela* Hispanus Geographus elegans & accuratus. *Lucius Junius Moderatus Columella* Gaditanus, qui de re rustica, agrorumque cultu, neque rustice, neque inculte per-

pertractavit. *M. Annaeus Lucanus* Cordubensis, Oratoribus potius, quam poetis annumerandus; quamvis carmine scripserit, mascula & concitata dictione. *T. Petronius Arbitr* Eques Romanus, scriptor purissimæ, ut inquit Vossius, impuritatis. *C. Silius Italicus*, qui majori cura, quam ingenio, carmina scripsisse fertur. *C. Valerius Flaccus* Campanus, qui Apollonium imitatus cecinit Argonauticæ. *Plinius Secundus* Veronensis, appellatus a Budæo veritatis antistes, censorque liberimus. *Q. Curtius Rufus* rerum ab Alexandro Macedone gestarum candidus, & elegans enarrator. *Epictetus* Hieropolitanus Philosophus Stoicus: cujus Enchiridion dici solet *Anima moralis philosophiæ*. *M. Valerius Marialis* Hispanus, a quo conscripta Epigrammata sale, felle, verborumque licentia. *M. Fabius Quintilianus* Calaguritanus, instituendæ pueritiæ artifex, & eloquentiæ magister. *Sextus Julius Frontinus* Vir Consularis, expositus, & minime verbosus Geometra, *Pub. Papinius Statius* Neapolitanus, Poeta cultissimus, prope ad Virgilianam majestatem accedens. *Fl. Josephus* sacerdotali regioque sanguine editus, quem S. Hieronymus *Græcum Livium* appellat. *Decius Junius Juvenalis* Aquinas, in Satyris, judicio Scaligeri, tanto melior Horatio, quanto Horatius Lucilio. (1)

Tom. I.

F

COM-

(1) Fertur eodem anno, quo Ovidius, natus Romæ *Albius Tibullus* Hirtio & Pansa Coff ab U. C. 711. Utriusque amicus fuit *Sex. Aurelius Propertius* ex Mevania Umbrinæ oppido. Floruerunt eodem tempore *Cassius Severus* Parmensis, *Domitius* Marfus, & alii, ut *Athenodorus* Tarrentis, *Socion* Alexandrinus magister Senecæ præstantes philosophi. Grammatici item *Theon* & *Apion* Alexandria Romam profecti, *M. Verrius Flaccus*, *Menelaus* de quo Genebrardus: Oratores percelebres *Q. Atherius*, *Cassius Severus*, *Clodius Arelatensis*, *Surculus* Toloſanus; atque poetæ haud obscuri, *Petronius* impurissimus, *Julius Pomponius* Tragicus comparatus Pindaro, *Sulpisia* matrona, &c. Claruit quoque imperante Augusto, (nescio an ad Christi ætatem pervenerit) *Manilius*, cujus opera perfectum Obeliscum ad deprehendendas Solis umbras, ætate nostra effossum in Campo Martio, colligimus ex Plinio libro 36. cap. 10. A Manilio, qui Carmine tradidit Astronomiam, discernendus videtur. Synchronus huic *Strabo* Cretensis, *Pomponius Melæ* Cosmographus, *Priscianus* Cæsarensis, & *C. Julius Solinus* Grammatici, prælaudatus *Plinius II.* Veronensis ad Imp. Domitianum libris XXXVII. Historiarum conscriptis, *Theo* Smyræus, alique hoc primo Seculo cessisse satis dicuntur. Inter quos memorandus *Aurelius Cornelius Celsus* rei Medicæ peritissimus, qui floruit sub Tiberio, sive ut aliis placet, imperante Nerone, integro ante Galenum Seculo, &c.

COMMEMORAVIMUS in fine capituli quarti *Acta Pilati*, & diximus non unum de iis esse virorum eruditissimorum iudicium. Eadem quidem *Acta* extitisse compertum est; eadem etenim laudant Justinus Martyr in secunda Apologia ad Antoninum Pium, Tertullianus adversus Gentes cap. 21. & Eusebius libro 2. H. E. cap. 2. Adulterarunt ea tamen *Acta* tum Hæretici, ut inquit S. Epiphanius Hær. 1. num. 1., tum Gentiles, ut narrat prælaudatus Eusebius libro 9. cap. 5. Hac de re *Acta Pilati*, quæ citato cap. 4. inter dubia rejecimus, illo in loco rursus citavimus. *Plinium Secundum*, qui hoc labente Sæculo, & inchoato sequente floruit; appellavimus *Veronensem* sequuti Christophorum Landinum, qui ejus Historiam donavit Italica lingua, & hanc esse testatur opinionem multorum, innixam auctoritati ejusdem Plinii, qui sibi communem patriam esse testatur cum Valerio Catullo, proculdubio Veronensi. Vide Prolegomena Cl. Jo. Antonii Vulpj in Catullum cap. 4. At complures Plinium *No:ocomensem* fecerunt. Nolumus huic urbi talem auferre concivem. *Plinii* hoc sæculo mentionem fecimus, quoniam Domitiano Imperatori Historiam suam nuncupavit.



SECUNDUM ECCLESIAE

S E C U L U M.

C A P U T I.

DE ROMANÆ ECCLESIAE PASTORIBUS.

ROMANAM Ecclesiam secundo Seculo gubernarunt *Anacletus, Evaristus, Alexander, Sixtus, Telephorus, Hyginus, Pius, Anicetus, Soter, Eleutherus, & Victor.*

V. ANACLETUS Atheniensis, quem ob nominis similitudinem nonnulli confundunt cum Cleto, sedit post Clementem annis 2. computato tempore, quo Clementis in Chersonesum deportati gessit vices. Obiit itaque anno 100. Trajano A. III. & Julio Frontino Coss. dicata in Vaticano sacra Aede Petri. (1)

VI. POST Anacletum Ecclesiam rexit S. *Evaristus* Bethlehemitæ annis 9. nempe usq. ad annum 109. quo Consules extiterunt A. Corn. Palma II. & C. Calvisius Tullus II. Coss. Distributi ab Evaristo Tæuli presbyteri, sacra nempe loca concionibus, & Sacramentis administrandis percommoda.

VII. SUCCESSIT S. *Alexander* Romanus, cui ritum benedicendi, & adspargendi lustralem Aquam adtribuunt. Sed

F 2

ditque

(1) *Anacletum* post *Clementem* recensent ii quoque, qui *Cletum* omiserunt, ut lib. 2. contra *Parmen. Optatus*, & *Epistola 165. ad Gerosum Augustinus*. In vetustissimis autem dip. ychis Romanæ Ecclesiæ, & in melioris notæ catalogis Pontifices hoc ordine numerantur, *Petrus, Linus, Cletus, Clement, Anacletus*. Auctor Carminis contra *Marcionem* *Anacletum* præponit *Clementi*. Nonnulli Græcorum pro Α'αλκτω, quod idem sonat, ac *Revocato*, scripsere Α'νικλῆτ, a *inculpato* scilicet, seu *irreprehens.* Hinc *Papebrochius* contendens *Cletum* & *Anacletum* fuisse eundem Pontificem inquit, *Linum* successorem *Cletum* ab Urbe expulsum a *Vespasiano* suadente *Mufonio* cessisse Pontificatum *Clementi*, in quoque *Clemente* iussu *Domitiani* pulso in exilium rursus *Cletum* pristinam sedem occupasse, ideoque appellatum fuisse *Anacletum*, nempe in Apostolicam Cathedram *Revocatum*. Verum istiusmodi conjecturis, quibus certiora testimonia adversantur, innitendum non esse alii nos admonent.

ditque annis 8. usque ad Consulatam *Quintilii Nigri*, & *Apronian*, nempe usque ad annum Ch. 117. (1).

VIII. DEINDE Pontificatum tenuit *S. Sixtus I.* qui post decennium subiit martyrium anno 127. Consulatam gerentibus *Gallicano*, & *Cælio Titiano*. Trisagion liturgiz a Sixto additum, formatasque litteras, unionis Ecclesiarum tesseram, ajunt indicatas.

IX. ADMINISTRAVIT deinde Ecclesiam *S. Telesphorus* natione Græcus ab anno 127. usque ad annum 138. intervallo undecim annorum: eremiticæ vitæ olim cultor, jejunii quadragesimalis inculcator, & coronatus martyrio in Consulatam *Sulpicii Camerini*, & *Q. Nigri Magni*.

X. EPISCOPATUM tum obtinuit *S. Hyginus* natus Athenis, post 4. annos, nempe an. 142. Cons. *Rufino* & *Quadrato*, damnato *Cerdone*, compositoque Clero, martyr effectus.

XI. SUBROGATUS Hygino *S. Pius I.* Aquilejensis. Is jussit, ut Pascha die Dominico juxta traditionem Apostolicam celebraretur: & postquam sedisset annis 16. non exactis, in Consulatam *M. Cesonii Silvani* & *C. Serii Augustini*, nempe anno 156., aut sequenti, sanguinem pro Christo fudit.

XII. REXIT postea Ecclesiam per annos 12. *S. Anicetus* natione Syrus, qui anno 168. in *Paulli*, & *Montani* Consulatam fuit præclara morte sublatus.

XIII. DEINDE Episcopatum Urbis suscepit *Soter* Fundis in Campania ortus, beneficentia in Christianos ad metalla damnatos, & in exilium detrufos clarissimus: cujus beata mors contigit octo regiminis annis expletis, idest, anno Domini 177. Cons. *Aurelio Commod*, & *Plantio Quintillo*.

XIV.

(1) Henschenius in Apparatu ad Chronologiam Pontificiam, & Papebrochius in Conatu Chronico-historico tradunt sedisse Alexandrum a Consulatam *Cornelii Palma*, & *C. Calvisii Tulli*, idest, ab anno 109. usque ad Cons. *Emilii Eliani*, & *Lucii Antistii Veteris*, nempe, ad annum 116. exactum. Innituntur antiquo Catalogo conscripto tempore *Liberii* Papæ, Alexandrum coronatum martyrio anno 117. quinto *Nepes* Majas alii tradunt. Uterque Papius statuit *Anacleum* inauguratum Pontificem Maximum anno 85. *Evaristum* anno 95. Alexandrum anno 108. *Sixtum* 116. *Telesphorum* 126. *Hyginum* 137. *Pium* 141. *Anicetum* 151. *Iocereum* 161. *Eleutherum* 170. & *Victorem* anno 185. Nos præmissa Seculo 1. Chronologia ad hanc impulit supputationem. Figentes tamen *Soteris* obitum in anno 177. *Eleutheri* in anno 192. hujusque Seculi exitum in anno *Victoris* 9. consentientes habemus viros clarissimos.

XIV. SEDIT postea S. Eleutherus Nicopolitane usque ad annum 192. quo anno expletis Episcopatus sui annis 15., *Commodo A. VII. & Pertinace II. Coss.* sancto fine quievit. (1)

XV. VICTOR Afer fuit successor Eleutheri: cui gravis cum Asiaticis de die celebrandi Paschatis contentio. (2) Decessit autem Pontificatus sui anno 10. & *Aetæ Christianæ 201. L. Annio Fabiano, & M. Nonio Muciano* gerentibus Consulatum.

PATRIARCHARUM NOMINA.

SECUNDO Seculo Alexandria post, Cerdonem sederunt *Primus, Justus, Hymeneus, Marciannus, Celadion, Agrippinus, Julianus, & Demetrius.* Antiochiæ post Ignatium *M. Hero, Cornelius, Hero, Theophilus, Maximus, & Serapion.* Jerosolymis post Simeonem *Justus, Zaccheus, Tobias, Benjamin, Joannes, Mathias, Philippus, Seneca, Justus II., Levi, Ephras, Josès, Judas, & Marcus, Cassianus, Publius, Maximus, Julianus, Gajanus, Symmachus, Gajus, Julianus II., Capito, Maximus II., Antoninus, Valens, Dolichianus, Narcissus.*

CAPUT II.

DE SECUNDI ECCLESIE SEculi CONCILIIS.

QUI de Conciliis pertractant, solent communitè unum duntaxat coactum *Roma* a Victore circa annum 198. commemorare; in quo statutum fuit non alia die celebrandum esse Pascha, quam Dominica ad Martii plenilunium sequente.

DE EADEM tamen re plura alia circa idem tempus

F 3

habi-

(1) Eusebius lib. 5. H. E. cap. 6. enumeratis Romanis Pontificibus usque ad Eleutherum inquit, *Valesio interprete: Hac serie, & Successione sum traditio Apostolorum in Ecclesia, sum veritatis predicatio ad nos usque pervenit.* Ex legitima Pontificum successione comprobari veritatem Apostolicarum traditionum docet etiam S. Irenæus lib. 3. adv. Hæ. cap. 2. & 3.

(2) Ante Victorem quo die celebrandum sit Pascha definierat S. Pius. Vide Spondanum ad annum 159.

✠ Qui sequuntur, non fuerunt *Judei* genere.

habita fuerunt Concilia, quæ lib. 5. cap. 23. & seq. laudat Eusebius, *Cæsarsense* in Palæstina sub Theophilo: in *Ponto* Ecclesiarum provinciæ Osdroenæ sub Palma: *Corinthiacum* sub Bacchyllo: *Lugdunenſe* sub Irenæo. Concilia hæc omnia Victoris, Romanæque Synodi comprobare sententiam.

CONT. A *Ephesina* Asiaticorum Synodus sub Polycrate statuit Pascha celebrandum luna 14. in quamcumque hebdomadæ diem incidisset.

AUCTOR libri *Prædestinati*, & Baluzius meminerunt Synodi *Pergamenſis* sub Theodoto, adversus hæresim Colorbasi paullo post describendam. At eruditi de hujus Synodi tempore non consentiunt.

IN LIBELLO *Synodico* recensetur quoque Concilium *Hierapolitanum* sub Apollinario contra Montanum & Theodotum Coriariū; atque hoc Concilium a nonnullis refertur ad annum Christi 173.

MEMINERUNT nonnulli Concilii cujusdam *Siciliæ* sub Eustathio Episcopo Lilybæorum, ac Theodoro Panormitano, adversus Heracleonem hæreticum.

C A P U T III.

HÆRETICI SECUNDI SEculi RECENSENTUR.

AGMEN Hæreticorum hujus seculi ducit *Carpocrates*. Alexandrinum vocat Clemens Alexandrinus, Epiphanius Samosatensem, Gnosticorum, hoc nomen sibi ob rerum notitiam arrogantium, Conditorem Eusebius. Erupit Carpocratis hæresis sedente in Petri Cathedra Aniceto. Ea Simonis & Cerinthis innovabantur figmenta, mundum non esse productum a Deo, dari transmigratorem animarum, Christum genitum esse ex concubitu, apparenter duntaxat subiisse crucem, omnemque licitam esse incestæ libidinis turpitudinem.

VALENTINI hæresis fabulosa Æonum procreatrix erupit imperante Antonino Pio. Fuit autem ille Ægyptius, patria Phrebonites. Fuerunt Valentini discipuli *Secundus*, *Ptolomæus*, *Marcus*, *Bardeſanes*, (1)

Color-

(1) *Bardeſanes* juxta Chronicum Edessenum in lucem editum a Cl. Asseman, Edessæ natus est anno Ch. 154. S. Epiphanius H. 56. vixisse ait post mortem Abgari. Falli Epiphanium censet lib. 4. *Hist. Manich.*

Colorbasus, *Heracleon*, alique nominis obscurioris: qui ad *Æonum* fabulam addiderunt commenta Basilidis; & quod fuit Gnosticorum commune placitum, negarunt fas esse subire martyrium, & Christum corpus adsumpsisse æthereum dogmatizarunt.

FECUNDA Valentiniæ hæreseos foetura: illinc enim prodire, *Ophitæ*, *Archontici*, *Cajani*, & *Helcesitæ*. *Ophitæ* serpentem, a quo deceptus fuit Adam, *Sophiam*, seu Dei sapientiam putarunt, ab eoque nomen traxerunt; Græci enim serpentem *Ophim* vocant. *Archontici* spirituales substantias, tanquam ceterarum rerum principia venerabantur, ita appellati, quoniam *Archon* idem sonat ac princeps. *Cajani* Caïm, ceterosq. turpiora perpetrantes facinora viris melioribus præferebant. *Helcesitæ* ab Helcesa Arabe denominati, Christum creaturam, & Spiritum sanctum feminam ejusque sororem esse dicebant; ad vitandam mortem thura immolabant idolis: jurabant per salem, ventum & elementa, tanquam per numina; ac pulverem hærentem pedibus, sputaque quarundam muliercularum religiose colligebant, & asservabant.

ENCRATITÆ auctorem habuerunt *Tatianum* Syrum, Sophistam, & Oratorem illustrem, qui floruit circa annum 170. Hi, præter *Æones* Valentiniæ, damnarunt conjugia, negarunt Adami salutem, & a vino, etiam in sacris mysteriis, abstinuerunt, dicti propterea Encratitæ ἀπὸ ἐγκράτειν, quod significat esse continentem, ac temperantem.

MARCION Ponticus, patria Synopensis, discipulus *Cerdonis*, hæresim disseminavit imperante Antonino Pio, appellatus *Antonianus hæreticus sub Pio impius*. Fuerunt Marcionis dogmata, duo esse rerum omnium principia,

F 4

unum

cap. 9. Beaufobre, quoniam Abgarus regnavit Edessæ ab anno 152. usque ad annum 187. Epiphanius autem eo loci tradit Bardesane pervenisse ad imperium Lucii Veri. At Lucius Verus apoplexia correptus interit juxta Paqii Chronologiani anno 169. ideoque ante obitum Abgari. Nos ita Epiphanium intelligimus, ut Bardesanes vixerit sub Lucio Vero, & vitam protraxerit ultra obitum Abgari. Sunt vero plures, quibus nomen Abgari commune est; & ille, cui acceptus Bardesanes, fuit Abgarus filius *Maanès*. Bardesanes ad frugem revocatus dicitur. Illius & Bardesaniistarum conscripsit Historiam Frid. Strunzius. Addendi *Floriniani* a Florino, & *Adamitæ*, quos Isaac de Beaufobre excusare peculiari dissertatione conatur.

unum bonum, alterum malum: (1) inhibitionem Adæ factam de non comedendo arboris fructu, legem, prophetarumque vaticinia, principii mali opus esse: Christum umbratilem assumpsisse carnem; & damnandas esse nuptias, tanquam intemperantiam ac stuprum. Quæ omnia circa annum 190. paucis immutatis adjectisque dogmatizavit *Apelles*.

VIXERAT ante *Apellem Montanus* e *Myſia*, oppidoque contermino *Phrygiæ*, *Montanistarum*, seu *Cataphrygum* parens. Duo ejus dogmata præcipua fuere; secundas nuptias a fornicatione nequaquam differre, & persecutionis tempore neminem posse fugam arripere. Illius insaniam, qua se spiritum *Paracletum*, impurasque feminas *Priscillam* & *Maximillam* divino afflatus numine prædicabat, non opus est patefacere. *Montanum* laqueo sibi gulam fregisse an. 172. tradit *Chronicum Eusebianum*. (2)

ACCESSERE *Theodotus Trapezita*, *Theodotus* alter *Coriarius Byzantinus*, *Artemon*, & *Hermogenes*. Affirmavit primus *Melchisedech* regem *Salem* fuisse Virtutem quamdam Christo superiorem. *Theodosius Coriarius*, & *Artemon* eundem Christum nudum hominem appellarunt: *Hermogenes* demum *Stoicus*, pictor, falsarius, & adulter asseruit materiam Deo cœternam, & improductam.

CAP.

(1) *Marcion* Deo opposuit materiam innatam & infectam, deputavitque eidem materiæ innatæ ex *Tertulliano* lib. 1. cap. 15. idem statuiffe *Bardesanem* & *Manetem* asserit *Epiphanius*. Hinc plerique putant principium malum esse materiam innatam & informem, & ideo hanc adstruentes tradidisse mundum conditum ab angelis, quod Deo summo bono tribui nequeat creatio rerum materialium, quibus malum inhiæret. Certe *Hieronimus* scribens ad *Pammachium* ait *Marcionem* dogmatizasse, a Deo bono invisibilia, a Deo malo visibilia fuisse condita. Haustam hanc hæresim a *Cerdone* affirmat quoque *Hæresi XVII. S. Philastrius*. Diximus alibi, duorum principiorum, boni, & mali, dogma traditum olim fuisse a *Zoroastre*; & *Marcionitarum*, *Manichæorum*que principia parum differre ab *Orosmade*, & *Arimanio* *Perſarum*, *Iside* & *Osride* *Ægyptiorum*, *Græcorumque* poetarum *Pandera*, & *Tiphone*.

(2) *Montanistas*, & præsertim horum unum, *Proclum* nomine, refutavit *Cajus presbyter*, cujus non semel meminit *Eusebius*.

C A P U T IV.

SECUNDI SEculi SCRIPTORES ECCLESIASTICI.

PERMULTI secundo Seculo floruerunt Scriptores : quorum agmen ducit S. Ignatius, Θεόφορος quoque appellatus. (1) Rexit is Antiochenam Ecclesiam post Evodium supra annos 40. atque a Trajano, qui bellaturus cum Parthis Antiochiam pervenerat damnatus ad bestias, & Romam missus, ibi in Amphitheatro discerptus & comminutus fuit a leonibus anno 116. die 21. Novembris. Septem Ignatii epistolae eruditi fere omnes post multas altercationes receperunt, ut genuinas: at Opus inscriptum Διδασκαλία, quod in VII. libros Constit. Apost. quidam distributum fuisse affirmarunt, nullo certo testimonio eidem adscribitur.

SEQUITUR Polycarpus (2) Joannis discipulus, & Smyrnenfis Episcopus, cujus una extat ad Philipenses epistola ab Eusebio, a Hieronymo, a Photio summis laudibus celebrata. In Actis Ecclesiae Smyrnenfis apud Eusebium lib. 4. dicitur flamma consumptus VII. Kal. Majas. Annus passionis ejus incertus, creditur a plerisque 169.

JUSTINUS, qui gladio percussus sub M. Aurelio anno 163. migravit ad Dominum, ortus in civitate Samariae Sichem, seu Neapoli Flavia, Philosophus Platonicus, duplici pro Christianis Apologia, confutatione Try-

(1) An Θεόφορος dictus sit, quod fuerit puerulus in ulnas sublatus a Domino, an quia ipse Christum fide, & sanctimonia gestaverit, incertum. Videtur secunda opinio probabilior; nam in ejus Martyrio, quod edidit Jacobus Usserius, interrogatus Ignatius, quinam esset Theophorus, respondit: Is, qui Christum gestat in pectore. Passum Sura & Senecione Coss. idest, anno 107. ejus Acta apud Ruinart innuunt. Sed vide ad hunc annum Ant. Pagium. De Ignatianis Epistolis egimus lib. 8. Theol. cap. 1. Ad illas, etiam ut editas a Vossio, & Usserio, rejiciendas tanquam spurias, post Salmasium, Blondellum, & Dallæum, nervos intendit in commentario de Script. Eccl. Oudin. Ignatii martyrium Acta apud Ruinart referunt ad an. 107. Norisius in Epist. Consulari ad annum 113. Pagius, alique ad annum 116.

(2) Quo anno S. Polycarpus Romam venerit, incertum est. Pearso-
nius id contigisse scribit anno Christi 142. Tillemontius an. 161. at
ceteris antiquior Eusebius anno 157. aut sequenti.

Tryphonis Judæi, & Oratione Parænetica ad Græcos magnum sibi nomen comparavit; atque immerito dicitur a Sandio, & Episcopo negasse Verbi divinitatem. (1)

PUGNAVIT contra hæretes præsertim Valentinianam egregio Opere S. *Irenæus* Polycarpi discipulus, & Episcopus Lugdunensis, qui in persecutione Severi martyrii retulit palmam anno 202. Græce scripsit, non ut Erasmus putavit, Latine; eumque Tertullianus contra Valent. cap. 5. fuisse testatur *doctrinarum omnium accuratissimum exploratorem*. (2)

GRASSANTE persecutione, Apologetica Scripta pro Christiana religione ediderunt *Melito Sardinus* anno 170. *Tatianus Syrus* sophista, & orator anno 172. *Athenagoras* philosophiæ Platoniciæ sectator circa annum 169. *Theophilus Antiochenus* eodem anno ad Christum conversus, atque Hermogenis, & Marcionis acerrimus insectator. *Apollinaris* Hierapolitanus, cujus libros commemorat libro 4. cap. 27. Eusebius, quique per eadem tempora floruit M. Aurelio, & L. Vero imperantibus. Et *Aristides*, & *Quadratus*, de quibus hoc unum scimus, Apologias obtulisse Imperatori Hadriano, qui Trajano, ut paullo infra dicemus, successit.

INTER ceteros claruit, imperante Severo, & vergente hoc seculo ad finem *Tit. Fl. Clemens* Alexandrinus, discipulus Pantæni, & præceptor Origenis, ac presbyter, non Episcopus, (3) a multis *Christianæ anti-*
qui-

(1) *Justinus* cum Crescentio Philosopho Cynico de religione certavit.

(2) Qui Patrum traditionibus bellum indicunt, ut Dallæus, Barbeyrac, Clericus, Buddeus, alii, in priorum Seculorum Scriptoribus adnotant absurda Platoniciæ Philosophiæ, assertum angelorum cum mulieribus concubitum, requum Millenariorum, erroresque hujusmodi, idque ad illorum elevandam auctoritatem: sed perperam; neque enim in quæstionculis, in quibus discrepant, sed in doctrina, cui Catholici dogma is fundamenta nituntur, eorum confessionem plurimum valere affirmamus. Lege Canum lib. 7. de Locis Theologicis.

(3) Episcopum tamen ac Præfulem dixit Jacobus Gaddius tom. 1. pagina 128. & Christianus Lupus Dissert. Præmiali in Canones Nicænos cap. 10. trãdit, antiquam fuisse Alexandrinæ Ecclesiæ consuetudinem, abrogatam tamen ab Heracla Patriarcha, ut omnes presbyteri Episcopali consecratione decorarentur; cujus consuetudinis profert congruam quoque rationem. Sedit Heraclas III. Seculo, & Clemente e vivis sublato.

quitatis Varro appellatus. Laudantur Clementis Protrepticum ad Gentes, libri tres Pædagogi, & Stromatum octo. Reliqua ejus Opera perierunt. Inexhaustæ doctrinæ, & sacræ atque exoticæ eruditionis copia mirifice fuisse præditum asserunt omnes, maxime Cyrillus Alexandrinus lib. 10. contra Julianum, & Eusebius lib. 2. de Præparat. Evang. necnon Hieronymus de Script. Eccles. (1)

FLORUERUNT eodem seculo viri alij per celebres, quos memorasse sat erit; nimirum *Abercius* Hierapolitanus, in cujus libro *de disciplina* Apostolicum fulsisse spiritum affirmat Baronius ad an. 163. n. 15. *Dionysius* Episcopus Corinthiorum martyrium perpeffus circa annum 170. cujus epistolas laudat lib. 4. cap. 23. Eusebius. *Hegesippus* ex Judæo Christianus, qui obiit imperante Commodus. Ejus libri de martyrio Jacobi fratris Domini, & Simeonis Cleophræ filii, aliique de Jerosolymitana Ecclesia, & de Sectis Judaicis etiamnum extant. *Musanus* Encratitarum, ac *Modestus* Marcionitarum profligator, qui ambo vivebant an. 176. *Miltiades* rhetor, qui floruit circa annum 180. dictus a Tertulliano *Ecclesiæ Sophista*. *Asterius Urbanus* insectator Montanistarum, de quo Eusebius lib. 5. cap. 16. *Scrapius* Antiochenus eorumdem hæreticorum debellator & hostis. *Theophilus* Cæsareensis, qui de die celebrandi Paschatis scribebat anno 196. *Maximus*, qui adversus Marcionem disputavit de origine mali, laudatus ab Eusebio lib. 7. Præp. Evang. cap. 22., male autem ab Huetio in Appendice *ad Origenian.* ad ætatem Constantini Magni detrusus.

COM-

(1) Addendi *Aquila* Ponticus appellatus a Hieronymo *profelytus* & *consensuolus interpres*, alicubi tamen laudatus, *Aristo* *Pellæus* Palæstinus auctor dissertationis *Jasonis*, & *Papisci*, & *Pamæus*, quam Clemens Alexandrinus ejus, ut diximus, auditor appellavit *Apim Siculam*. Item *Agrippa Cæsar* debellator Basilidis, laudatus a Hieronymo in Catalogo, *Papias* Hierapolitanus Episcopus Chiliastrarum auctor, *Philippus* Cretensis Antistes Marcionis confutator, *Apollonius* Senator Romanus, qui scripto & sanguine pro fide Christi certavit, *Polycrates* Ephesinus Quartadecimanus, *Athenogenes* clarus doctrina ac martyrio; *Rhodon* Asianus Marcionis impugnator, de quo Nicephorus post Eusebium & Hieronymum; *Heracles* qui Commentarios edidit in Epistolas Pauli, & *Candidus* qui scripsit in Hexameron, pariter ab Eusebio, & a S. Hieronymo laudati.

COMMÉMORANDUS demum foret *Tertullianus*; sed quoniam dicitur vita functus circa annum 220. opportunius videtur de illo in historia proximi seculi pertractare.

C A P U T V.

DE ROMANIS IMPERATORIBUS, ET DE VIRIS
CORONATIS MARTYRIO, ET SANCTI-
TATE CONSPICUIS.

M. *ULPIUS Trajanus*, qui anno Ch. 98. successit *Nervæ*. ineunte secundo Seculo moderabatur imperium, facto functus in urbe Ciliciæ Salinunte, *Q. Nigro & Vipsanio Aproniano Coss.* anno 117. die 10. Augusti. Tertiam excitavit in Christianos persecutionem anno 107. & anilis est fabula, illius animam precibus *S. Gregorii Magni* fuisse ab inferis liberatam. (1) In ea persecutione affixus cruci *Simeon* Jerosolymorum Episcopus citato anno 107. ætatis suæ 120. De *Ignatio* diximus præced. cap. Combustæ Antiochiæ mulieres quinque, earumque cineres permixtæ metallis, ex quibus conflati fuerunt in thermarum usum lebetes. Passi tum *Casarius* diaconus, & *Julianus* presbyter Tarracinæ, in Portu Romano *Hycinthus*, Heliopoli *Eudocia*, Edessæ Episcopus *Barsimaus*, ac *Sarbelius*, & *Barba* ejus soror, Romæ *Victorinus* Episcopus Amiterni, & *Romulus* aulæ ipsius Trajani præfectus. (2)

POST Trajanum indeptus imperium *Ælius Hadrianus*,

(1) Tametsi anno 102. *Plinio* in Bithynia Proconsuli Trajanus edixit Christianos non esse inquirendos, jussit tamen accusatos puniri, quod hostibus magnam præbuit occasionem nocendi.

(2) Obierunt circa hæc tempora *Titus* discipulus Pauli, & *Marcus* adolescens sub Antonino; *Alexander* item martyr, quorum Inscriptiones profert in Itinere Italico Cl. Mabillonius. Innumeros cineres Sanctarum celebrat hymno XI. *Wip'sic.* ad Valerianum Prudentius: ac plures refellunt *Dodwellum* adstruentem disert. XI. Cyprianica Martyrum paucitatem. Imperante Trajano Barchochebas dux Judæorum, qui se Messiam esse jactabat, exquisitis suppliciis plurimos Christianos necavit. Inter Martyres recensent quoque Martyrologia *Antistium* Macedonem, *Phocam* Episcopum Synopis in Ponto, *Maronem* socioque, *Eustachium* cum *Theopista* conjuge ac liberis, *Eutropium* Episcopum Xanthi ceterosque sub Trajano interfectos.

nus, Hispanus genere, opera Plotinæ uxoris ejusdem Cæsaris, quæ illius capta erat amore, principis adoptionem mentitus, rempublicamque rexit usque ad annum 138. quo hydropē, & sanguinis effusione tabescens obiit apud Bajas Campaniæ oppidum 6. Idus Juliæ, *Camerino & Magno Coss.* & ejus cineres urna aurea reconditi sunt in Urbe ad pontem Ælium. (1) Quamvis autem sub imperio Hadriani persecutio aliquantulum remitteretur, perpeffi tamen martyrium sunt prælaudati Romani Pontifices *Evaristus*, & *Alexander*, (2) *Justinus*, & *Publius Atheniensis* Episcopus, *Marius* dux militum, *Fausinus* presbyter & *Jovita* diaconus, *Sabina* nobilissima matrona Romana a *Seraphia* virgine Christianæ fidei instituta præceptis, *Symphorosa* cum septem filiis, & *Getulio* viro, atque *Amantio* fratre, ipsius Hadriani tribunis, alii-que plurimi: quorum nomina in libro vitæ inveniuntur descripta.

ADOPTAVERAT Hadrianus *Antoninum Pium* filium *Annii Veri* fratris *Sabinæ* uxoris suæ, atque is extincto imperatori successit; imperavitque ultra annos 22. abreptus placida morte somno simillima anno 161. die 7. Martii, *Coss. M. Aurel. Antonino III. & L. Ælio Commod.* (3) A cæde Christianorum penitus Antoninum non abstinuisse, evinci-

(1) Hadrianum instante morte fecisse Spartianus inquit hosce versus:

*Animula, vagula, blandula,
Hospes comesque corporis,
Quæ nunc abibis in loca?
Pallidula, rigida, nudula,
Nec, ut soles, dabis jocos?*

Paraverat sibi tumultum ex pario lapide, quoniam Mausoleum Augusti oppletum erat. Ubi moles illa Hadriani, extat modo arx S. Angeli.

(2) *Alexandrum*, cum duobus presbyteris *Eventio & Theodulo* passum sub Aureliano Acta quædam testantur. Intellige Aurelianus Comitem & Judicem, non *Aurelianium* Imperatorem, ut legitur in quibusdam exemplaribus Ussuardi. Passus circa hæc tempora *Onesimus* Pauli discipulus.

(3) *Antoninus Pius* ab anno 138. usque ad annum 161. tenuit imperium, eique successit *M. Aurelius Antoninus Verus*, qui imperavit usque ad annum 180. Interea tamen ab anno 161. usque ad annum 169. rempublicam administravit etiam *Lucius Verus*, quem *M. Aurelius* adscivit ad consortium imperii, Primum duorum simul imperantium exemplum.

evincitur ex inscriptione Alexandri Mart. reperta in Cœmeterio Callisti, & ex Actis *S. Felicitatis*, & septem filiorum, quos nolentes idolis sacrificare vario poenarum genere affecit.

SED crudelius sævit Gentilium furor, imperium mōderante *M. Aurelio Antonino Vero*. Is, qui Pii gener erat, vir nempe *Valeriæ Faustinae* ejus filia, principatum exercuit usque ad annum 180. quo anno interiit apud Vindobonam, nunc Viennam Austriæ, 16. die Martii, *Fulvio Bruttio II. & Quintilio Candiano Coss.* Exorta hoc Cæsare IV. Ecclesiæ Persecutio anno 162. in qua sepeliendis martyribus, alendisque pauperibus pietatem exercueret *Pastor* presbyter R. E., & *Pudentiana* atque *Praxedes* Virgines. Præter Justinum Romanosque Pontifices Pium, Anicetum & Soterem superius laudatos, martyrii palmam sub M. Aurelio consecuti fuerunt circa an. 167. duodecim Philadelphienses, Smyrnæ *Pionius*, Pergami *Parpus*, *Papulus*, & *Agathonica*, Martyres Lugdunenses 48. anno 177. quorum cineres projectos in Rhodanum scribit Augustinus in lib. *de cura gerenda pro mortuis* num. 8., Augustoduni *Symphorianus*, *Hermias* in Ponto, Atinæ *Julianus*, Pontianus Spoleti, in Sardinia *Positus*, Lugduni *Epipodius & Alexander*, Apameæ in Phrygia *Alexander* alter & *Cajus*, Cabilone *Marcellus*, Trinurtii *Valerianus*, Sidoteci *Andochius*, *Thirsus*, & *Felix*, Mediolani *Gervasius & Protasius*, Vefuntii *Ferreolus* presbyter cum *Ferrutio* diacono, Valentia Allobrogum *Felix* presbyter cum diaconis *Fortunato & Achilleo*, Divinione *Benignus*, Sagaris *Laodicea*, Heraclææ *Glyceria*: quos ex ingenti Martyrum numero sufficiat commemorasse. (1) M. Aurelio cum Quadis ultra Danubium bellum gerente, & siti premente exercitum, Christianorum militum precibus e cælo prodigiosum cecidisse imbrem, & hostes fulminibus in fugam verfos, Eusebius lib. 5. cap.

(1) Apud Eusebium lib. 4. cap. 1. inter Martyres Lugdunenses commemorantur *Maturus* neophytus, *Attalus* Pergamenus, *Blasina*, & *Biblias*, *Ponticus* adolescens, & *Phorinus* Episcopus major nonagenario. Ex illo capite constat Gentiles objecisse Christianis Thyestæas cunas, & incestos Oedipi concubitus.

cap. 5. alique Scriptores posterorum memoriae tradiderunt. (1)

REGNAVIT post M. Aurelium *L. Aurel. Commodus* ejus filius, Marciae concubinae insidiis praesentissimo hausto veneno, dum illud evomeret, a Narcisso palaestrita suffocatus pridie Cal. Januarias anno 192. ipso *Augusto VII. & P. Helvio Pertinace II. Coss.* (2) Tranquillior fuit sub hoc principe status Ecclesiae; tamen anno 185. juxta Ruinartium capitali sententia damnatus sit *Apollonius* ordinis Senatorii, a proprio servo delatus Perenni praefecto.

ARRIPUIT extincto Commodò imperium *P. Helvius Pertinax* ex civitate Alba Pompeja in Gallia Cisalpina ad Tanarum sita: sed Pertinace interfecto cum vix dies 88. imperasset, anno 193. die 28. Martii, imperium a Praetorianis pecuniae pollicitatione, armorumque vi occupavit *M. Didius Severus Julianus Mediolanensis*: qui tamen promissorum immemor a gregario milite trucidatus fuit eodem anno 193. Kalendis Junii, *Q. Sossio, & Julio Erutio Coss.*

Renunciatus ab ea die imperator *L. Septimius Severus Pertinax*, interim Pescennio Nigro in Syria & Clodio Albino in Britannia imperii sibi arrogantibus auctoritatem: quorum unum apud Antiochiam proximo anno 194. Severus superavit; alterum vero sibi conciliare studuit oblata Cæ-

(1) Hanc *Pluviam* Gentiles diis suis, referebant acceptam, ut constat ex nummis, & ex sculpta in columna Antonini imagine *Jovis Pluvii*. Vide citato loco Eusebium, & adnotationes Valesii. Ven. Baronius plura ad annum 176. De nomine legionis *fulmineæ*, seu *fulminatricis*, quo designantur illi milites, complures adversantur Eusebio.

(2) *Commodus* uxorem habuit *Crispinam* *Quintilii* filiam, concubinas autem CCC. Appellatus fuit *Cæsar* anno Ch. 166. & anno proximo *Augustus*. Sotorem *Lucillam* occidit, quaestionem exercente *Perenne*. Perstringit illius vitia *Lampridius*. Sprevisse prudentum consilia scribit *Herodianus*. Christianis pepercisse fertur ob preces concubinae suae *Martiae*. Latam ab eo legem adversus delatores Christianorum, punitumque fractis cruribus accusatorem *Apollonii Martyris*, tradit *Eusebius* lib. 5. cap. 21. Ceterum de *M. Aur. Antonino*, cognomento *Philosopho*, *Commodi* patre, ita *Aufonius*:

Successore suo moriens, sed Principe pravo,

Hoc solo patria, quod genuit, nocuit.

Julius Capitolinus *Commodum* ex illegitimo concubitu natum putat. Fuit enim *Faustina* ejus mater adulterii infamis.

ta Cæsaris dignitate. 1) Movit Severus adversus Ecclesiam Persecutionem V. de qua proximo Seculo tertio.

C A P U T VI.

QUENAM SECUNDO VERTENTE SEculo FUERIT
ECCLESIAE DOCTRINA, AC DISCIPLINA.

EADEM semper, & invariabilis fuit doctrina Ecclesiae, sed pro temporum opportunitate juxta Apostolorum traditiones majori in lumine collocata. Ipsae traditiones, quas semper negarunt heterodoxi, a Romana Sede repetendas lib. 3. cap. 2. & 3. demonstrat adversus Valentinianos S. Irenæus. Is, alique Patres in dogmate Trinitatis convenere; atq. de iis evulsi & eradicati sunt cuncti recentiorum hæreticorum scrupuli. Nævi quidam in PP. scriptis notati labefactare nequeunt fidem communi consensu firmatam. Celebrandum Pascha die Dominico, non luna 14. Statuta Pontificum, & hujus Seculi Concilia demonstrant. Adventus Polycarpi ab Asiaticis pro ea quæstione missi Romam ad Anicetum, & legatio Irenæi ad Eleutherum nomine Martyrum Lugdunensium, docent servandam esse cum Ecclesia Romana unionem, & majores causas ad Sedem Apostolicam referendas. Martyrum cultus, Sanctorum gloria, Parocciarum institutio, & Ecclesiastica hierarchia habent ex historia secundi seculi locupletissima testimonia. Sanctificatio item diei Solis, & fidelium conventus ad agendam Synaxim eodem seculo enituit.

QUANTUM attinet ad disciplinam, didicimus ex Justino collectis aliqua in domo tanquam in Templo fidelibus, illic Commentaria Apostolorum cum aliis divinis libris

(1) Severus parentes habuit Marcum Getam, & Fulviam Piam. Cognominatus est *Persinax* in honorem Helvii Pertinacis trucidati a Didio Juliano. Ante imperium militari sorte obtinuerat Quæsturam Boeticam, tum Sardiniam, postea legationem Proconsulis Africæ, deinde creatus Tribunus plebis, & Lugdunensis provincie Legatus. Salutatus est imperator apud Carnutum a Legionibus Germanicis. Lege Aelium Spartianum. Dicitur solus ex Afris ad Imperium evectus: unde Ausonius,

*Punica origo illi, sed qui virtute probaret,
Non obflare locum, cum valet ingenium.*

bris fuisse lecta, habitum Sacerdotis sermonem, oblatam deinde Eucharistiam. Hæc etiam laicis sub utraque specie fuit administrata, & lactentibus ori infusa Divini poculi pars exigua. Sævientibus persecutionibus data in laicorum manus ad proprios ferenda lares. Baptizandi ter in aquam in Trinitatis nomine nudi immergebantur, Adhibitas ceremonias Exorcismi, insufflationis, inunctionis, & impositionis manuum Sacerdotis baptismum administrantis, scripta Patrum declarant. Mel quoque, & lac degustandum tradebatur baptizatis ad spiritualem nativitatem, morumque simplicitatem & innocentiam significandam. Fideles diebus Dominicis stantes orabant, ac ut plurimum facie ad Orientem conversa. (1)

A P P E N D I X

DE EXTERNIS REBUS.

ANNO 101. *Trajanus* Decebalum Dacorum regem bello vicit. 102. Dacia in provinciam redacta: devicti Arabes: impositus pons Danubio. 103. Actus a Trajano de Dacis triumphus. 104. Alimenta ab imperatore 5000. pueris Italici assignata. 105. Edificatus a Trajano portus Anconæ. 106. Secundo Dacico bello *Decebalus* sibi mortem conscivit. 107. Aquæ Martiæ ductus 23. miliariorum spatio resecti. 108. *Adrianus* Pannoniæ Pro-Prætor repressit Sarmatas. 109. Instaurata *Via Appia* a porta Urbis Capena ad Capuam usque atque inde Brundisium. 110. Dirutæ terræmotu tres Galatiæ urbes, ac Pantheon fulmine attactum. 111. *Trajanus* Romæ magnificas extruxit Bibliothecas. 112. Parthis Armeniisque

Tom. I.

G

que

(1) Tempia secundo Seculo peculiaribus in locis constructa. Talia fuere distributi ab Evaristo Tituli. Inter istos domus Euprepie. Dicata a Pio successore Hygini Ecclesia in Thermis Novati. Enituit illic Præxedis virginis pietas. Est eadem sacra ædes perantiquus *Passoris* titulus. Reliquos alibi descripsimus. Septem Diaconis ad curam pauperum gerendam commissæ Urbis regiones; qui propterea appellati sunt *Regionarii*. Ex Ignatii Martyris epistolis accepimus ratum non fuisse sine Episcopo Eucharistiam, hujusque oblationem. Baptismum item ab illo, aut ejus saltem nutu, administrandum. Inde & *Hierarchiam*, ordinemque sacerdotum ministrorum didicimus, & Episcoporum præsertim a presbyteris distinctionem.

que bellum indictum . 113. Erecta in Foro, & dicata Trajanò Columna. 114. Assyria venit in potestatem P. R. Trajani Forum, & Basilica Ulpia Romæ dicantur. (1) 115. Ingenti terræmotu quassata est Antiochia: Judæi Cyrenenses irruerunt in arma, & innumeros Romanos Græcosque occiderunt, eorumque viscera depasti sunt. 116. In eisdem Judæos Ægyptum vastantes missus a Trajano *Marcus Turbo* ingentem prostravit illorum numerum. 117. *Trajanus* Ctesiphontem cepit, ad Oceanum pervenit, Syriam adiit, in Cilicia decessit. 118. Remisit *Hadrianus*, crematis tabulis, Judæorum tributa. 119. *Trajanus* inter Deos relatus: Jerosolyma dicta est *Ælia*: Judæi in pago Terebintho equorum pretio venumdati. 120. *Hadrianus* in Sarmathas movit: eversa terræmotu Nicomedia urbesque finitimæ. 121. Circum Romanum *Hadrianus* refecit. 122. Barbaros a Romanis muro 80. M. divisit. 123. Ædem Augusti Tarracone restituit. 124. Sacra Eleusina celebravit Athenis. 125. *Serenus Gracchus* Proconsul Asiæ iniquum credidit Christianos nullo objecto crimine occidi. 126. Transmisit *Hadrianus* in Africam. 127. *Jovi Olympio* Ædem, sibi que Aram Athenis *Hadrianus* dicavit. 128. *Sabinam* dicit Augustam: cum rege Parthorum Cosrohe iniit amicitiam. 129. Terræmotu Nicopolis & Cæsarea corruerunt. 130. *Pelusium* veniens Imperator Pompeji tumulum magnificentissime ornavit. 131. Mergitur *Antinous*, quem *Hadrianus* perditæ amabat, in Nilo; refertur inter Deos, atque ex ejus nomine *Antinoia* civitas conditur. 132. Atheniensem miri operis bibliothecam *Hadrianus* extruxit, & edidit agonem. 133. Missus *Julius Severus* contra Judæos Palæstinam depopulantes. 134. Æquatæ solo 50. Judæorum arces, & 980. vici ferro & igne vastati. 135. Judæis omnibus agro Hierosolymitano interdictum. (2) 136. Alani contra Romanos concitati repressi sunt a *Flavio Arriano*. 137. Absol-

(1) Coss. *Hasta*, & *Vopisco*, idest, anno 114. Judæi deficientes a Trajano eodem proximoque anno occiderunt in Ægypto hominum ducenta millia; atque in Cypro insula ducenta quadraginta millia itidem trucidarunt: ab hoc autem tempore capitale illis fuit illuc appellere.

(2) Ad annum imperii *Hadriani* 18 refert *Eusebius* lib. 4. cap. 6. edictum ne Judæi in regionem circa Hierosolymam sitam auderent pedem inferre, citatque *Aristonem* Pellæum. Auctor seditionis Judaicæ

Absolvit *Phlegon* Hadriani libertus *Opus de Olympiadibus*. 138. Obiit Calendis Januarii *Ælius Verus* ab Hadriano creatus Cæsar, & adoptatus. 139. *M. Aurelius* ab Antonino Pio renunciatus est Cæsar. 140. Obiit Antonini uxor *Faustina*. 141. *Marcion* advenit Romam. 145. Uno partu mulier enixa est quinque liberos. 158. Restituit *Antoninus Pius* ædem Augusti. 161. Sequuta est Antonini mortem ejus apotheosis. 162. Exundavit Tiber, & Parthi cæsis Romanorum copiis Syriam vastarunt, & occuparunt Armeniam. 163. In Armeniam *Statius Priscus* irrupit. 164. Parthi ultra Euphratem pelluntur, & *Vologeses* illorum rex a *Cassio* vincitur. 165. *Peregrinus Cynicus*, si fides habenda est Luciano, sese in rogam injecit. 166. Medos *Marcus Verus* invasit. 167. *M. Aurelius*, & *L. Verus* triumpharunt de Parthis. 168. *Avidius Cassius* vicit Bucolicos. Pestilentia multas vexavit provincias. 169. Germania Romanis subjicitur. 170. *Lucius Verus* extinguitur apoplexia. 172. Marcomanni transitu Danubii a *M. Aurelio* delentur. 173. In ditionem recepti, atque illorum plurimi in Italiam translati sunt. 174. Insignis de Quadis reportata victoria. 175. Arripuit *Avidius Cassius* tyrannidem: togam virilem induit *Commodus*. 176. Perit ex podagra in vico Hahale ad radices montis Tauri *Faustina* junior, conjunx *M. Aurelii*, sed adulteriis infamis. 177. *Commodus* Crispinam duxit uxorem. 178. De Quadis & Herma-duris relata Victoria. 179. A Paterno barbari superantur. 180. Sirmii *M. Aurelius Antoninus* decessit. 181. Triumphavit *Commodus* de Germanis. 182. Alexandriæ *Serapidis* templum incenditur. 183. Daci & Germani recusantes *Comodi* imperium bello impetuntur. 184. Britanni rebelles a ducibus Romanorum devicti. 185. In *Commodum* cum aliis conspiravit soror Lucilla. 187. Idem *Commodus* Anubim colit, & sacra Isis celebrat. 189. Pestis in urbem Romam, & in Italiam desæviit. 190. Fames grassatur Romæ; & evitatis insidiis *Commodus*

G 2

Cybe-

debitas pœnas persolvit. Fuit is *Barchochebas*, quod nomen stellam significat, commemoratus cap. 5. in Notis ad Trajanum. Hunc ad fucum Judæis faciendum stipulam in ore accensam anhelitu ventilasse, ut flammam evomere videretur, scribit S.Hæronymus II. adversus Rufinum Apologia.

Cybeli sacrificat. 191. Palatium, *Ædes Vestæ*, urbisque pars maxima incenditur. 192. *Marcia* pellicis, & *Eleæti* cubicularii *Commodus* interficitur, 193. *Pescennius Niger* a Syriacis Legionibus dicitur Imperator. 195. *A Severa* Nisibis, urbesque aliæ captæ fuerunt, vastata Arabia, Parthi, & *Adiabenzæ* devicti. 197. Byzantini ad deditionem compulsi. 198. *Albinus* in Galliis a Severo expugnatur. 199. Is ad bellum Parthicum proficiscitur. 200. Captæ a Severo *Babylonia*, *Seleucia*, *Ctesiphon*, ac tota *Parthiæ* provincia.

CELEBRES secundo Seculo humana sapientia fuerunt *Plutarchus* Cheronensis sacerdos *Pythii Apollinis*, qui *Ethica*, *Historica*, & *Politica* limatissimo stylo conscripsit. *Dio Chrysostomus* orator, quem *Synesius Aquilam* & *Cygnum* appellat. *Aulus Gellius* Grammaticus *Notitium Atticarum* candidus elucubrator. *Cornelius Tacitus*, cujus dictio in *Libris Historiarum* uberior, in *Annalibus* pressior habetur. *Arrianus* *Nicomediensis*, *Epicteti* discipulus, philosophus, orator, historicus, dictus *novus Xenophon*. *C. Suetonius Tranquillus*, cujus *XII. Cæsarum Vitæ* plus habent nervorum, quam corporis. *Appianus Alexandrinus* scriptor *historiæ utilioris* viris *militaribus*, quam *civilibus*. *Claudius Elianus* *Prænestinus* *Attica* præditus eloquentia. *Pausanias* *Cappadox Græciæ* antiquitates erudite, licet minus facunde, decem libris complexus. *Claudius Ptolomeus* *Pelusiensis* in *Geographicis*, & *Astrologicis* sapientissimus. (1) *Diogenes Laertius*.
Cilix

(1) Mittimus *Apollodorum*, *Sextum Julium Frontinum*, *Rob. Eliæ*, & *Rob. Ada Babylonium*: De *Claudio Ptolomeo* Alanus in *Anti-Claudio*;

Divitis ingenii vena Ptolomeus inundans

Deveffus superas curru rationis in artes,

Colligit æstherum numeros, loca, tempora, cursus.

Pervenisse traditur ad tempora *Marci Antonini*, qui inauguratus est Imperator anno Chr. 161. *Epictetus* *Hierapolitanus* Philosophus Stoicus, cujus *Enchiridion* Græce scriptum Latinitate donavit Angelus Politianus; ac tantæ admirationis, ut ejusdem *Epicteti* lucerna fictilis venum ierit tribus drachmarum millibus. Existimo tamen fuisse aliquantulum seniore. Romæ enim servivit *Epaphrodito* familiari *Neronis*, & impetrante *Domitiano* rediit in *Phrygiam*. Nero autem seipsum interemit anno Chr. 68. qua ætate cum *Epictetus* adultus fuerit, videtur mortem obiisse antequam *M. Aur. Antoninus* auspicaretur imperium. Accedit, quod sub *Hadriano*, qui an. Ch. 117. successit *Trajano*, floruit *Flavius*

Cilix veterum Philosophorum sedulus indagator. *Justinus* Historicus *Trogi Pompei* præceptoris sui abbreviator nitidus, ac disertus. *Claudius Galeus* Pergamensis alterum ab Hippocrate decus Medicorum. *Athenaeus* scriptor *Δειπνοσοφιστῶν*, idest *Sermonum Convivialium*, dictus ab aliquibus *Varro Græcorum*. *Hermogenes* Tarenis rhetor, *Antiochus sophista* vocatus. *Lucius Apulejus* Platonicus, de quo Vives, *Apuleius in Asino plane rudis*. *Lucianus* Samosatensis Atheus, qui, ut aiebat Lactantius, nec diis, nec hominibus pepercit. (1) *Julius Pollux* Naucratis laudatus ob varietatem & copiam verborum. *Celsus Epicureus*, qui fidem, moresque Christianorum Opere inscripto *ἀντισηλον* oppugnavit. *Phlegontis* liberti Hadriani meminimus paullo supra. *Atticus*, Platonicus, *Herodianus* Græcus Historicus, *Oppianus* Cilix, qui carmine scripsit de Piscibus, *Papinianus* cognominatus *Asylum Juris*, *Maximus Tyrius* philosophus, &c. (2)

G 3

TER.

Arrianus Nicomediensis, Philosophus, Historicus, & Jureconsultus percelebris, alter *Xenophon* dictus, & qui Epicteti fuerat discipulus & auditor. Non abs re erit utriusque hoc in loco meminisse, licet Epictetum commemoraverimus in appendice I. Seculi.

(1) *Lucianus*, & *Celsus* circa idem tempus dicuntur vixisse, & illum quidam referunt ad Trajani ætatem, quidam ad Marci Aurelii, & ad Commodi imperium. *Lucianum* disceptum a canibus tradit Suidas.

(2) Hujus sunt generis *Plinius* Junior, qui Panegyricum dixit Trajano, *L. Florus* brevis, & expolitus Historicus, *Solinus* Polyhistor. *Dionysius* Milesius Historiographus, *Juvenius* & *Julius Celsi* JCC. *Philostrophus* scriptor Vitæ Apollonii Tyanei vaserimi hominis, & Sophistarum, qui usque ad tempora Severi Imperatoris vixerunt. *Spartianus* in Adriano commemorat ICC. quibus is in causis judicandis utebatur, præter *Julium Celsum*, *Neracium Priscum*, *Domitium Labeonem*, & *Salvium Julianum*.

TERTIUM ECCLESIAE

S E C U L U M .

C A P U T I .

ROMANI ENUMERANTUR PONTIFICES .

PRÆFUERUNT Romanæ & Apostolicæ Ecclesiæ tertio Seculo *Zephyrinus* , *Callistus* , *Urbanus* , *Pontianus* , *Antherus* , *Fabianus* , *Cornelius* , *Lucius* , *Stephanus* , *Sixtus II.* *Dionysius* , *Felix* , *Eutychianus* , & *Cajus* : quos omnes inter Sanctos veneratur Ecclesia .

XVI. ZEPHYRINUS , qui Pontificatum inierat an. 201. decessit VIII. Kal. Sept. anno 319. juxta Baronium , cujus chronologia aberrat biennio , 221. Defecisse ad Montanistas videtur innuere cap. 1. adv. Praxeam Tertullianus , sed hujus libro de *Pudicitia* calumnia ista retunditur .

XVII. SUFFECTUS ei est *S. Callistus* 1. cujus Pontificatus ab anno 219. usque ad annum 224. protenditur . Eo anno post ædificatam Basilicam Transiberinam , & amplum in via Appia cœmeterium *Coss. Claudio Juliano II.* & *Crispino* in puteum demersus est pridie Id. Octobris , & ingestis ruderibus suffocatus . (1)

XVIII. TENUIT deinde Pontificatum *S. Urbanus* filius Pontiani Romani civis usque ad annum 231. quo martyrio coronatus est die 25. Maji , *Claudio Pompejano* & *Feliciano* gerentibus consulatum .

XIX. Creatus postea *S. Pontianus* Calpurnii filius , relegatus ab Alexandro Severo in Sardiniam , & sub Maximino fustibus cæsus die 14. Martii anno 235. *Severo* , & *Quintiano Coss.*

XX.

(1) *Callistus* ad sacrum ministerium vasa argentea conlasse tradit Ven. Baronius ad an. 233. Sacro regeneravit baptismate SS. Cæciliam , Valerianum , ac Tiburtium , de quibus infra cap. 5. Basilicam Transiberinam dicatam Virgini ab eodem Callisto Platina , Pagius , alii-que asserunt . Idem Callistus Romanus fuit , & filius Domitii . Ejus decretalis , quæ exat 1. Conciliorum Volumine , & aliæ usque ad Siricium creduntur passim supposititiæ .

XX. ORDINATUS in ejus locum *Antherus*, qui nondum expleto Pontificatus anno, a Maximo P. V. III. Nonas Januarias occiditur in tertio *Jul. Maximini A. Consulatu*, nempe anno 236. (1)

XXI. Post *Antherum* Pontificatum gessit *S. Fabianus* Romanus ad annum usque 250. electus, ut ajunt, columba super caput ejus desuper advolante, martyrioque coronatus in persecutione Decii, die 20. Januarii, ipso *Decio II. & Grato Coss.* (2)

XXII. GUBERNAVIT deinde Ecclesiam *S. Cornelius*, schisma constante Novatiano, & exortis circa lapsos controversiis, coronatus & ipse Martyrio secundo Pontificatus sui anno, *Æ. V. 252. decimo octavo Cal. Octobris*, in consulatu *Galli, & Volusiani*.

XXIII. SEDIT deinde *Lucius Porphyrii Romani filius*, exiguo & ipse tempore; cum martyrium subierit in 2. Consulatu *Volusiani*, idest, proximo anno 253.

XXIV. LUCIO successit *Stephanus* patria Romanus, traditionis de non repetendo baptismo assertor, & vindex, (3) & fidei, quam effuso sanguine confirmavit, propugnator illustris. Obiit 4. Nonas Augusti, *Valeriano IV. & Gallieno III. Coss.* nempe anno 257.

XXV. EPISCOPATUM deinde gessit *Sixtus II. Atheniensis* uno tantum anno, animadversus in cœmeterio, ut inquit *S. Cyprianus*, non, ut ait *Prudentius*, affixus cruci, VIII. Idus Augusti, anno 258. *Coss. Tusco & Basso*.

G 4

XXVI.

(1) Quidam hoc in loco intrudunt Pontificem *Cyriacum* nomine, de quo in Actis SS. Ursulæ, & Sociarum. Fatentur omnes eruditi hunc Pontificatum esse fictitium, Actosumque Ursulæ fidem labascere. Egi de his in dissertatione de SS. Pontiano, & Anthero. *Antherus* genere Græcus fuit, diligens Actorum Martyrum collector, unde & habetur Martyrologii primus auctor.

(2) *S. Fabianus* damnavit *Privatum* Lambesitanum Episcopum, etiam in Concilio 90. Episcoporum in Africa condemnatum. Ignota *Privati* hæresis. Missos a Fabiano in Gallias Apostolicos viros scribit *S. Gregorius Turonensis* lib. 1. Hist. Fr. Celebratur Idem *Fabianus* laudibus *S. Cypriani* ep. 59. ad Corn.

(3) Fuere qui controversias de hæreticorum baptismo inter *Stephanum* & *Cyprianum*, hujusque Concilia, & epistolas de eodem baptismo pertractantes rejecerunt inter apocrypha. Sed vide quæ scripsimus lib. 31. de Th. disc. esp. 13. Legi & tres Joannis Sbaraleæ contra Misiorum dissertationes, necnon secundam Epistolam Eusebii Philalethis ad Franciscum Morenas.

XXVI. AD Pontificatum eveetus est post Sixtum *Dionysius* presbyter Rom. E. a SS. Basilio, & Dionysio Alexandrino summopere commendatus: qui migravit ad Deinum die 26. Decembris an. 271. in 2. *Aureliani* A. consulatu, (1)

XXVII. IN PETRI cathedra sedit post Dionysium *S. Felix I.* qui & martyr decessit III. Kal. Jun. anno 276. consulum *Tacito* & *Æmiliano* gerentibus.

XXVIII. ROMANAM deinde Ecclesiam gubernavit *S. Eutychianus* Lunensis, qui suis manibus sepelivit martyres plusquam 342. Sedit autem an. 8. & decessit die 7. Decembris, an. 283. in Consul. *Cari A. II.* & *Carini*.

XXIX. CAJUS Dalmata, & Salonitanus ad Episcopatum Romanum post Eutychianum eveetus, sanctissimo illum administravit usque ad VI. Consulum *Diocletiani*. idest, annum 296. coronatus X. Kal. Majas. Sedit postea *Marcellinus*, de quo in Seculo proximo.

PATRIARCHARUM NOMINA.

TERTIO Seculo præsuerunt Alexandrinæ Ecclesiæ post *Demetrium Heraclas*, *Dionysius*, *Maximus*, *Theonas*: Antiochenæ post *Serapionem Asclepiades*, *Philetus*, *Zebeus*, *Babylas*, *Fabius*, *Demetrianus*, *Paulus Samosatenus*, *S. Domnus*, *Timotheus*, & *S. Cyrillus*: Jerosolymitanæ post *Narcissum Dio*, *Gordius*, *Alexander*, *Maximianus*, *Hymeneus*, & *Zabdas*.

CAPUT II.

TERTII SEculi RECENSENTUR CONCILIA.

OCcurrunt primo Synodi Rebaptizantium, nullius in Ecclesia auctoritatis. Quarum prior est *Agrippini*

(1) Quidam cum Antonio Pagio censent Dionysium decessisse *Coss. Claudio II. & Paterno*, idest, anno 269. Petavius vero ait vita functum *Coss. Antiochiano & Orfito*, anno nimirum 270. Pagi autem hæc est Chronologia: *Zephyrinus* creatus fuit Pontifex anno 197. *Callistus* 217. *Urbanus* 222. *Pontianus* 230. *Antherus* 235. *Fabianus* 236. *Cornelius* 251. *Lucius* 252. *Stephanus* 253. *Sixtus II.* 257. *Dionysius* 259. *Felix I.* 269. *Eutychianus* 275. *Cajus* 283. *Marcellinus* 296.

pini *Carthaginensis*, celebrata circa annum 215. Aliæ indictæ fuere ab Agrippini successore Cypriano, una anno 255. altera anno 256. & alia rursus eodem anno frequentior ac plenior. Eodem anno, sive, ut sentit Baronius, 258. coactæ item fuerunt Synodi *Isonii*, & *Synæda*, quibus omnibus rejicitur latum ab hæreticis baptisma.

Dixi eas Synodos nullius auctoritatis; quoniam valere hæreticorum baptismum decrevit Stephanus Papa, & ea querellio finita postea fuit, ut inquit Augustinus, *Plenario Concilio*, quod alii putant fuisse Nicænum, alii autem Arelatense.

IN CAUSA verò lapsorum; & contra libellaticos Synodis Patrum saluberrima edita fuerunt decreta: *Carthagine* sub Cypriano an. 251. & 252. ac rursus 254. in causa *Basilidis Legionensis*, & *Martialis Asturicensis* Episcopi contententium, quamvis Libellatici forent, propriis sedibus restitui. Actum pariter de recipiendis lapsis sub *Cornelio* an. 251. coacto Romæ 60. Episcoporum Concilio.

ADVERSUS hæreses ea, quæ sequuntur, indicta sunt. Contra Origenem anno 230. *Alexandrinum* sub Demetrio. (1) Adversus Privatum anno 240. *Lambesitanum* in Africa. Adversus Beryllum *Bostrenum* in Arabia anno 244. Adversus Noetum *Ephesinum* an. 255. Duobus *Antiochenis* 265. & 270. damnatus Paulus Samosatenus. (2)

C A P U T III.

HÆRETICI, ET HÆRETICORUM COMMENTA.

PRAXEAS a Phrygia, quem circa annum 209. refutavit Tertullianus, unus a Cataphrygibus, seu Montanistis, *Patripassianorum* sectam instituit, eorum scilicet, qui

(1) Origenes ea in Synodo damnatus est, non propter hæresim, sed quoniam ordinatus fuerat in aliena diocesi, & genitalibus abscissis. Vide dissert. 4. in III. Seculum.

(2) Alias Synodos contra Paulum celebratas innotit Eusebius Lib. 7. H. E. cap. 28. Postremam, quam consignavimus anno 270. qui cum Papiro Dionysii Papæ obitum figunt die 26. Decembris anni 269. ad hunc annum retrahunt, immo ad annum 266. Pearso nius.

qui aiebant Patrem descendisse in utero Virginis, & crucis subiisse patibulum. Praxeam sequuti sunt *Beryllus*, & *Sabellius*; qui SS. Trinitatis personas tria duntaxat esse nomina putaverunt.

BERYLLUS Bostorum in Arabia Episcopus, ausus asserere Dominum, antequam inter homines versaretur, non substituisse in propriæ differentia Personæ, ut inquit Eusebius lib. 5. cap. 33. hæresim disseminabat anno 230. *Noetus* Ephesinus, quamvis Theodoretus illum vocet Smyrnensem, circa annum 245. vestigia Berylli calcavit, & Christum eundem esse cum Patre, & Spiritu Sancto dogmatizavit. *Sabellius* vero Ptolemaide natus circa annum 256. tam pervicaciter tres divinas Personas in unam hypostasim, tanquam tres appellationes convenire affirmavit, ut ab ipso Divinæ Triadis oppugnatores denominentur *Sabelliani*.

PROPUGNAVIT Sabellianum dogma *Paulus Samosatensis* favore Zenobiæ reginæ Palmyrenorum evectus ad Episcopatum Antiochenum, & damnatus duobus Conciliis supra commemoratis. (1)

VIXIT eodem Seculo *Novatus* presbyter Carthaginensis fautor Novatiani Antipapæ, qui circa annum 251. tradidit lapsis post baptismum non esse impendendam absolutionem. (2)

DETERIOR ceteris videtur hæresis *Manicheorum*, exorta anno 277. Hujus auctor *Cubricus*, Persarum lingua *Manes*, Græca *Manicheus*, quasi fundens manna, vocatus. Is duo principia, post Marcionem, bonum unum, alterum malum constituit: hinc duas in homine oppositas animas, pugnam concupiscentiæ & rationis, certamen carnis & spiritus, & boni malique commixtionem in qualibet re creata adstruebat; a principe tenebrarum Vetus Testamentum, a Deo bono editum Novum opinabatur. Christum apparenter crucifixum, ejusque animam in globo solis residere putavit. Prælusere ei *Terbinthus*, & *Scythianus*, his prædictus *Marcion*, & *Bardesanes* Syrus;

(1) Paulum Samosatensem renovasse hæresim Artemonis, & Theodoti Coriarii, autumantium Christum nudum esse hominem, affirmat Eusebius lib. 5. Hist. Eccl. cap. 28. Cum summo dedecore Paulum ex Ecclesia exturbatum scribit idem Euseb. lib. 6. cap. 30.

(2) Auctores complures, præsertim Græci, Novatum cum Novatiano confundunt, decepti nominum similitudine.

Syrus, atque istis Ægyptii, ac Persæ, qui *Isidem* & *Ossiridem*, seu *Oromasdem* & *Arimanium*, aut quali umque appellaverint nomine, duplicem invexerunt cunctarum rerum causam, bonam, & malam. (1)

FUERUNT hæretici alii nominis obscurioris: *Nepos* Ægyptius, qui Papiæ, sive Millenariorum recoxit errorem: *Valesis* sibi met, & hospitibus virilia secantes: *Angelici* cultum patriæ angelis impendentes; & *Apostolici* eos, qui utuntur uxoribus, a sua arcetes communione.

C A P U T IV.

DE SCRIPTORIBUS ECCLESIASTICIS TERTII
S E C U L I.

PRÆTERITO, ac præfenti seculo floruit *Q. Septimius Tertullianus* presbyter Carthaginensis, quem defecisse ad Montanistas tradunt circa an. 192. obiisse autem circa 220. Se fuisse Gentilem, & patre Centurione natum, prodidit in lib. de Spectaculis. Scriptor sententiis creber, locutione difficilis, pro Christiana religione strenue contra idololatrâs pugnavit: Marcionem, Praxeam, Valentinianos, & Cainianos exagitavit; sed in plura etiam lapsus est paradoxa, affirmans rationalem animam, & fortassis etiam Deum, esse sui generis corpus, angelos cum filiabus Caim incestam perpetrâsse libidinem, & secundas nuptias esse tanquam supra damnandas.

HIP-

(1) Apud Eusebium lib. 6. H. E. cap. 37. memoratur hæresis quædam cognominata *Arabica*, asserentium animas hominum simul cum corporibus interire. & simul pariter resurrecturas, eandemque hæresim refutasse, & extinxisse fertur Origenes. *Rebaptizantes*, quorum memini superiori capite, & *Millenarios* quosdam, non Cerinthi, sed Papiæ Sæctatores, quoniam errarunt, vel non explorata traditione, vel nondum expressis Ecclesiæ definitionibus, & quoniam abscissi non fuerunt a fidelium communione, non ausim hæreticos appellare. Memini proximo capite 38. Eusebius hæresis *Helcesaitarum*, qui integrum *Paulum* repudiabant, & aiebant indifferentem rem esse Christum abnegare, alia comminiscens absurda: quæ tamen hæresis simul nata & extincta est. Videntur alia dogmatizasse ab Helcesitis, de quibus superiori Seculo cap. 3. Hos recensitos ab Eusebio sub Gordiano & Julio Philippo, hoc nempe Seculo III., describit Origenes in Psalmum 82.

HIPPOLYTUS Portuenſis Epiſcopus florebat circa annum 234. ad quem uſque Chronicum ſuum protraxit, prout conſtat ex Cathedra ejus marmorea, anno 1551. reperta in Agro Verano, & aſſervata in Bibliotheca Vaticana. (1) Hujus martyrium hymno XI. *πῶς ἔσθ' :* celebravit Aur. Prudentius.

EADEM cum Hippolyto ætate floruerunt *Minutius Felix*, *Ammonius Alexandrinus*, & *Julius Africanus*. Minutius in dialogo, quem inſcripſit *Octavius*, refutavit profanorum fabulas, dictus propterea a Lactantio *idoneus veritatis aſſertor* : Ammonius cognomento *Sacca* edidit *de Concordia Moſis cum Jeſu* Opus elegantiffimum ; & Julius Aſſolcanus tradidit conciſa methodo Chronographiam, explanavit hiftoriam Sufannæ, & in epiſtola *ad Ariſtidem* Salvatoris noſtri Genealogiam. (2)

FUIT Ammonii diſcipulus *Origenes Adamantius*, Alexandrinus natus ex Leonide martyre : ad. 203. præfectus Catechumenis Inſtituendis, ſed ob audaciam, qua ſe eviravit, pulſus a Demetrio Epiſcopo Alexandria : ordinatus præbyter Hieroſolymis ab Alexandro anno 228. & poſt varia itinera & discrimina mortuus Tyri anno 259. ætatis ſuæ 69. Innumera ſcripſit Opera, inter quæ eminent multiplices in libros utriuſque Teſtamenti lucubrationes, & *Tetrapla*, *Hexapla*, & *Oſtapla*, accuratæ ſcilicet Verſionum divinatorum librorum Complexiones. Errores tamen docuit permultos, ut Pelagianorum *ἀναμάρτιας*, ſpirituum, animarumque perpetuum circulum, & poſt iniquorum expiationem finem gehennæ. Damnatus fuit a Theophilo Alexandrino, ab Epiphania in Synodo Cypria, & a Vigilio in V. Œcumenica : ejuſque libri decreto Gelatii declarati fuerunt apocryphi. (3)

Dio-

(1) Scripſit Canonem Paſchalem, annorumque XVI. periodum incipientem ab anno I. Alexandri Severi, Chriſti 222. de quo Canone Viri doctiſſimi *Ægidius Bucherius*, *Franciſcus Blanchinius*, & *Jo. Dominicus Caſſinus*. An Hippolytus epiſcopus fuerit *Portus* Romani, an *Ponti*, an *Metropolita Arabiæ*, controvertitur. Quidam illum cum Hippolyto Thebano confundunt.

(2) *Serapionis*, qui ſcripſis revocare ſtudit ad frugem Dominium, qui perſecutionis tempore a fide deſciverat, meminit Eufebius lib. 6. H. E. cap. 12.

(3) Claruerunt inter Origenis diſcipulos *Ambroſius* olim Marcionita, fidem amplexus cum *Theoſtiſta*, Maximino imperante: *Trypho* Sacra Scripturæ peritus, ſenſuſque allegorici ſcrutator ; & *Beryllus*, qui fuit Epiſcopus Boſtræ in Arabia, de quo cap. 3.

DIONYSIUS Alexandrinus Episcopus fuit auditor Origenis, obiitque anno 265. Colitur inter Sanctos a Græcis V. Non. Octob., a Latinis 15. Cal. Decembris. Laudantur ejus Epistolæ ad Fabium Antiochenum, Ammonem, & Cononem, & ad Cognominem Rom. Pontificem. Accusatus a Pentapolitanis de hæresi Sabelli naviter se ipsum purgavit.

PRÆTERMITTENDI non sunt S. *Cyprianus* Episcopus Carthaginiensis, & S. *Gregorius* Neocæsariensis, cognomento Thaumaturgus. *Cyprianus* discessit quidem a sententia Stephani circa hæreticorum baptismum; sed errorem, si admisit, purgavit anno 258. falce martyrii. (1) In ceteris libris & Epistolis Ecclesiæ disciplinam, idolorum vanitatem, unitatem Ecclesiæ, Virginum, Sacerdotum, omniumque mores, servavit, ostendit, firmavit, instruxit.

GREGORIUS vero, qui & *Theodorus*, mirabilium operum patrator, & a Basilio Magno comparatus Apostolis, & Prophetis, relicta *μυστήριον*, idest, *Expositione* in Ecclesiastem, & Epistola *Canonica de lapsis* approbata a VI. Synodo, sancto fine quievit post Synodum Antiochenam anni 265. cui interfuit, & in qua Paulum Samosatensem damnavit: atque inter Sanctos colitur a Græcis, Latinisque XV. Calendas Decembris.

ADDO SYMMACHUM Samaritanum, qui edidit Græcam Veteris Testamenti Translationem. (2) *Cajum* presbyterum R. E. qui scripsit contra Artemonem; & Theodotum: *Geminum Antiochenum*, qui teste Hieronymo pauca reliquit ingenii sui monumenta: *Hymenæum Hierosolymitanum*, cujus libros testatur se legisse S. Maximus Scholiastes S. Dionysii

(1) Epistolas, quibus rejicitur hæreticorum baptismus, in dubium revocarunt nonnulli. Enituit ea in re Raymundi Missorii ingenium & elegantia. Missorio alii præluferant, quibus adhæsit in sua Historia Eccles. Franciscus Morenas. In Missorium acuit stilum Joannes Sbaralea: in Morenam Eusebius Philalethes. Nostrum judicium pronuntiavimus Lib. 23. Theol. discipl. cap. 5. & lib. 31. cap. 13.

Cyprianus ad fidem Christianam conversus opera Cæcili presbyteri, hujus sibi cognomentum adseivit. Illius vitam scripsit Pontius ipse Diaconus.

(2) *Symmachum* fuisse Ebionæorum hæresi infectum ait Eusebius lib. 6. H. E. cap. 17. Ab illo Ebionitas appellatos esse *Symmachianos* constat ex Augustino lib. 1. contra Cresconium cap. 31. & lib. 19. contra Faustum, &c.

nyſii *Areopagitæ Anatolium* Episcopum *Laodicenum*, qui *Canones Paſchales* exaravit: *Commodianum*, qui ſe nominat *Mendicum Chriſti*, (1) ſcriptorem *Inſtructionum* adverſus *Paganos*: *Archelaum Caſchorum* in *Mefopotamia* Episcopum, qui contra *Manichæos* diſputavit: *Victorinum Martyrem* e *Pannonia*, qui in *Sacros libros* edidit *Commentaria*, omneſque hæreſes exagitavit: *Pamphilum*, qui ſcripſit libros quinque *Apologeticos* pro *Origene*, & martyrii palmam obtinuit: *Lucianum* denique, & *Hefychium* martyres, qui in conferendis corrigendiſque Græcis *Divinæ Scripturæ* *Codicibus* ſedulam navarunt operam. (2)

C A P U T V.

DE ROMANIS IMPERATORIBUS, ET MARTYRIBUS.

INEUNTE III. Seculo Romanum regebat imperium *Septimius Severus* (3) *Afer*, filius *Marci Getæ* ac *Fulviæ Piæ*. Is enim principatum adeptus anno 193. eum adminiſtravit uſque ad conſulatum *Elpidii Ruſi*, & *Pomponii Baſſi*, ad annum 211., quo mortuus eſt *Eboraci* quarta die *Februarii*. Orta eſt *Severidictio* quinta, (4) eaque ſæviſſima perſecutio anno 202. *Trucidati* tamen fuerunt anno 200. *Carthagine* *Speratus*, alique undecim *Martyres Scyllitani*. (5) *Interfecti* eadem perſecutione graſſante pater *Origenis* *Leonides*, *Plutarchus*, *Serenus*, *Heracli-*

(1) Videtur *Commodianus* vixiſſe temporibus *S. Sylveſtri*, ſiquidem cap. 33. hortatur *Ethnicos*, ut ad ejuſdem *Sylveſtri* gregem accedant, quamquam hic nonnulli mendum ſubefſe opinantur.

(2) Conſutavit *Montaniſtas* *Zoticus* Episcopus *Oſtrænus* ac *Martyr*. In eoſdem ſtylum acuit *Cajus* diſcipulus *Origenis*, de qto lib. 6. *H. E.* *Eufebius*. Contra *Origenem* *S. Methodius* *M.* Episcopus *Tyri*. Adverſus *Manichæos* *Archelaus* *Caſchorum* in *Mefopotamia* *Antiſtes*: *Malchion* prebyter *Antiochenus* contra *Paulum* *Samoſatenſem*.

(3) Cognominatus *Pertinax*, exſtingtus in *Anglia* ingluvie & Romani cruditate. Reſtituit *Panthæon*, ſubegitque *Britannos*.

(4) Origo perſecutionis fuit a *Plautiano*, quem *Severus* in *Orientem* proficiſcens reliquerat *Præfectum* *Urbis*. Idem *Severi* & *Baſſiani* vitæ inſidias molitus interfectus eſt, ut reſert *Herodianus*.

(5) De *Sperato*, qui *Carthagine* ſecuri percuſſus fuit, & de *Proconſule* *Saturnino*, qui illum damnavit, & paucis poſt diebus captus eſt oculis, vide *Tertullianum* ad *Scapulam* cap. 3. *Hera* in *Martyrologio* Romano die 21. dicitur *Iraſi*, & ab *Eufebio* item lib. 6. cap. 4. *Hæris*. Tres *Heraides* diſtinguendas eſſe monet eo loci *Valeſius*. Meminit *Eufebius* proximo cap. 5. *S. Martyris* *Bafilidis*, unitus ex apparitoribus, qui *Potamianam* duxerant ad ſupplicium, ad *Chriſtum* *S. Virginis* apparitione converſi. Nec abſtinuit *Severus* a caede *Philippi* *Præſidi* *Ægypti*,

clides, *Hera* adhuc Catechumena, alique, de quibus lib. 6. Eusebius. Illustre fuit martyrium virginis *Potamiana* post acerbissimos cruciatus cum matre *Marcella* igni damnata, & cujus exemplo permulti Alexandrini cives subiere martyrium, SS. *Perpetua* & *Felicitatis*, necnon *Rutilii* & *Mamvili*, qui anno 203. martyrium in Africa passi sunt, meminerunt præter Martyrologia Tertullianus & Augustinus. Passus item circa hoc tempus Albæ Helvetiorum *Adaleon*, de quo Tom. 2. Maji pag. 35. Bollandistæ: *Andeoli* Subdiaconi in quatuor partes ense ligneo conscissi memoriam colunt Martyrologia Calendis Maji.

SEVERO defuncto imperatores creati sunt *M. Aurel. Bassianus Antoninus*, dictus *Caracalla* a veste ad talos demissa, & *Septimius Antoninus Geta*, filii Severi, & *Julia*; (1) at *Geta*, nondum exacto mense a fratre in gremio matris occiditur. Ipse fratricida, cum imperasset an. 6. & 2. m. a *Martiale Centurione* prope *Carras* urbem *Mesopotamiæ* fuit interfectus, anno 217. *Coss. Prasente & Extriceto*.

AT brevior fuit principatus *Opelii Sev. Macrini*, ejusque filii *Diadumeniani*, quos an. 218. *Coss. ipso Diadumeniano & Advento*, milites obtruncarunt, opera *Julia Mææ* aviæ *M. Antonini*. Successit in imperio idem *Antoninus*, dictus, quod fuerit solis Sacerdos, *Heliogabalus*, & in nummis *Elagabalus* (2). Is 4. imperii sui anno, *Æ. V. 221. militari tumultu occisus fuit, & projectus*
in

quoniam Christianæ religioni addictus erat. Sequenti cap. 6. idem Eusebius, & Nicephorus lib. 4. cap. 33. scribunt existimasse nonnullos advenisse imperante Severo tempora Antichristi, atque in ea opinione fuisse Scriptorem quendam, *Judæ* nomine, qui differuit de LXX. hebdomadibus Danielis.

(1) *Julia* fuit secunda uxor, nam prior fuit *Marcia*, quam aliqui matrem *Caracallæ* falso putarunt. *Julia* adeo fuit impudica, ut se cum eodem *Caracalla* incestu polluerit; sibi quoque illo necato *Antiochiæ* meretrem consecit. Privigni cum noverca & germana matre conubium damnat lex divina *Levis. 18. Deut. 22. Lex naturæ. 1. ad Corin. 5. Lex Civilis l. ult. de Rit. nupt. & Virgilius apud inferos puniri ait Æn. 1. Qui stulamos nata invadit vetitosque hymenæos.*

(2) *Heliogabalus* filius fuit *Caracallæ*; an ex *Julia* matre, an ex *Sæmiade* concubina, incertum. Perit trucidatus in latrina. florentissima ætate, annos natus 16. aut 18. tribus jam compressis, & repudiatis uxoribus, *Julia Cornelia Paula*, *Aquilia Severa Vestali*, & *Annia Faustina*, quam occiso illius viro *Pomponio Basso* rapuerat. Nupsit quoque *Zotico*, ut inquit *Lampridius*. Ridicula patravit, modo colligens decem millia pondo aranearum, modo eandem copiam mustelarum & murium, adhibuitque in convivio 8. lufcos, 8. calvos, 8. surdos, 8. insigniter nigros, 8. laborantes podagra, 8. notabiliter obesos; 8. natos, ita servans prologium, ἀπὸ τῶν ὀφθαλμῶν, ἀπὸ τῶν ποδῶν, ἀπὸ τῶν ἀκοῶν, ἀπὸ τῶν σπινθῶν, ἀπὸ τῶν σπινθῶν, ἀπὸ τῶν σπινθῶν, ἀπὸ τῶν σπινθῶν.

in Tiberim 6. Idus Martias. Impurissimus fuit. & appellatus a Dione *Pseudoantoninus* & *Sardanapalus*, ab aliis *Tiberinus*, *Tractitius*, *Impurus*.

IMPERAVIT deinde *Aurel. Severus Alexander*, natione Syrus, & *Alagabali* consobrinus an. 13. occisus a militibus 15. Cal. Aprilis *Coss. Severo* & *Quinctiano*, idest anno 235. Sub *Alexandro* autem martyres occubuerunt Romæ *Calepodius* presbyter, *Cecilia* virgo cum Sponso *Valeriano*, hujusque fratre *Tiburtio*, *Palmatius* Consul cum liberis & uxore; *Felix* cum conjuge sua *Blanda*, *Martina* virgo. Item *Quiriacus* Episcopus Ostiensis, *Astetrinus* Presbyter, *Tatiana* matrona, *Aurea* virgo, *Julius*, & *Hesychius* milites, cum aliis permultis apud Ostia Tiberina peremptis. (1)

EXTINCTO *Alexandro* imperium tenuit *Julius Maximinus* e Thracia, opilio olim & pactor, trucidatus ab exercitu mense Octobris *Coss. Perpetuo*, & *Rustico*, ac simul inauguratus est imperator in Africa *M. Ant. Gordianus*, qui seipsum interemit mense Majo iisdem *Coss.* nempe anno 237. Orta sub *Maximino* persecutio Ecclesiæ sexta anno 236. Affectæ Martyrio *Barbara* Nicomediz, & *Alexandriz Catharina*: (2) cujus acta sunt admodum ambigua. A *Maximino* alios in crucem sublatos, alios animalibus nuper occisis inclusos, alios feris obiectos, alios fustibus elisos, affirmat etiam *Capitolinus*. (3)

DE-

(1) *Aurelius Alexander Severus* matrem habuit *Juliam Mammæam* Sororem matris *Heliogabali*, Christianam feminam. Repudiata priori conjuge filia *Martiani*, duxit *Memmiam* filiam *Sulpitii* viri *Consularis*. *Apollonii*, *Abrahami*, *Orphei*, necnon *Christi* coluisse fertur imagines. Videtis §. 7. *Lampridii*.

Prohibuisse balnea mixta refert *Dion*.

(2) Alias *Ecaterina*.

(3) *Maximinus* parentes habuit *Miceam* Gothum, & *Ababam* Alanam, ut inquit *Capitolinus*. Appellatus est *Pessis reipublicæ*. Eo auctore interfectus *Alexander*, qui redeuntem e Thracia amantiissime exceperat; & creaverat *Legionis* a se institutz *Tribunum*. Mactati in Persecutione *Maximini* *Lucianus* presbyter *Antiochenus* eruditione clarissimus, *Pamphilus* presbyter *Laodiceus* edificator *Bibliothecæ Cæsarensis*, e cuius nomen *Eusebius* pro suo cognomine adhibuit: *Dorothea* virgo Ale-

DEVOLUTUM deinde Imperium ad *M. Antonium Gordianum Juniores*, (1) interfectum a Philippo Arabe anno 244. Tum ad *Philippum*, de cuius religione discipatur, confossum Veronæ a militibus anno 249. trucidato circa idem tempus Romæ a cohorte Prætoriz *Julio Philippo* illius filio, adscito in confortium imperii; ac deinde ad *Q. Trajanum Decium*, natum in inferiori Pannonia, peremptum a Scythis & in paludem demersum, exeunte anno 251. ipso III. & *Herennio Etrusco Coss.* (2)

MOTA sub Decio Persecutio Ecclesiæ VII. Tradunt sincera Martyrum Acta, sub Decio *Metram* lapidibus obrutum, *Apollonia* dentes excussos, *Serapionem* e cœnaculo dejectum, *Julianum* flagris cæsum & igne consumptum, *Ammoniatum*, *Mercuriam*, & *Dionassiam* gladio cæsas,

Tom. I.

H

Ishi-

xandrina formæ, & decoris gloria percelebris. Plura de hac Eusebius lib. 8. cap. 14. Sed ibi Dorotheæ nomen non lego, ejusque certamen refertur ad tempora alterius Maximini, & Galerii: de quibus seculo proximo. Sub hoc tamen Maximino floruisse Dorotheam alii tradunt. Martyrologium Germ. XV. Cal. Nov. memoriam agit *S. Triphoniam* aut *Triphonæ* filii ipsius Decii uxoris; & *S. Cyrillus* ejusdem Cæsaris filia locum habet in Martyrologio Adonis. In Romana Ecclesia coluntur *Abdon*, & *Sennen* Persæ, *Venentius* Cameræ miræ constantiæ adolescens: Illustres quoque in Tabulis Ecclesiasticis SS. MM. *Epimachus* & *Alexander*, *Pionius* presbyter, *Amaranthus* Aquitanus, *Marina* virgo Antiochena, &c. Vingt Christianorum millia Antiochiæ in templo combusta in nocte Dominiæ Nativitatis Nicephorus lib. 7. cap. 6. & Genebr. tradiderunt. Contigit horum triumphus Seculo desinente, vel sub initia sequentis.

(1) *Gordianus* senior patrem habuit Metium Mamillum, matrem Ulpianam Gordianam, uxorem vero, quæ illi peperit *M. Anton. Gordianum Juniores*, *Fabiam Orestillam* Antonini proneptem.

(2) *Decio* cognomen Trajani tribuit Senatus. Messum Decium alii vocant. Ejus patria Bibalis. Susepit ex conjugē Tryphoniam filium Decium, quem constituit consorem imperii magnopere laudatum a Valerio Maximo. *Execrabilis animæ* dicitur a Lactantio de Mortibus Persecutorum n. 4. Incepta Decii persecutio statim ac imperium obtinuit, anno 249. ac perduravit usque ad ejus mortem, idest, usque ad finem Novembris anni 251. Quo anno in tertio ipsius Decii Filiiq. consulatu Fasti Idatiani hanc persecutionem consignant. Inter Paludes victus, & cum exercitu deletus nec sepultura potuit honorari. Id Lactantius loco citato, Cyprianus de Lapsis, & Hieronymus in Zach. 14. ultioni divini adtribuunt.

Ischirionem per media viscera transfixum, *Saturninum Tolosanum* Episcopum pedibus circumacto tauro alligatum, & omni membrorum parte laceratum, *Alexandrum* Jerosolymitanum Episcopum, & *Babylam* Antiochenum in carcere extinctos, *Pionem* Smyrnæ cum *Sabina* & *Asclepiade*, & *Metrodoro* stipiti affixum, *Maximum* lapidibus obrutum, *Petrum*, *Andream*, *Paulum*, & *Dionysiam* Lampfaci gladio peremptos, *Tryphonem*, & *Respicium* Nicææ capite truncatos. *Lucianum*, & *Marcianum* Nicomedie flammis exustos. De his sincera *Ruinartii Acta*. Sed alii plures sub *Decio* martyrio coronati fuere, ut *Aretii Pergentinus* & *Laurentius* fratres, *Catanæ Agatha* Virgo, *Ravennæ Fusca* & *Maura*, *Romæ Abdon* & *Sennen*, atque in *Tuscia Secundianus*, *Marcellianus*, & *Verianus*. Sub *Decio* itidem contigit passio *S. Miniatis*, quem *Florentini* colunt. Furente hac persecutione *Paulus* Heremitarum pater in *Thebaidis* antra secessit, & *Ephesi* septem *Dormientes* in spelunca referato ælio consummarunt martyrium.

Ad Imperatorum revertendum est seriem. Trucidato *Decio*, *Augustus* inito cum *Scythis* foedere dictus est *Cajus Vibius Trebonianus Gallus*, qui imperii consortem fecit filium *Volusianum*: sed inchoato principatus anno tertio, ambo *Interamnæ* occisi sunt anno 254. ac successus *M. Æmilianus* Maurus, & ipse a militibus prope *Spoletam* occisus, nondum transacto tertio imperii anno. Acclamati sunt itaque Imperatores *Pub. Licinius Valerianus*, & *Pub. Licinius Gallienus* illius filius; quorum *Valerian.* an. 259. captus a *Sapore* Persarum rege ignobili servitute consenuit, ac tandem detracta cute miserrime obiit. *Gallienus* vero in expugnatione *Mediolani* a suis interfectus est *Coss. Paterno* & *Mariniano*, anno 268. die 21. Martii.

EXCITATA sub *Valeriano* anno 257. in 4. ipsius Consulatu Persecutio VIII. *Antichristi* appellata a *S. Dionysio Alexandrino*. In qua Christo testimonium reddidere *Romæ* eodem anno *Stephanus* Papa, & *Tarsicius* Acolythus, & anno 258. *Sixtus* una cum *Quarto*, *Hippolyto*, *Felicissimo*, *Agapito*, & clericis aliis octo, ac paullo post levita *Sixti* *Laurentius*, *Rufina* & *Secunda* sorores, *Eusebius* presbyter & *Marcellus* diaconus. (1) in *Africa* ve-

ro

(1) Cœptam persecutionem anno 3. imperii sui, & Christi 257. ajunt docti viri. Ineunte enim imperio mitissimus fuit, ut non tantum testa-

ro præter *Cyprianum*, de quo supra, *Uticæ* demersus fuit in calcem 300. Sanctotum exercitus, quem a fornace calcaria *Massam Candidam* appellarunt. De aliis Martyribus vide Eusebium lib. 7. cap. 15. & 16., & Theodoricum Ruinar pag. 200. & seqq. Sub Valeriano item martyrio coronati sunt Romæ *Eugenia* Virgo, *Tarracone Fructuosus* Episcopus, Viennæ in Galliis *Florentius*, &c. Gallieno itidem imperante securi fuerunt percussi *Protus* & *Hyacinthus* prælaudatæ virginis *Eugenie* eunuchi.

SUBLATO e vivis Gallieno suffectus fuit *M. Aurel. Claudius II.* & huic post biennium pestilentia correpto, successit anno 270. *Lucius Domitius Aurelianus* Sirmienfis occisus inter Heracleam & Byzantium anno 275. (1) Movit Aurelianus, aut instauravit Ecclesiæ persecutionem, H. 2. quæ

tur Trebellius Pollio, sed etiam Eusebius lib. 7. H. Eccl. cap. 10. Ut sciret in Christianos incitavit Archisynagorum magorum *Ægypti*. Meminit Eusebius cap. 13. trium martyrum *Cæsareæ* in *Palæstina* damnatorum ad bestias, quorum unus dicebatur *Priscus*, alter *Malchus*, tertius *Alexander*. Fuit Valerianus ex *Cornelia* familia, filius *Valerii Flacci*, & cognominatus *Colobius*. Captus a *Sapore*, huic equum, aut vehiculum adscendenti terga vertere & dorsum, cui rex pedem imponeret, curvare coactus est. Detrahta ejus cutis, & insecta rubro colore posita fuit in templo idolorum ad clarissimi triumphus memoriam. Vide, librum de *Mortibus Persecut.* cap. 3. Acta *S. Ponsii* Martyris a *Baluzio* in lucem edita cap. 24. & *Huzonem Floriacensem* in *Chronico*. *Licinius Gallienus* ejus Filius insidiis *Macriani* & *Heraciani* ducum interfectus est anno imperii sui 14. completo, ætatis 31. Fuit litteris egregie excultus, ejusque legitur epithalamium illud, recitatum dum filios fratrum suorum jungeret matrimonio:

*Ite, ait, o pueri, pariter Judæe medullis
Omnibus inter vos: non murmura vestra columba,
Brachia non badere, non vincunt oscula concha.*

(1) *Aurelianus* imperium indeptus est *Coss. Antiochiano* & *Orsilo*, ex fastis Idatii, ideoque anno 270. Occisus in 4. suo consulatu, anno 275. die 29. Januarii. Patrem habuit adituum, obscuri generis, & matrem *Solis* sacerdotem. Alii *Sirmii*, alii in *Moesia*, alii in *Dacia* natum putant. Erumpentes *Sarmatas* cum trecentis tantum præditiis attrivisse narrat *Vopiscus*. Pugnavit contra *Gothos*, *Svevos*, *Marcomannos*, & reginam *Zenobiam*, equique de Oriente, & Occidente triumphum. In libro de *Mortibus Persec.* dicitur natura *vesanus* & præceps, a *Vopisco* *Padagogus Senatorum*. Persecutionem excitavit paullo ante mortem, exeunte anno 274. aut ineunte sequenti. Interfectus est enim *Cænophryi* inter *Heracleam* & *Byzantium* anno 275. mense *Januario*, unde Eusebius libro 7. H. E. cap. 30. interemptum ait, *Compositis contra nos velsis subscribentem*. Occisum *malitia notarii sui*, & manu *Mucapo-*

quæ dicitur Nona, *Coss. Quieto, & Voldumiano*, idest, anno 272. *Augustoduni Simphorianus*, *Cæsarex in Capadocia Mamantes*, *Athenodorus* frater S. Gregorii Thaumaturgi in Ponto, *Chariton* in Isauria, *Iustus & Patroclus* in Galliis, *Philomneus* Ancyrae, alique permulti martyrium perpassi sunt. Vixit circa hæc tempora *Felix Nolanus*, quem S. Paulinus Natali v. vocat Confessorem ac Martyrem.

Reliqui Imperatores tertii Seculi sunt, *M. Claudius Tacitus*, qui obiit die 13. Aprilis anno 276. *M. Annius Florianus* frater Taciti, a militibus Tharsi post duos menses peremptus: *Probus* post Florianum acclamatus Augustus, septimo imperii anno, id. 282. apud Sirmium occisus: *M. Aurel. Carinus* proximo anno 283. interfectus: *M. Aur. Carinus & M. Aur. Numerianus* filii *M. Aur. Cari*, & ipsi occisi anno 284. Denique *Valerius Diocletianus* Jovius, Diocles antea dictus, obscuro genere Salonis in Dalmatia ortus, eodem anno 284. unde subducitur *Aera Martyrum*, adeptus imperium, socium adscivit anno 286. *Cal. Aprilis M. Aur. Maximianum* cognomento *Herculum*: qui sese imperio abdicarunt anno 304. dum *Diocletianus* novum, & *Maximianus* octavum gereret consulatum, five, ut recentiores contendunt, anno 305. Calendis Maji. Mota postremis Diocletiani temporibus Decima Ecclesiæ Persecutio, de qua sequenti Seculo quarto. (1)

CA

vis scribit lib. 9. Eutropius. Notarius ille Mnestheus nomine affixus est stipiti, ferisque objectus. Sex. Aur. Victor in Epitome ait ab Aureliano septam Urbem *validioribus, & laxioribus muris*, primum apud Romanos usum capitis diademate, gemmisque & veste aureata.

(1) *Diocletianus* Anulini Senatoris libertinus, a Dioclea matre nomen suum derivavit, Graecum vocabulum in Romanum morem convertens. Vocatur in libro de Mort. Persec. num. 7. *scelerum inventor, & malorum machinator*. Indicta persecutio 7. Kal. Martias, dum celebrarentur Terminalia, idest, dum aperetur dies festus Romanorum ob Deum Terminum, in 8. Diocletiani, & 7. Maximiani Consulatu. Ita in Fastis Idatianis. Ea dies est 23. Februarii anni 303. De hac die num. XII de Mortib. Pers. usurpantur verba Virgilii *Æn. 4.*

Ille dies primus lethi, primusque malorum Causa fuit. Occurrebat annus imperii Diocletiani XIX. ut recte Eusebius in Chronico, & libro 8. H. E. cap. 2. Proposita tunc imperialia edicta, quibus jubebatur Ecclesias dirui, sacros codices flammis absumi, honoratos notari infamia, plebejos libertate expoliari. Additum paulo post, ut omnes Ecclesiarum Antistites ubicunque conjicerentur in vincula, &

CAPUT VI.

TERTII SÆCULI DOGMATA, ET DISCIPLINA.

TRADITIONE Apostolica, & decreto Stephani definitum est ratum esse baptismum verbis Evangelicis consecratum, etiamsi ab hæreticis conferatur. Nul- lum esse peccatum, quod per claves Ecclesiæ nequeat remitti. Ecclesia Christi declaravit adversus Novatianos. Fides Trinitatis damnatione hæreticorum magis magis- que confirmata est. Unum esse Deum Veteris & Novi Testamenti auctorem, & Divinum Verbum veram as- sumpsisse carnem, vere suffixum fuisse cruci, non est hæsitandum. Commentitium esse æternum mali Princi- pium cum naturali philosophia religio revelata suadet.

UT EPISCOPO divinam rem peragenti adstarent pres- byteri, Zephyrinus constituit. Sacri ministerii vasa, quæ vitrea erant, cœperunt Urbano sedente ex argento con- flari. Lapsis in persecutione concessa est indulgentia; sed *libellatici*, & *thurificantes* ex Clericis ad communionem tantum laicam admissi fuerunt. Institutæ Stationes, sive gradus poenitentium, πρόσκλησις, *Fletus*, ἀκρίαις, *Auditio*, ὑπὸ πτερίσσι, *Substratio*, & οὐσαςίς, *Consistentia*. Viguit a Callitti ætate jejuniū quatuor temporum. Dia-coni septem regionibus Urbis præerant, ut pauperum curam gererent. Sepeliebantur religioso cultu cadavera marty- rum cum dalmatica, aut colobio purpureo, id Eutychiano iubente. Supra eorundem Martyrum Memorias ab ætate Felicis I. Missæ celebrabantur; unde morem derivasse ajunt consecrandi altaria cum eorum reliquiis. (1)

H 3

A P.

Diis coquerentur sacrificare. Acerbissimam hanc persecutionem per decem continuos annos depopulatam fuisse Christianas pbes ait libro 3. cap. 47. Severus Sulpitius. De illa prædicto libro de Mort. Perf. num. 16. *Lexabatur ergo universa terra, & præter Gallias, ab oriente usque ad occa- sum tres acerbissima bestia saeviebant.*

*Non mihi si lingua centum sint, oraque centum,
Ferreæ vox, omnes scelerum comprehendere formas,
Omnia panarum percurrere nomina possim.*

Sunt tres illæ acerbissima bestie, Diocletianus, Maximianus Herculius, & Galerius Maximianus: de quibus cap. 5. proximi Sæculi.

(1) De rigore disciplinæ cum lapsis servandæ legito epistolæ

A P P E N D I X

DE REBUS EXTERNIS MEMORABILIBUS.

VARIOS commemorabimus Seculi hujus eventus, deinde clariora bella, postremo celebriores Scriptores. Igitur anno Christi 204. Ludi Seculares exhibiti fuerunt Romæ, celebrati rursus anno 248. sub *Philippis*, Medici, qui noluerant Severum occidere, ipsi anno 211. interfecti fuerunt iussu Antonini. *Papinianus* J.C. nolens Getæ cædem excusare, ab eodem Antonino anno 212. morte afficitur. Thermæ Antonianæ dictæ anno 215. fuerunt in Urbe constructæ. Occiditur anno 222. a Prætorianis militibus *Ulpianus*, quoniam severiorem exercebat disciplinam. 226. Thermæ Alexandrinæ vocatæ in urbe Roma ædificatæ fuerunt. *Talmud* Jerosolymitanum anno 232. dicitur editum. *Pupienus*, & *Balbius* interficiuntur anno 237. tempore agonis Capitolini. Pestilentia provincias plurimas, ac præsertim Ægyptum, & hujus metropolim Alexandriam anno 252. occupavit. Imperante *Gallieno* insurrexere (1) XXX. Tyranni affectantes principatum: *M. Cassius Posthumus*, qui imperium arripuit Coloniz: *C. Junius Cassius Posthumus* ejus Filius, a Gallis dictus Augustus: *Cyriades Sapor* Persarum regi confederatus: *L. Ælius* Pannoniz rector: *Lelianus*, qui sublato Posthumo in Gallia salutatus est imperator: *M. Piavonius Victorinus* Læliani occisor, & successor: *L. Aurel. Victorinus* illius filius: *Victoria* Victorini Senioris mater, quæ filio ac nepote sublati Tetricum movit ad capeßendum

Cypriani. Qui carceribus mancipati confitebantur Christum, *Confessores* pondum perpessi martyrium appellabantur. Tempore quoque persecutionum, pestilentiz, maximæque calamitatis, celebratos a fidelibus festos dies, in quovis loco, & interdum in auro, in solitudine, in navi, in stabulo, sacros conventus tanquam in templo, habitos, sepultaque religioso cultu, gentilibus prorsus contrario, fidelium defunctorum cadavera, testatur S. Dionysius Alexandrinus apud Eusebium libro 7. H. E. cap. 22. Adhibitos in funere cereos ex vetusta Christianorum more, Actæ S. Martyris Cypriani testantur.

(1) Ex Trebellio, de quo cap. ult. sive in Append. proximi Seculi.

dum imperium : *Mamurius* ferri olim opifex , gladio , quem ipse confecerat, occisus a milite : *Q. Nonius Regillianus* e Dacia acclamatus in Illyrico a *Mœsiis* : *M. Acilius Aureolus* , olim pastor , coactus a militibus imperium fumere in contemptum *Galliæni* : *M. Fulvius Marianus* , ejusque filii *Q. Fulvius* , & *Cajus Fulvius Quinctus* in Oriente acclamati : *Servius Anicius Balista* , occisus in *Daphne* , dum in tentorio cubaret : *Domitius Domitianus* dux *Aureoli* : *Odenatus* Rex *Palmyrenorum* : *Herodianus* filius *Odenati* : *Herennianus* , & *Timolaus* *Odenati* pariter filii : *Zenobia* regina uxor *Odenati* de stirpe *Ptolomæorum* : *Maconius* , qui *Odenato* vitam imperiumque rapuit : *Valerius Valens* renunciatus Imperator apud *Macedonas* : *L. Calpurnius Piso* , qui se in *Theſſalia* nominavit *Augustum* : *T. Cestius Æmilianus* in *Ægypto* declaratus Imperator ab exercitu : *Publius Saturninus* a militibus item electus : *C. Pescuvius Tetricus* memoratus supra in *Victoria* , seu *Victorina* : *Tetricus Junior* ejus filius , simulque *Cæſar* factus in *Galliis* : *C. Annius Trebellianus* in *Iſauria* acclamatus : *T. Cornelius Cæſus* *Tribunus* *Africæ* . Hi triginta imperium invadentes , & *Augusti* declarati , brevi tempore miſerrime perierunt .

BELLA hujus ſeculi illuſtriora conſecta ſunt anno 209. a *Severo* in *Britannia* , quæ circumducto per inſulam muro fuit validiori præſidio munita . 216. Pugnavit *Antoninus* , vicitque *Artabanum* *Parthorum* regem . 229. Idem *Artabanus* cum *Perſis* , (quorum imperium circa annum 226. reſtauraverat *Aſtaxar* gregarius antea miles) bellum gerens occiſus eſt , & in illo extinctum regnum *Parthorum* . 234. *Varius Macrinus* in *Illyrico* , & *Junius Palmatus* in *Armenia* felici eventu pugnarunt . 240. Commiſſum in *Africa* bellum contra *Sabinianum* , qui a *Gordiano* defecerat . 242. Idem *Gordianus* ingentibus copiis contra *Perſas* tetendit , horumque fudit exercitus . 258. A *Gothis* , *Scythiſis* , *Marcomanniſis* , *Perſiſque* in arma ruentibus , *Romanum* imperium foediſſime laceratur . 260. Viſti ab *Odenato* *Perſæ* : *Sapor* Orientem aggreſſus : *Scythæ* irruerunt in *Aſiam* . 263. in *Scytharum* , *Gothorumque* irruptionibus incenſum eſt templum *Dianæ* *Epheliæ* , reputatum *Aſiæ* miraculum . 270. Ad *Hemimontum* *Thraciæ* *Gothorum* exercitus fuit peſte & fame conſumptus . 273. Imp. *Aurelianus* non

procul ab Antiochia superavit Zenobiam, quæ imperium Orientale occupaverat, eamque captam suo reservavit triumpho. 296. Alexandria cum toto Ægypto recuperata a Diocletiano, qui ita se extulit, ut ad instar Dei adorari voluerit, pedesque osculandos præbuerit salutantibus.

INCLARUERUNT litteris tertio Christiano Seculo *Papinianus*, (1) & *Ulpianus* JCC. præstantissimi superius laudati. *Censorinus* doctissimus Grammaticæ artis, auctor libri *de die Natali*, Chronologis utilissimi. (2) *Dionysius Longinus Cassius* præceptor Porphyrii, & Zenobiæ reginæ Palmyrenorum a consiliis, quem Eunapius vocat βιβλιοδύκην ἰμπεριον, καὶ περιπατῆρ μακροῖον. Memoratus *Porphyrius* Philosophus, religionis nostræ infensissimus hostis, qui cum Plotino Romam advenit circa annum 263. (3) *Philostatus* Lemnius Apollonii Tyanei mendacissimus, blasphemusque laudator. *Julius Tittianus*, qui scripsit *Provinciarum* libros pulcherrimos, *simia sui temporis* appellatus. *Dion Cassius* Nicænus Historicus, qui grandi utitur stylo, ac Thucydidem imitatur, sed immerito in præstantissimos viros invehitur. *Herodianus* styli perspicui, sed fidei in *Alexandro*, & *Maximino* nutantis. *Asinius*
Qua-

(1) Imperante Caracalla floruerunt JCC. plerique Papiniani auditores, *Tarruntius*, *Paternus*, *Macer*, *Tarentius*, *Clement*, *Menander*, *Arcadius*, *Rufinus*, *Pappyrus Pronto*, *Anthius*, *Maximus*, *Hermogenianus*, *Africanus*, *Florentinus*, *Tryphonius*, *Iustus Calistratus*, *Venulcius*, *Celsus*, *Serenus Sammonicus*. De his Raphael Volaterranus, *Rutilius*, *Pancirolos*, *Gravina*, &c. *Domitius Ulpianus* collegit *rescripta Principum* adversus Christianos. Vide *Lactantium* lib. 5. *Instit.* cap. 11.

(2) Dicitur fuisse e gente *Martia*, quæ originem traxerat a duobus Romanorum regibus *Numa*, & *Anco*. Legi apud *Carolus Patinum* in *Familiis Rom.* pag. 169. tres inscriptiones ad *Marciam* Gentem spectantes, in quibus *Censorini* nomen occurrit. Perinere puto ad *Censorinum*, qui anno Urbis 746. octavo ante Aeram Christianam cum *Asinio Gallo* gessit Consulatam. Sed ostendunt tamen haud insolitum in *Familia Martia* gentilitium nomen. Aureum de *Die Natali* Opusculum editum a *Censorino* fuit anno Christi 238.

(3) *Porphyrius* fuit natione Tyrius, Syrorum lingua appellatus *Malchus*, discipulus Plotini, natus anno 12. Severi Alexandri, Christi 233. & mortuus Rcmæ septuagenario major postremis annis Imp. Diocletiani. Plotinus veto obiit anno ætatis suæ 66. Aere Vulg. 270. quo Claudio II. occumbente levatus est *Aurelianus*.

Quadratus qui Jonica dialecto Romanam scripsit Historiam. *Dionysius* Historicus, ejus meminit *Jornandes* de rebus Gethicis cap. 19. *Oppianus* Cilix ob singulos versus donatus ab Antonino Caracalla statere uno, idest viginti millibus nummorum aureorum, unde ejus carmina *Aurea* dicuntur. *Ælius Spartianus*, Historiæ Augustæ Auctor, in quo deprehenditur rerum repetitio, & confusio. (1)

(1) Claruerunt itidem hoc Seculo, *Alexander Aphrodisæus* primus Commentator Aristotelis, *Philemon* Comicus Syracusanus, *Nicostratus* Sophista Trapezuntinus, *Amelius* Platonius, *Volcatius* Historicus, *Nemesianus* poeta.



QUARTUM ECCLESIAE S E C U L U M.

C A P U T I.

DE EPISCOPIS ROMANÆ URBIS.

IN ROMANA Petri Cathedra federunt quarto Seculo *Marcellinus, Marcellus, Eusebius, Melchiades, Silvester, Marcus, Julius, Liberius, Felix II. Damasus, Siricius, Anastasius.*

XXX. MARCELLINUS subrogatus Caio dicitur coronatus martyrio XVII. Calendas Apriles. *Diocletiano IX. & Maximiano VIII. Coss.* scilicet anno A. V. 304. Narrantur ejus thurificatio, & habitum de hac re Sinuessanum Concilium. Verum S. Pontificis lapsus videtur a Donatistis confectus, & Concilium illud a plurimis commentitium censetur. Martyrium, quod nonnulli in dubium revocant, comprobant vetusta Martyrologia, & Romanæ Ecclesiæ traditio. (1)

XXXI. SUFFECTUS *Marcellus* (2) qui Episcopatum tenuit usque post Consulatum X. *Maximiani Herculi*, idest, usque ad annum 309. quo obiit inedia & loci situ confectus in domo Lucinæ, quam ipse in Ecclesiam, *Maxentius* in Catabulum redegerat.

XXXII. SEDIT postea *S. Eusebius* natione Græcus, qui supremum diem obiit anno 311. in Consulatu VIII. *Maximiani* cognomento Armentarii.

XXXIII. AD EPISCOPATUS apicem evectus deinde est *S. Melchiades*, aut *Miltiades*, Afer genere. Is Donatistas repressit, absoluto Cæciliano Carthaginensi Episcopo, quem *Traditionis* Sacrorum Codicum ipsi Donatistæ infirmu-

(1) Juxta Pagii Chronologiam *Marcellus* creatus est anno 308. *Eusebius* anno 310., eodemque anno post menses quatuor *Melchiades*. *Silvester* anno 314. *Marcus* anno 335. In reliquis Seculi hujus Pontificibus nulla occurrit discrepantia, aut saltem minima.

(2) Hunc quidam ob nominis similitudinem cum *Marcellino* confundunt, ut contigit de Cleto & Anacleto, sicuti prænotavimus in primo Seculo.

mulabant. E vivis excessit *Constantino A. III. & Licinio A. III. Coss.* idest, anno 313. mense Decembri.

XXXIV. REXIT deinde Ecclesiam supra annos 21. hoc est, usque ad exitum anni 335. quo plenus meritis obiit *Coss. Julio Constantio; & Rufo Albino, S. Silvester* Romanus, primus omnium Pontificum ob restitutam Ecclesie pacem & libertatem redimitus corona. (1)

XXXV. SILVESTRO *S. Marcus* filius Prisci.

XXXVI. MARCO *S. Julius I.* successit: quorum primus obiit post menses octo anno 336. *Coss. Nepotiana & Facundo*, die 7. Octobris: alter vero post annos 16. mortuus est die 12. Aprilis in Consulatu *Constantii Aug. V. & Galli Caesaris*, nempe anno 352.

XXXVII. LIBERIUS Romanus post Julium præfuit Ecclesie usque ad annum 366. quo anno *Coss. Gratiano & Dagalaipho*, die 24. Septembris migravit e vita. Hunc aliqui ex Pontificum numero excludunt, quod apud *Sirmium* exul subscripserit formulæ Arianorum. At ea formula non damnabat *ὁμολογίαν*, nec erat expresse hæretica.

XXXVIII. PULSO in exilium Liberio ab Imperatore Constantio, & sponte cedente Episcopatu, commissum Ecclesie regimen *S. Felici II.* qui anno 359. martyr occubuit. Liberius vero Romam reversus Ecclesie rursus præficitur. Plures Pontificatum Felicis oppugnant, quem nos alibi vindicavimus.

XXXIX. AB ANNO autem 366. emortuali Liberii usque ad annum 384. exercuit Pontificis Maximi munus *S. Damasus* plurimis virtutibus clarus. (2) Compressit Ursicini schismate, refutatis falsis criminationibus, Ariandis, & Apollinariis damnatis, de Ecclesie optime meritis obiit prædicto anno 384. die 11. Decembris, Consulibus *Rechimero & Clearcho*.

XL. DA-

(1) Exolevit opinio afferentium Constantinum Magnum a Silvestro regeneratum fuisse baptismate, tradente Eusebio, cui Patres Scriptoresque gravissimi subscribunt, baptizatum fuisse morti proximum prope Nicomediam. Nutant etiam quæ de Donatione Constantiniana traduntur.

(2) Sanctos Damasum Pontificem, & Laurentium M. Hispanos, quos nonnulli recentiores Romæ exortos scripsere, Hispania asseruit, vindicavitque vir *Cl. Franciscus Perezius Hagenus*.

XL. DAMASO e vivis sublato gubernavit Ecclesiam S. *Siricius* annis tredecim, obiitque VIII. Calendas Martias anno 398. *Honorio A. IV. & Eutychiano Coss.* Hujus, & sequentium PP. recipiuntur Decretales epistolæ; nam præcedentium suppositæ, aut saltem dubiæ creduntur.

XLI. SUFFECTUS *Siricio S. Anastasius* Romanus, *Maximi* filius, (1) qui annis quatuor Romanam gubernavit Ecclesiam, ad cælestem patriam profectus, *Arcadio V. & Honorio V. Coss.* nimirum anno *Æ. V. 402.*, posteaquam damnaverat errores *Origenis*; & *Rufinum*, qui libros *πρὶ ἀρχαῖς* latinitate donavit, Romam ut se purgaret, adire jusserat, & renuenti obtemperare anathema infligerat.

PATRIARCHARUM NOMINA.

SEDERUNT Alexandria post Theonam *Petrus, Alexander, Athanasius, Petrus II., Timotheus, & Theophilus.* Antiochiæ post Cyrillum *Tirannius, Vitalis, Philogonius, Paulinus, Eustathius*, (2) *Eulalius, Meletius, & Flavianus.* Jerosolymis post Zabdam *Hermon, Macarius*, (3) *Maximus, Cyrillus, Joannes II.*

CAPUT II.

QUARTO SEculo CELEBRATA CONCILIA.

PLURA quarto Seculo celebrata fuerunt Concilia: quædam pro Ecclesiastica disciplina: quædam adversus hæreses, maxime Arianam; quædam etiam ab iisdem heterodoxis ad eludendas Ecclesiasticas definitiones.

CON-

(1) *Anastasi* nomen idem significat ac Hebraicum *Joachim*, quod interpretatur *Domini resurrectio*. Resurrectio enim dicitur *ἀνάστασις*. Vide Adnot. ad proximum caput 3. ubi de *Phosino*.

(2) *Euphronius*, quem Eustathio dejecto substitutum inquit Sozomenus lib. 2. ab Eusebianis intrusus fuit.

(3) Inventa est Jerosolymis sedente Macario Crux Domini, & hujus inventionis historia traditur a Rufino lib. 10. H. E. cap. 7. & 8. a Sozomeno lib. 2. cap. 1. & a Theodorito lib. 1. cap. 18. Ex his, quæ narrantur, hauserunt Scriptores ceteri.

CONCILIA primi generis sunt, *Eliberitanum* in Provincia Hispaniarum Boetica anno 305. (1) *Cirtense* in Numidia, provincia Africae, eodem anno: *Ancyranum* anno 314. aut 315. *Neocæsariense* in Ponto circa idem tempus. *Carthaginensis* anno 390. 398. & 399. *Hipponense* anno 393. In his collapsa Ecclesiarum disciplina fuit editis saluberrimis, ac temporis congruentibus definitionibus, restituta.

ADVERSUS Donatistas in Africa plures coactæ fuerunt Synodi. Atque in memorata Urbe *Carthagine* duæ, una anno 306. altera anno 348. *Romana* sub Melchiade anno 313. & *Arelatensis* convocata a Constantino anno 314. Donatistæ etiam factionis suæ Synodos congregarunt, *Carthagine* anno 308. & 311. necnon *Baga* in Numidia, anno 394.

CONTRA Arianam hæresim celebrata fuere quæ sequuntur Concilia: *Alexandrinum* sub Alexandro Antistite anno 315. Ibidem alterum, cui omnes Episcopi *Ægyptii* cum Olio Cordubensi interfuerunt, anno 324. Proximo autem anno 325. celebratum fuit celeberrimum *Nicanum* Concilium, primum *Œcumenicum*, in Bithynia. Interfuerunt Episcopi, qui in damnationem Arii consenserunt, 318. (2) præter Clericorum, aliorumque virorum ingentem numerum. Adfuit & religiosissimus Imperator Constantinus. In hac Synodo Verbum Divinum declaratum est Patri *Consubstantiali*, extinctum schisma Meletianum, & finita de die Paschatis controversia.

NICÆNAM fidem confirmarunt adversus Arianam perfidiam *Concilium Sardicense*, seu *Illyrici*, celebratum præside Olio anno 347. *Mediolanense* anno 355. in quo Catholici nolentes subscribere condemnationi S. Athanasii pulsati sunt in exilium: *Ariminense* anno 359. in quo
Epi-

(1) Circa Epocham Concilii Eliberitani viris eruditiss. dissentientibus, sequimur vulgarem calculum.

(2) Inter istos miraculorum gloria claruisse *Paphnutium* Episcopum in superiori Thebaide, & *Spyridionem* Episcopum Trimithuntis in Cipro, refert Socrates lib. 1. cap. 11. & 12. Qui Nicæno Concilio præfuisse putarunt Romanum Pontificem Julium, apud Gelasium Cyzicenum, ubi scriptum erat, *πάλιος Πορταίων ἐπίσκοπος*, forte pro *πάλιος*, aut *πάλιος*, legerunt *Πάλιος*. Videbis Petrum de Marca in Concordia Sacerd. & Imp. lib. 5. cap. 3.

Episcopi 400. primum Fidem Nicænam decreto firmarunt, sed postea fraudibus circumventi, minisque tentari, plures formulæ suscripserunt supprimenti *Omcoussion Romanum* Julii anno 342. & *Damasi* anno 370., necnon aliud 378. & *Alexandrinum* anno 349. quo S. Athanasii causa discussa fuit, & vindicata innocentia; quemadmodum in *Ierosolymitano* anno 350.

EUMDEM quippe Athanasium Ariani Conciliis Episcoporum suorum coactis non semel deponi, & in exilium detrudi curarunt. Actum id anno 334. in Synodo *Cæsareæ* in Palæstina: anno 335. in Synodo *Tyriæ*: (1) anno 336. in *Constantinopolitana* Eusebianorum: anno 341. in *Antiochena*.

Aliis insuper pseudosynodis aut Ariana perfidia, aut versutia obstitit veræ fidei. Nam in *Sirmiensis* Semiarianorum anno 351. qua depositus fuit Phorinus, nulla *Consubstantialis* facta fuit mentio: in *Sirmiensis* altera anni 357. eadem vox rejecta fuit, atque proscripta; & in *Sirmiensis* tertiâ, paulo post celebrata, eadem, ac in priori Synodo, callide in Fidei formula omissa est vox *ὁμοούσιον*, *Consubstantiale*. Sed pseudoconellia hætenus enumeravimus: ad Orthodoxa revertamur, oportet.

IN CONCILIO *Cæsaraugustano* provinciæ Tarraconensis anno 380. damnati fuerunt Priscillianistæ: in *Aquilejensi* anno 381. Palladius Arianus: in *Burdigalensi* anno 385. rursus Priscillianus, & Instantius: in *Capuano* anno 389. Bonosus: in *Mediolanensi* anno 390. Jovinianus.

LAUDANDUM est specialiter celebratum anno 381. *Constantian-*

(1) In hac Tyri Synodo *Archaph*, qui S. Athanasium accusaverat, quod manum Arsenio præcidisset ad maleficia patranda, ipso Arsenio comprehenso, & cum utraque manu adinvento, confusione permotus e conspectu Patrum cum ceteris calumniatoribus se subluxit. Vide Athanasium Apol. 2. Fuit *Archaph* Episcopus factionis Meletianæ apud Memphim. Appellabatur quoque Joannes. Irrepsit mendum apud Socratem lib. 1. cap. 30. ubi vocatur *Ἀρχαβ*, *Achaab*. Legendum, *Ἀρχαφ*, *Archaph*. Arsenii tamen historiam ad Synodum Arianorum Cæsareæ anno 334. aut præcedenti coactam plures referunt. Vide eruditorum notas in Sozomeni librum 2. cap. 23.

In Antiochena Synodo depositum *Eustathium* ejus urbis episcopum Nicænae fidei propugnatorem, eique suspectum *Euphronium*, narrant Socrates lib. 1. cap. 24. Sozomenus lib. 2. cap. 19. Eusebius Vita Const. lib. 3. cap. 59. Id refert Theodoretus ad annum 330. Philostorgius ad annum 329. Baronius ad annum 324.

stantinopoli. Est enim Concilium *Occumenicum II.* Adfuerunt Episcopi Catholici 150. & Macedoniani 36. Sed hi nolentes approbare *quoniam* discesserunt ex urbe. Confirmata est in hac Synodo Fides Nicæna, damnata hæresis Macedonii, addita Simbolo verba, quæ Spiritus Sancti enuntiant divinitatem. Ad horum intelligentiam necessaria est notitia, quæ infra subjicitur, hæreticorum.

THEOPHILUS Alexandrinus sub finem hujus Seculi, & anno 399. juxta Baronium, juxta Pagium autem anno 401. damnavit in Synodo *Alexandrina* Origenistas, eiecitque his adhærentes Monachos Nitrienses: quos cum, ignota expulsionis causa, excepisset Chrysostomus, orta sunt inter Clarissimos hos præfules dissidia.

C A P U T III.

SCHISMATA, ET HÆRESES IV. SECULI.

TRIA Schismata, præter excitatum Romæ ab Ursicino, sedente Damaſo, exorta sunt quarto Seculo. Ac primum *Donatistarum*, cujus auctor fuit *Donatus* a Calis nigris Episcopus in Numidia, ac promotor *Donatus* alter successor Majorini in Episcopatu Carthaginensi, Erupit circa annum 311. & sese continuit intra Africæ limites. Donatistæ *Circumcelliones*, quod vagarentur, etiam vocati, in sua tantum communione Ecclesiam contineri jactabant, irritumque censebant baptismum ab improbis administratum.

SCHISMA alterum fuit *Meletianum* ineunte Seculo a *Meletio* Lycopolitano, seu Munienſi Episcopo nuncupatum: qui, cum in persecutione Maximini immolasset idolis, e sede dejectus a S. Petro Alexandrino (1) aram contra aram erexit, disciſſis Ægyptiorum Ecclesiis.

TERTIUM Schisma *Luciferianum* dictum est a *Lucifero* Calaritano, qui cum Antiochiæ, cujus urbis Episcopatum gerebat Meletius, consecrasset Paulinum, anno 362. occasionem præbuit, ut alii Meletio, alii Paulino adhærent. Ad ordinationem tamen Paulini impulerunt

(1) Meletius a S. Petro Synodali sententia damnatus, & depositus fuit anno 305. Vide 2. Apologiam Athanasii.

lerunt Luciferum Catholicorum diffidia; neque Lucifer, quem inter Sanctos colunt Sardi, alicujus hæreseos aperte convineitur; quamquam Luciferiani quidam traderent rationalem animam gigni ex traduce, & in Cod. Theodosiano Eufesius e secta Luciferianorum vocetur hæreticus.

DETERIORES autem hæreses fuerunt, *Arii*, *Macedonii*, *Apollinaris*, *Photini*, *Priscilliani*, *Helvidii*, & *Joviniani*. *Arius* presbyter Alexandrinus, filius Ammonii coepit post annum 315. pestilentissimæ hæresis propinare venena, affirmans *Trinitatis* personas pares non esse gloria, ac majestate, sed *Verbum* esse initium creaturarum, expers paternæ substantiæ, & factum ex non extantibus. Ad latrinam secedens urgente alvi necessitate animam cum intestinis efflavit anno 336. Inter *Arianos* vero alii Filium creaturam Patri *diffimilem* asserabant, ut *Aëtius*, *Ennomius*, *Eudoxius*: atque hi appellati sunt *Anomæi*; ἀνομοῖος enim idem est, ac *diffimilis*. (1) Alii *similem* quidem, sed non *Consubstantialem* dicebant, ut *Narcissus*, *Demophilus*, ceterique *Episcopi Semiariani* tertiæ Synodi Sirmiensis; a quibus approbatum est ὁμοιόσιον, *substantia simile*, non probatum ὁμοούσιον, *Consubstantialia*. His accesserunt *Eusebiani*, qui ab *Eusebio Nicomediensi* partibus *Arianorum* addito nomen traxerunt. (2)

QUOD

(1) Auctor *Anomæorum* *Ennomius*, qui *Cyzicenam* regebat Ecclesiam, & non in *Trinitatem*, sed tantum in Christi mortem baptizandum esse docebat, ut inquit *Sozomenus* lib. 6. cap. 35. Cum *Eunomio* conspirarunt *Eudoxius* invasor patriarchatus Antiocheni, apro silvestri comparatus, *Aëtius*, quem a Flaviano accusatum *Leontius* exuerat diaconatu, *Georgius* Alexandrinæ insidiator Ecclesiæ, alique hujus fursus.

(2) Pro *Arianis* pugnarunt *Eusebius* Nicomediensis, *Theognis* Nicænus, *Eustathius* Antiochenus Sabellianus, alique plures, qui *Nicænam* fidem tentarunt subvertere. *Socrates* lib. 1. ait, jussu *Eudoxii* C. P. *Eunomium*, de quo supra, sermonem ad populum habuisse in die *Theophaniæ*, & utrumque ausum dicere, *Josephum* post ineffabilem partum coivisse cum Virgine, & Filium, ac Spiritum Sanctum esse ministros & servos Patris; quod asserit quoque *Philostorgius* lib. 6. cap. 2. Apud eundem Historicum lib. 4. cap. 15. fit mentio hæresis *Borbovianorum* in Cilicia degentium. Eisdem commemorat etiam *S. Philastrius*. Laudabant hi carnalem concupiscentiam, negabant futurum judicium, & incedebant cæno faciem obliuantes. Hinc nomen traxerunt; cœnum quippe Græce dicitur βόρβορος. Hæretici βουβόροισι, miraculorum nempe effusores, qui absurda jactabant miracula, fuerunt, ut opinor, perditissimi *Ariani*; recensentur enim in istorum classe apud eundem *Philostorgium* initio li-

QUOD Arius de Verbo Dei, *Macedonius* asseruit de Spiritu Sancto, hunc ad conditionem deprimens creaturarum. *Macedonius* Constantinopolitanum adeptus erat Episcopatum, cum circa annum 360. cœpit disseminare hæresim, in Thracia præsertim, in Bithynia, & Asia propagatam. Ei adhærentes ab illius nomine *Macedoniani*, a dogmate autem, quo Divini Spiritus majestati bellum intulere, *Pneumatomachi*, ἀπὸ πνῦμα, καὶ μάχομαι, sunt appellati.

APOLLINARES duo fuerunt, pater, & filius, presbyter anus, & institutor Grammaticæ, alter Rhetoricæ præceptor, & in Ecclesia Lectoris functus officio. Pater Alexandria Berytum, Beryto migraverat Laodiceam, ibique vetiti a Theodoto Episcopo Laodiceno uti consuetudine Epiphaniî Sophistæ, ne ad Gentilium superstitionem delaberentur; Apollinaris filius id ducens contumeliose loco, novam hæresim condidit, imperante Constantio, dogmatizans hominem absque anima assumptum fuisse a Deo Verbo, ac postmodum assumptam quidem animam, sed mente destitutam, cui proinde loco mentis esset idem Verbum. *Apollinarista* hoc autumantes dicuntur.

PHOTINUS e Galatia, sed Sirmii in Pannonia Episcopus, & Marcelli Ancyрани discipulus, adhæsit aliquando hæresi Sabellianæ: tum addidit Christum esse υἱὸν ἀνθρώπου, idest, purum purum hominem, neque ante Mariam extitisse, depositus, & damnatus in 1. & in 2. Synodo Sirmienti. Cœpit blasphemias evomere anno 341. obiitque in Galatia anno 377. *Photini* sequaces a Vigilio Tapfensi, & ab Augustino appellantur *Homuncionista*. (1)

PRISCILLIANUS in Hispania ortus familia nobili
Tom. I. I ac

hri 9. *Actius*, *Eunomius*, *Leontius*, *Candidus*, *Evagrius*, *Arrianus*, *Florentius*, & *Theophilus* Iudæ: quos ille tamquam *Consubstantialis* opugnatores deprædicat.

(1) A Photino in hæresim fuisse pertractum Romanum Pontificem *Anastasium* affirmat Danthes celeberrimus Poeta Etruscus *Inferni* Cantu undecimo. Christophorus Landini, & Alexander Vellatelli in Commentariis suis ad prædictum cantum XL. ajunt, *Anastasium* Photini

humani corporis delineamenta, *Antropomorphitæ* sunt appellati ab ἀνθρωπος, homo, & μορφή, figura: (1) *Antidicomarianitarum*, asserentium cum Helvidio Virginem post partum copulatam fuisse viro; unde dicti sunt *Mariæ adversarii*; ἀντιδίκος enim, & *adversarius* idem sonant: *Collyridianorum*, qui Deiparæ tanquam numini sacrificabant, nomen sortiti a κολλυρίς, *siliginea placenta*, Virgini ab illorum oblata feminis: *Messalianorum* denique, asserentium omnis omnibus aliis operibus orationi tantummodo esse vacandum, nullumque ex Ecclesiæ Sacramentis, Baptismi etiam, & Eucharistiæ, percipi fructum. Hos *Euchitas* ab εὐχή, oratio, & *Enthusiastas* ab ἐνθουσιάζω, Numine agor, vel, *insania*, dixerunt. (2)

CAPUT IV.

DE ECCLESIASTICIS SECVLI IV. SCRIPTORIBUS.

BREVITATI studentibus locus non est plurimos Seculi huius distincte recensere Scriptores. Præcipuos itaque, & litteris æque, ac sanctitate celebres laudabimus separatim, tum coacervatim reliquos.

OCCURRIT primo *S. Athanasius* Alexandrinus insectator Arianorum acerrimus. (3) Interfuit anno 325. Nicæno Concilio, & anno proximo suffectus est Alexandro in Episcopatu patriæ suæ. Non semel Arianorum machinationibus coactus est solum vertere, fractusque ærumnis succubuit anno 371. aut sequenti. Exquisitissimis lucubrationibus Arianam hæresim profligavit.

I 2

AN-

(1) Ab Origenistis etiam Catholici *Antropomorphitæ* sunt appellati, quasi rejicientes Origenis allegorias etiam Scripturæ loca, quæ Deo manus, pedes, ceteraque adtribuunt humana membra, sensu duntaxat literaliter exponerent. A qua insimulatione neque Sanctissimi viri Epiphanius & Hieronymus, apud Joannem Hierosolymitanum & Rufinum, fuerunt immunes.

(2) In Historia Philostorgii lib. 8. n. 3. describitur hæresis cujusdam Episcopi *Theodosii*, qui, Joviano imperante, ad impia Eunomianorum dogmata addebat, Christum eximio virtutum studio ex natura mutabili immutabilem evasisse, & Deum neque loqui posse, neque audire, quoniam lingua caret & auribus.

(3) Quod narrant de Athanasio puero alios pueros baptizante, magna laborare suspitione demonstrant in ejus Vita doctissimi PP. S. Mauri.

ANTONIUS quoque *Ægyptiorum Monachorum* parens, claro ortus genere *Comæ* non procul ab *Heraclea* an. 252., in solitudinem profectus anno ætatis suæ 18., & mortuus anno 357. ætatis suæ 105. scripsit sermones quosdam, & perutilia ad Monachos documenta. Quod idem præstiterunt *Macarii* duo, prior *Ægyptius* & *Antonii* discipulus, qui obiit nonagenarius anno 391. alter incola *Nitrienſis* eremi, qui centenarius decessit anno 404. necnon *Pachomius* in *Thebaide* ortus, & auctor monachorum *Tabenesium*, in quorum uno monasterio 1040. ascetæ simul vixerunt, qui decessisse fertur anno 360. Hos vero propter instituti similitudinem una conjunximus.

SAPIENTIA itidem inclaruerunt *Cyrillus* *Jerosolymitanus*, *Hilarius* *Pictavenſis*, *Zeno* *Veronenſis*, *Eusebius* *Vercellenſis*, *Ephrem* *Syrus*, & *Pacianus* *Barcinonenſis*. *Cyrillus* in Ecclesia *Jerosolymitana* anno 350. successit *Maximo*, ediditque *Catecheses* tam ad *Competentes*, quam *Myſtagogicas* ad initiatos. *Hilarius* ob eloquentiam comparatus *Rhodano* rapidissimo *Galliarum* flumini, circa annum 335. creatus *Episcopus* *Pictavorum* in *Aquitania*, exinde *Synodis*, scriptisque *Arianos* plurimum exagitavit. *Zeno* antistes *Veronenſis*, qui fertur martyrium pertulisse circa an. 360. homilias plures conscripsit; sed an illæ, quæ ejus circumferuntur nomine, genuinæ sint, hæſitatur. *Eusebius* *Vercellenſis* in *Inſubria* *Episcopus*, exilium fidei causa, & ærumnas perpeſſus imperante *Conſtantio*, ad hunc, atque ad *Patrophilum* *Arianum*, & ad *Vercellenſes* ſuos conscripsit *Epistolas*, atque ex *Græco* vertit *Commentarios* *Eusebii* *Cæsarienſis* in *Psalmos*, necnon *Evangelia* *Matthæi*, & *Marci*: cujus *Versionis* codex ipsius *S. Eusebii* manu exaratus *Vercellis* etiamnum aſſervatur. Obiit autem, & immarceſcibilem coronam obtinuit circa annum 370. *Ephrem*, *Propheta* *Syrorum* cognominatus, orationes ſupra mille, hymnosque & carmina ſcripsit; obiitque circa annum 378. *Pacianus* decessit anno 390. ſenex admodum, instituitque ſcriptis *Catechumenos*, ac *Pœnitentes*, & reſutavit *Novatianos*.

GENERIS claritudine, parentum confessione, propriisque virtutibus *Magni* cognomentum adeptus fuit *Basilius* *Cappadox*, monaſtici *Inſtituti* promotor egregius, & Eccleſiæ *Cæsarienſis* *Episcopus*, *Libanium* rhetorum hujus ſæculi

ſæculi principem eloquentia ſuperavit, hæreticos, præſertim Eunomium perſtrinxit, Monachos regulis & ſanctiõibus imbuir, ſacras interpretatus eſt litteras; atque ad cæleſtem gloriam evocato circa annum 378. parentatum fuit ſplendidiffimo funere, & lacrymis quoque Judæorum, Gentilium, & advenarum.

ACCEDUNT *Grægorii* duo, *Nyſſenus*, & *Nazianzenus*. Ille *Baſilii Magni* frater, iſte eidem *Baſilio* amicitia, & conſuetudine conjunctus. Primus *Nyſſæ* in *Cappadocia* *Epifcopus*, refutavit ſcriptis *Apollinarem*, *Eunomium*, & *Manichæos*, divinos libros expoſuit, orationes & epifto-
las edidit elegantiffimas: & obiit an. 395. *Gregorius* alter *Epifcopus* *Nazianzi* admodum valuit metro, ac ſoluta oratione, quemadmodum illius ſcripta cedro digna teſtantur. Vita functus eſt Orator, & Theologus præſtantiffimus anno 389.

HÆRESEON conſcripſerunt *Hiſtoriam* *Epiphanius*, & *Philaſtrius*. Ille in *Panario*, hujusque Operis *Anacephaleoſi*, ſive *Epitome*: iſte in libro, cui titulus *de hæreſibus*. Fuit *Epiphanius* gente *Palæſtinus*, ſed *Epifcopus* in *Cypro* *Salamindæ*, ſive *Conſtantia*, diemque ſupremum obiit anno 402. *Philaſtrius* vero fuit *Italus*, & *Epifcopus* *Brixienſis*, obiitque, ut ajunt, anno 387.

SUMMA laude, & admiratione dignus eſt *Epifcopus* *Mediolanenſis* *Ambroſius*; nam cum ſecularibus litteris. cauſis-
que actitandis dediſſet operam, & *Æmiliz* ac *Liguriæ* gereret præfecturam, inopinato electus *Epifcopus* anno 374. in ſacra eruditione adeo profecit, ut libros de *Patri-
bus Veteris Teſtamenti*, de *Teſtamenti Novi Myſteriis* & *Sacramentis*, de *Miniſtrorum Officiis*, in *Evangelium* *Lucæ*, ac plures varii argumenti epifto-
las, & orationes erudi-
te eleganterque exornaverit. Deceſſit anno 397. pri-
die *Nonas Apriles*.

CÆTEROS eloquentia, ſcriptorumque copia & delectu ſuperavit *S. Joannes Chryſoſtomus*, ortus *Antiochiæ* ad *Orontem* fluvium circa annum 354., a *Flaviano* preſbyter ordinatus an. 386., locatus in ſede *C. P.* anno 398., renitente licet *Theophilo Alexandrino*; multaque hujus, & quorundam aliorum *Antifitiſum*, necnon *Eudoxiæ Angulæ* cauſa perpeſſus, depoſuit exuvias mortalitatis in *Comana Pontica* anno 407. die 14. *Septembris*. Ut vero ejus ad populum *Antiochenum*, ceteraſque

Homilias, Orationes de Sanctorum virorum laudibus, libros de Sacerdotio, contra Gentiles, contra Vituperatores vitæ Monasticæ, atque in Evangelium Matthæi, in Epistolas Pauli, & in Vetus Testamentum lucubrationes laudaremus amplissimas, illa orationis facundia opus foret, quæ ipsi peperit *Chrysostomi* appellationem.

DE HIERONYMO, Augustino, & Paulino Nolano, in quinti Seculi Synopsi agemus.

JAM VERO eos, qui sapientia, non sanctitate floruerunt, carptim attingimus. Initio seculi adversus Gentes libros 7. florenti dictione scripsit *Arnobius* Afer, non omnino expers errorum. Gentilium pariter Theologiam in libris *Institutionum* impugnavit *Lactantius* Firmianus, (1) cui & librum de Mortibus persecutorum, aliosque adscribunt; claruit autem sub Constantino. Versatus est in eodem argumento *Julius Firmicus Maternus*, qui edidit librum *de errore profanarum religionum*. (2) De Ecclesiastica historia optime meritus est *Eusebius* Episcopus Cæsareæ in Palæstina, sed de Arianismo suspectus: eique debemus etiam, missis aliis, de Præparatione, & de Demonstratione Evangelica libros eruditissimos. Adversus hæreticos certarunt, & in divinos libros Commentaria ediderunt, *Titus Bostrensis* in Arabia Episcopus, qui obiit anno 363. *Didymus* Alexandrinus Hieronymi, & Rufini præceptor, qui anno 392. excesserat ætatis suæ annum 83. *Victorinus* Afer, qui naturæ concessit circa annum 370. Evangelicam Historiam quatuor Carminum libris circa annum 330. complexus est *Juvenicus* Presbyter genere Hispanus.

PRÆTERMITTO *Basilium* Ancyranum, & *Tichonium* Afrum, Semiarianum unum, alterum Donatistam.

CA-

(1) *Lactantius* videtur eruditus compluribus Afer, non Italus, ut. pote *Arnobii* auditor *Sicca*. Fuit *Crispi* Cæsaris Præceptor. *Institutiones* scripsit circa annum 310. exorta persecutione *Licinii*. Erravit cum *Millenariis*: & negasse *Spiritus Sancti Substantiam*, inquit ad *Pammachium* S. Hieronymus. Obiisse dicitur *Treviris* senectute extrema. At locus, & annus mortis, incerti.

(2) *Julius Firmicus Maternus* natione Siculus ex gentili Christianus scripsit ad *Constantium* & *Constantem* Impp. circa annum 339.

C A P U T V.

QUARTI SECVLI IMPERATORIS, ET MARTYRES.

INEVNTI Seculo IV. *Diocletianum*, & *Maximianum Herculum* imperasse dictum est supra. Cœpit Diocletianus anno 301. *Coss. Posthumio*, & *Nepotiano* scire in milites, anno 303. in VIII. suo Consulatu adversus Christianos. Hæc est Ecclesiæ persecutio X. omnium crudelissima, incepta Nicomediæ, ubi Ecclesia everfa est VII. Cal. Martias. Omnem fere orbem sacro Martyrum cruore infectum scribit Severus Sulpitius: interfecta uno die XVII. fidelium millia, & in sola Ægypto trucidata CXLIV. millia, unde Copti novam Aeram subducunt. (1)

DIOCLETIANUS, & Maximianus Hercules purpuram exuerunt anno 305. juxta Balutium, præcedenti anno juxta alios, & nuncuparunt Augustos, Maximianus Hercules *Maximianum Galerium* cognomento *Armentarium*, quod olim in Dacia pastoritiam exercuisset artem; Diocletianus vero *Constantium Chlorum*. Uterque anno 293. ab Her- culio & Diocletiano adoptati fuerant, & Cæsares dicti; nam *Chlorus* uxorem duxerat privignam Hercu- lii Theodoram, repudiata Helena, ex qua genuer- rat Constantinum; Galerio autem Maximiano nupserrat. *Galeria Valeria* filia Diocletiani. (2) Eadem die, qua

I 4

Con-

(1) Persecutionis incentores fuerunt Gentiles Philosophi: prætextus incendium regii Nicomediensis palatii Christianis falso adtributum, ut imperante Nerone urbis conflagratio. Fraude Galerii nondum Augusti occultis ministris ignis palatio fuit subiectus. Quare Diocletianus iussit omnes suos excarnificari & igne torqueri. Lege Lact. de Mort. Persec. num. 14. Ibidem num. 16. laudatur *Donatus* novies sub tribus Judici- bus tortus. Fuerunt hi Bithyniæ præfides, Flaccinus, Hierocles, & Priscillianus.

(2) Priusquam Diocletianus & Maximianus Hercules exuerent pur- puram, regia illius sedes fuit Nicomedia Bithyniæ metropolis, Herculi Mediolanum, Constantii Chlorig sedes fuit Augusta Trevitorum in Gal- lia, Maximiani autem Galerii Sirmium in Pannonia. Galerius pro Christianis, ne diutius vexarentur, edictum Nicomediæ edidit anno 311. pridie Kal. Majas. Horrenda tæbe consumptum legitur in libro de Mort. Persec. n. 35. Rufinus lib. 8 cap. 15. & Orosius lib. 7. cap. 28. ajunt agitata furis vim sibi intulisse. Obiit Idibus Maji prædicto anno 311. Nullum ex Valeria filium suscepit. Candidianum ex concubina procreatum Licinius occidit anno 313.

Constantius, & Maximianus declarati fuerunt Augusti, Cæsares creati sunt Severus, & Maximinus Daza: & uterque erat nepos Armentarii ex sorore.

Non diu Constantius Chlorus regnavit; sed extinctus est Eboraci (1) anno 306. eique Constantinus Magnus successit suprema patris voluntate, militumque consensu. Interea Cæsares Maximinus persecutionem instituit compellens omnes sacrificare. (2) Romæ autem imperium invasit Maxentius Maximiani Herculi filius, qui patrem in Campania commorantem ad imperium rursus evexit. Severo item, qui contra Maxentium ducebat exercitum, apud tres Tabernas occiso, Maximianus Galerius Augustum nominavit anno 308. Valerium Licinianum Licinium, & hunc persecutorem crudelissimum Christianorum. Inierunt tum concordiam cum Maxentio Maximianus Hercules, & Galerius Maximianus; at illum Constantinus anno 312. ad pontem Milvium superavit, (3) insigni illa victoria, quam Crucis mirabilis apparitio præsignaverat. Habemus persecutionem sævissimam, inceptam sub Diocletiano, & usque ad annum 312. subsecutam. (4)

SINGULOS recensere in hac persecutione peremptos non vacat; oporteret enim omnia deslorare Martyrologia. Quosdam enumerabimus tamen. Nondum lata erant persecutionis edicta, & Namnetis in Britannia lancea confossi obierunt Rogatianus & Donatianus germani fratres.

ROMÆ Sebastianus Mediolanensis transfixus sagittis, & Felix cum Adaucto securi percussus. Nicomediz Pantaleo nobilis medicus equuleo tortus, gladioque necatus. Tarsi abscissum caput Bonifacio, qui cum Aglae matrona Romana stupri habuerat consuetudinem. Puteolis martyro cum sociis coronatus Januarius Beneventanus Epi-

(1) In Anglia.

(2) Maximinus Valeriam Galerii viduam, ejus nuptias recusantem, relegavit cum Prisca matre & uxore Diocletiani in desertas Syriæ solitudines.

(3) Mulvium Victor, Prudentius contra Symmachum, Paulus Diaconus, alique dixerunt.

(4) In Persecutione Diocletiani uno mense coronatos martyrio XVII. mille Christianorum, inter quos Marcellinus Papa una cum Claudio, Cyprino, & Antonino. Vide Martyr. Rom. VI. Kal. Maji.

Episcopus. Coronatos in eadem persecutione complures memorat Eusebius lib. 8. H. E. & in subiecto libro de *Martyribus Palæstine*. Ait Nicomediæ vario mortis genere affectos *Dorotheum*, aliosque pueros Imperatoris cubicularios, *Gorgonio* elisas laqueo fauces, *Anthimum* Episcopum truncatum capite, innumeros projectos in mare. In Armenia, in Palæstina, in Thebaide, ceterisque provinciis tanta sacrorum ministrorum comprehensa est multitudo, & capitis damnata, ut carceres, quibus continerentur, deessent. Illustre fuit martyrium *Philæ* Episcopi Thmuitarum, *Adaucti* Romana dignitate conspicui, Quatuor Coronatorum, aliorumque, de quibus Fasti Sanctorum VI. Idus Novembris, *Luciani* presbyteri Antiocheni, *Petri* Alexandrini, *Felicitis* Carthagenensis, *Theodori* Ancyrani una cum septem Virginitibus, *Romuli* cum Infante, cujus martyrium describit Prudentius. Inter Martyres Palæstinos celebrantur *Procopius*, *Alpheus*, *Zacchæus*, *Timotheus*, *Timolaus*, *Dionysius*, &c. Passi itidem in Cilicia *Cosma* & *Damianus*, ἀγᾶπῶν nuncupati, quoniam gratis medebantur ægrotis: Gallicæ prope Nicomediam *Iustina*, *Cyprianus*, & *Theoctistus*: in Africa *Saturninus*, *Crispina*, aliique complures: Alexandriæ *Didymus* & *Theodora*: Chalcedone *Euphemia*: Tyri in Tuscia *Christina*: ad Aquas Gradas *Chrysogonus*: Hadrianopoli *Philippus* Heracleensis: Valentia in Hispania *Vincentius*: Emeritæ *Eulalia*: Austæ Vindelicorum *Afra* antea meretrix: Amasæ *Theodorus*: Nicomediæ *Barbara*: Syraculis *Lucia*: in Achaja *Arcadius*: Romæ *Susanna* & *Agnes*, *Cyriacus*, *Largus*, *Samaragdus*, alii. Foro Cornelii, seu Imolæ *Cassianus*: Bononiæ *Vitalis* & *Agricola* (1): Cæsaraugustæ sub Maximiano Martyres XVIII. Sebastæ in Armenia *Blasius*, & XL. Martyres sub Licinio, &c.

SUPERATO devictoque Maxentio, *Constantinus M.* primum cum Licinio, deinde solus imperavit ad annum usque 337. quo Achirone prope Nicomediam obiit XI. Cal. Junias, *Coss. Tisiano* & *Feliciano*: eodemq. anno V. Idus Sept. renuntiantur Augusti tres illius filii,
Com-

(1) Floruit ibidem circa hæc tempora, & Seculo tertio ad finem vergente, *S. Eusebius* Episcopus, Ambrosio Mediolanensi amicitia conjunctus, & *S. Simplicianus* ejusdem Ambrosii successor.

Constantinus, *Constantius*, & *Constans* (1). Diuturnior fuit principatus Constantii, quam fratrum: nam *Constantinus* occisus fuit prope Aquilejam *Coss. Acindino & Proculo*, anno 340. die 6. Aprilis: *Constans* a Magnentio in Galliis interfectus fuit sub initia anni 350. Consulatum *Sergio*, & *Nigriniano* gerentibus; *Constantius* vero obiit *Coss. Florentio*, & *Tauro*, idest, anno 361. tertio Nonas Octobris. Arripuit tunc imperium *Flavius Claudius Julianus* filius Constantii (2) & *Basilinæ*, qui a Christi fide ad cultum idolorum descendit, *Apostata* idcirco denominatus. Sæviit & is in Christianos anno 362. cum conflagrasset templum Apollinis in Daphne. (3) Sed *Apostata* sceleratissimus ictu cælitus immisso miserrime interiit die 27. Junii anno 363. ipso met *Juliano IV. & Promoto Coss.*

IN persecutione Juliani martyrio coronati fuerunt Antiochiæ *Artemius*, Alexandriæ *Gallicanus*, Cæsareæ in Capadocia *Eupsychius*, Aretii *Donatus* Episcopus, & *Hilarinus* monachus, Romæ *Gordianus* & *Epimachus*, *Joannes* & *Paulus*, *Bibiana* virgo, &c.

EXTINCTO *Juliano*, imperator a militibus renunciatus est *Flavius Jovianus*, aliis *Jovinianus*, e Pannonia; & *Joviano* mortuo anno proximo 364. die 17. Februarii (4) suc-

(1) Magni Constantini avi fuerunt *Eutropius*, & *Claudia*: parentes *Constantius Chlorus*, & *Helena*; noverca *Theodora*: fratres a *Theodora* geniti *Hannibalius* pater Dalmatli, *Constantius* pater Galli, & *Juliani Apostatæ*: sorores *Constantia* Licinii conjux, & *Anastasia* uxor *Basiliani*: uxores *Minervina*, ex qua genuit *Crispum*, quam *Sex. Aurelius Victor* ait fuisse concubinam, & *Maximiana Fausta* filia *Max. Hercutii*, ex qua suscepit *Constantinum*, *Constantium*, *Constantem*, *Constantiam*, & *Helenam*.

(2) *Constantius* pater Juliani fuit Constantini Magni frater, non filius. Idem *Constantius* non ex *Helena*, sed ex *Flavia Maximiana Theodora* genitus fuerat, ac frater fuit *Hanniballii*. Apud *Suidam* *Julianus* dicitur *Parabata*. Uxorem habuit *Flaviam Maximianam Helenamque* filiam *Constantini Magni*.

(3) Eodem anno 362. *Julianus* ad Hebræos scripsit Epistolam reedificationem *Jerusalem Templique* suadens: quod illi opus proximo anno 363. aggressi sunt, sed frustra.

(4) Id quidem juxta *Socratem*, aliosque asserentes diem *Joviani* mortualem fuisse XIII. Kal. Martias: sed in *Cod. Theod. lib. 9. tit. 25.* extat ejusdem *Joviani* lex contra raptos biduo post latam, nempe XI. Kal. Martii, & die 19. Februarii. Obiit *Dadasthanæ* inter *Galatiam* & *Bithyniam*. Post *Joviani* obitum designatus Imperator *Sallustius P. P.* dignitatem renunciavit senectutem causatus; concurrentibus in ejus filium studiis, ait hunc vero nimium esse juvenem.

successit *Flavius Valentinianus*, ejusque frater *Fl. Valens* Orienti præfectus. *Gratianus* quoque filius *Valentiniani* & *Severæ* a patre appellatus est *Augustus* anno 367. IX. Cal. Septembris. Decessit *Valentinianus* anno 375. die 17. Novembris; eique successit est *Valentinianus Junior*, illius & *Justinæ* filius. & ex patre frater *Honorii*. *Valens* occubuit anno 378. die 9. Augusti. *Gratianus* anno 383. die 25. Augusti. *Valentinianus Junior* occisus est ab *Eugenio* anno 392. die 15. Maji. Imperarunt tum *Theodosius*, & *Arcadius*; quorum ille filius *Honorii* & *Thermantiz* (1) a patre *Augustus* dictus fuerat an. 379. *Arcadius* vero filius *Theodosii* & *Flacillæ* a patre consors imperii declaratus est cum *Honorio* filio itidem *Theodosii*. Obiit *Theodosius* anno 395. die 17. Januarii: atque hinc subducitur *Arcadii*, & *Honorii* principatus: quorum anno 6. *Coss. Aureliano* & *Stilicone* desinit quartum *Ecclesiæ* Seculum.

IMPERANTE *Honorio*, aut *Gratiano* ab Hunnis martyrio affectæ sunt *Ursula*, & aliæ Virgines: (2) quarum numerus fidem superat, & forte in *Actis*, pro *Undemilia*, undecim mille irrepere. Floruerunt etiam hoc Seculo eximia sanctitate, præter enumeratos præcedenti capite inter Scriptores, *Hilarion* & *Paphnutius* monachorum patres, *Jacobus* Nisibi in *Mesopotamia*, *Eustathius* *Antiochenus*, *Nicolaus* *Mirensis*, *Dionysius* *Mediolanensis*, *Martinus* *Turonensis*, *Zenobius* *Florentinus* *Antistes*; ac matronæ sanctissimæ, *Helena* mater *Constantini*, *Monica* *Augustini* parens (3), *Marcellina* soror *Ambrosii*, & *Paula* *Romana*.

CA-

(1) *Honorius*, & *Thermantia* parentes *Theodosii Magni* confundendi non sunt cum *Honorio* filio ipsius *Theodosii* & *Flacillæ*, & *Arcadii* fratre, & cum *Æmilia* Materna *Thermantia* filia *Stiliconis*, & *Honorii* secunda uxore.

(2) Harum quidam putant mentionem fieri in *Philopatro* *Luciani*, ideoque inficetum libellum huic abjudicant: sed locus ambiguus est.

(3) *Marcellina* inter Virgines colitur.

CAPUT VI.

QUE SECVLO IV. DOCTRINA, ET DISCIPLINA VIGUERINT.

DEI VERBUM esse Patri *consubstantiale*, & utrum *ὁμοιον*, quomodo traditur in Evangelio, confirmatum est perfidiae Arianicae confutatione. Retinendum didicimus *ὁμοιουσιον*, & *ὁμοιουσιον* caute usurpandum, atque in sensu Semiarianorum rejiciendum. Divinam in Christo humanamque naturam, & in ista rationalem animam mentemque inesse, ut divinae dispensationis postulat ordo, declaratum est luculentius. Spiritus Sancti propugnata est contra Macedonianos divinitas. Perpetua Deiparae Virginitas vindicata. Deum carere corporeis membris, prout naturalis etiam ratio suadet, & liberum arbitrium non constringi fatali necessitate, ex hujus seculi expulsi erroribus evidentius dignoscitur.

EUCCHARISTIA nomine *Fementi* ad fidelium unionem servandam hoc seculo dirigebatur ad *Titulos*, Chrisma a solis Episcopis conficiebatur; quamvis eo presbyteri linrent verticem baptizati. Episcopus Ostiensis in consecratione Romani Pontificis pallio utebatur. Sircii constituto Sacerdotes, & Diaconi, nonnisi coelibes eligebantur, & clericorum officiis aggregari coeperunt Monachi, quos morum gravitas commendabat. (1)

Post-

(1) Dirutis hoc seculo fanis & simulacris idolorum, plurima erecta sunt Christiani cultus templa. Nam in solo libro III. Vitae Constantini ab Eusebio descriptae numerantur templum ad Sepulcrum Domini cap. 33. Betlehemiticum ab Helena illius matre constructum cap. 43. magnificentissimum in honorem Salvatoris Nicomediae cap. 50. in loco, quod vocabatur Mambre, cap. 51. apud Heliopolim cap. 58. &c. De Ecclesiis autem imperante, & adjuvante Constantino Romae, Albani, Neapoli, Constantinae in Numidia, & in regia praesertim urbe Constantinopolis, legendum Opus Joannis Ciampini de Sacris Aedificiis a Constantino Magno constructis. Complura quoque Theodosius Magnus, ejusque filii Arcadius & Honorius construxerunt. Dirutum inter alia *Consule Manlio*, nempe anno 399. Carthagine simulacrum *Caelestis*. Hinc S. P. Augustinus lib. 18. de Civit. Dei cap. 54. demonstrat quam falsum sit iactatum a Gentilibus oraculum, per annos solummodo 365. Christi nomen fuisse colendum, postea vero religionem nostram penitus fuisse delendam. Lege & Prosuperum lib. 3. de praedict. capite 38. Ubi *Caelestis*, seu Junonis, erat templum, consecrata est ab Aurelio Carthaginiensi Antistite

POSTQUAM enim in Thebaide Eremiticæ vitæ tyrocinia posuerat *Paulus* vita functus anno 343. ætatis suæ 113. cœperunt Monachorum propagari instituta, *S. Antonius* Abbas iis vivendi leges præbuit anno 310. Paulo post *Pachomius* auctor fuit Tabennesium. *Basilius* regulas Monachis tradidit circa annum 363. Instituit etiam Congregationem & monasterium erexit an. 380. *S. Ambrosius*. Institutum monasticum in Italiam a *S. Athanasio* allatum, invexit in Africam *Augustinus*, & prope Tagastem cum *Eremitis* exercere cœpit anno 387. Idem creatus Hipponensis Episcopus communem vivendi formam anno 395. præscripsit clericis; unde *Canonicorum Regularium* Augustinensium manavit Ordo. Maronitæ in Syria a *Marone* monacho ac presbytero religiosissimam vitam agente ad Oronthem non procul ab Apamea, hoc exeunte sæculo originem nomenque traxerunt.

A P P E N D I X

DE REBUS EXTERNIS MEMORABILIBUS.

BELLA Cæsarum, aliorumque, eventus quosdam memoria dignos, Scriptoresque celebres breviter recensēbimus. Constantinus Magnus (1) post cædem Maxentii, anno 313. in Gallias concesserat, rebus cum Licinio com-

amplissima Ecclesia. Condita Constantinopoli a *S. Gregorio Nazianzeno* Sacra ædes, quam *Constantinianæ* nominavit, quod illic fides languescens videretur revixisse. Vide ejusdem Gregorii orationem 32. Distinguenda hæc est ab *Anastasia* Ecclesia Novatianorum memorata a *Socrate* lib. 2. cap. 38. Idem Historicus lib. 6. cap. 6. laudat templum *S. Euphemii* Chalcedone, ubi inter *Gainam* & *Arcadium* Imp. inita concordia fuit. Meminit quoque eo loci Constantinopolitanæ Ecclesiæ Gothorum, & alterius Joanni Apostolo dicatæ, quæ ab urbe distabat septem millibus passuum. De *Serapio* Paganorum templo in Ecclesiam Alexandriæ commutato legendus *Sozomenus* lib. 7. cap. 15. Circa annum 330. *Praxerius* Abyssinos ad Christi fidem convertit.

De Monachis in Thebaide degentibus, eorumque institutis & disciplina, item de Scetienisibus, de Nitriensibus, & monasteriorum Cellis, de Palæstinis, Syris, & Edessenis, vide *Sozomenum* lib. 6. Palladium in *Hist. Lausiaca*, &c.

(1) Superatus Maxentius an. 312. VI. Kal. Novem. De cælesti signo, quod Constantino M. apparuit, vide *Euseb.* lib. 9. *Hist. E.* cap. 9. & lib. 1. de Vita Const. cap. 40. ubi etiam inscriptio posita ad basim statuæ suæ dextera vexillum crucis gestantis: quam statuam illam esse puto, quæ servatur in atrio Basilicæ Lateranensis a *Clemente XII.* exornatæ. Vide & librum de Mõrtib. Pers. c. 40. notasque *Stephani Baluzii*, & *Gisb. Cuperi*,

compositis; sed bellum inter illos anno 315. exortum est, mortuo etiam Maximino: qui anno 313. a Licinio in Illyrico devictus fugit in Asiam, & Tarfi in Cilicia toto corpore exeso, & desiliens e capite oculis miserrime periit. (1) Bellum tamen Augustorum aliquandiu cessavit, inito rursus fœdere. Sarmatas anno 316. Constantinus expugnavit, occiso illorum rege Rosimundo. Gallicanus dux eodem anno Scythas compressit. Exortum iterum anno 323. bellum inter Licinium & Constantinum: at Licinius tribus præliis a Constantino victus sese imperio abdicavit, per uxorem Constantiam Constantini sororem impetrata salute. Verum idem Licinius anno 325. Thessalonicæ novas res molitus fracto gutture occiditur, illata etiam morte Martiniano, quem Cæsarem nominaverat. (2) In Gothos anno 332. Constantinus victrices manus convertit, eosque apud Sarmatas debellavit. Quando prope Nicomediam anno 337. decessit, parabat adversus Persas expeditionem. Constantinus Junior anno 340. intulit bellum Constanti, & latrocinii specie in illius fines irrupit; sed interfectus, & in Alsam fluvium (3) projectus fuit. Domuit anno 341. Constans Francos. Contra Magnentium, qui anno 350. apud Augustam arripuit imperium, & Constantem occidit, anno proximo 351. castra movit Constantius. Pugnatum apud Murfam in Pannonia; ac primum vires Romani imperii fuerunt attritæ: victus tamen Magnentius, qui desperatis rebus anno 353. apud Lugdunum seipsum intemit quemadmodum apud Senones laqueo sibi mortem intulit Decentius, quem ille Cæsarem appellaverat. Julianus anno 357. iugentes Germanorum copias apud Argentoratum fudit, capto Chonodomaro rege. Gerebat anno 363. bellum

(1) *Maximus bellaturus cum Licinio Jovi votum vovit, ut si victoriam retulisset, Christianorum nomen extingueret, funditusque dele-ret. Licinius autem ab angelo præmonitus cum toto exercitu preces obtulit summo Deo. Pugnatum pridie Calendas Majas.*

(2) *Divisit Constantinus anno 330. Romanum Imperium in duas partes, Orientis unam, Occidentis alteram; unde Aquila Imperii stemma pingitur biceps: quo pertinet versus,*
Picta biceps Aquila hinc Occasum, hinc adspicit Ortum.

(3) *Non procul ab Aquileja.*

lum contra Persas, dum miserabili, ut supra dictum est, periit fato. (1) Valentinianus anno 370. Saxones eiecit e Galliis : 371. in fugam vertit Germanos. Gothi, qui anno 376. ad Hunnis expulsi, permissu Valentis in Thracia sedem fixerant, fame compulsi propter avaritiam Maximi ducis, anno 377. rebellarunt a Romanis; & ipso ac sequenti anno Romanorum legiones in Thracia internecione penie deletæ sunt. At anno 380. Theodosius multis præliis Gothos vexavit, eosque expulit e Thracia. Idem Theodosius anno 386. delevit Guttungos Istrum transgressos. Superavit quoque anno 388. tertio ab Aquileja lapide Maximum, qui imperium per seditio- nem usurpaverat. Tanta demum sorte anno 394. prostra- vit ingentem Gallorum & Francorum exercitum ab Eu- genio tyranno collectum, ut vento vehementer flante ho- stium tela in ipsos retorquerentur. Hinc Claudianus ita adloquitur Theodosium,

*O nimium dilecte Deo, cui militat æther,
Et conjurati veniunt ad classica venti.*

DIXIMUS de præliis : eventus modo attingamus alios. Anno 326. Crispus Constantini filius occisus est, quasi de stupro Faustam novercam interpellasset. Interfectus est

(1) Quidem a S. Mercurio Martyre Julianum lancea transfixum scripsere. Morieos vero cruorem e vulnere manantem manu haustum projecit in aerem, dicens, *Vicisti, Galilee, vicisti*. Obiit .2. imperii anno, ætatis suæ 31. Exultum anno 368. igne ad preces S. Babylæ M. e cælis emissio templum Apollinis in Daphne scribit S. Joannes Chrysostomus orat. in Babylam, & contra Gentes, necnon Sozomenus lib. 5. H. E. cap. 20. Fuerat primum Julianus in Ecclesia Lector, basilicam in honorem Martyrum construxerat, revocaverat ab exilio pulsos a Constantio Episcopos, Meletium Antiochenum, Athanasium Alexandrinum, Eusebium Vercellensem, Luciferum Calaritanum, &c. Factus autem apostata *Apollinem Pythium* apud Daphnem consuluit, sacra vasa in publicum ærarium jussit interri; templorum fores obstruxit, sacram mensam fertur perminxisse. Christianis, quos *Galileos*, aut filios *Galilææ* um appellabat, inhibuit studia, eosque expelli mandavit a militia, in urbe Paneade subversa statua, quam erexerat mulier a profluvio sanguinis a Christo liberata, propriam locavit, igne e cælis elapso statim discissam, Judæis indulgit, ut rursus Jerosolymitanum templum erigerent; quod terræmotu lapides diruente, flammisque e fundamento erumpentibus perterriti, dispersi, consumpti frustra tentarunt. Eodem momento, quo contigit, scelestissimi principis cædes revelata divinitus fuit *Juliano* Sanctissimo anachoretæ. Hæc ex Socrate lib. 3. Sozomeno libro 5. Theodoro libro 3. Ecel. H. & ex Marcellino, aliisque Historicis deprompta sunt.

est etiam Licinius Junior filius Licinii A. & Constantiæ, juvenis innocens & egregius. Helena ad levandum dolorem Jerosolymam profecta, illic Crucem Domini humi defossam invenit. Encænna novæ urbis Constantinopolis anno 330. celebrata fuere, cunctis idolorum templis everlis. Interfectus anno 354. in stria jussu Constantii patruelis sui Gallus Cæsar ob affectati Imperii suspicionem. Terræmotu anno 365. adeo totus orbis concussus est, ut mare litore egrederetur, & populi innumerales opprimerentur. Prodierunt anno 379. ex peninsula Scandia (1) Langobardi, regionemque Vandalorum occupare. Anno 390. ignea columna visa est per dies triginta ex aere pendere cum magno omnium terrore: ejecta ab Arcadio privigno Galla Placidia; & patrata a Theodosio cædes Thessalonicensium, quod interfecissent Boterichum præfectum militum in Illyrico. Postremo hujus seculi anno Alaricus Gothorum ductor e Pannonia (2) in Noricum, hinc vero in Italiam per saltus Tridentinos irrupit.

CONSCRIPSERUNT hoc seculo historias *Asclepiodotus* a Vopisco laudatus: *Trebellius Pollio*, qui Volumen historicum inscripsit *de XXX. Tyrannis*, inter quos Valentem falso connumerat: *Julius Capitolinus*, in quo Sigonius reprehendit nimiam verbositatem: *Ælius Lampridius*, dictus *pedester & humilis*: *Flavius Vopiscus*, qui trigam edidit imperatorum, *Cari*, *Numeriani*, & *Carini*, & vitam Aureliani: *Ælius Spartianus*, cujus pauca extant excerpta: *Aurelius Victor*, cui tamen supponitur libellus inscriptus, *Origo Gentis Romanæ*: *Eutropius* Sophista, & *Sextus Rufus* vir Consularis, qui Epitomes, seu Breviaria ediderunt: *Ammianus Marcellinus*, cujus libri primi XIII. perierunt, veritatis studiosissimus scriptor: *Eunapius*, cujus extat *de Vitis Sophistarum* Opus elegans & venustum. Varie autem scientiarum genere claruerunt *Chalcidius*
Timæi

(1) Scandia inter mare Svecicum ad austrum, & Septentrionale ad Arctos, sive inter Norvergiam & Sveciam. *Vagina* dicitur a Jornande, quod inde Gothi, Vandali, & Langobardi prodierint ad aliorum perniciem.

(2) Pannonia Europæ regio inter Danubium & Savum, atque inter Noricum & Mysiam. Noricum complectitur Austriam, Stiriam, Carniolam, Carinthiam, partem Bavianam, necnon loca quædam Comitatus Tyrolensis Boream versus.

Timæi Platonis commentator: *Jamblichus* Porphyrii discipulus, qui erudite scripsit de *Chaldaeorum, Ægyptiorumque mysteriis*: *Themistius* philosophus, doctissimus. Aristotelis Paraphrastes: *Julianus* A. historicus & rhetor, (1) Deo simul & hominibus exosum animal: *Macrobius* reconditæ scientiæ auctor, omnigena in *Saturnalibus* argumenta pertractans: (2) Poetica insuper arte excelluerunt *Aurelius Prudentius*, quem Card. Bona appellabat *Pindarum Christianum*: *Ausonius* Burdigalensis, in quo multiplex eruditio, ingenium peracutum, sed duriusculus stylus: & *Claudianus* Latine, & Græce doctus, ut in eum diceretur anima Virgilii, & Homeri transfusa. (3) Denique adversus Christianam religionem scripserunt *Hierocles* Philosophus, & *Alexandrinæ Urbis Præfectus*, quem refutavit Eusebius: *Libanius* Antiochenus Sophista, cujus auditor fuit S. Jo. Chrysostomus adolescentulus. (4) *Aur. Symmachus* urbis Senator, quem strenue confutavit S. Ambrosius; & *Maximus* Madaurensis irrisor Martýrum, cujus ludicram ineptamque nugacitatem S. P. Augustinus perstrinxit.

Tom. I.

K

QUIN.

(1) De *Juliani* libris. adversus religionem Catholicam refutatis a S. Cyrillo Alexandrino, & reliquis a Petavio illustratis, vide Caveum in Seculo Ariano. De libro, quem inscripsit, *Μισοχριστιανισμὸς*, Sozom. lib. 5. cap. 19.

(2) *Pappus* Alexandrinus Philosophus a Suida laudatus, & *Rufus Pestus* *Avienus* illustris poeta, qui floruerunt postremis Theodosii Magni temporibus.

(3) Quidam Florentinum faciunt, cum tamen fuerit Alexandrinus.

(4) Huic Libanio petenti a ludimagistro Christi cultore quid ageret filius fabri, responsum fuit: *Conditor universi, quem tu per ludibrium fabri filium appellas, ligneum secerat domino tuo Juliano fabricatur*. Id contigit paulo ante Juliani obitum. Conferantur verba Sozomeni libro 6. H. E. cap. 2. cum iis, quæ leguntur apud Theodorum lib. 3. cap. 23.

QUINTUM ECCLESIAE S E C U L U M.

C A P U T I.

ENUMERANTUR PONTIFICES MAXIMI.

PASTORES Romanæ Ecclesiæ quinti Seculi sunt, *Innocentius I. Zosimus, Bonifacius I. Cælestinus I. Sixtus III. Leo Magnus, Hilarus, Simplicius, Felix III. Gelasius I. Anastasius II. & Symmachus*, omnes albo Sanctorum adscripti.

XLII. INNOCENTIUS I. Albanensis inauguratus anno 402. (1) causæ S. Joannis Chrysostomi contra Theophilum Alexandrinum patrocinatus, pulsus ex Urbe Novatianis, & Pelagianis, ut verbis utamur Prosperi, Apostolico mucrone percussis, post annos Pontificatus 13. *Goss. Honorio A. XI. & Fl. Constantio II.* anno 417. celsit e vita.

XLIII. SUBROGATUS est *Zosimus* Græcus genere, qui cum Cælestio aliquando lenius se gessit, sed ejus fraude detecta, ipsum, ceterosque Pelagianos damnavit; obiitque post annum Episcopatus in *XII. Consalatu Honorii A.* anno 418.

XLIV. ECCLESIAE deinde præfuit *S. Bonifacius* Rom. quamquam perpauci favore Symmachi P. V. Pontificem nominarent Eulalium Archidiaconum; quem Honorius principio favore persecutus, ut ex urbe pellefetur mandavit, Bonifacio munus suum obeunte ad annum usque 423. quo e vita migravit *Consule Mariniano*.

XLV. POST hunc sedit ultra annos 8. *S. Cælestinus I.* qui Novatianos ejecit, Nestorianos damnavit, Semipelagianos compescuit, & concessit naturæ VIII. Id. Apriles *Goss. Valerio, & Aetio*, anno scilicet 432.

XLVI. INAUGURATUS tum Pontifex *Sixtus III. Julia-*
ni

(1) Qui Pagii sequuntur Chronologiam Innocentium creatum Pontificem trahunt anno 401. *Cælestinum* anno 422. *Simplcium* añ. 468. In ceteris vero nulla est discrepantia.

ni Eclanensis, aliorumque Pelagianorum insectator acer-
rimus. Qui administrato annis fere 8. Pontificatu, obiit
V. Cal. Apriles anno 440. (1) *Coss. Valentiniano A. V.*
& *Fl. Anatolio.*

XLVII. S. Leo I. hæreticorum omnium, præsertim
Eutychianorum oppugnator, sanctitate, sapientia, facun-
dia, qua Attilam, & Gensericum linivit, ac deterruit,
verè Magnus, & jure, meritoque a Benedicto XIV.
declaratus Ecclesiæ Doctor, successit Sixto, & supra
annos 20. rexit Ecclesiam, mortuus *Coss. Dagalapho &*
Severino, an. 461.

XLVIII. Suffectus Leoni M. *Hilarus* natione Sardus.
(2) Is Eutychem, Nestorium, & Macedonium rursus
damnavit; obiitque IV. Idus Septembris anno 467. *Coss.*
Pufæo & Joanne.

XLIX. Decessorum exempla secutus S. Simplicius Ti-
burtinus irritos reddidit Eutychianorum, iisque faventium
Zenonis Augusti, & Acacii conatus, præfuitque Eccle-
siæ ultra annos 15. vitæ sanctus *Consule Anicio Fausto*,
nimirum anno 483.

L. Pontificatum deinde auspiciatus est Felix III. qui
rejecit Zenonis *Henoticum*, (3) & anathemate percussit
Acacium C. P., Petrum Moggum, & Fallonem, obiit-
que nono Pontificatus anno, V. Æ. 492. *Anastasio A. &*
Ruso Coss.

LI. Sedit post Felicem S. *Gelasius* Afer, corporeis vin-
culis solutus anno Episcopatus sui quinto, *Post consula-*
tum Viatoris, idest, an. 496. post expunctum e diptychis
Acacii nomen, ejectos Manichæos, recisa germina Pela-
gianorum, Canonicos ab apocryphis libris distinctos, sub-
lataque Lupercalia.

K 2

LII.

(1) Id confirmatur auctoritate S. Prosperi. Supra 40. dies Roma-
nam Ecclesiam fuisse sine Antistite, mirabili pace ac patientia expectan-
do adventum Leonis Diaconi, scribit idem Prosper.

(2) *Hilarus* vulgo dictus. Defunctum expletis sex Sacerdotii sui an-
nis tradit etiam Idatius in Chronico. *Hilarus* dicendus; nam extant ad
Lateranum Inscriptiones: *Hilarus Episcopus plebi Dei. In honorem Joan-*
nis Baptiste Hilarus Episcopus Dei famulus offert. Liberatori suo Joan-
ni Evangelista Hilarus Episcopus famulus Christi.

(3) Decretum *Univsum*, seu *Conciliatorium*, latum in favorem Eu-
tychianorum, ut in communionem reciperentur a Catholicis.

LII. Tenuit postea Episcopatum *Anastasius II.* Romanus, pro Orientalis & Occidentalis Ecclesiæ unione, quam epistolis, legatis, probatisque ordinationibus Aca-cii a communione segregati, curavit quammaxime, mi-rum in modum sollicitus: defunctus 2. Pontificatus an-no, *Æ. Com. 498. Consule Decio Paulino.*

LIII. Deinde euectus est ad supremum Ecclesiæ regi-men *Symmachus* e Sardinia, Pontificatu functus summa animi constantia adversus schisma *Laurentii* ultra annos 15. Fuit enim illi extrema dies XIV. Cal. Augusti an-514. *Consule* absque collega *M. Aur. Cassiodoro Sena-tore.*

PATRIARCHARUM NOMINA.

ALEXANDRINÆ Ecclesiæ præfuerunt post *Theophilum*, *Cyrillus*, *Proterius*, *Timotheus Solophaciatus*, *Joannes Ta-bia*, Eutychianis prætermis: Antiochenæ post *Flavia-num Porphyrius*, *Alexander*, *Theodorus*, *Joannes*, *Domnus*, *Maximus*, *Basilus*, *Martyrius*, *Julianus*; *Joannes*, *Stepha-nus* alter martyr, *Calendio*, *Palladius*: Jero-solymitanæ post *Joannem Praylius*, *Juvenalis*, *Anasta-sius*, *Martyrius*, *Salustius*, & *Elias*.

C A P U T II.

SÆCULI ECCLESIAE V. CONCILIA.

IN TRES classes plura Seculi V. Concilia dividimus, quæ adversus hæreticos, quæ pro variis disciplinæ ca-pitibus, & quæ rejicienda sunt, secernentes.

ADVERSUS Donatistas, Pelagianos, Nestorianos, & Eutychianos celeberrimi habiti sunt sacrorum Antistitum conventus: & primo contra Donatistas in Catholicos armis irruentes anno 404. congregati *Carthagine* Episco-pi *Afri* ediderunt *Commonitorium Synodicum* ad *Honorium Augustum*. Duobus proximis annis 405. & 406. in eadem Urbe Episcopi congregati de ipsorum Donatistarum, & paganorum molitionibus certiores reddiderunt Im-peratorem, & contra illos *Honorii* obtinuerunt Re-

Rescripta . Synodos eandem ob rem coegerunt anno 408. & 410. & impetrarunt a principe , ne palam convenirent , ritusque suos exercerent , proscriptionis ac mortis poena proposita . Habita anno 411. celebris *Collatio Carthagenensis* coram Marcellino Tribuno , triplici absoluta congressu . Convicia , & mendacia in Collationem illam a Donatistis conficta , refutata fuerunt in Concilio *Cirtensi* , habito in Numidia anno 412.

CELEBRATAS in causa Pelagianorum 24. Synodos , Augustino superlitate , enumerat Garnerius ; sed celebrior tantummodo recensebo . Primo Pelagius & Cælestius damnati fuerunt in Synodo *Carthagenensi* sub Aurelio anno 412. In *Ierosolymitana* sub Joanne an. 415. In *Diospolitana* , ubi tamen Pelagius callide fidem suam occultavit , anno ipse 415. sub Eulogio . In *Milevitana* sub Primate Numidæ Silvano , anno 416. In *Romana* sub Innocentio I. anno 417. & in altera eodem anno sub Zosimo . In *Constantinopolitana* sub Attico , & in *Antiochena* sub Theodoto , eodem pariter anno . In plenaria *Carthaginiensi* ex omnibus Provinciis Africæ anno 418. ab Aurelio collecta . *Anazarbi* in secunda Cilicia sub Maximiano anno 422. In *Africana* Universali , & in *Romana* sub Cælestino , anno 425. In *Arelatensi* sub Honorato anno 427. Post Augustini autem obitum damnati fuerunt Pelagiani in Concilio *Ephesino* , de quo infra.

ADVERSUS Nestorianos indixere Synodos *Roma* Cælestinus anno 430. & seq. quo tempore etiam *Alexandria* Concilium coegit S. Cyrillus . Anno autem 431. Pontificis nutu , ac Theodosii Divali habita est Synodus *Ephesina* , inter Œcumenicas III. S. Cælestinus vices suas commisit Cyrillo . Interfuerunt Episcopi 274. Damnatus Nestorius , & rursus Pelagius : una in Christo propugnata persona , atque intra utramque naturam unitio , quam Theologi appellant *Hypostaticam* . Virgo Maria declarata est *Θεοτόκος* . Nestoriani *Simoniani* dicti fuerunt , eorumque libri proscripti anno 435. in Concilio *Armenorum* .

HÆRESIM Eutychianam Nestorianæ oppositam , & unam asserentem Verbi Incarnati naturam , proscripsit anno 448. Synodus *Constantinopolitana* sub Flaviano , & alia ibidem celebrata anno 450. Proximo anno 451. Marciano Imperante celebratum est Concilium *Chalcedonense* , quod est Œcumenicum IV. convenientibus 690. ut fertur ,

Episcopis. Dammati sunt Eutyches & Dioscorus : approbata Leonis Magni *Epistola ad Flavianum*, atque actitata est causa Theodoretī, & Ibae Edesseni. Synodis istis contra hæreses celebratis adde Romanum anni 444. sedente Leone Magno contra Manichæos, & plenariam *Hispanicam* anni 447. adversus Priscillianistas, de cujus loco non constat.

FIRMATA Ecclesiæ disciplina anno 401. circa parvulos ab hæreticis baptizatos in Concilio *Africano* : de causis Episcoporum synodali iudicio finiendis anno 402. in Concilio *Numidia* : de reconciliandis Donatistis anno 403. in Concilio III. *Carthagineusi* : de irritis ordinationibus anno 405. in Synodo *Toletana* : de Andronico. Libyæ Præfecto anathemate a subditorum vexatione cohibendo, anno 411. in Synodo *Ptolemaidis* : de electione Heraclii, ut Augustino in Episcopatu succederet, anno 426. in Synodo *Hipponensi* : de purgatione criminum, quorum infimulabatur Sixtus, anno 433. in Concilio *Romano* : de rebus multis ad ius Ecclesiasticum pertinentibus anno 441. in *Arausicana* : de diversis Ecclesiasticis legibus an. 452. in Synodo *Arelatensi* ; & de retinendis, rejiciendisve libris in *Romana* Gelasii anno 494.

REPROBATUR Synodus *ad Quercum* prope Chalcedonem anni 403. sub Theophilo Alexandrino contra S. Joannem Chrysostomum : *Latrocinialis Ephesina* pro Eutycheto anno 449. sub Dioscoro, cujus acta statim Leo Magnus abolevit. *Constantinopolitana* Eutychianæ factionis anni 496. qua approbatum fuit Zenonis *Henoticum* ; & *Constantinopolitana* celebrata Anno 499. jussu Anastasii Imp. in qua *Epistola* S. Leonis Papæ, Concilium Chalcedonense, omnesque confitentes duas in Christo naturas impio damnati sunt anathemate.

C A P U T III.

EXORTÆ QUINTO SEculo HERESSES.

CONSTAT ex dictis, tres erupisse quinto seculo hæreses præcipuas, Pelagianam, Nestorianam, & Eutychianam. Priori nomen dedit *Pelagius* Britannus ; ex eo Monachorum genere, qui sui juris adinstar philosophorum vivebant. Fuit Romæ sedente Anastasio, atque

que inde discessit circa annum 409. Ibi audivit Rufinum, scripsitque librum *Eulogiarum*. In Siciliam cum Cælestio, hinc in Africam, mox in Palæstinam transiit. Vivebat adhuc anno 420. Post hæc tempora altum de illo silentium. Negavit originale peccatum transfundi in posteros Adæ, & a gratia præveniri liberum voluntatis arbitrium, affirmans eandem gratiam dari secundum merita nostra. Pelagii hæresis etiam *Cælestiana* dicta est a Pelagii discipulo *Cælestio*, quem alii Scotum faciunt, alii Campanum. Affinis Pelagianæ hæresi fuit error *Semi-pelagianorum*, qui licet Christi gratiam necessariam assererent ad faciendam perficiendamque iustitiam, illam tamen non requirebant ad initium fidei, & ad primum bonæ voluntatis affectum. (1)

CONJUNCTI necessitudine quadam erroris Pelagianis fuerunt *Nestoridæ*; nam hi dogmatizabant Christum *purum* hominem natum ex Virgine, suisque meritis, & liberi arbitrii viribus ad talem gratiam pervenisse, ut Filius Dei diceretur. Haussit hoc venenum a Theodoro Mopsuesteno *Nestorius* Syrus, qui anno 428. Sissio successit in Episcopatu C. P., & duas in Christo dogmatizans personas, seu Deum hominemque, non *ὑποστασιν*, sed morali tantum unionem conjunctos, contendebat Virginem hominem peperisse, non Deum, ac proinde *Χριστοτόκον*, non *Θεοτόκον* esse vocandam. Damnatus a Patribus Ephesinis, & in exilium pulsus, post multos errores periit circa an. 440. Oasi in Libya terræ allisus, eique crofa vermibus lingua. (2)

K 4

Eu-

(1) Inter propugnatores hæresis Pelagianæ, post eos, qui tejesdem hæresis sparserunt semina, *Origenem*, *Theodorum*, *Rufinum*, & *Anianum* Diaconum Celedensem, principem locum deberi *Juliano* [Eclanensi Episcopo, cui cum Augustino diuturnum fuit acerrimumque certamen, nemo unus ignorat.

(2) Præfulerat Nestorio *Theodorus Mopsuestenus*, qui plurimum laudatur a Theodoro lib. 5. Eccl. H. cap. 40. & ab aliis citatis eo loci a Valesio. Hujus rei causa Historia illa rejicitur a Gregorio Magno epist. 31. libri 6. De Theodoro plura Norisius in disert. de 5. Synodo, & Garnerius de primis auctoribus hæresis Pelagianæ. Fuit Theodorus patria Antiochenus, acceptumque a Paulo venenum in Pelagianos, Nestorianosque transfudit. Ad Nestorium quod attinet, non defuerunt qui hunc defendere, & S. Cyrillum ejus oppugnatorem vellicare, po-

EUTYCHIANIS nomen dedit *Eutyches* C. P. Archimandrita. Is jam senex circa an. 448. cœpit asserere unam esse in Christo naturam, ex divina atque humana permixtam. Magna nactus est patrocinia; eique adhæserunt *Dioscorus* Alexandrinus, & qui ejusdem factionis subsecuti sunt, *Timotheus* Ælurus, *Petrus* Mogus, *Athanasius*, *Joannes* Hemula, necnon *Petrus* Fullo, qui anno 471. Sedem invasit Antiochenam, quique *Trisagio*, ut Divinam naturam passam assererent, additamentum illud apposuerunt, *Qui crucifixus es pro nobis*, ab aliis tamen Catholico acceptum sensu, relatumque ad secundam Trinitatis personam, non ad divinitatis substantiam. His quoque accessere, qui pugnantes pro Zenonis *Henotico* communionem cum Eutychianis servabant. (1)

PRÆTERMITTENDA non est hæresis *Vigilantii*, quem joco S. Hieronymus vocabat *Dormitantium*, improbantis cultum Martyrum Reliquiis exhibitum, cereosque in illorum Memoriis accensos: *Acephalorum*, qui duce Severo, a quo & *Severiani* dicti sunt, neque Catholicis, neque hæreticis copulabantur; neque cum suo conveniebant Episcopo, *Acephali* idcirco appellati, scilicet, sine capite: *Abelianorum* denique, qui ab Abele sese denominantes continentiam profitebantur, & quamvis nuptias contraherent, numquam tamen fas esse putabant dare operam gignendis liberis; atque ne destituerentur heredibus, filios inopum finitimorum adoptabant. Prope Hipponem
re-

stremis quoque temporibus, studuerunt: sed quam longe a veritate, & a fide Nestorius aberraverit, demonstrant Scripta collecta Tomo III. Biblioth. Orient. Clement. Vatic. p. 2. a viro Cl. Jos. Sim. Assemano. Nestorium a Leporio monacho seductum ait Cassianus.

(1) *Syneſius Cyrenensis* philosophus præstantissimus, & ex gentili Christianus, atque Episcopus Ptolemaidis haud recte sensit de corporum resurrectione, saltem ante Episcopatum, ut scribit Evagrius lib. 1. c. 15. Exponebat enim eandem resurrectionem juxta Platoniorum, Origenisque sententiam. Ejus ad Euoptium Epistolam 105. in qua agit de resurrectione, & de uxore retinenda, haud serio fuisse scriptam censet ad annum 410. Ven. Baronius. At aliud est Petavii, Valesii, & Holſtenii judicium. Cum *Syneſius* dicatur, admonente Theophilo, veram sententiam amplexus, nolumus illi injuriam irrogare ipsum inter hæreticos recensendo.

regium habitasse, sed ad mentem saniozem revocatos, asserit Augustinus. (1)

CAPUT IV.

DE SCRIPTORIBUS QUINTI SECLI
PRÆSTANTISSIMIS.

ANNUS 420. supremus fuit *Hieronymo* Stridone in Dalmatia nato, & in Latino, Græco, Hæbreoque sermone, cunctisque disciplinis doctissimo. Natus dicitur anno 329. & vita functus ætatis suæ 91. in secessu Betlehemitico, Donatum in Grammatica, Victorinum in Rhetorica, Didymum in Græcorum doctrina, Bar-haninan in Hebraicis litteris habuit institutores, & a Paulino Antiocheno presbiter fuit ordinatus (2). Quantum in sacris litteris enituerit, divina ejus Bibliotheca demonstrat, sacros scilicet complectens Hebræorum, Græcorumque

(1) Commemorant nonnulli hæresim *Prædestinationorum* exortam, ut ajunt, in Africano monasterio Adrumeti: sed nos arbitramur esse fictitiam. E Chronico Edessæ edito in Bibliotheca Orientali ab Assemanio habemus anno 428. emerxisse hæresim asserentium *peccatum natura insitum*. Illustris Editor legendum putat, *nequaquam natura insitum*. Si id probes; nova non est hæresis, sed Pelagianorum, negantium originale peccatum, & adstruentium *impeccantiam*: at si priori lectioni adhæreas, hæc hæresis Manichæismi est germen, vel turculus. Præter Fortunatum, Adimantum, Felicem, Secundinum, Faustum, aliosque Manichæos refutatos a S. P. Augustino, mulier etiam quedam, *Julia* nomine, Manichæa multos apud Gazam Palæstinæ urbem seduxit, sed cum S. Porphyrio Episcopo ausa inire disputationem infelici morte preempta est, ut legitur apud Surium ad diem 26. Februarii.

(2) Cum S. Hieronymus fuerit presbyter Antiochenæ Ecclesiæ, & non Romanæ, ut ipse testatur ep. ad Pammachium, negant complures, inter quos lib. 1. de Cler. cap. 16. Ven. Bellarminus, connumerandum illum esse inter S. R. E. Cardinales; quamvis id singulari Opusculo demonstrare conatus fuerit Alphonsus Ciacconius. *Rufinus* adversarius Hieronymi plura conscripsit, & Eusebii Historiam latinitate donavit, uti & Josephi libros, multumque pro Origene adlaboravit. Num ab isto, vel a *Rufino* alio Syro Cælestius acceperit non dari traducem originalis peccati, non eadem est recentiorum Criticorum opinio.

que Codices, quos latinitate donavit. Illustravit eosdem libros exquisitissimis Commentariis: eloquenti stylo instruxit matronas, virgines, monachos, & cujusque generis viros: acriori Helvidium, Jovinianum, Vigilantium, necnon Rufinum, cunctosque sibi adversantes pupugit.

QUID dicendum est de *Augustino*? Natalis ei annus 355. emortualis 430. Mirum ejus ingenium ostendit, quod adolescentulus in patria Tagaste Grammaticam, & Carthagine Rhetoricam docuerit artem, & superiores disciplinas nulla tradente didicerit. Paganos aureo *de Civitate Dei* Opere confutavit. Donatistas, Manichæos, Pelagianos, ceterosque ævi sui hæreticos, exagitavit libris numero, doctrina, ac pondere argumentorum magno pretio æstimandis. Conciones quoque, & epistolas conscripsit plurimas, & in sacris explanandis libris egregiam navavit operam. Nihil eo humilior, nihil humanius, nihil indefessum magis, & in Ecclesiasticis & civilibus negotiis pertractandis magis assiduum. Ecclesiæ fulgidissimum Lumen, Scholasticorum Theologorum Ducem, & Gratiæ & Caritatis Magistrum universi appellant, atque suspiciunt.

CONDIGNA ulterius habenda est mentio *S. Cyrilli*, qui fuit in Episcopatu Alexandrino successor Theophili vita functi anno 412., & Nestorianæ hæresis invictissimus opugnator; quamvis in eo redargutus a Theodoro, aliisque, quod Verbi Incarnati dixerit *μία ενσώματος*, *Unam Naturam*. At certum est *ούτος* vocabulum loco *ὑποστάσις* usurpasse ad unam significandam Christi personam. Præter quinque contra Nestorium libros, ac de Trinitate, de Incarnatione, de recta Fide, & suimet apologias, & homilias, epistolasque permultas, decem libros edidit contra Julianum, atque in Pentatheucum, in Prophetas, & in Evangelium Joannis locupletissima Commentaria. Obiit autem Fidei athleta anno *Æ. Chr. 444.*

UT CONTRA Nestorianos Cyrillum, ita contra Eutychem Deus defensores Ecclesiæ suæ suscitavit: inter quos *Leonem I.* Romanum Pontificem, & *S. Petrum Chrysologum* Ravennatem Antistitem. Is natus apud Forum Cornelii a Sixto III. præmonstrantibus Petro Apostolo, & Apollinare Martyre, consecratus est Epi-

Episcopus Ravennæ, æque ex hac vita migravit circa annum 450. Præter Sermones tali conscriptos facundia, ut inde illi accesserit *Chrysologi* cognomentum, hortante prælaudato Leone Magno scripsit ad Chalcedonense Concilium contra hæresim Eurychetis, necnon ad Eutychem ipsum, ut hæresiarcham revocaret ad frugem.

QUAMQUAM vero hætenus laudati quinto Ecclesiæ Seculo lucem attulerint splendidissimam; non defuerunt tamen præclarissimi Scriptores alii, qui vel eruditionis ornatu, vel rerum gestarum narratione, vel sacra etiam poesi locum in hac Epitome sibi vindicant. Refero ad priorem classem *S. Chromatium* Aquilejensem, quem Hieronymus vocat sui temporis Episcopum doctissimum, & sanctissimum, vita functum anno 413. *Polychronium* Syrum, quem summa cum laude memorat Theodoretus, solum corporis nexu circa annum 427. *Isidorum* a Monasterio Peteusii prope Nilum, denominatum *Peteusiotam*, qui vivebat adhuc anno 430, & decem millia Epistolarum scripsit, si fidem promereatur Nicephorus: *Marium Mercatorem* studiosissimum Augustini, Fideique Catholice adversus Pelagianos, & Nestorianos Vindicem strenuum, ex hac ereptum vita circa ann. 450. *Joannem Cassianum* Scytham, Chrysostomi discipulum, qui decessit Massiliæ, ubi monasterium ædificaverat, anno 448. *Salvianum* ejusdem civitatis presbyterum: *Nilum Niriensem*, & *Honoratum*, *Maximum*, *Hilarium*, *Vincentium* & *Euchezium* Lirinenses Monachos doctrina, & sanctitate percelebres: Sanctum *Remigium* Francorum Apostolum, *Julianum* *Pomerium*, &c. (1).

NARRARUNT vero res in Ecclesia gestas *Sev. Sulpicius*, & *Palladius*, Seculo quinto ineunte: quorum primus natione Gallus *Historiam Sacram* usque ad annum 400. stylo facili, & supra genium Seculi terfo, alter Galata *Historiam Lausiacam* Vitas SS. Patrum narrantem, ita nuncupatam, quoniam ad *Lausum* præfectum

Cu-

(1) Ex his *Cassianum*, *Hilarium*, *Vincentium*, necnon *Faussum* *Rojensem*, & *Gennadium* fuisse Semipelagianos censent viri clarissimi: quod illorum fidei, atque sanctitati non officit; cum error Semipelagianorum quondam fuerit ab Ecclesia proscriptus.

Cubiculi inscripta fuit , de rebus a Chrysostomo gestis , & de Gentibus Indiæ , ac Bracmannibus , sedulo diligenterque conscripsit . Subsecuti sunt Sancti viri , & discipuli Augustini , *Paulus Orosius* , & *Possidius* . Ille Hispanus genere , & presbyter Tarraconensis Historiarum libros 7. contra Paganos , eodem monente Augustino , circa annum 417. complevit : iste autem Calamensis in Africa Episcopus , anno 430. S. Patri morienti adfuit , & res ab eo gestas librosque recensuit . *Paulinus* Mediolanensis Vitam Ambrosii , cuius Diaconus fuerat , & de Benedictionibus Patriarcharum scripta exaravit . Præter Opera alia complura , Ecclesiasticam Historiam ab anno 322. ad annum 427. deduxit *Philothæum* continentem Ascetarum elogia , & Hæreticorum descripsit Fabulas *Theodoretus* genere Antiochenus , & Cyrensis Episcopus ; qui obiit septuagenario major circa annum 457. Vir magnus , quamvis aliquando patrocinnatus Nestorianis . Vixit , floruitque circa eadem tempora *Gelasius* patria Cyzicenus , & Episcopus Cæsareæ in Palæstina , qui Nicænæ Synodi scripsit Historiam . Accinxit se ad Ecclesiæ Historiam scribendam anno 440. *Socrates* C. P. appellatus *Scholasticus* . Hunc Novatianum plurimi vocant , sed nititur vindicare Valesius . Superatur elegantia ab *Hermia Sozomeno Palæstino* , qui per eadem tempora libros novem H. E. edidit , & nuncupavit *Theodosio* . Accesserunt S. *Prosper* Aquitanus Augustinianæ doctrinæ Vindex , cui Chronicum adscribunt deductum usque ad annum 455. (1) *Victorius* itidem Aquitanus , (2) a quo in calculis mathematicis admodum exercitato scriptus est anno 457. *Canon Paschalis* : & *Victor* Vitenfis Episcopus in *Byzacena* Provincia , a quo apud Constantinopolim exule litteris tradita est anno 487. Historia Persecutionis Vandalicæ . Postremo *Gennadius* Massiliensis

(1) Adde Cyclum Paschalem , de quo S. Isidorus Hispalensis lib. VI. Originum cap. 17. & Vossius de Historicis Latinis , &c.

(2) *Victorius* dicitur a Gennadio in Catalogo cap. 38. Hunc Canonem edidit , & Commentario illustravit anno 1633. typis Plantiniani Ægidius Bucherius S. J. De Periodo Victoriana annorum 532. dixi cap. 7. Chronologiæ .

sis anno 495. absolvit *Catalogum Virorum illustrium*, una cum libro de *Ecclesiasticis Dogmatibus* ad R. P. Gelasium.

AT QUINAM stylum in sacra exercuerunt poesi? Initio *S. Paulinus* Nolanus Episcopus patricio genere ortus Burdigalae, & vita functus anno 431. non solum epistolas so. soluta oratione, verum *Natales X. S. Felicis M.* aliaque plura eleganti metro composuit. Tum *Aurelius Prudentius* Hispanus, *Psychomachiam*, *Cathemerinon*, *et el sapient*, *Apotheosim*, *Hamartigeniam*, *contra Symmachum*, idest, de pugna vitiorum & virtutum, hymnos diurnos, de coronis, de divinitate, de peccatorum origine, & contra idolorum cultum, varii & venusti carminis contexuit poemata. *Nonnus Aegyptius* inter cetera scripsit hoc seculo adolescente Græco turgidoque carmine *Paraphrasim* Evangelii *S. Joannis*. *Anicia Falconia Proba*, quæ post captam Romam ab Alarico, anno 410. cum filia Juliana, & nepte Demetriade confugit in Africam, scripsit de rebus a Christo gestis *Centonem Virgilianum*. *Athenais* quoque Athenienſis, anno 432. desponsata Theodosio Imp. & vocata postmodum *Eudocia Augusta*, absolvit *Centones* Homericos, condiditque heroico carmine *Metaphrases*, *Historiam SS. MM. Cypriani & Justinæ*, & Poema de Victoria a Theodosio viro suo e Persis reportata. Etiam prælaudatus *S. Hilarius Arelatensis*, qui in Episcopatu successit *S. Honorato* an. 429., præter decessoris sui vitam, Carmen Heroicum condidit *Historiæ Geneseos*. Adde *Cælium Sedulium* natione Scotum, qui conscripsit Carmen *Paschale* de miraculis Christi, distributum in libros quinque, Collationem utriusque Testamenti versibus Elegiacis, & Jambis *Pæan* inscriptum, Carmen de rebus a Domino gestis: & *C. Sollium Apollinarem Sidonijum* Arvernorum Episcopum, generis claritudine, & multorum librorum soluta, numerisque adstricta oratione conscriptorum illustrem, laudandum rursus in Notis ad proximum caput sextum. Demum *Claudianus Mamertus* presbyter Viennensis, qui florebat circa annum 462. carmine *vanos Poetas* perstrinxit, Hymnosque Ecclesiæ, cui erat additus, concinne digessit.

CAPUT V.

DE AUGUSTIS PRINCIPIBUS, VIRISQUE SAN-
CITATIS EXIMIE.

SUPRA dictum est, defuncto Theodosio M. anno *Æ.* V. 395. incepisse *Honorii*, & *Arcadii* principatum. Iste in Oriente, ille in Occidente imperabat: atque exinde duo distinguuntur Imperatores; vel potius unius Imperii Collegæ; nam leges, & rescripta utriusque nomine signabantur. (1)

IN OCCIDENTE itaque sublato e vivis Honorio Romæ ex aqua intercuti, *Coss. Asclepiodoto & Mariniano*, id. anno 423. die 25. Augusti, & imperii sui a morte patris 28., tyrannidem Ravennæ arripuit primicerius Notariorum *Jaannes*: quem Theodosius Asparem in Italiam mittens oppressit, & ad imperii consortium evexit *Valentinianum III.* filium Constantii Cæsaris, & Gallæ Placidie, anno 425. in consulatu ejusdem *Theodosii XI.* Octobri mense labente. Idem *Valentinianus*, cum manu sua interfecisset Aetium, cujus summam apud milites suspectam habebat auctoritatem, occisus est, *Maximo* instigante, ab Aetii militibus *Trasila*, & *Oprila*, anno 455., se Consule VIII. cum *Anthemio*, 17. die Martii. (2)

Post

(1) Imperante Honorio *Marcellinus*, qui anno 411. præfuit Collationi Carthaginensi, opera Donatistarum martyr occubuit. Sanctiones multas adversus prædictos Donatistas, Pelagianos, ceterosque hæreticos Honorius & Theodosius Junior promulgarunt. Extant in Cod. Theodosiano tit. de Hæreticis. Latè vero contra Pelagianos apud Vossium quoque, Garnerium, Norisium, &c.

(2) Valentinianus III. anno 437. nuptias celebravit Thessalonice cum Eudoxia filia Theodosii Junioris, quæ illi bimula anno 424. fuerat desponsata. Filias ex ea suscepit duas, Placidiam II. & Eudoxiam III. quæ una cum matre captivæ abductæ fuerunt a Vandalorum rege Genferico. Augustus a Theodosio declaratus est anno 435. Maximi, qui in ejus mortem conspiravit, illata vi uxorem vitiaverat. Hanc Procopius lib. 1. de Bello Vandalico, ut formosissimam, ita castissimam vocat.

POST hæc mutata in Occidente Imperii facies. Ex-
tincto enim Valentiniano, ejus imperium, viduamque
Eudoxiam (1) rapuit *Petronius Maximus*, qui capta a
Genserico urbe fugam capessens, impetitus est a conci-
tato populo lapidum imbre, membratim dilaniatus, &
projectus in Tiberim. Sed & imperium ipsum laceratum
est, ac discerptum, Africam Vandalis, Hispaniam Go-
this, Gallias Francis, Italiam permixtis Barbaris occu-
pantibus.

TRUCIDATO tamen Maximo, electus est anno 455.
Fl. Macilius Avitus, qui legatione fungebatur apud Go-
thorum regem Theodoricum. Sed & Avitus coactus est
a Ricimere Barbarorum duce abdicare se principatu; &
Placentiæ creatus Episcopus mœrore animi dicitur obiisse.
Avito autem anno 457. successus est *Flavius Julius*
Majoranus, & ipse inchoato anni imperii quinto
a Ricimere occisus prope Dertonam. Majorano anno
461. successit *Vibius Severus*, cui Ricimeres ipse fer-
tur abstulisse vitam propinato veneno. Idem satum
Anthemio, qui ducta in matrimonium Ricimeris filia,
soceris opera anno 467. obtinuit Imperium; sed ab
eodem socero per insidias captus, & occisus est Ro-
mæ, vix sexto imperii anno inchoato. Commissum
tum Imperii regimen *Fl. Anicio Olybrio* Placidie filie
Valentiniani III. marito, post paucos menses, ipso
inaugurationis sue anno 472., vita privato. Post O-
lybrium anno 473. electus est *Glycerius* Romanæ Urbis
Senator, e solio proximo anno dejectus a *Julio Nepote*
filio Nepotiani, pulsus in Dalmatiam, & consecratus,
ut fertur, Episcopus Salonensis. Pari sorte *Julius Ne-*
pos exauctoratus est ab Oreste Gotho, cui ille deman-
daverat exercitus præfecturam; & subrogatus *Julio*
Flavius Romulus Augustus filius Orestis, *Augustulus*
nuncupatus, anno 475. Non explevit *Augustulus*
annum imperii primum; nam a factione *Julii Nepo-*
tis in Italiam vocatus *Odoacer* rex Herulorum in-
gentibus Barbarorum copiis Ticini Orestem obsedit, su-
pera-

(1) *Eudoxiam* filiam Theodosii Junioris & Eudociæ, vel Athenai-
dis: quæ ad ultiscendum mariti mortem accessit ex Africa Gensericum
Vandalorum regem.

peravit, occidit; ejusque filium *Augustulum* cedere imperio coactum relegavit in Lucullanum parvam Campaniæ insulam, Megarim olim dictam, prope Neapolim. Ita Romanum Imperium, quod incepit sub *Augusto*, sub *Augustulo* extinctum est.

IN ORIENTE autem imperatori Arcadio successit anno 408. *Theodosius* Junior, ei ex Eudoxia natus, pius, & orationi deditus princeps, institutor Academicarum Constantinopolis, & Bononiæ, & Codicis nomine suo inscripti promulgator. (1) *Theodosio* vita functo anno 450. die 19. Julii, ad imperium, & ad nuptias Pulcheriæ Virginis sororis *Theodosii* electus est *Fl. Valerius Marcellianus*, in Thracia humili loco natus, sed clarus virtutibus, pacator imperii, & defensor Ecclesiæ, extinctus, ut creditur, veneno, *Asparis* Patritii machinatione, anno 457. die 26. Januarii. Proclamatus inde Imperator *Leo I. Thracius*, favore *Asparis*, pietate, & clementia, atque erga Deiparam devotione commendandus: qui non semel *Genfericum* fudit, e Sicilia barbaros expulit, atque ipsam *Asparem* Arianum, ac proditorem obtruncavit, e mortali vita sublatus anno 474. Huic successit nepos *Leo II. filius Zenonis Isaurici*,
ci,

(1) Codicem *Theodosianum* promulgatum *Gothofredus* demonstrat anno 438., non, ut putabatur, anno 435. Publicas vero Scholas C. P. anno 425. *Theodosius* aperuit. *Athenaidem* filiam *Heracliti* philosophi, *Eudociam* in baptismo appellatam, litterisque excultam anno 431. duxit uxorem. De hac præcedenti cap. 4. *Theodosius* Junior idolorum templa funditus everti jussit, adeo, ut nullum pristinæ superstitionis remaneret vestigium. In eum castra movens *Roila* Scytharum regulus immixtis cælitus igneis turbinibus extinctus fuit. Illum quoque aggressos *Perfas* vehementissimo imbre, & ingenti grandine, Deus compulit ut retrocederent. Hæc ex lib. 5. *Hist. Eccl. Theodoriti* cap. 37. Templum antea dicatum *Dæmoniis*, appellatumque *Tychæum*, a *Theodosio* consecratum *Ignatio Martyri*, locatis ibidem hujus reliquiis translatis in urbem ex cœmeterio, quod erat extra portam *Daphniticam*, refert lib. 1. cap. 16. *Evagrius Scholasticus*. S. *Joannis Chrysostomi* anno 430. reliquias Constantinopolim *Theodosius* magnificentissima pompa deferri curavit, parentibus suis veniam humillime deprecatus. Obiisse *Theodosium* Juniorem extractum e fluvio *Leuco*, in quem prolapsus ex equo fuit inter venandum, & lætica semivivum ad regiam urbem reductum, scribunt auctor *Chronici Alexandrini*, *Theodorus Lector*, *Nicephorus Callistus*, alii.

ci, qui eundem parentem suum declaravit Augustum, eodemque anno mense Novembri decessit. *Zeno* itaque post filium susceptum ex *Ariadna* filia *Leonis* I., turpis facie, sed moribus turpior, imperium tenuit ab anno 474. usque ad annum 491. quamvis ei principatum subripere tentaverit anno 476. *Basiliscus*, hortatu *Æliæ Verinæ* sororis suæ, quæ fuerat nxor *Leonis* I. Mortuo Zenone præcitato anno 491. die 6. Aprilis, opera *Ariadnæ* viduæ ab ipso Zenone relictæ, e scriba factus est imperator *Fl. Valerius Anastasius*, a diversitate coloris in oculorum pupillis *Dicorus* denominatus, & ortus in urbe *Macedoniæ* *Dyrrachio*. *Anastasius* prælaudatam *Ariadnam* duxit uxorem, imperavitque annis 27. labe infectus *Eutychiana*; unde percussus fulmine interiit anno 518. die octava Julii.

HIS CÆSARUM, Regumque temporibus, floruisse complures. singulari præditos sanctitate, ex primo, & quarto capite conjicitur. (1) At collustrarunt universum Fidelium cœtum alii quamplurimi. Venerando Episcoporum ordini maximum contulerunt ornamentum *Cæsarius* Episcopus *Arelatensis* in *Gallia Narbonensi*, *Alipius* *Tagastensis* in *Numidia* *Africæ*, *Turibius* *Asturicensis* in *Hispania Tarraconensi*, *Patritius* *Hibernorum* *Apostolus*, *Epiphanius* *Ticinensis* in *Insubria*, *Eucherius* *Lugdunensis*, *Honoratus* & *Hilarius* *Arelatenses*, *Lupus* *Trecensis*, *Severinus* *Noricorum* *Apostolus*, *Germanus* *Antisiodorensis* in *Galliis*, *Petronius* *Bononiensis*, *Exuperius* *Tolosanus*, *Flavianus* *Antiochenus*, *Marutha* in *Mesopotamia*, *Maniertus* *Viennensis* in provincia *Narbonensi*, *Gaudentius* *Brixianus* in *Cenomanis*. (2) Martyrii palmam retulerunt in *Persia* sub *Isdegerde* cum aliis innumeris *Jacobus* *intercisus*; (3) *Pamizæ*, seu *Appamiis* in *Occitania* *Antoninus* regia ortus

Tom. I.

L

Istirpe

(1) Imperantibus *Arcadio* & *Honorio* hujus Seculi initio vixit *S. Alexius* Romanus. Quidam *Alexium* cum *Joanne Calybita* confundunt.

(2) Adde *Crescentium* presbyterum, & *Eugenium* diaconum, *Florentinos*.

(3) Persecutionem *Isdegerdis* *Baronius* alii que referunt ad annum 420. Ante quinquennium exortam demonstrat *Antonius Pagius*.

stirpe, *Alexandriæ Proterius*, Constantinopoli *Flavianus*, in Corsica *Julia* virgo, in Africa sub Genserico *Martianus* & *Saturianus* cum aliis 270. Virginum pariter coronatarum sub Hunnerico multiplex chœrus. Quanta vero pudicitiae laus in *Maxima* ipsarum Africanarum Virginum matre, in *Pulcheria* Theodosii A. sorore, in *Eustochio* ad Præsepe Domini cum aliis Virginibus enutrita, in *Genovesa* immortalis gloria Parisiensium? Matronarum item decus fuit *Melania Junior*, &c. Suos quoque proceres connumerant monachi & anachoritæ, ut *Sabbam* Palæstinorum Ascetarum jubar; *Maronem*, a quo Maronitæ denominantur, *Arsenium* Scetis Ægyptii montis incolam, *Alexandrum* Acœmetarum, id est, infomnium, vigilumque parentem, *Joannem* Palæstinum *Silentiarium*, duosque Stylistas (quis enim universos commemoret?) *Simeonem*, & *Danilem*. (1)

CAPUT VI.

QUINTI SEculi DOGMATA, ET DISCIPLINA.

DIDICIMUS ex hujus Seculi historiâ quod præmonstraverat Apostolus, omnes in Adam peccasse, ejusque prævaricatione peccatum, & per peccatum intrasse mortem in mundum: gratiam non dari secundum merita nostra, neque ex præscientia futurorum operum naturalium: necessariam illam esse ad singulos actus, nec fieri, aut cogitari absque ea aliquid posse, quod ad æternam salutem conferat. Prædestinationis nostræ exemplar est Christus, ad maximam omnium gratiarum divino beneplacito electus, ad unionem scilicet hypostaticam. Quæ divinam humanamque naturam in una conjunctas esse persona, permanente proprietate utriusque, commonstrant contorta in Nestorium & Eutychem anathemata, definitiones Ecclesiæ, scriptaque Patrum Orthodoxorum. Unum de Trinitate crucifixum ita Fides Catholica tradidit, ut nullatenus passio in divinam referatur naturam. Beatam Virginem

(1) Supra columnam Symeonis sæpe visam, etiam a seipso, rutilantem Stellam, tradit lib. 1. cap. 14. Evagrius.

nem appellandam esse *Θεοτόκον*, utpote quæ genuit Deum hominem, definitum fuit, & Sanctis, horumque Reliquiis religiosum cultum esse præstandum. (1) Veram esse religionem seclufa cum Episcopis Catholicis communi-
one, est deliramentum Acephalorum.

PACIS osculum post consecrationem, & Missa Præsanctificatorum in Parasceve Paschatis quinto seculo obtinuerunt. Utebantur diaconi ad lævam pallis linostimis, scilicet, ex lino & lana contextis. Sanctimonialibus contingere sacratam pallam, & in Ecclesia thus adolere inhibitum fuit. Alternatim psalmi canebantur Davidici, repetitis antiphonis, Decantatus itidem Dominicis diebus, & in Natalitiis Sanctorum hymnus Angelicus. Suspecti erant erroris Manichæorum, qui a sacri Calicis abstinebant mysterio. *Lirinenfes* monachi, *Sabbaitæ*, atque sub Joanne Patriarcha Jerosolymitano *Carmelita* fuerunt, prout plerique opinati sunt, instituti. (2)

L 2

TAN-

(1) Quantum attinet ad *Reliquias Sanctorum*, Arcadius Imperator anno 406. e Silo Palæstinæ oppido Constantinopolim magna pompa adportari curavit exuvias Samuelis Prophetæ. Id religiosæ pietatis exemplum vocat adversus Vigilantium Hieronymus. In eandem regiam urbem anno 409. adveſti cineres Sanctorum *Joseph filii patriarchæ Jacob*, & *Zachariæ* patris Præcursoris. Revelatione divinitus facta Luciano presbytero anno 415. inventa, & decenti loco fuerunt condita Corpora *Stephani* Protomartyris, *Gamalielis*, & *Abibonis*. S. Jo. *Chrysostomi* Corpus anno 438. e Ponto Constantinopolim solemnî pompa translatum. *Catena* S. Petri Jerosolymis ab Eudocia missæ, C. P. una, altera Romam ad filiam Eudoxiam. Inventum anno 453. Emesæ in Syria Caput S. *Joannis Baptiste*.

(2) Ab Eudocia Augusta bis Jerosolymam profecta, nempe anno 438. & post eadem Paulini ejus causa interfecti anno 440., ædificata fuerunt monasteria, quæ *Lauras* vocavit. Laura a cœnobio differt, quod istud uno clauditur muro; Laura vero habet cellulas longe disjunctas. In Laura Anachoretæ, in cœnobio debebant monachi. Vide adnotationes in librum 1. Evagrii cap. 21. Narrat ibidem Historicus, *Lauras* incolentium alios nihil proprii habere, nec aurum, nec vestem, nec esculentum; pallio, vel tunica, quibus hodie unus induitur, uti postea alium; diu nocturne preces ad Deum fundere, ac per biduum etiam, vel triduum servare jejunium. Alios vero solos includi domiciliis, alios in ignotis terræ latibulis, alios in solitudine a sole perusta. Tam ergo eremitis, quam religiosis aliis sævioris, rigidiorisque instituti, antiqua proposita fuerunt exempla. In excerptis Theodori Lectoris legimus Eudociam mississe Jerosolymis ad Pulcheriam Imaginem Deiparæ, ἡ Ἁγία Δεσπο

TANTA fuit Monachorum in Capraria, & Lirino, seu Lerina, insulis multitudo & celebritas, ut illustrium quoque Poetarum hujus ævi describantur carminibus.
(1)

AP.

Αὐτὸς καὶ Σισύροισι, Quam Apostolus Lucas depinxerat. Florebat Theodorus Seculo 6. incunte. Non est ergo de pingendi arte Evangelistæ opinio commentum sero excogitatum. Imaginem illam Pulcheria collocavit in Basilica a se ædificata in *Hodegis*, ubi cæci lumen recipiebant. De Basilicis autem ab eadem Pulcheria erectis pertractant ipse Theodorus lib. 1. num. 5. & Nicephorus libro 14. cap. 2. Vide adno. Valesii ad Theodorum.

(1) Referta erat hoc seculo sanctissimis Monachis Capraria Insula maris Tyrreni inter Corsicam oramque Thuscæ. De hac enim insula legitur apud Rutilium Numatianum, qui floruit Honorio Augusto imperante, scripsitque terso stylo, & ubere vena ingenii duos *Itinerarii* libros ad Venerium Rulum,

*Processu pelagi jam se Capraria tollit,
Squalles lucifugis insula plena viris.
Ipsi se monachos Grajo cognomine dicunt,
Quod soli nullo vivere septe volunt.*

Verum tamen est Rutilium Christianæ religionis hostem acerrimum illorum monachorum vita adeo infectari, ut hæc præmissis verbis subjiciat,

*Munera fortune metuunt, dum damna varentur.
Quisquam sponte miser, ne miser esse queat.
Quenam perverſæ rabies tam stulta cerebri,
Dum mala formides, nec bona posse pati?
Sive suas repetunt ex fato ergastula penas,
Tristia seu nigro viscera selle tument.
Sic nimie bilis morbum assignavit Homerus
Bellerophonæis sollicitudinibus.*

Bellerophontem, cum post varia vitæ discrimina cælum petere conaretur, inde a Jove excussum equo decidisse in Alejuni Lyciæ campum, ubi cæcus erravit, donec periret, fabulæ narrant poetarum.

De Lirinenſi autem Cœnobio, cujus aliquos incolas doctrina simul & sanctimonia conspicuos laudavimus superiori capite quarto, hæc scripsit C. Sollius Apollinaris Sidonius vita functus anno 482. cujus Opera studiose collegerunt Joannes Savaron, & Jacobus Sirmondus, in carmine Eucharistico ad Faustum:

*Seu te Lirinus priscum complexa parentem est,
Qua tu jam fractus permagna sepe quiete
Discipulis servire venis, vixque ocia somni,
Vix coctos captare cibos, abstemius ævum
Ducis, & insertis pingis jejunia psalmis,
Prætribus insinuans, quantos illa insula plana
Miserit in cælum mentes, qua sancta Capras
Visa senis, juvenisque Lupi: qua gratia patrem
Mansu Honoratum, fueris quis Maximus illo,
Urbem tu cujus monachusque, antistes & abbas*

APPENDIX.

EXTERNÆ RES ATTINGUNTUR.

QUONIAM diximus cap. 5. plura regna hoc seculo exorta ; illorum præcipua commemorabimus . *Augustulum* anno 475. ad Imperium fuisse eventum , dejectumque ab *Odoacre* rege Turcilingorum & Herulorum , qui e Pannonia & Norico irruperunt in Italiam , narratum est supra . Ab anno itaque 476. *Coss. Basilisco* , & *Armato* , *Odoacer* iste Italiæ regnum obtinuit . Hunc anno 493. interfecit *Theodoricus* rex Gothorum , quem superioribus annis *Zeno* Imperator rogaverat , ut ad Italiam liberandam copias conduceret . Quare ab anno 493. atque a *Theodorico* supputatur regnum Gothorum Italicum .

IN GALLIIS Burghindiones e Mæotide egressi palude , duce *Marcomiro* in Franconiam concedentes , regem creaverunt anno 420. ipsius *Marcomiri* filium *Faramundum* : huic an. 431. successit *Clodio* Comatus , sive Crinitus . Consecuti deinceps regnum anno 449. *Moroveus* : anno 459. *Childericus* : anno 495. *Clodoveus* , qui anno 499. baptizatus est a *Remigio* sanctissimo Remensium Antistite .

REGNUM Vandalorum , qui anno 427. in Mauritaniam trajecerant , cepit in Africa anno 439. quo anno *Genfericus* occupavit Carthaginem . Mortuo autem *Gen-*

L 3

serico

Bis successor agis , celebrans quoque laudibus illis

Eucherii venientis iser , redeuntis Hilarij .

Commendantur itaque hoc Carmine a *Sidonio* *Lirinenfis* monasterii cultores percelebres , expressoque nomine *Caprasius* , *Lupus* , *Honoratus* , *Maximus* , *Eucherius* , & *Hilarius* . Ab *Honorato* , pristino *Lirini* abjecto nomine , *Insulam S. Honorati* appellant modo .

Illustrarunt quoque Monasticam vitam hoc Seculo *Pinianus* eandem amplexus anno 419. quo tempore in cellulam ad montem Oliveti sese inclusit *Melania* Junior . Consecrata etiam Deo *Margareta* Antiochena , ex turpissima vita a Nonno Episcopo Edesseno anno 431. ad frugem revocata , & appellata deinde *Pelagia* . Sabbaitæ a Sanctissimo viro *Sabba* cognominantur , sub cujus disciplina *Joannes* *Silentiarius* , alique plurimi hoc Seculo floruerunt .

serico anno 477. (1) regnavit *Hunnericus*; & huic vita functo anno 484. successit *Guntabundus*, e vivis sublatuſ anno 496. Poſt Guntabundum ad annum uſque 505. regnum Vandalicum adminiſtravit *Traſamundus*.

GOTHORUM regnum in Hiſpania initium habuit ab *Athaulpho*, qui anno 411. ſucceſſit Alarico, & anno 414. pulſus e Galliis irruit in Hiſpanias, ſed anno proximo jugulatuſ eſt Barcinone. Regnavit deinde anno 415. *Singericus*, eodem anno interemptuſ. Huic ſucceſſit *Wallia*, qui obiit anno 428. Adeptuſ tunc regnum *Theodoricuſ*, qui fatiſ ceſſit anno 451. *Thorismundus* deinde potituſ regno, proximo anno 452. jugulatur. *Theodoricuſ* ſecunduſ fratricida & ipſe ab Eurico (2) trucidatuſ eſt anno 466. Ab hoc anno uſque ad an. 485. idem *Euricuſ* moderatuſ eſt regnum. Regnavit poſtmodum annis 23. ideſt, uſque ad annum 507. filiuſ Eurici *Alaricuſ*. Fuerunt hi omneſ contagione Arianæ hæreſeoſ infecti.

PROSEQUAR modo quædam notatu digna, ac primo eadem *Stiliconiſ*, juſſu Honorii Generi ſui anno 408. cum filio *Eucherio* interfecti, quaſi affectaſſent imperium, jugulata etiam conjuge *Stiliconiſ Severa*. (3) Obſeſſa ac direpta fuit Roma anno 409., aut ſequenti, (4) a Gothiſ duce *Alarico*, captaque *Placidia* ſoror
Ho-

di. (1) Genſericuſ a capta Carthagine imperaſſe Vandalis annos 39. tradiſ lib. 1. de Bello Vandalico Procopiuſ Cæſareniſ.

(2) *Evaricuſ* vulgo appellant.

(3) Conſugerat *Stilico* ad aſylum Eccleſiæ, quod ipſe temere viola- verat, idque etiam exeunte præcedenti ſeculo, ideſt anno 399. Eutropio contigit. Ante urbiſ excidium, detenta ab Herculiano annona Africana, in Urbe tam dira fameſ graſſata eſt, ut humanæ carneſ laniarentur, matreſque comederent parvuloſ. Legantur Zoſimuſ lib. 5. & Hieronymuſ in Epiſtola ad Principiam. Enitunt tunc *Leta*, ejuſque matriſ *Paſſime- ne*, *Proba*, & *Flaviæ Conſtantia* in paupereſ liberalitateſ. De Herculiani autem tyrannide, militari apparatu, & interitu vide libro 7. cap. 42. Pauluſ Oroſiuſ.

(4) Dixi Romam ab Alarico obſidione vallatam, direptamque fuiſſe anno 409., aut ſequenti. Quidam enim cum illuſtri Pagio referenduſ id putant in annum 409., & in octavum Honorii Conſulatuſ; quidam vero in Conſulatuſ *Fl. Varariſ*, & in annum 410. quæ eſt ſententia com- munioreſ. At ſententia Pagii comprobatur Faſtiſ Idatii, in quibuſ levi- tur, *Honorio Aug. VIII. & Theodoſio Aug. III. Coſſ. Alaricuſ rex Gothorum*

Honorii A., quæ nuptui tradita Athaulpho fratri Alarici, viri in Romanos animum mitigavit, multumque profuit Imperio. Anhelante Alarico in Urbis excidium citato anno 409. in Hispanias Alani, Vandali, & Svevi irruerunt, quas subinde domitas partiti sunt invicem. Hunni item Italiam vexarunt sub *Attila*, quem Honoria Valentiniani soror ab Eugenio stuprata, & expulsa, atque ad Theodosium transmissa anno 434. adversus Occidentale imperium, suis oblatiis nuptiis, improbo concitavit consilio. *Attila* vero post multos excursus anno 552. Aquilegiam, Ticinum, Mediolanum, urbesque finitimas devastavit. Tunc a plerisque confugiantibus ad æstuaria maritimasque paludes condita fertur civitas, & respublica Venetorum. Miserrimo exitu anno 453. juxta Cassiodorum, aut anno 454. juxta alios, memoratus Attila impurissimam efflavit animam. *Alteram* cladem Romæ attulit an. 455. exercitus Vandalorum sub *Genferico*, qui præda onultus Eudoxiam Valentiniani viduam una cum filiabus abduxit in Africam. Cum barbarorum armis elementa quoque pugnarunt. Etenim anno 447. vehementi terræ concussione corruerunt cum turribus 57. muri Constantinopolis, diraque subsecuta est ex aeris infectione contagio. Romæ anno 467. dum *Lupercalia* celebrarentur, pestis

L 4

in-

Romam ingressus. In Chronico etiam Ivonis Carnotensis habetur: *Tempore Innocentii capta est a Gothis Roma anno D 409. indiſt. 9.* Hæc tamen facile ad concordiam revocantur; nam Alaricus anno 409. Romam profectus, Imperatorem nominavit Attalum Præf. Urbis, & vi armisque Senatum commovit adversus Honorium, ut Zosimus lib. 6. Orosius lib. 7. & Sozomenus libro 9. litteris tradiderunt. Verum Consule *Varare*, & anno 410. Alaricus Romam cum exercitu rediens occupavit illam, delevitque; & dies excidii hujus fuit, ut inquit Auctor Historiæ Miscellæ, 1X. *Kalendas Septembris*, non, ut ait Calvisius, *Kalendarum Aprilium*. S. Hieronymus cladem urbis commemorans repetebat Maronis verba 2. *Æn.*

*Quis cladem illius noſtis, quis funera ſando
Explicet, aut poſſit lacrymis æquare dolorem?*

Urbs antiqua ruit, multos dominata per annos.

Plurima perque vias ſparguntur inertia paſſim

Corpora, perque domos, & plurima mortis imago.

In maxima nihilominus calamitate hoc Religioni Chriſtianæ decorum accidit; quod miseris Baſilicæ Sanctorum, ac præſertim Apoſtolorum Petri, & Pauli præbuerunt Aſylum: quod in libro I. de Civitate Dei explicat ornatiffime S. P. Auguſtinus.

ingens irrupit. Vesuvium an. 472. tantam emisit copiam flammarum, ut maxima pars Europæ obscurata fuerit caligine, hujusque incendii in urbe Constantinopolitana quotannis innovaretur memoria. In ipsa Constantinopolis civitate anno 476. consumpta est igne Bibliotheca cum centum viginti millibus librorum, inter quos erant Homeri Opera aureis scripta litteris in membraneo intestino serpentis pedum geometricorum 120., narrante Zonara.

CHRONOLOGICUM Opus exararunt quinto seculo *Panodorus*, & *Annianus* Monachi Ægyptii, de quibus *Georgius Syncellus*, & *Scaliger* in *Animadversionibus Eusebianis*, prætermisisti superiori cap. 4. (1) *Philostorgius* hæreticus Eunomianus elucubravit historiam, quæ *Arianos* extollit, & conviciis proscindit Catholicos, caput *Deo invisum*, ut appellat *Nicephorus* (2). A *Suida* laudatur *Timotheus Gazæns* Grammaticus, ab *Eva-*
grio

(1) In pretio fuerunt sub *Arcadio Theodosii M. filio*. Seculo nimirum V. ineunte.

(2) In *Historia Philostorgii*, a *Photio* in compendium redacta, innumera occurrunt mendacia. Ait enim lib. 1. n. 3. Arium suffragia, quæ in eum protendebant, ut eligeretur Patriarcha Alexandrinus, sponte in Alexandrum transfuisse. Lib. 2. Constantinum litteris quaquaversum missis reprobasse vocem *Consubstantialis*, & fidem *diffimilis substantiæ* confirmasse: eundem Constantinum in pœnam cædis illatæ *Crispo* a fratribus veneno fuisse necatum: *Indos* ab Apostolo *Bartholomæo* imbutos Christi fide profiteri dissimilem Filii substantiam: *Agapeto* ejusdem hæresis sectatori maxima adscribit miracula: ait Christianos *imagini Constantini* supra porphyriticam columnam positæ sacrificia obtulisse. Libro III. Aetium hæreticum impense laudat, & num. 15. jactat ei divinitus datum, ut in disputationibus a nemine vinceretur: addit infantissimos demonstrasse *Basilium Ancyranum*, & *Eustachium Sebastię* episcopum discentes de *Consubstantiali*. Num. 22. Constantem a *Magentio* tyranno fuisse occisum ob studium erga *Athanasium*. Ait libro 4. num. 10. Synodum *Nicomediensem* terræmotu dissipatam, concussa Ecclesia, in qua congregati Patres *Nicenam* fidem confirmare putabant. Sequenti num. 11. *Basilium Magnum*, quasi hominem ignavum, timidum, animique pusilli deridet. Mentitur lib. 7. n. 2. *Georgium* pseudoepiscopum Alexandrinum, eosque, qui cum Aetio sentiebant, a gentilibus fuisse peremptos consilio *Athanasii*, permoti aviditate illius sedis recuperandæ. Studet ubique adornare *Eunomii*, & sectatorum ejus vindicias. Atque ex iis, quæ ex multis selegimus, constat quam fidem promereatur historicus ille, *Consubstantialis* hostis insensissimus, & mendacissimus.

grio sæpenumero *Joannes Rhetor Historicus*, quem *Vossius* confundit cum *Joanne Epiphaniensi*, qui floruit imperante *Justino Seniore* proximo seculo. *Claudius Rutilius Numatianus* carmine eleganti scripsit *Intinerarium*, odium spirans religionis Judaicæ, & Christianæ: cædem pariter *Stiliconis*, ac *Romam captam* ab *Alarico*, metro descripsit. *Vossius*, & *Scaliger* eruditum quidem, sed barbarum vocant *Martianum Capellam* *Carthaginensem*, (1) qui versibus simul & prosa scripsit septem libros *de nuptiis Philologiae* (2). *Historiarum* libros 22. *Sylvæ* titulo ad *Theodosium Juniores* scripsit *Olympiodorus Thebanus*, & sex pariter libros *Zosimus Comes*, Latine versos a *Leunclavio*, uterque addictus superstitioni Gentilium, & Christianorum Principum fugillator. Desinente hoc seculo celebris erat fama *Procli* *Lycii* Philosophi, & Scholiastis dialogorum *Platonis* (3), necnon *Hesychii* *Alexandrini* Grammatici, quem licet *Julius Scaliger* dixerit ineptum ac futilem, *Salmasius* tamen, *Tanaquillus Faber*, & alii jure vocant *Glossographorum* facile principem.

SE-

(1) Ita quidem multi. At *Madaurenses* fuisse puto.

(2) Sedente in *Cathedra Alexandrina* *S. Cyrillo* miserrime obtruncata fuit *Hypasia* filia *Theonis*, Scholæ *Platonice* moderatrix, quæ plura scripsit commemorata a *Suida*, habuitque discipulos plurimos, inter quos *Synesius Cyrenæus*. Videtis *Socratem* lib. 7. cap. 15. *Nicephorum Callistum* lib. 14. cap. 16. & *Ægidium Menagium* in *Hist. Mulierum Philosopharum*.

(3) *Proclus Lycius* post *Porphyrium* scripsit adversus *Christianos*. Fuit discipulus, & in *Schola Atheniensis* successor *Syriani*, obiitque *Athenis* anno *Chr.* 485. Vide *Procli Vitam* editam a *Joanne Alberto Fabricio*.

SEXTUM ECCLESIAE

S E C U L U M.

C A P U T I.

ROMANORUM PONTIFICUM SERIES
PRODUCITUR.

POST SYMMACHUM, quem rebus exemptum humanis anno 514. diximus paullo supra, Romanam gubernarunt Ecclesiam sexto Seculo *Hormisdas*, *Joannes I. Felix IV. Bonifacius II. Joannes II. Agapetus I. Silvester*, *Vigilius*, *Pelagius I. Joannes III. Benedictus I. Pelagius II. & Gregorius Magnus*.

LIV. UBI e vivis excessit Symmachus, *Magno Cassiodoro Consule*, anno 514. inauguratus est Pontifex *Hormisdas*, Campanus genere, patria Frusinone. Sublatum ejus opera Acacii schisma: controversiam *de uno e Trinitate in carne passo*, a Monachis Scythis excitatam (1) ob novitatem doctrinae, & ne ab Eutychianis in malam partem traheretur, studuit compescere: atque adversus Faustum Rejensem confirmavit quae de Gratia, & libero arbitrio tradiderat Augustinus. Novem expleverat Pontificatus sui annos quum decessit cum sanctitatis odore *Cof. Anicio Maximo*, idest, anno 523. VIII. Idus Augusti. (2)

LV. DEMANDATUM post Hormisdam Ecclesiae Romanae regimen *S. Joanni I.* natione Etrusco. (3) Is a Theodorico Rege legatus Constantinopolim ad Impera-

(1) Plura de Monachis Scythis Norisius noster lib. 2. H. P. cap. 18. in Dissert. *de Uno ex Trinitate in carne passo*, atque in *Apologia* pro iisdem Monachis scripta.

(2) Chronologia Pagii nostrae in hoc sexto Seculo non adversatur.

(3) Multi Senensem appellant. Vide pag. 137. Sandinum. Joannis ad Justinum Imp. legatio consignatur in Chronico Marcellini *Coff. Philoxeno & Anicio Probo Juniore*, idest, ann. 525. Decessit Ravennae. Vide Gregorium Magnum lib. 3. Dialogorum.

peratorem Justinum, novo, & illustri exemplo eundem corona, & Augustalibus insignibus decoravit; ac multis patratís miraculis in Italiam redux carceri a Theodorico, quoniam nil egerat in gratiam Arianorum, mancipatus, illic gloriosa morte obiit die XVIII., aut XXVII. Maji; anno 526. *Cof. Anicio Olybrio Juniore.*

LVI. TRADITUR tum Pontificatus *S. Felici IV.* Samniti sive Aprutino: qui ædificata Romæ SS. MM. *Cofmæ & Damiani Basilica*, & in egenos munificentissimus & maxima præditus simplicitate, mortalem deposuit sarcinam die 18. Septembris anno 530. *Lampridio & Oreste Cof.* (1)

LVII. ELECTUS deinde *Bonifacius II.* Romanus: ac simul a Cleri factione, *Dioscorus*, quo tamen paucis post diebus extincto, cessavit & schisma. Sed & brevis fuit Bonifacii legitimus Episcopatus: nam proximo anno 531. *P. C. Lampadii & Orestis*, seu potius anno 532. *Iterum P. C.* obiit XVII. Calendas Novembris. (2)

LVIII. SUFFECTUS Bonifacio *Joannes II.* e regione Cœli montis, qui naturæ concessit anno 535. *Cof. Belisario*, die autem 6. ante Cal. Julias. Is illam positionem, *Unus de Trinitate crucifixus est carne*, quam Hormisdas sensu Eutychiano reprobaverat, catholico, & Nestorianis opposito ratam habuit, inflicto monachis *Acæmetis* illam impugnantibus anathemate. (3)

LIX. Brevior quoque fuit Pontificatus *S. Agapiti*: nam ex Archidiacono R. E. post Joannem II. creatus Pontifex Maximus, coactus a Theodoto Gothorum rege adire Constantinopolim, illic deposito Anthimo Trepezun-

(1) Ignoro cur *Felicem IV.* omiserit lib. 2. Papius Massonus.

(2) Hunc Bonifacium in Epistola ad Joannem II. ejus successorem appellavit *Sanctissimum Papam* Athalaricus rex Gothicus, cujus litteræ extant apud Cassiodorum lib. 8.

(3) *Ἀκοιμήτοι*, *Acæmeti*, dicti sunt quasi *Insomnes*, quod in cœnâ Cœnobiis nulla hora cessaretur a Dei laudibus. Agunt de his Theodorus Lector, Evagrius, Theophanes, Cedrenus. Achimitenfes vocat Liberatus Diaconus in Breviario cap. 18. Vide Glossarium Caroli P. Fresne.

pezuntino Eutychiano, (1) rebusque Ecclesie compositis, e vita migravit. V. Calendas Majas anno 536. P. C. *Belisarii*, primo Pontificatus anno nondum exacto.

LX. AUDITA Agapiti morte, electus est Papa Hormisdæ filius *Silverius*: a Vigilio diacono Agapiti, qui Theodoræ Augustæ Eutychianæ, & Belisarii favore sperabat consequi honorem Sacerdotii supremum, accusatus quasi Gothis spondidisset traditurum se urbem, primum in Pataram Lyciæ, deinde in insulam Palmariam fuit relegatus, jura interim summi Sacerdotii invadente *Vigilio*. Ea in Insula S. Silverius inedia consumptus est, ut inquit Liberatus, vel potius ferro necatus ab Eugenio famulo Antoninæ uxoris Belisarii, ut tradit Procopius Cæsariensis. Coronatus est autem martyrio XII. Cal. Julias anno 540. *Justino Juniore Cos.*, sine P. C. *Paulini VI.*

LXI. TUNC ergo Romanus Clerus ductus pacis studio, & formidans Belisarii potentiam consensit in electionem *Vigilii*: atque is saniore consilio obstitit Theodoræ, anathema in Eutychianos, & in Acephalos innovavit, Chalcedonensem confirmavit Synodum, & Romam rediens e Constantinopoli, *tribus Capitulis* damnatis, & approbata Synodo Quinta, qua in re diu animo fluctuaverat, in Sicilia interiit ex calculorum dolore, anno Æ. V. 555. & legitimi Pontificatus 16. IV. Idus Januarias, P. C. *Basilii XIV.*

LXII. PELAGIUS Romanæ Ecclesie Diaconus post Vigiliū tenuit Pontificatum annis fere quinque. Ob *trium Capitulorum* controversiam nondum sopitam, & quoniam credebatur auctor malorum, quæ Vigiliis Constantinopoli fuerat perpessus, adeo invisus initio fuit, ut in tota Italia tres Episcopi, qui ejus consecrationi adessent, minime invenirentur. Adlaborandum itaque illi fuit, pro Quintæ Synodi auctoritate, & proscriptione prædictorum *Capitulorum*: quod præstitit invictè, prudenterque. Supremus illi dies P. G. *Basilii XX.* scilicet, anno 560. VI. Nonas Martias.

LXIII.

(1) Loco *Anthimi* Constantinopolitanum Antistitem ordinavit *Menam*, repugnante licet Theodora Justiniani conjugē. Menam sedisse post Epiphanium falso scribit Evagrius lib. 4. cap. 36. Quanto studio humaniores litteras Agapitus prosequeretur, prælatione ad libros divinarum Institutionum tradit Cassiodorus.

LXIII. REXIT deinde Romanam Ecclesiam annis fere 13. *Joannes III.* cognomine *Catelinus*, (1) de mortali vita sublatus, cum fuisset Synodi V. acerrimus propugnator, anno 573. III. Idus Julii. Fasti Coss. desinunt anno 566. *P. C. Basili* XXV.

LXIV. Christianæ Reipublicæ post Joannem præfuit *Benedictus I.* appellatus quoque *Bonosus*, sed electus anno 574. III. Nonas Junias. Interpontificium ortum est ex perturbata irruptionibus Langobardorum Italia. *Benedictus* vestigiis decessorum insistens confirmavit Synodum V. obiitque post quatuor regiminis annos, III. Calendas Augusti anno 578. (2)

LXV. Inauguratus deinde Pontifex *Pelagius II.* qui sedit ultra annos 11. extinctus inguinum morbo, anno 590. VI. Idus Februarias, postquam adversantes Synodo Quintæ represserat, & acta Joannis C. P. se audacter *Episcopum Universalem* nominantis cassaverat.

LXVI. GREGORIUS *Magnus* Senatorio genere ortus Pelagio subrogatur invitus, Monachus juxta Baronium S. Equitii, nulli addictus regulæ juxta Thomassinum, instituti autem S. *Benedicti* juxta Mabillonium, & alios. Claruisse Gregorium cunctorum meritorum perfectione, S. Idelphonus testatur. Sanctitatem Antonii, Cypriani eloquentiam, & sapientiam Augustini dicitur consecutus. Ipsius in divinæ Scripturæ libros amplissima Commentaria, Dialogorum libri 35. Moralium 4. & Epistolarum 12. doctrinam, pietatem, & Ecclesiasticæ disciplinæ studium undique spirant. Liturgiam, ritusque Ecclesiasticos explicavit atq. direxit: contra jactantiam Episcopi C. P. se, uediximus, appellantis *Universalem*, live *Œcumenicum*, usurpavit omnium primus humilem titulum *Servi Servorum Dei*. Ultra annos 13. gubernavit Ecclesiam, perpetuæ gloriæ affectus hereditatem IV. Idus Martias anno communis *Æræ* 604.

PA-

(1) Evagrius lib. 4. cap. 39. errat, scribens Joannem successisse Vigilio: cui successit Pelagius.

(2) Anno 578. inauguratum fuisse Pontificem Maximum Pelagium II. demonstrat Norisius in dissert. de Synodo V. cap. 9. §. 4. Baronius id referendum putavit ad annum 577. Panvinus vero, Sigonius, & Holstenius ad annum 579.

PATRIARCHARUM NOMINA.

SEDERUNT Alexandriae post Joannem Talajam *Paulus*, *Zoilus*, *S. Apollinaris*, *Joannes*, *S. Eulogius*: Antiochiæ post Palladium *Flavianus*, *Severus*, *Paulus*, *Euphrasius*, *Euphremius*, *Domnus*, *Anastasius*, *Gregorius*: Jerosolymis post Eliam *Joannes III.* *Petrus*, *Macarius II.* *Eustochius*, *Joannes IV.* & *Amos.* (1)

CA-

(1) *Macarius* Jerosolymorum Episcopus, & Petri successor e propria Sede, imperante Justiniano, dejectus est, anno 548. quamvis Theophanes id referat ad principatum Justini Junioris. Vide notas Valesii, & adjectas Adnotationes *Variorum* in Evagrii caput tricesimum septimum libri quarti Ecclesiasticæ Historiæ. Exturbatus est *Macarius*, *propterea quod Origenis dogmata esseere dicebatur*, inquit ibidem Evagrius. Ordinatus in ejus locum *Eustochius*, qui post Synodum Quintam, cum expellere niteretur Origenistas, adversarium autem haberet *Theodorum* Capadocem acceptum imperatori Justiniano (a quo Theodoro intentatam de *Tribus Capitulis* controversiam præmonere in not. ad cap. 2.) etiam ipse e propria Sede exturbatus est. *Joannes* (surrogatus fuit *Eustochio*, sed post restitutum in sedem suam *Macarium*, [quod juxta Victorem Tunonensem in Chronico contigit imperante Justino Juniore, juxta Theophanem vero extremis Justiniani temporibus. Venerabilis Baronius, qui *Macarium* in pristinam Sedem restitutum ait ante Quintam Synodum Constantinopolitanam, aperte adversatur Evagrii libro 4. capite 39.

Anastasius, quem inter Patriarchas Antiochenos laudavimus, tum in divinis humanisque litteris eruditus, tum vivendi ratione moribusque conspicuus, valide impugnans hæresim *Aphthardocitarum*, autumantium scilicet Corpus Domini, etiam ante resurrectionem, fuisse incorruptibile, non vero capacem naturalium & inculpabilium affectionum, subiit indignationem Justiniani, [qui per vim cogere instituit Episcopos universos, ut hæresim illam, in quam ipse fuerat prolapsus, amplecterentur. Sed contra evenit. Omnes enim Antifites adhæserunt *Anastasio*, qui imperterriti animo contraxit Imperatori, misso ad illum scripto demonstrans Corpus Domini, antequam revixisset, fuisse obnoxium naturalibus perpeffionibus, quæ in reprehensionem non cadunt. Idem *Anastasius* docuit in *Oratione* ad Antiochenos, necnon in Epistola ad Monachos decentes in Syria. Migrasse Justinianum ex hac vita, invisibili percussus plaga, dum adversus *Anastadium*, aliosque Sacerdotes huic assentientes, dictaret deportationis sententiam, refert postremo capite libri quarti prælaudatus Evagrius Scholasticus. Expulit quoque Imperator e Sede regniæ urbis C. P. *Eutychium* ejusdem hæresis *Aphthardocitarum* strenuum impugnatores. Id contigit juxta Baronium anno 564. quem Valesius in notis ad Evagrium ait fuisse ultimum annum Imperii Justiniani. Hunc autem obiisse anno 565. die 14. Novembris, præcuntibus

C A P U T II.

DE CONCILIIIS SEXTO SEculo CELEBRATIS .

AD ECCLESIASTICAS causas definiendas , ad extirpandas hæreses , & ad reformandam disciplinam , plura hoc sæculo congregata fuerunt Concilia . Ad primam pertinent classem quatuor *Romana* an. 501. & seqq. in quibus Symmachus a Factione Laurentii adulterii , aliorumque criminum accusatus seipsum purgavit : in postremo autem anni 504. anathemati subiecti fuere cuncti bonorum Ecclesiæ invasores . In *Constantinopolitano* anni 518. nomina S. Leonis Magni , & Euphemii ac Macedonii Episcoporum ejusdem Urbis , fuerunt sacris diptychis restituta . (1) *Romanæ* , & *Constantinopolitanæ* Ecclesiæ concordia sancita fuit in *Romano* Hormisdæ ejusdem anni 518. In altero Concilio *C. P.* amotus est ab omni Ecclesiastico ministerio Stephanus Episcopus Larissæ , & metropolita Thesaliæ , eo quod sibi Pontificium jus vindicasset , non expectato Episcopi *C. P.* consensu . Verum Stephanus

viris doctissimis , nullus dubito . Eutychii vitam eleganti stylo conscripsit illius discipulus *Eustathius* . Fuit Eutychius successor in Episcopatu *Constantinopolitano* *Mene* , qui ejecto Anthimo antistes creatus est anno 536. & migravit ad superos anno 551. Colitur autem ejus memoria in *Menologio* Græcorum , & in *Martyrologio* Romano die vigesima quinta Augusti .

(1) *Diptycha* , *Διπρυχα* , *plicatiles* , sive *duplicate tabellæ* , in quibus Sanctorum Præsulum nomina descripta inter Missarum solemnias ad illorum laudem , & aliorum exemplum palam recitabantur . Eburnæ interdum tabellæ ipsæ erant ; unde lib. 10. *Poem.* de S. Martino ait Venantius Fortunatus :

*Nomina vestra legat Patriarchis , atque Prophetis ,
Cui hodie in templo diptychus ebur edit .*

Tria fuerunt *Diptychorum* Ecclesiasticorum genera , nempe , Episcoporum , viventium fidelium , & mortuorum in Ecclesiæ communione . Pertractant de his Card. Bona lib. 2. cap. 12. alique agentes de Ritibus Ecclesiasticis . At fuerunt quoque *Diptycha* Consulum , Quæstorum , aliorumque majori aliquo magistratu fungentium : de quibus Codex Theodosianus , Themistius , Symmachus , alii . Tabellæ item , quibus proci suos describebant amores , distæ a Juvenali Sat. 9. *blanda* , *assidue* , *denique* , *diptychæ* a veteribus vocabantur , quoniam duobus constabant operimentis .

ni causa eodem anno, qui fuit *Æ. V. 531.* discussa iterum est in Concilio *Romano*, cum Ecclesiæ Illyrici ad iura spectarent Apostolicæ Sedis. In *Parisiensi* anno 551. depositus est Saffracus Episcopus ejusdem urbis, gravissimi convictus criminis, illique suffectus Eusebius. Emerius item contra canones ordinatus Episcopus *Santonensis*, anno 563. amotus fuit decreto Concilii in Gallia Aquitanica congregati. Depositi item in *Parisiensi* anno 573. Promotus Carnotensis, sede Pappolo adjudicata: & anno 579. in *Cabilonensi* Salonius Sagittarius Antistes Provinciæ Narbonensis, ob crimen læsæ majestatis. Contra absoluti fuerunt anno 587. in Synodo C. P. Gregorius Episcopus Antiochenus falso accusatus incestus; atque in *Romana* anni 595. Joannes presbyter Chalcedonensis infamatus de hæresi: atque hæc tantum de Conciliis, in quibus causæ Ecclesiasticorum virorum fuerunt discussæ.

NAM DE Synodis ad hæreses eliminandas coactis agendum est modo. *Illyrici*, itaque & Græciæ Antistites anno 515. synodali congressu, a Thessalonicensi, suo licet Metropolitano, communicante cum Timotheo C. P., discedentes Eutychianam damnarunt hæresim, & cum Romana Ecclesia se penitus consentire professi sunt. Africani PP. qui anno 507. in Synodo *Byzacena* Provinciæ Proconsularis contra Trasamundi Ariani regis edita statuerant Episcopos viduis Ecclesiis præficere, exules in *Sardinia* anno 521. aliam Synodum celebrarunt, Pelagiana dogmata circa Gratiam & liberum arbitrium refutantes. Semipelagiani vero in Synodo *Arauficana*, sedente Romæ Felice IV. anno 529. expressius, quam antea, fuerunt proscripti. Confirmata Araulicani Concilii decreta anno proximo in Synodo Gallix Viennensis *Valentina*. Hæreses omnes, ac præsertim Priscillianistarum confixit anno 563. Concilium *Bracarense* in Hispania Tarracoenensi.

PUGNATUM vero vehementius pro auctoritate Synodi Chalcedonensis, & Eutychetis, atque Nestorii damnatis hæresibus eradicandis. Confirmata prædicta Synodus anno 518. in Concilio C. P., Severo, aliisque adversantibus communionem privatis. Rursus eodem anno in Synodo *Tyria* Synodus Chalcedonensis fuit approbata.

ra . *Roma* autem anno 532. Synodo Joannis II. *Acœmeta* monachi damnati fuerunt , *Unum de Trinitate passum* sensu Nestoriano negantes . Anthimus , Severus , alique Acephali nova excitantes dissidia rursus Synodo C. P. anno 536. fuere compressi . Disceptatum de *tribus Capitulis*, idest scriptis Theodori Mopsuesteni , Theodoretī contra Cyrillum , & Ibæ Edesseni epistola ad Marim Persam , in Concilio C. P. anno 547. De Theodoro pertractatum est singillatim in Synodo *Mopsuestena* anno 550. Damната demum *tria Capitula* in *Constantinopolitana* II. & *Œcumenica* Synodo *Quinta* communiter appellata , in qua & Origenis proscripti fuerunt errores , & iterum confirmatum Concilium Chalcedonense . Huic Synodo V. anno 552. congregatæ ab Imp. Iuliano , Episcopi 155. interfuerunt . Et quamvis Vigilius Papa , veritus ne *trium Capitulorum* damnatione , (1) quam urgebant Eutychiani , & Acephali , ut elearent prælaudatum Chalcedonense Consilium , a quo Causam Nestorii non recte dijudicatam fuisse autumabant , quoniam Theodoretum & Ibam in communionem receperat ; quamvis Vigilius inquam veritus ne *trium Capitulorum* damnatione Eutychiana hæresis extolleretur , initio ipsi *Quintæ Synodi* obstitit ; re tamen discussa illam *Constituto* sua confirmavit ; quemadmodum fecerunt

Tom. I.

M

sub-

(1) Acerrima de *tribus Capitulis* controversia exagitari cœpit circa annum 546. Eam primum excitavit Theodorus Episcopus Cæsareæ in Cappadocia , ut errores Origenistarum repullulantes in Palæstina eximeret a damnatione , accusando Theodoretum , quod patrocinatus Nestorio lacessisset scriptis S. Cyrillum Alexandrinum , Theodorum Mopsuestenum , quoniam hæresi Nestorianæ viam aperuerat , & Ibam Edessenum , quia in sua ad Marim Persam epistola eundem Theodorum Mopsuestenum cum laude commemorasset . Hinc fraudem Theodori Cappadocis Justinianus Imperator non suspicatus , omnium primus cum Origenistis in proscriptionem trium illorum *Capitulorum* intendit animum . Quamobrem Vigilius Romanus pontifex diu ea in causa hæsitans , Fideique Christianæ pericula metuens , non levis animi inconstantia peccavit , ut quidam scribere , sed caute prudenterque se gessit . Ipsius Vigilii *Constitutum* , quo tandem approbavit Synodum V. eruit e tenebris eruditissimus Balutius . Extat etiam de hac re Vigilii epistola Græco-Latina apud Cl. Petrum de Marca . Plura in dissertatione Historica de V. Synodo Henricus Cardinalis Norisius .

subsecuti Pontifices, de quibus cap. præcedenti. Quare modo de auctoritate *Quinta Synodi* nefas est hæsitare.

COMMEMORANDUM nunc esset Concilium *Aquilejense* eodem anno 553. post Synodum V. coactum, in quo eadem Synodus V. fuit reprobata, quod videretur Episcopis Occidentalibus compluribus, ob rationem, quam nuper attigimus, contraria Chalcedonenſi: unde Episcopi Veneti, Istriae, & Liguria se ab Apostolicæ Sedis communione diuturno schismate segregarunt. Sed hujus Concilii, quemadmodum, & in Illyrico antea celebrati anno 550. pro defensione *trium Capitulorum*, constat nullam habendam esse rationem. Hujus est generis Synodus Episcoporum, qui Romanæ Sedi in damnatione trium Capitulorum, ut nuper dicebam, refragabantur, coacta apud Gradum anno 579. a qua Synodo Metropolitana Sedes Aquileja Gradum translata fuit: unde Patriarchæ *Aquilejenses*, & *Gradenſes* deinceps sunt appellati. (1) Multo minus laudanda est Synodus 80. Episcoporum Euty-chianorum habita contra Concilium Chalcedonenſe anno 512. in *Palæſtina*: quam Synodum Marcellinus in Chronico vocat *infamem & irridendam*. Reliqua itaque Concilia breviter sunt recensenda.

PRO disciplina itaque Ecclesiastica indiſtæ Synodi

(1) Patriarchatum *Gradenſem* Venetias tranſtulit Summus Pontifex *Nicolaus V.* anno 1447. non autem, ut legitur apud Baronium, *Leo IX.* anno 1050. Fuit vero primus Venetorum Patriarcha S. Laurentius Justinianus. E Patriarchatu autem Aquilejenſi a Benedicte XIV. duo conſtituti ſunt Archiepiſcopatus, unus in civitate *Utri* provincie Fori-Julii metropoli. & poſt everſam Aquilejam Sede Patriarchatus: Alter *Gorizie* inter alpes, ſinumque Tereſtinum, in Dominio Auſtriaco, quatuor ab Aquileja leucis. Præcluſus eſt hac diſiſione facta anno 1752. aditus diſſidiis, non ſemel inter Auſtriacos Venetoſque ſuborſis, vel ob inaugurationem, vel ob viſitationem Patriarcharum. Condecorarunt vero Episcopatum Aquilejenſem olim Sanctiſſimi Antifites, *Hermagoras*, *Hilarius*, *Quirinus*, *Cromatius*, *Nicas*: & poſteaquam Sedes illa obtinuit jura Patriarchatus, quod contigit anno 605., Gradenſi, & Aquilejenſi Sede in unam coeuntibus, & ſingillatim Aquilejenſi anno 719. ſedente in Petri cathedra Gregorio III., ſanctitate ibidem claruerunt *Fridericus*, & *Beltrandus*, aliiſque deſcripti in *Sætris Monumentis* provincie Fori-Julii ab erudito Patriſio Utinenſi.

di istæ fuerunt: *Agathensis* anno 506. *Aurelianensis* anno 511. *Tarracoenensis* anno 516. *Gerundensis* anno 517. *Ilerdensis* anno 524. *Toletana* anno 527. *Vasensis* anno 529. *Aurelianensis* anno 533. & anno 538. *Barcinonensis* anno 540. *Turonensis* anno 567. *Bracarensis* anno 572. *Matifconensis* anno 581. *Narbonensis* 589. *Cæsaraugustana* 592. & *Barcinonensis* altera anno 599. Aliquas, si forte omisimus, supervacaneum est numerare.

C A P U T III.

HÆRESSES SEXTI SECVLI ENUMERANTUR.

PAUCIS caput istud absolvitur; nam exortæ hoc seculo hæreses germina fuerunt Eutychianæ, si errorem excipias Monachorum Acemetarum, qui negantes unam de Trinitate personam affixam Cruci adherabant Nestorio. Contra quos Monachi scythæ asserentes revera *Unum de Trinitate passum*, quamvis de iis initio oriretur suspicio, an vocabulorum novitate dogma Eutychianum inveherent, & ab Acemetis tanquam Eutychiani traducerentur; Catholici tamen declarati sunt a Joanne II. ut dictum est primo capite.

ITAQUE orta inter Eutychianos & Acephalos quæstione, an in unam coeuntibus divina, & humana Christi natura, ejus corpus, perinde ac nostrum, corporalibus affectibus esset obnoxium; quidam tale fuisse, nec libere, sed necessitate, asserabant: alii negabant, in antiquam hæresim declinantes, qua Dominum specietenus passum, & mortuum Gnostici, & Marcionitæ tradiderant. Primi *Severiani* a Severo Antiocheno ipsorum duce: secundi, quorum antesignanus fuit Julianus Hælicarnassensis, ἀκατάληκτοι; ab ἀδάπτος, *incorruptibilis*, sunt vocati. Nostros Theologi *Corrupticolas*, & *Incorrupticolas* appellaverunt. (1)

M 2

DUM

(1) *Acephali* in isto, & in superiori capite memorati, ita appellati sunt, quasi *Sine capite*. Nullum enim hæresis suæ agnoscebant auctorem; nam neque Eutychis doctrinam profitebantur, neque sequebantur

DUM quæstio hæc de Christi corpore Alexandriæ ageretur, subiit in mentem *Themistio* diacono uni *Acephalorum*, sicuti passionem in corpus, ita ignorantiam in mentem Domini irrepere potuisse, & minime assecutus quod legitur Marci 13. 32. (1) illi adtribuit diei extremi iudicii ignorantiam. Qui in hanc impietatem abierunt, ab auctore *Themistiani*, a dogmate ἀγροῦται, *Agnœta* dicuntur.

HIS ACCESSIT *Joannes Philoponus*, Grammaticus Alexandrinus, qui cum *Eutychianis* unam in Christo asserbat naturam, rejecta Synodo Chalcedonensi; at ne inde cogeretur fateri divinam naturam in tribus personis existentem fuisse crucifixam & passam, uti asseriebant Θεο-
παισ χίται, *Theopaschita*, necessaria connexion dogmatis *Eutychiani*, commentus est in Deo sicuti tres hypostases, ita tres adinveniri naturas, quarum una ab aliis distincta in Redemptore substituerit. Hujus sectatores τριθεῖται, *Tritheita* sunt appellati. (2)

CA-

fidem Catholicæ Ecclesiæ in synodo Chalcedonensi confirmatam. Haud male dixeris cum *Facundo Hermianensi* lib. 1. pro defensione trium Capit. cap. 5. *Semieutychianos*. Fuerunt enim revera *Monophysitæ*, ut eo loci notat *Cl. Simondus*, nimirum, unam in Christo statuebant naturam, & rejiciebant prælaudatam Chalcedonensem Synodum. Agunt de his *Leontius*, *Nicephorus*, *Liberatus*, *Ado Viennensis*, *Isidorus*, pluraque Concilia commemorata a *Du Cange* V. *Acephali*.
(1) De die autem illo, vel hora nemo scio, neque angeli in celo, neque Filius, nisi Pater. Similia *Matthæus* 24. 36.

(2) *Joannes Philoponus* non solum *Tritheitarum* fuit antesignanus & auctor, (nisi major cum *Affemano* tom. 2. Biblioth. Orientalis originem hujus hæresis potius referre ad Joannem alterum coenomento *Afcasnapum*,) sed erravit quoque circa mortuorum resurrectionem; dogmatizans hæc corpora penitus interire, aliaque a Deo. his fore substituenda. At *Philoponi Opus de Resurrectione*, de quo *Photius* cod. 21. deperditum est. Scripsisse contra Synodum Chalcedonensem, & contra Joannem Archiepiscopum C. P. SS. Trinitatis assertorem, tradit idem *Photius* codd. 55. & 75. Verum oppugnavit *Procli* sententiam de Mundi æternitate, sive de mundo ingenito, & incorruptibili, vel 18. ipse *Procli*, adversus Christianos Επὶ τὴν ἡμετέραν. Fuit *Philoponus* discipulus *Ammonii* Alexandrini, is vero auditor *Procli*, inquit *Cayrus*. initio Seculi *Monothelæti*, idest, VII.

C A P U T . IV.

ECCLESIASTICI SEculi VI. SCRIPTORES .

NULLA sacræ eruditionis pars est , quam scriptis hoc seculo Viri percelebres non exornaverint . Divinos enim libros præter Magnum Gregorium , de quo supra , Commentariis explanarunt *Procopius Gaza* , qui floruit imperante Justino , a Gaza Palæstinæ urbe , in qua fertur Cambyfes condidisse thesauros , nomenclaturam sortitus : *Victor Capuanus* Græce & Latine doctissimus , cujus fama medio seculo percrebuit , interpret *Harmonix Evangelicæ Ammonii* , & Auctor *Catene* in IV. Evangelia e Veterum scriptis collectæ : *Bellator* presbyter amicus *Cassiodori* , qui circa idem tempus notus erat nominis celebritate , atque in S. Scripturam libros edidit 36. temporis injuria deperditos ; ac *Primasius* *Adrumeti* , seu *Justinianopolis* in *Africa* Episcopus , qui pariter claruit sedente Romæ *Vigilio* , Epistolarum *Apostolicarum* , & *Apocalypseos* *Explanator* .

FIDEI vero Orthodoxæ dogmata propugnarunt *Paschasius* diaconus R. E. factionis tamen *Laurentianæ* , duobus luculentis contra *Macedonium* libris , vita functus an. 512. *S. Fulgentius* *Afer* Senatorio ortus genere , ex *Monacho Ruspensis* Episcopus , & unus eorum , quos in *Sardiniam* relegavit *Trafamundus* rex *Vandalorum* , *Prædestinationis* & *Gratiæ* vindex acerrimus , *Dominicæ* *Æconomix* , nimirum *Incarnationis* , Propugnator clarissimus , & *Arianorum* profligator invictus , doctrinæ suæ fideique nostræ scripto traditis munitis , revocatus ab *Hilderico* e *Sardinia* , ad superos abiit anno 533. (1) *Joannes Maxentius* *Archimandrita* monachorum *Scytharum* , qui Pontifice *Hormisda* *Unum de Trinitate* passum prædicabant , suam de Christo Catholicam professionem exposuit , pugnavit adversus *Acephalos* , & contra *Nestorianos* elucubra-

M 3

vit

(1) Quidam *Fulgentii* obitum consignant in anno 539. *Norisius* in anno 534. nonnulli in anno sequenti.

vit Anathematismos, duosque libros dialogorum. Adde *Ephraemium* Antiochenum, qui floruit sub Imp. Justiniano, scripsitque pugnavit pro Synodo Chalcedonensi, & pro Cyrilli Alexandrini doctrina, refutavitque Acephalos, atque Theopaschitas: *Justinianum* ipsum Augustum, a quo præter Corpus Juris Civilis laudandum proximo capite, epistolis suis tria Capitula pertrinxit, pro Chalcedonensi. & pro V. Synodo decertavit, necnon contra errores Origenis promulgavit Edicta: *Fulgentium Ferrandum*, S. Fulgentii, de quo paullo supra, discipulum, qui non semel commemoratam controversiam de uno ex Trinitate passo circa annum 540., expulso Eutychiano, & Nestoriano sensu, explanavit: *Facundum* Hermianensem in Africa Episcopum, quem, etsi in defensionem trium Capitulorum prægrande volumen elaboravit, Cassiodorus tamen appellavit *hæreticorum penetrabili subtilitate destructorem*: *Leandrum* S. Isidori Hispalensis fratrem, & Gothorum Apostolum, vita functum anno 595. auctorem duorum librorum adversus hæreticorum dogmata, & Opusculi contra Arianorum instituta: *Leontium* Byzantinum desinente seculo clarum, a quo hæreticorum sectis descriptis, refutati sunt tribus libris Nestoriani & Eutychiani, duobus aliis Apollinaristæ, necnon solutæ objectiones Severi; & *Heraclianum* Episcopum Chalcedonensem, cujus tamen ætas ambigua est, qui libris 20. subvertit omnem impietatem, cunctaque dogmata Manichæorum.

AD HÆC permulti de Historia fuerunt optime meriti. Etenim ineunte Seculo *Basilius Cilix* presbyter Antiochenus, præter libros 16. contra Joannem Scythopolitanum, exaravit Historiæ Ecclesiasticæ libros tres. *Epiphanius* Scholasticus, Italus, in Græcis Latinisque litteris eruditus, hortante Cassiodoro, circa annum 510. historias Socratis, Sozomeni, & Theodoretii latinas fecit, & in unum corpus contextuit. Idem *Cassiodorus*, præter opera alia pretio æstimanda, collectam ab Epiphanio Historiam in compendium redegit, ediditque libros 12. de rebus Gestis Gothorum; ut mittam Chronicum ab Adam usque ad annum 519. incuria nimia contextum. Libros illos de rebus Geticis, sive Gothorum, summam comprehendit, emendavitque anno 552.

Jernan

Jornandes Gothicæ gentis apud Ravennam Episcopus, qui & scripsit librum de Regnorum & Temporum successione, ex Historia Flori excerptum, Ecclesiasticam Historiam conscripsit *Theodorus*, qui anno 518. Lector erat Ecclesiæ Constantinopolitanæ. De bello Persico, de Vandalico, & de Gothico, & Historiam Arcanam absolutam anno 562. scripsit *Procopius* Cæsariensis, ad senatoriam dignitatem evehctus, & Belisario acceptissimus. Annales Francorum, & Martini virtutes & miracula, Gloriam Confessorum & Martyrum, consignavit litteris *S. Gregorius* Arvernus, & Turonensis Episcopus, cujus beata mors contigit anno 595. Ad hæc usque tempora deduxit libros sex H. E. *Evagrius* Syrus, cognomento Scholasticus, a synodo nempe Ephesina usque ad annum 12. Mauricii. Accessere Chronicorum scriptores, *S. Dacius* Archiepiscopus Mediolanensis, qui claruit sub Justino seniore (1): *Martellinus* Comes, Cancellarius Imperatoris Justiniani; *Victor* Episcopus Tunonensis in Africa, ob tria Capitula exilio, carceribusque, ubi circa annum 556. occubuit, sub Justiniano afflictus. Alii quoque historica Commentaria elucubrarunt, scilicet, *Liberatus* Diaconus Carthaginienensis Breviarium, historiam Nestorianam & Eutychianam complectens; *Cyrillus* Monachus Palæstinus vitas SS. Joannis Silentiarii, Euthymii, & Sabbæ Abbatum; *Theophanes* Byzantinus res gestas Romanos inter & Persas; *Gildas* natione Britannus Britannicæ res, excidium, & Sanctorum virorum res gestas; & *Eutychianus* Cilix Pœnitentiam, & Conversationem *S. Theophili*.

INSUDARUNT præterea in colligendo Canones, & Fatrum decreta, *Dionysius Exiguus* Monachus Scythæ, & Abbas Romanus, cui & debemus Cyclum annorum

M 4.

97.

(1) Chronicon istud annorum sexcentorum asservatur MS. in Bibliotheca Ambrosiana, non una descriptum manu. At istud videtur Dacio suppositum, tum quia titulus recentior apparet, tum quia progreditur usque ad annum 1067. cum *S. Dacius* obierit circa annum 555. Periit itaque Chronicum Dacii, & Auctor M. S. Mediolanensis fuit Landolphus, sub cujus nomine illud edidit Ludovicus Antonius Muratori tom. IV. Script. Rerum Italicarum.

97. inchoandum ab anno 527. (1) *Martinus* Episcopus Bracarenfis in Hispania Tarraconensi, vel potius in Lusitania ; & *S. Augustinus* Gregorii Magni discipulus , atque Anglorum Apostolus , qui fertur circa Seculi VI. finem Cantuariensis , quam regebat, Ecclesiæ ex Patrum regulis collegisse statuta .

AD FORMANDOS quoque mores, & religiosorum virorum dirigenda instituta, intenderunt animum bene multi. *S. Casarius* e Litinensi monasterio anno 502. ad Sedem Arelatensem, hinc vero anno 542. evectus ad beatorum regnum, in virginibus & adolescentibus dirigendis, in tradenda Monachis, & sanctimonialibus Regula, & fidelibus omnibus edocendis totus incubuit. *S. Simeon Stylites Junior*, qui exactis supra columnam non procul ab Antiochia annis 68. ad caelestem patriam migravit anno 595. formulas tradidit Dominum, ac Deiparam exorandi. Tum regula, tum libro de Ordine Monasterii, sententiisque pluribus iter ad perfectionem complanavit *S. Benedictus* Monachorum Occidentis Patriarcha, vetusta Aniciorum familia ortus, ad eremum Sublaci profectus, inde in Cassinum, ubi anno 543. spiritum caelo reddidit. Sermones Asceticos 87. edidit circa idem tempus *Isaac* natione Syrus, factus ex Episcopo urbis Ninives anachorita. *Scalam* Paradisi designavit scriptis *Joannes*, ab
eremo

(1) Cyclum illum Dionysius condidit superiori anno 526. ut diximus in *Rudim. Chronol.* cap. 7. Progreditur tamen ab anno 527. Vide Petavium lib. 13. de Doctr. Temp. ad annum P. Jul. 526. Christi 526. Adscivit, reformavitque majorem cyclum Victorianum, seu periodum annorum 532. , quamquam hujus in suis epistolis Dionysius non meminit. Immo prælaudatus Petavius lib. 12. cap. 3. censet a Dionysio adhibitum duntaxat Cyclum annorum 95. sub *Cyrilli* nomine laudatum. Nos Cyclum annorum 97. diximus, præeunte Mariano Scoto ad annum 527. Sed legenda *Historia* Cycli Dionysiani in lucem edita Wittembergæ anno 1718. Quod certum est, Dionysius, abjecta Æra Diocletiani, cycli sui annos computare cepit a *Domini Incarnatione*, ut diximus capite 12. Chronologiæ. Coeperunt vero anni supputari a *Christi Nativitate* anno Incarnationis sexcentesimo primo, imperante Mauritio, quemadmodum in Vita Romani Pontificis *Gregorius* demonstrat ex Epistolis Gregorii Magni & *Papirius Massonus*.

eremo quem coluit Sinaita, & ab Opere edito *Climacus* nuncupatus; Græcis enim scala, seu gradus dicitur κλίμαξ: & S. *Columbanus* ex Hibernia in Burgundiam, hinc in Italiam profectus, Bobiense condidit monasterium, cui regulam, Institutiones spirituales, & Pœnitentiale præscripsit.

DENIQUE & poesi stylum exercuere præstantes viri: nam inter Opera *Severini Boethii* in arcto Ticinensi carcere decollati anno 526. (1) habentur libri 5. de Consolatione Philosophiæ compositi simul metro, & soluta oratione. Inter scripta S. *Ennodii* Ticinensis Episcopi vita functi anno 521. extant Poemata & Epigrammata plura. *Arator* Ligur anno 544. Heroico Carmine Apostolicam descripsit Historiam, & *Venantius Fortunatus* Italus non procul a Tarvisio natus, vergente ad exitum seculo, Poematum libros undecim, quibus varia subjiciuntur carmina Gregorio Turonensi dicavit. Omni itaque eruditionis genere præfulsit seculum Ecclesiæ sextum.

C A P U T V.

AUGUSTI PRINCIPES, SANCTORUMQUE
PERMULTI.

MISERANDO exitu extincto Anastasio anno 518. Imperium commissum Flavio Anicio Justino e Thracia, suario jam & subulco: qui cum foret comes excubitorum, collata sibi ab Amantio spadone magna

(1) Severino Boethio Patritio, & Exconfuli fuit lætissima conjux Elpis, ejus Romæ in porticu Vaticano positum Epitaphium:

*Elpis dicta sui Sicula regionis alumna,
Quam procul a patria Conjugis egit amor:
Quo sine musta dies, nox anxiosa, flebilis hora,
Nec solum caro, sed spiritus unus erat.
Lux mea non clausa est tali remanente marito,
Majorique animi parte superstes ero.
Porticibus sacris jam nunc peregrina quiesco,
Judicis æterni testificata thronum.
Nequa manus bustum violet, nisi forte jugalis
Hæc iterum cupiat jungere membra suis.
Ut thalami tumulique comes nec morte revellat
Et facies vitæ nollas uterque sinis.*

gna pecunizæ vi, per quam conciliato exercitu acclamaretur Theocritianus, illam ad comparandam sibi dignitatem adhibuit. Qua adauctus Theocritiano contis transfixo, & projecto in gurgitem, uxorem suam Lupicinam, nominatam deinde Euphemiam, declaravit Augustam, resque Catholicorum juxit quammaxime. Ejus enim opera Occidentalem inter & Orientalem Ecclesiam, post diuturnam separationem, coeptam a temporibus Acacii a Felice III. communionem privati, concordia inita est: Arianorum Ecclesias jussit ritu Catholico consecrari capitisque damnavit hæreticos, maxime Manichæos. Vita functus est anno ætatis suæ 77. imperii 9. Æ. V. 527. *Consule. Marciano Cal. Augusti. (1)*

SUPERSTITE Anastasio Eutychiano, pro fide Chalcedonensis Synodi trucidati fuere anno 512. Monachi Maronitæ CCCL. & anno 517. Severus Acephalorum Caput alios plusquam CCC. eandem ob causam mactavit in Syria. *Du Navvas* Judæus Homeritarum in Arabia regulus, expugnata anno 522. urbem Nagrau, hujus præsidem *Aretham* cum aliis 340. affecit martyrio, inter quos puerulus annorum quinque cum matre injectus fuit in ignem. *Cabades* item Seracenorum Persarumque rex (1) morti tradidit Christianorum ingentem numerum: impe-

(1) Justinum Imperiali diademate coronatum C. P. a Romano Pontifice Joanne I. tradunt cum auctore Libri Pontificalis complures Historici. Corippus Poeta Africanus lib. 2. inquit:

*Postquam cuncta vides ritu perfecta priorum
Pontificum summus, plenaque ætate venustus,
Adstantem benedixit eum, calique potentem
Exorans dominum, sacra diademate jussit
Augustum sancire caput.*

Verum ad Joannem III. & ad Justinum Juniores Papirius Massonus hæc refert lib. 2. pag. 103. Justinus Senior, de quo nunc agitur, priorem conjugem *Lupicinam* renunciatus imperator appellavit *Euphemiam*. Hac e vivis sublata, anno 523. aliam duxit *Theodoram* nomine. Urbes terræmotu dirutas restauravit, Corinthum & Dyrrachium anno 521. Anazarbum vero Ciliciæ secundæ metropolim, dictam postea *Justinopolim*, anno 524. In exilium expulit Episcopos Arianos, Nestorianos, & Eutychianos. Iustino *Vilius* Epitaphium istud concinnavit:

*Accipit imperium Thræx, armentarius ante
Justinus, frugi Cæsar, obitque pius.*

(1) In persecutione Cabadis regis Persarum complures Christi fideles, quibus evulsa, aut præcisa fuerat lingua, expedite nihilominus & cla-

imperante Justino e vita quoque migrarunt anno 520. S. *Avitus* Episcopus Viennensis, anno 521 S. *Brigida* monialis in Scotia, & anno 524. Sanctus Burgundiæ rex *Sigismundus*.

ADPTAVERAT Justinus filium sororis suæ *Flavium Justinianum*; qui succedens avunculo imperium tenuit annis fere 39. extinctus ætatis suæ anno 87. Chr. 565. die 14. Novembris. Uxor illi fuit *Theodora* Cyprides, insolens femina, & *Eutychiana* addicta. *Triboniani*, aliorumque ICC. opera perfecit Corpus Juris Civilis, comprehendens Institutionum libros 4. Pandectarum, seu Digestorum 50. & Codicis 12. Addidit postea *Novellas* 168. *Authenticas* ~~anno auctoritas~~ nuncupatas. Promulgatus Codex anno 529. *Novellæ Constitutiones* anno 535. Civile bellum, quod paraverant nepotes *Anastasio* Hypatius, *Pompejus* & *Probus* affectantes tyrannidem, sustulit horum cervicibus amputatis. Per duces *Belisarium*, *Alexandrum*, & *Narsetem* Gothos domuit, Persas devicit, Romanoque imperio restituit Africam occupatam a *Vandalis*. Sese controversiis Ecclesiasticis, plus forte, quam decebat Imperatorem, immiscuit, quandoque instigante conjuge *Eutychiana* a recta deflectens. (1)

IMPERIUM administrante Justiniano, a *Manucha* pirata prope *Messanam* anno 541. necati fuerunt *Placidus* monachus, S. *Benedicti* discipulus, cum *Flavia* sorore, duobus fratribus, aliisque monachis 30. (2) anno. au-

clare loquebantur, Dei nomen magnificantes. Quod in persecutione pariter Vandalica, sive Africana Arianorum, contigisse *Reparato* tradit lib. 3. *Victor* Vitenfis. Possunt tam mirabili eventui aptari ea verba *Prudentii* Hymno 14. *nepi* vsq.

Christum loquenti lingua, nunquam defuit.

Ne verba quæras, quo regantur organo,

Cum prædicatur ipse verborum dator.

Rex item *Homeritarum* in Arabia factus e Christiano *Hebræus*, permultos fideles, inter quos enituit S. *Arethas*, immanissime trucidavit. Rex ille *Du-Nawas* appellabatur: de quo plura in *Historia Arabum Pocockius*, & in vita *Mahumetis Prideaux*. Contigit *Homeritarum* persecutio circa annum 70. ante *Pseudopphetam*.

(1) In hæresim *Monothelitarum* prolapsus.

(2) In *Breviario Romano* consignatur horum martyrium anno 539. III. Nonas Octobris.

autem 546. sub Totila rege Gothorum abscissum caput *Herculano* Episcopo Perusino. Obierunt, eodem Imperatore, sanctissimi Episcopi *Remigius* Remensis; *Aurelianus* Arelatenfis, *Lupus* Lugdunensis, *Medardus* Tornatenfis, & *Germanus* Capuanus. Incidit in hæc tempora mors prælaudati *Benedicti*, ejusque sororis *Scholastica*, *Saveriani* Abbatis Agaunensis, *Clotildis* Francorum reginæ, necnon anachoreticam vitam agentium, in Palæstina *Cyriaci*, & in Umbria *Isaaci*, & *Florentii*.

IMPERARUNT post Justinianum (1) *Justinus Junior* illius nepos, *Tiberius Constantinus* a Justino adoptatus, & *Mau-*

(1) *Plavius Anicius Justinus* parentem habuit *Vigilantiam* sororem Justiniani, uxorem vero *Sophiam*, adeq. procacem, & imperiosam mulierem, ut *Narfeti*, qui Italiam regebat, probrofe objecerit, idoneum esse duntaxat ad pensa cum puellis trahenda in gynæceo. *Narfes* respondisse fertur, orditurum se telam, quam neque ipsa *Sophia*, nec maritus possent extricare; quod fecit vocando in Italiam *Longobardos*. Hos quidam dictos putant a duobus linguis illorum vocabulis, *Lang*, longa, & *baers*, barba; unde *Guntherus* apud *Du.Cange* in Glossario,

Dicitur a longis ea Longobardia barbis;

quidam ita appellatos volunt a propria urbe in ora maris Balthici sita, quam dixerunt *Bardum*, *Bars*; nonnulli a genere, quo utebantur, armorum, hastis bipennibus similium: aliqui demum, quod coaluerint ex *Lingonibus* & *Bardiis*; sed hi ad Gallias attinent. Justinum, ut ad illum revertamur, *Europaiatem* vocarunt, quia fuerat Prætorii Præfectus. Fuit mollis, dissolutus, & deliciis, sædisque deditus voluptatibus. Pelagiana quoque hæresi infectum ajunt. Ex fastu ac timore incidit in dementiam. Nuncupavit Imperatorem Comitem Excubitorum, suadente *Sophia*, scilicet, *Tiberium Constantinum*, cujus illa ardebat amore. Obiit podagra. De Justinio *Mycillus*, quasi *Episaphium* condens:

Ingenio, & pietate Minor, non tempore tantum

Hic fuit: ast ingens cultor avaritiæ.

Regna sub hoc Longi ceperunt Italia Bardi:

Ipsæ padum morbo, mentis egenus obis.

De *Tiberio* autem idem *Mycillus*,

Ast hic divitiis regni elargitur egenis,

Erga alios facilis, nec gravis ipse sibi.

Devicis Persas, & Successores creato,

Ipsæ domi placida morte quietus obis.

Succedat *Tiberii* fuit *Mauritius*, cui *Tiberii* quoque accessit cognomen. Cappadox fuit, sed Arabibus oriundus. Parentes habuit *Paulum* & *Joannam* ex vetusta, & olim Romana familia. Uxor illi *Constantina* filia *Tiberii*. Ex hac suscepit *Theodosium*, aliosque liberos jussu *Phocæ* necatos, filiaque *Anastasiam*, *Theoctistam*, & *Cleopatram*, detrosas antea in Monasterium, deinde final cum matre peremptas. Trucidatus est *Chalcedone* anno ætatis suæ 63. *Constantinæ*, natarumque cadavera ad mœnia urbis C. P. sepulta fuerunt in templo *S. Mammatis*, cum Epitaphio edito a *Pharasma* tubiculario Justiniani, qui

& *Mauritius* Cappadox adoptatus a *Tiberio Constantino*. Decessit *Justinus* anno 578. mense Octobri, duodecimo imperii sui anno: *Tib. Constantinus* cum imperasset annis 4. placide obiit Constantinopoli anno 582. *Mauritius* vero creatus Cæsar hoc anno die 5. Augusti, & die 13. Imperator acclamatus, cum imperium tenuisset annis 20. interfectus fuit cum omnibus filiis, & propinquis suis a *Phoca* anno 602., exeunte Novembri. *Justinus Cnropalates* dictus, infectus fuit hæresi Pelagianorum, duxit uxorem *Sophiam*, mulierem adeo truculentam, & ambitiosam, ut ejus causa *Narfetes* in Italiam accefferit Langobardos. Ceterum princeps fuit justitiæ studiosus, publicæ tranquillitatis amator. *Tiberius Constantinus* fuit liberalis ac strenuus, fuditque duobus præliis Persarum copias. At *Mauritius*, quamquam belli, & pacis artem calleret, enormi tamen avaritia & iracundia adeo in se tumultuantes milites concitavit, ut inde *Phocas* illum opprimendi arripuerit occasionem.

HAC ETIAM Seculi VI. postrema parte in Christifideles impiorum sævit immanitas. Etenim anno 580. *Visigothorum* rex *Leowigildus Arianus* in illos infiliit, ægre ferens filium suum *Hermenegildum* ad Catholicos accessisse. Ipsum vero *Hermenegildum* anno 589. interfici jussit, quoniam noluit ab *Ariano* antistite recipere

in campo jacentium corporum sepulturam curavit. Est autem Epitaphium illud, quod sequitur:

*Hic sita quæ Regum (dolor heu!) miserranda duorum
Uxor Mauritiis, filia Tiberit.*

*Quæ, partu monstrante meo, fecunda probavi
Multorum esse etiam posse bonum Imperium.*

*Militis huc furor, & populi levis ira Moritum,
Me, sobolemque meam sanguinolenta tulit.*

*Heu mihi! Quid gemitis Niobem? Ego mortua spiro,
Aspera continuis sexa rigo lacrymis.*

*Cladibus haud Hecuba certent, Jocastaque nostris,
Nam levior dolor est; casus uterque parens.*

*Seve, quid infantes perimis vltique dolique
Ignaros? Aetas quid dedis illis mali?*

*Non tibi Roma, meis jam praebeo frondibus umbras,
Turbine Threicio stirpitus interit.*

Si Epitaphium istud tumulo Constantinæ, & filiarum ejus revera insculptum fuit, ut in *Mauritiis* refert *Zonaras*; actum id crediderim extincto *Phoca*.

pere communionem. Trucidatus hoc ipso anno orans in templo *Prætextatus* Episcopus Rothomagensis jussu Fredegundis Francicæ Jezabelis. Augustoritii, seu Pictavii anno 587. ad Agni nuptias evolavit *Radegundes* regina. Exitum sæculi Sanctissimorum Episcoporum pretiosa mors decoravit, ut *Theodori* Massiliensis anno 594. *Anastasi* Antiocheni, qui a monte Sinai, ubi antea monasticam egerat, *Sinaita* vocatur, anno 599. (1), & *Agrii* Augustodunensis anno 600. Eodem anno 600. martyrio affectus *Cecardus* Lunensis Episcopus, cujus sacrum corpus colitur Carrariæ in Etruria Mediterranea.

C A P U T VI.

DOCTRINA, ET DISCIPLINA SEXTI CHRISTIANI SEculi.

MYSTERIA, quæ objecta sunt fidei nostræ, fuerunt luculentius exposita. Nam ex controversiis hoc sæculo exortis didicimus ambiguas evitare sententias, ut *Unum de Trinitate passum* asserere, non attentâ divinitatis substantia, sed assumpta natura hypostatice unita divinæ. Per hanc vero unionem, non sublata utriusque naturæ proprietate, sed humana ad jura divini Verbi translata, ita idem Verbum dici natum & mortuum secundum carnem, ut in hanc voluntate ejus liberrima impetus passionis, vulnerumque ictus irruerint. Ex intima illa, & substantiali unitione in Dei hominis animam, cum plenitudine gratiarum, constat plenissimam scientiam fuisse transfusam. Araulicana II. Synodo finita est omnis quæstio de Gratia, & Semipelagianorum error proscriptus.

SACRAMENTALIA librique Liturgici Missarum ostendunt celebratam solemnitatem (2). Episcopi in Anglia, & signan-

(1) Referunt Annales Eccles. ad annum 585. martyrium S. *Alexandri* Episcopi Fesulani.

(2) Institutæ a S. Gregorio Magno initio Pontificatus sui Litaniz Majores, ut scribit cap. 57. Micrologus. Factum id ad avertendam inenitabilem luetem, Romanum populum post inundationem aquarum insoli a cæde vexantem. Intellige Litanias, quæ celebrantur VII. Kal. Majas.

signanter Metropolitæ Londinensis, & Eboracensis instituti fuerunt Romani Pontificis auctoritate. Iudicia Episcoporum in Synodis provinciarum fuerunt discussa: Iidem Episcopi, qui a Clero eligebantur approbante populo, interdum promoti sunt Principum auctoritate. Imposita etiam Subdiaconis lex cœlibatus (1), Diaconi 25. ætatis anno, presbyteri 30. ordinabantur. Ecclesiasticis cunctis congruens præscripta est disciplina.

MONASTICUM ordinem propagarunt viri sanctissimi *Cæsarius*, *Anrelianus*, *Fructuosus*, *Columbanus*, & alii, sed nemo felicius *S. Benedicto*; cujus Ordinis initia referuntur ad annum 529. vel potius 524. (2), Illius statuta confirmavit anno 595. *S. Gregorius Magnus*.

AD CHRISTIANAM religionem perduxit hoc Seculo Britannos & Anglosaxones *S. Augustinus*, laudatus cap. 4. Bojos, seu Bavaros, Bohemosque *S. Rupertus* Episcopus Wormatiæ, Pictos Scotosque *S. Columbus* Monachus Hibernus (3)

AP-

nam quæ habentur in tribus feriis ante Ascensionem Domini, auctorem habuerunt Sec. VIII. Leonem III. ad universam Ecclesiam extendentem Rogationes, quas pro Ecclesia sua instituerat Mamertus Episcopus Vienneſis.

(1) Indictam a Pelagiò II. Subdiaconis Siciliae continentiae legem scribit ad annum 588. Baronius. Idem conſtat ex Epistolis *S. Gregorii Magni* ad Petrum Subdiaconum & ad Leonem Episcopum Catanensem. Ab ea lege, quæ tamen in Romana Ecclesia vetusto more servabatur, Subdiaconatus cepit inter majores Ordines recenſeri, non tamen ubique. Vide Lupum p. 4. in Synodos diſſert. 1. proœmiali cap. 3.

(2) *S. Benedictum* natum anno Chr. 480. Zenonis Imp. 7. & Odoacris regis 5. mortuum vero anno 543. ætatis suæ 63. Leo Ostienſis, alique teſtantur. Propagavit in Galliis Monasticum *S. Benedicti* Institutum *S. Maurus* ejus Discipulus. Ab isto cognomen ſumpſit celeberrima ejusdem Ordinis Congregatio de litterarum reſtauratione & incremento maximopere ſollicita, atque optime merita. Migravit autem *S. Maurus* Abbas ad Superos anno 565.

(3) Fidem quoque Justiniano imperante amplexi ſunt *Bruti*, nomen ſortiti a paludibus ſtagnantibus, quas olim juxta Merulidem incolebant, de quibus Procopius lib. 1. de Goth. Trophæos in Chrenico, & Evagrius lib. 4. capite 10. Converſos item ad Christum *Abasgos*, ſive *Abasgos*, populos Colchidis habitantes in ora litorali Ponti Euſſei, apud quos Justinianus in honorem Deiparæ ſacram conſtruxit *Ædem*, necnon barbaros incolentes Tanaim, ſcribit idem Evagrius citato lib. 4. cap. 22. & ſequenti.

APPENDIX.

EXTERNARUM RERUM DELECTUS.

QUÆDAM regna exorta superiori seculo, & illorum Principes, commemoravimus. In Italia post Odoacrem regnasse diximus *Theodoricum*. Regnaverunt postea anno 526. *Athalaricus*: (1) anno 534. *Theodatus*: anno 536. *Vitiges*: anno 540. *Theodobaldus*: anno 541. *Alaricus*: anno ipso *Totila*: anno 553. *Tejas*, Gothorum regum postremus. *Langobardi* vero anno 568. regnum suum in Italia condiderunt, ac primus regnavit *Alboinus*, qui a Narsete invitatus cum armatorum 200000. e Germania, & Vandalia erupit, regnique sedem collocavit Ticini. Ex quo tempore Ravenna regum Visigothorum regia in Exarchatum pertransiit. Alboino autem anno 574. successit *Clephis*: huic post decem annorum interregnum anno 585. *Antharis*, & huic anno 590. *Agilulphus*.

FRANCORUM regnum post Clodovæum anno 515. consecutus est *Childebertus*: anno 560. *Clotarius*: anno 565. *Cherebertus*: anno 574. *Chilpericus*: anno 588. *Clotarius II.* vita functus seculo VII.

POST Trasamundum regnum Vandalorum in Africa auspicatus est anno 523. piissimus *Hildericus*, qui statim Episcopos exules revocavit. Huic *Gilimerius* vitam regnumque abstulit, sed & ipse a Belisario victus, & Constantinopolim adductus est anno 533. Ita regnum Vandalicum ab occupata Carthagine a Gensericco, scilicet ab anno 439. stetit solummodo annis 95.

REGNAVIT in Hispania post Alaricum ab anno 506. *Gesaleycus*: deinde ab anno 526. *Amalaricus*: ab anno 531. *Theudas*: ab anno 548. *Taudegessillus*: ab anno

no

(1) Sunt qui inter Athalaricum, & Theodatum biennio regnasse tradunt *Amalasuntham*, Regnumque Theodari definiunt anno 537. *Vitigis* 541. *Theobaldi*, & *Alarici* 542. *Totila* 553. *Teja* item eodem anno. Cœpit anno 559. apud Anglos Ε πριγκιπα, septem nempe Principatumum partitio, qui in unum redacti sunt anno 828. regnante *Egberto*.

no 549. *Agila* : ab anno 554. *Athanagildus* : ab anno 567. *Liuba* : (1) ab anno 568. *Leovvigildus*. Ariani omnes. Tum ab anno 586. *Recaredus*, primus regum Gothorum, qui fidem Catholicam amplexi sunt, frater sancti martyris Hermenegildi.

INTER hujus seculi bella prætermittenda non sunt Gothicum, & Langobardicum. Illud exortum est anno 535. *Cos. Belisario*, & Gothorum rege Theodato. At Belisarius Siciliam recuperavit, debellavitque Neapolim. *Vitiges* interfecti Theodati heres anno 537. Romanam Urbem tali cinxit obsidione, ut matres, fame etiam per Italiam grassante, filiorum carnibus vescerentur. Strenuissimus tamen Belisarius Romam ab internecione redemit; quin anno 539. expugnavit Ravennam, captumque Vitigem cum Gothorum Optimatibus, & ingenti divitiarum copia captivum adduxit ad Justinianum Constantinopolim. Interea temporis *Langobardi* quoque irruerunt in arma, atque excisum illorum impetu Mediolanum. *Totila* Gothorum rex castra rursus movit ad Romanæ Urbis excidium, eamque occupavit anno 546. incenso Capitolio, ac diruta magna murorum parte. *Narses* Romam liberavit a Gothorum tyrannide, occiso Totila anno 552. Paulo post *Thya* superato atque extincto, Italia Gothorum jugum excussit. At Langobardi anno 581. occuparunt Neapolim, & 589. solo æquarunt amplissimum monasterium Cassinense.

Cujusmodi sit humanæ felicitatis ludibrium, facile ex his intelligitur. Illud ulterius patefacit, cum *Visal- lianus* anno 520. dum consulatum gerebat, Justino imperante, interfectus, tum *Symmachus* Senator, socer Severini Boethii, anno 525. necatus Ravennæ jussu Theodorici. Quid *Belisarius* tantorum gloria bellorum? Ob suspicionem conjurationis in Justinianum anno 561. omni expoliatus honore despectissimam vitam transegit: nec desunt, qui asserant excæcatum eo pervenisse miseræ, ut obulum peteret in eleemosynam.

Tom. I.

N

INFOR-

(1) *Liubam* extinctum quidam ajunt anno 572. *Leovvigildus* autem anno 585.

INFORTUNIA alia complura testantur vitæ hujus calamitatem. Savissimam famem Italiæ paullo superius commemoravi. Pestilentia autem anno 558. tam dire vexavit Constantinopolim, *ut sepeliendis mortuis*, inquit Theophanes, *non sufficerent vivi*. Terræmotu anno 524. concidit Anazarbus Ciliciæ metropolis. Eodem concussa anno 526. & ferme diruta, sæpe per totum annum repetito motu, Antiochia, addito ad terrorem incendio, adeo, ut imperator Justinus depositis diademate, & purpura saccum induerit. Rursus eadem in urbe anno 528. ingenti terræmotu corruerunt cuncta fere ædificia, & cessavit tandem flagellum, inscriptis domorum januæ, aut parieti iis verbis, *χρισὸς μετ' ἡμῶν εἶρε*. Ipsa civitas anno 587. vehementi quassata est iterum motu terræ. Constantinopolim pariter anno 557. quo S. Sophiæ templum mirabilis structuræ perfectum est, terræmotus concussit, pertimescentibus civibus advenisse finem, & interitum mundi. Incendio insuper anno 525. igne mirabiliter e summis tegulis descendente, in prædicta Anthiochena urbe plurimi perierunt. Aqua item, exundante extra alveum Scirto fluvio, vastata: fuit Edessa civitas Syriæ, Justinopolis quoque appellata.

DE LITTERIS, ac disciplinis bene plurimi meruerunt. In arte enim Grammatica ceteris præstitit Priscianus Cæsariensis, omnium sui generis princeps. Eloquentia excelluit Petrus Patricius Thessalonicensis, qui mira facundia quolibet barbara demulcebat ingenia. Poeticam excoluit Corippus, a quo scripti fuerunt libri 4. de laudibus Justinii Junioris heroico Carmine. Præclara de Philosophia conscripsit Volumina Proclus Lycius, Platoniorum sectator dogmatum; at addidit adversus Christianos 18. *ἐπιχρηµατα*. Sequutus Procli impietatem Damascius Damascenus illius auditor, & in Schola Atheniensi successor. Veritatis studiosus dicitur a Photio Cod. 69. Hefychius Milesius, qui Historiam scripsit annorum 1190. eamque appellavit *Romanam*, & *Omnigenam*. Sui xvi historiam tradiderunt litteris Hermolaus Byzantinus, & Agathius, memorati a Joanne Curopolata, & Cedreno. Beulanum Anglum, ejusque Opus de Genealogiis Gentium novimus tantum ex Balzo. Hunibaldus, qui scripsit de rebus

rebus gestis Francorum, dicitur a Vossio *Scriptor* tressis, minimi scilicet pretii. (1) Accesserunt Seculi hujus *Scriptoribus* alii complures. Etenim inter JCC. præter illos, qui in Codice Justiniano perficiendo plurimum insudarunt, floruit circa eadem tempora *Thalelaus*, qui in Græcum Pandectas accuratissime vertit, appellatus a Cujacio doctissimus Græcorum, atque ab aliis Græcis Interpretibus τῆς νομικῆς ὀφθαλμὸς, idest, *Oculus Jurisprudentiæ*. Boethius, cujus supra meminimus, etiam in Philosophicis litteris excelluit: nam in Porphyrium, in libros Aristotelis Analyticos, necnon de Geometria, de Musica, & de Arithmetica pertractavit. *Alaricus* Visigothorum rex, quem Clodovæus superavit, Theodosianum Codicem emendavit, & quibusdam additis, quibusdam autem abasis promulgavit Tolosæ, anno regni sui 22. & Æræ Christianæ 506. Circa idem tempus Rab. *Asec* fertur collegisse *Talmud* Judæorum, quod *Babylonicum* vocant.

N 2

SEPTI-

(1) Quidam *Proclum* hoc Seculo VI. vixisse autumant, sed vide Not. Seculi præcedentis. *Diadocum* dictum, ait Caveus in Sec. VI. sive Eutychiano. Addendus *Simplicius* egregius Philosophus, Platonicus & Peripateticus, ortus in Phrygia, & familiaris Damascii. Clarebat anno Christi 508. Æræ Diocletianæ 224. Qui ergo tradunt *Simplicium* floruisse tertio Seculo, Æræ Martyrum pro Dionysiana accepere. Idem *Simplicius* in Explanationibus Aristotelicis carpit, mordetque Christianæ religionis dogmata. A quibus luerunt quoque alieni *Agathias* Smyrnenfis, nobilis alioquin Historicus, *Chalcidius* Philosophus, & *Alexander* Lycopolitanus, quamvis is confutaverit Manichæos, ut constat ex tomo 2. *Auctarii* Bibl. PP. editi a Combesio. Videntur item nulli religioni addicti *Procopius* Palæstinus & domo Cæsarensis, quem commemoravimus superiori capit. 4. emunctarum narium historicus, rhetor nobilis, & ad Senatorium ordinem aliasque dignitates a Justiniano evectus, necnon *Tribonianus*, cujus meminimus cap. 5. appellatus *Conditor Juris Civilis*, natus in Pamphylia, a Justiniano Quaestor, Assessor, & Consul creatus. Sane *Tribonianus* male audiit apud Suidam, *Hocfomanum*, *Mosbernium*, alios. Exornavit autem illius vindicias Janus Vincentius Gravina in libro de Ortu & progressu Juris Civ. num. 137. Eundem *Tribonianum* commendat plurimum Imperator Justinianus, de *Conceptione*, & de *Confirmat. Digestorum*. Ceteri, qui in componendo Justiniano Codice adlaboraverunt, C. tit. de *Vet. Jure emulando*, l. 2., & alibi laudantur.

SEPTIMUM ECCLESIAE S E C U L U M .

C A P U T I.

SUCCESSIO PONTIFICUM ROMANORUM.

POST Gregorium Magnum Catholicæ præfuerunt Ecclesiæ, *Sabinianus*, *Bonifacius III.* *Bonifacius IV.* *S. Deusdedit*, *Bonifacius V.* *Honorius I.* *Severinus*, *Joannes IV.* *Theodorus I.* *S. Martinus I.* *S. Eugenius I.* *S. Vitalianus*, *Adeodatus*, *Donus I.* *S. Agatho*, *S. Leo II.* *S. Benedictus II.* *Joannes V.* *Conon*, *S. Sergius I.*

LXVII. SABINIANUS Volaterris ortus est, fuit que primum Gregorii Magni diaconus, postea successor. Usus æris Campani dicitur invenisse, quem alii tribuunt S. Paulino Nolano, unde Campanam dici *Nolam* opinantur: at usus hoc nomine ad significandum tintinnabulum lib. 8. cap. 6. Quinætilianus, qui floruit imperante Domitiano, ac I. Seculo. Tradunt Sabinianum obiisse a Gregorii spiritu percussus propter avaritiam in capite: sed pace Sigeberti, somnium id est, & fabella. Supremus illi dies 22. Febr. anno 606. nondum expleto Pontificatus biennio.

LXVIII. BREVIOR fuit Pontificatus *Bonifacii III.* Romani. Is enim electus anno 607. XI. Calend. Martias, efficiens, ut etiam a Phoca Imp. Romana Ecclesia declaretur omnium aliarum caput & mater, ecclesiam rexit mensibus 8., extinctus IV. Idus Novembris an. 607.

LXIX. HUC successit *S. Bonifacius IV.* e Valeria apud Marfos: qui *Pantheon* olim a M. Agrippa ædificatum, & adhuc post tot urbis clades superstes, annuente Phoca, Virgini reginæ Martyrum consecravit, & vita decessit labente anno Episcopatus sui nono, & V. Æ. 615. septima die Maji.

LXX. AB EO anno 615. usque ad an. 618. quo obiit V. Idus Nov. sedit in Romana Cathedra vir eximie sanctitatis *Deusdedit*, filius Stephani civis Romani,

mani, electus, quod nondum contigerat, adhuc subdiaconus, si fides habenda sit Anastasio & Liberato, cui & Ven. Baronius subscripsit.

LXXI. TENUIT deinde Pontificatum annis fere 6. *Bonifacius V.* mortuus anno 625. die 22. Octob. immerito reprehensus, quod asseruerit Christum nos redemisse a solo originali peccato; quum eo sensu locutus sit, quo Joannes cap. 1. 29. Ἰδὺ ὁ αἰνὸς τῷ Θεῷ ὁ αἰὼν τὴν ἀμαρτίαν τῷ κόσμῳ, quod nempe solum originale peccatum mundum infecerit universum.

LXXII. ELECTUS postea *Honorius I.* Campanus. Audiit immerito tamquam Monothelita, propterea quod ad schisma vitandum noluerit mentionem fieri unius, duplicis in Christo operationis, aut voluntatis. Ecclesiam rexit annis 13. atque e vita migravit anno 638. die 12. Octobris.

LXXIII. OCCEPIT inde Pontificatum, post diuturnum Interpontificium, *Severinus* Romanus, qui Heraclii Imperatoris improbavit *Eclesim*, nempe expositionem fidei Monotheliticam; ac ideo, Imperatoris jussu thesauros Ecclesiae Lateranensis Isacio Exarcho diripiente, ex animi ægitudine interiit anno 640. Calendis Augulti, mensē vix expleto a sui inauguratione secundo.

LXXIV. NON IMPLEVIT duos Episcopatus annos *Severini* successor *Joannes IV.* sublatus e vivis an. 642. die 11. Octobris, quum prædictam *Eclesim* proscripsisset, & *Honorii* Epistolas, quibus abutebantur Monothelitæ, Catholico sensu explicasset.

LXXV. POST Joannem rexit Ecclesiam *Theodorus I.* Is Monothelitis anathemate inultis, & improbato *Typo* Constantis, e vivis excessit, dum ageret septimum Pontificatus annum, die 5. Maji, anno Aeræ Communis 649.

LXXVI. EVECTUS post *Theodorum S. Martinus I.* ad Sacerdotii fastigium, damnatis in Lateranensi synodo una cum *Eclesi*, & *Typo* Monothelitis, omnem Constantis injuriam, carceres, contumelias, & omne calamitatis genus animo invicto sustinuit, obiitque relegatus in Chersonesum Thraciæ, & ærumnis confectus, inchoato Pontificatus anno septimo, die 21. Septembris, anno Domini 655.

LXXVII. DIGNUS fuit, qui Martini sedem occuparet

paret *S. Eugenius I.*, illo exule Ecclesiæ regimini intentus, & a puero in Romanum Clerum adscitus. Verum a *S. Martini* obitu non explevit in Episcopatu biennium, ad nobiliorem æternamque sedem translatus anno 657. die 4. Junii.

LXXVIII. DIUTURNIOR fuit Pontificatus *S. Vitaliani*, cujus patria Signia Campaniæ civitas. Sedit enim ultra annos 14. & fato cessit an. 672. VI. Cal. Februarias. Hujus sanctitatem etiam *Constans A.* ejusque filius *Constantinus Pogonatus* venerati sunt; eique *Constans* dono misit perverustum Evangeliorum Codicem, auro gemmisque exornatum.

LXXIX. AGEBAT quintum Pontificatus annum successor *Vitaliani Adeodatus Romanus*, & monastici instituti sectator, quando viam universæ carnis ingressus est, anno 676. die Junii 26.

LXXX. ADEODATO successus est *Donus I.* patria item Romanus, cui *Reparatus* Archiepiscopus restituit antiqua Jura supra Ecclesiam Ravennatensem, quam decessor *Maurus* violaverat, fretus potentia *Exarcharum*. Sedit anno I. cum dimidio, mortuus an. 678. III. Idus Aprilis.

LXXXI. *S. AGATHO* monachus Siculus post *Donum* Pontifex constituitur. Hoc Pontifice, & *Constantino Pogonato* indicta Œcumenica Synodo concidit hæresis Monothelitarum, quæ diu Orientalem vexavit Ecclesiam. Virtutibus meritisque clarus IV. Idus Januarias anno 682. terram reliquit.

LXXXII. AGATHONI successit *S. Leo II.* & ipse Siculus, Græce & Latine doctissimus, quem undecimo mense, anno scilicet 683. V. nonas Julias terris rapuit celestis Jerusalem.

LXXXIII. INVIDERUNT pariter militanti Ecclesiæ rectorem beatissimum *S. Benedictum II.* Romanum Incolæ supernæ Patriæ, ad se illum invitantes, exacto decimo Pontificatus mense, anno 685. septima die Maji.

LXXXIV. NEC diuturnus fuit Pontificatus *Joannis V.* patria Antiocheni: quem mors abstulit proximo anno 686. Augusto mense ineunte.

LXXXV. QUANDIU autem sedit *Conon*, Thrax genere, ætate, moribus, eruditione percelebris? Adeptus Pontificatum prædicto an. 686. XII. Calendas Novembris,

ea se levavit sarcina anno insequente 687. XI. Cal. Octobris.

LXXXVI. AB eo demum tempore usque ad annum 701. quo mortem oppetiit die 7. Sept. sanctissime gubernavit Ecclesiam *Sergius I.* ortus Antiochiæ. Sopitum est S. Sergii inauguratione dissidium, & contentio de supremo Pontificatu exorta anno superiori 686. inter Petrum, ac Theodorum presbyteros, & rursus excitata anno 687. inter Theodorum, & Paschalem Archidiaconum, quibus antea populus in factiones distractus summum conferebat honorem.

PATRIARCHARUM NOMINA.

PATRIARCHÆ Alexandrini post S. Eulogium fuerunt Eutychiani, seu *Jacobitæ*, quo etiam nomine Eutychiani dicti sunt a Jacobo Syro, monacho, & Severi discipulo. Excipiendus tamen S. *Joannes Eleemosynarius* vita functus an. 616. ejusque successor *Georgius*; post quem sedit *Gyrus Monotheleta*. Antiochiæ vero post Gregorium sederunt S. *Anastasius II.* & alii, quorum nomina usque ad ann. 1098., cum fuerint fere omnes hæretici, atque Antiochia sub tyrannide barbarorum, obscura sunt, & incerta. At Jerosolymis præfuerunt Ecclesiæ post Amos, *Isychius*, *Zacharias*, *Modestus*, & *Sophronius*: quo Ecclesiam Jerosolymitanam gubernante, anno 637. venit S. Civitas in potestatem Saracenorum. Ab hoc itaque anno usque ad finem Seculi XI. Jerosolymorum ignorantur Episcopi. Constantinopolitanos autem Patriarchas prætermisimus, quoniam, ut alibi monuimus, jura Patriarchalia violato Nicæno canone usurparunt, consecuti sunt vero, Romana Ecclesia consentiente, anno duntaxat 1215. Cunctorum enim Episcoporum nomina recensere neque hujus est loci, neque instituti.

C A P U T II.

CONCILIA CELEBRATA SEPTIMO ECCLESIE
SECULO.

INTER Seculi hujus Concilia, ea maxime sunt recensenda, quæ ad hæresim spectant Monotheliticam paulo post describendam. Cerera enim attinent ad Ecclesiasticam disciplinam. Ubi ergo anno 633. Cyrus Patriarcha Alexandrinus coacta Synodo sub specioso unionis prætextu hæresim Monothelitarum studuit comprobare; eodem anno Sophronius *Ierosolymitanus* altero indicto Concilio statuit duas esse in Christo operationes & voluntates. Approbata insuper anno 639. a Sergio Constantinopolitano, altero Monothelitarum coryphæo, Synodali conventu, *Ethesi* imperatoris Heraclii; insequente anno 640. eandem *Ethesi* & Monothelitas damnavit *Romanum* Severini Concilium. Quod & præstitit anno 645. Salvius Episcopus in Synodo Aurelianensi; & anno 646. summus Pontifex Theodorus, qui convocato Concilio in Pyrrhum, ceterosque Monothelitas scripsit anathematis sententiam, non solo atramento, sed vivifico sanguine instillato divini calicis, ut litteris tradiderunt auctor Historiæ Miscellæ, ac Theophanes. Proscribere rursus Monothelitas eodem anno 646. Synodi tres Africanæ *Chartaginensis*, & *Provincia Byzancæ*, ac *Numidiæ*.

DUO AUTEM celebriora Concilia adversus Monothelitas congregata fuerunt, *Romanum* nempe anno 649. & *Constantinopolitanum* Œcumenicum VI. anno 680., ut duo mittam anni 679. Anglicanum, nimirum, & Mediolanense. Concilium *Romanum* celebratum est jussu S. Martini I. in Æde Lateranensi: in quam conveniunt ex regionibus suburbicariis, & diocesi Italica, & Urbica Episcopi 105. Cuncti Monothelitas, eorumque dogma, atque *Ethesi* Heraclii, & *Typum* Constantis diris deoverunt, & subjecere anathemati. Ad Synodum vero Œcumenicam, indictam a piissimo imperatore Constantino Pogonato, communicatis cum S. Agathone Pp. consiliis, & congregatam in *Trullo* (nomen istud imperiali Palatio trullistato, & in rotundam tecto-

rum

rum concamerationem constructo) convenisse Episcopos ducentos undenonaginta tradunt Annalia Græcorum; sed 166. præter Legatos Apostolicos exhibent solummodo subscriptiones. Id, quod in *Lateranensi*, plenaria hæc Synodo definitum est: damnata hæresis Monothelitica: iusti anathemate, etiam expresso nomine, præcipui illius hæresis propugnatores; atque *Eclesis*, *Typusque* proscripta.

SUNT ex Novatoribus, qui pariter *Œcumenicam* esse contendunt Synodum *Trullanam*, seu *Quinisextam*, coactam an. 692. Dicitur *Trullana* a palatio, vel secretario Imperiali, cui nomen *Trullus*, ut nuper scripsimus; *Quinisexta* autem, quasi fuerit quintæ, & sextæ synodi appendix, & supplementum. Interfuerunt huic synodo juxta Balsamonem & Zonaram Episcopi 217., & in exemplaribus inveniuntur subscripti num. 211. Canones in illa editi 102. Rejicitur tamen ab Orthodoxis, eamque reprobarunt Romani Pontifices Sergius I. & Joannes VII. Sunt enim nonnulli istorum canonum absurdi, ut quibus concutitur sacrorum ministrorum cœlibatus, & jejunium sabbati servatum olim in Ecclesia Romana, atque sub gravissimis pœnis prohibetur Clericis laicisque abstinencia a sanguine, & suffocato. Permulti tamen canonum *Trullanorum* Ecclesiasticis regulis non adversantur, eosque, non omnes, approbarunt octavo seculo Constantinus, & Hadrianus I. Romani Pontifices.

Ex CONCILIIS pro disciplina Ecclesiastica celebratis commemoranda præsertim sunt XV. Toletana, complura habita inter annum 610. & 694. in quibus Metropolitani jura Toletano Antistiti confirmata fuere, subjecti Ecclesiasticis censuris lapsi in crimen fornicationis, & quæ ad fidem moresque pertinent constituta, Catholica interdum contra Monothelitæ confessione præmissa, & ambiguis quorundam locutionibus explanatis. (1) His accedunt *Romanum* sub Bonifacio IV. de regimine Ecclesiæ Anglicanæ indi-

(1) In Toletana altera Synodo anno 693. depositus fuit & in exilium pulsus Sisbertus Archiepiscopus Toletanus, quod in Egicani regis necem conspirasset.

indictum anno 610. Parisiense anni 615. de causis Episcoporum ad Metropolitanum deferendis. Traiectense anni 697. de sanctis viris mittendis ad prædicandum exteris Gentibus Evangelium; aliaque id genus plura. A quarum Synodorum numero expungimus *Aquilejensem* anni 698. in qua ob trium Capitulorum condemnationem quinta quoque Synodus rejecta fuit.

C A P U T III.

HERESSES SEculi SEPTIMI.

GRASSATA est Seculo VII. in Ecclesia Orientali hæresis *Monothelitarum*, furculus, & appendix Eutychianæ; nam quemadmodum Eutychiani unam asseriebant in Christo naturam, ita Monothelitæ dogmatizabant unam in Christo voluntatem, & *ἐνεργίαν*, live actionem. Quare *μονοθελίται* dicti sunt à *μῆκος*, unus, & *θέλημα*, voluntas. Monente Athanasio Jacobitarum Antistite Eutychiano, imperator Heraclius anno 629. petiit a Sergio C. P., & a Cyro tunc Phalidis, postea Alexandriæ Episcopo, num in Christo admittenda foret una, an duplex voluntas, & operatio. Illi vero unam statuerunt, quam appellarunt *θεωδωρικὴν*, idest, *Dei-Virilem*, nomine derivato a *θεός*, Deus, & *ἄνθρωπος* homo, cujus genitivus est *ἀνθρώπος*. Movit Sergius Heraclium, ut ederet Ectesim, quam anno 639. synodo confirmavit. Est autem *ἐκθεσις* idem, ac *expositio*; a verbo *ἐκτί-θωμι*, expono. In illa una in Christo voluntas, & una tantum actio enuntiabatur. Adhæsit eidem luto Pyrrhus Sergii successor, & Paulus, qui Pyrrho ob exulceratum Imperatoris animum in Africam secedenti substitutus fuit anno 642. Is anno 648. a Constante Imp. extorsit edictum ne diceretur una, nec duplex Christi voluntas; damnatus idcirco eodem anno a Theodoro Pontifice, & anno proximo 649. a S. Martino I. Ipsi Paulo imputandum est, quod Martinus accersitus sit Constantinopolim, relegatus, gravissimisque malis afflictus. Dicitur tamen Paulus ante mortem egisse erroris, scelerisque sui poenitentiam. Edictam illud Constantis *Typus* vocatur: quamvis enim *τύπος* idem sit, ac forma notaque impressa, a Verbo

Verbo *τύπτω*, *percussio*; illo tamen vocabulo non semel in Novellis Justinianeis constitutio, & lex designatur. At Cyrus ex Episcopo Phasidis in Colchide renunciatus anno 630. Patriarcha Alexandrinus prætextu conciliandi Severianos, seu Acephalos cum Catholicis, unam Christi operationem *ῥεάνδρικαν* cœpit majori audacia dogmatizare, & anno 633. coacta synodo stabilire. Firmavit & ipse propria subscriptione anno 639. *ἐκθεσιν* Heraclii, & e vivis sublatus est anno proximo 640. Atque his cum Monotheletarum dogma, tum quæ superiori capite diximus, obviam habent explanationem.

ERUPERUNT eodem Seculo VII. nonnullæ aliæ hæreses, vix nomine notæ. Prima est *Christolytarum*, *χρισολύτων*, asserentium Dominum relicto deorsum corpore ad cælos cum sola divinitate adscendisse: horum nomen est a *χριστός*, *Christus*, & *λύω*, *solvere*. II. *Gnostimachorum*, *γνῶσιμάχων*, qui scientiam omnem, divinæ etiam scripturæ, Christianis contrariam, vanam, & inutilem reputabant, nomen sortiti a *γνώσις*, *cognitio*, & *μάχομαι*, *pugno*. III. *Ἐθνοφρόνων*, appellationem habentium ab *ἔθνος*, *gens*, & *φρόνω*, *sapio*, quoniam Gentilium sectabantur superstitionem, divinationes, auguria, & incantamenta, simulque Christianorum, & paganorum festa servabant. IV. *παρερμηνευστων*, ad libitum, ingeniumque duntaxat suum, sacram Scripturam interpretantium: quorum nomenclatura derivata est a verbo *παρερμηνεύω*, *prave interpretor*. Hæ nobis hæreses innotuerunt ex libris S. Joannis Damasceni.

HIS ACCEDUNT Armeni, qui a septimo usque ad quintumdecimum seculum erroribus implicati a Romana Ecclesia fuerunt avulsi. Impliciti fuerunt hæresi Eutychiana, negarunt sacramentum Confirmationis, & in sacra oblatione vinum nulla admixtum aqua adhibebant. In celebrandis quoque festivitatis, ritibusque dissidebant a Latinorum, & Græcorum Ecclesiis: sed hoc postremum fieri potuit absque hæresis impietate.

CAPUT IV.

SECVLI SEPTIMI SCRIPTORES ECCLESIASTICI.

QUAMQUAM Seculi VII. Scriptores numero & celebritate iis, qui duobus præcedentibus Secula floruerunt, nequeunt æquiparari; nec pauci sunt lismen, nec proletarii. In Historia enim ineunte Seculo versati sunt *Joannes* Antiochenus cognomento *Malala*, qui ab orbe condito usque ad ætatem Justiniani Senioris libris 18. perduxit Historiam Chronicam; necnon *Isychius* Patriarcha Jerosolymitanus, a quo præter Commentaria in Scripturam divinam, selectasque Orationes, edita fuit Ecclesiastica Historia, quæ tamen deperit edacis temporis injuria. Accesserunt adolescente Seculo *Theophylactus* Ægyptius, Scriptor rerum a Mauricio Augusto gestarum: *Marcus*, & *Sisebutus* Monachi, qui aliquas Sanctorum Vitas scripsere, & *Joannes* itidem monachus in investigandis calculis festi Paschalis assiduus: quorum ætas florebat circa annum 620. Editum ab *Anonymo* Chronicum Alexandrinum, quod & *Fasti Siculi* inscribitur, a mundi origine usque ad annum 628. unde inferitur ætas Scriptoris. *Joannes Moschus* vitæ cultor monasticæ, cognomento *Eviratus*, rudi ac simplici stylo, ut inquit Photius Cod. 199. conscripsit de gestis Patrum Opus Historicum, inscriptum *Pratum Spirituale*, seu *Viridarium*: & *Nennius* Britannus, & ipse monasticam vitam professus, pertractavit de rebus Britonum, sive de Britannorum historia. Uterque autem circa annum 630. mortalem vitam agebat.

VERUM peculiari titulo commemorandi sunt *Antiochus* monachus Palæstinus, *S. Sophronius* Patriarcha Jerosolymitanus, *S. Maximus* C. P. S. *Isidorus* Hispalensis, *S. Idelphonfus* Toletanus antistes, & *Anastasius* monachus Sinaita. Enimvero *Antiochus* monasterii *S. Sabbe* alumnus, & sanctitatis laude percelebris, superstes erat anno 629. comprehenditque homiliis 130. totius religionis Christianæ, divinarumque Scripturarum doctrinam, inscripto hunc Operi *Pandectarum* nomine.

ne. Sunt autem πάνδεκται nihil non continentia volumina, a πάν, omne, & δέχομαι, capio: unde, pariter libri omne jus comprehendentes πάνδεκται vocantur. Scripsit etiam Antiochus Exomologesim ad Deum; librumque de vitiosis cogitationibus. S. *Sophronius* ortus Damasci, monachus, electus anno 629. Patriarcha Ierosolymitanus, Cyrum Monothelitam palam redarguit, ejusque libellum Satisfactionis præscriptum Severianis, refellere, & ab Honorio Papa cassari curavit, mortuus anno 639., post captam Ierosolymam ab Haumare duce Saracenorum. S. *Maximus* patria C. P. natus anno 580. & in exilio defunctus anno 662. non solum Pyrrhum Monothelitam confutavit publicis disputationibus, ac intrepide restitit Constanti Imp. fidei causa carceres, ærumnas, ac deportationem parvipendens; verum etiam Monotheliticæ hæresi perpetuum bellum indixit, præter scripta alia ascetica, & Theologica, de duabus in Christo voluntatibus, de duabus operationibus, de Aëtis cum Pyrrho, de hypostasi & natura, aliosque Tractatus hujus generis præstantissimos exarando. S. *Isidorus* Episcopus Hispalensis, cujus beata mors contigit anno 636. libros scripsit Etymologiarum, de Ecclesiasticis Officiis, aliosque a S. Leone Papa IV. plurimum commendatos (1). De perpetua Deiparæ virginitate, partu, gestisque præcipuis, necnon de Scriptoribus Ecclesiasticis, de rebus liturgicis, & epigrammata varia, pie doctæque scripsit S. *Idelphonsus* ad Episcopatum Toletanum anno 657., ad regnum vero beatorum evectus anno 667. Demum *Anastasius* Sinaita, ab altero Anastasio item Sinaita, Patriarcha Antiocheno, de quo superiori seculo, secernendus, litteris tradidit notitiam omnium hæresum ab initio religionis Christianæ, & Conciliorum, quibus damna-

tæ

(1) Nonnulli, qui Commentaria Scriptorum Ecclesiasticorum ediderunt, ut Guillelmus Caveus, ajunt S. Isidorum conscripsisse *Chronicum* ab exordio mundi usque ad annum 626. Verum in fine ejusdem *Chronici* legitur: *Fiunt igitur ab exordio mundi usque ad præsentem ævum 654. hoc est anno quinto Imperatoris Heraclii, & quarto Principis Sisebuti anni 583.* Ita in Vaticanis editisque Codicibus, teste *Schellstræno*. Aera Hispanica 654. concurrit cum anno Christi 616. & quarto Sisebuti regis Hispaniarum, sed cum Heraclii anno exto.

et fuerunt, usque ad VI. Œcumenicum celebratum, ut diximus supra, Pontifice Max. Agathone, & Imp. Constantino Pogonato, anno 680.

His vero, quorum peculiaris habenda erat memoria, accedunt *Dorotheus* Palæstinus Arch. mandrita, qui scripsit de vita pie instituenda: *Paterius* Gregorii M. discipulus, qui explanavit difficiliora Scripturæ loca: *Conon* discipulus olim Joannis Philoponi Tritheitæ, (1) postea ejus adversarius, qui in ipsum condidit Invektivas. Apologiam edidit pro S. Theophobio. *Themistius*: *Nicias* Monachus Philoponi deliramenta oppugnavit: aliquas SS. Vitas conscripsit *Jonas* Hibernus: *Cosmopoicam* carmine Jambico exposuit *Georgius* Nicomediensis: de Dagoberto Rege disseruit *Audoenus* Sueffionensis: Pœnitentiale, Opus omnibus pœnitentiæ casibus accommodatum, elucubravit *Theodorus* Tarsensis Monachus: de adventu Christi, de origine mortis, de animarum receptaculis, extremoque Judicio pertractavit *Julianus* Pomerius Toletanus; & Concordiam canonum exeunte Seculo concinnavit *Cresconius* Episcopus Africanus.

G A P U T V.

SECVLI VII. AUGUSTI PRINCIPES, ATQUE VIRI QUIDAM SANCTISSIMI

MAURICIO Interfecto anno 602. die 22. Novembris, imperium arripuit *Phocas* in Thracia obscuro genere ortus. A quo nil memoria dignum patratum est, nisi quod Romanæ Ecclesiæ agnovit, firmavitque Primatum. Tantæ enim ignaviæ, & libidini se dedit, ut *Cosrhoes* rex Persarum in illum irruens, quasi Mauricii mortem vindicaturus, facile expugnaverit Chalcedonem, sitam e regione Con.

(1) Ipse Joannes *Philoponus* Alexandrinus, & arte Grammaticus scripsit in Hexameron, & de Paschate, pluraque Philosophica, quibus navabat operam, ut idem inquit lib. 4. *Phyl.* ΔΙΧΛΑΡΗΤΗΣ ΕΣΤ. ΤΑΥ. Diocletiani anno 333. Concurrit cum anno Ær. Chr. 617. De ipso tamen *Philopono* vide Not. 3. ad caput tertium præcedenti Seculi 6.

Constantinopolis. Reges quoque alii ob Imperatoris defidiam lacerarunt imperium. Quare ipsi Constantinopolitani cives captum Phocam adduxerunt ad *Heracium* urbem eam obsidentem: atque omni affectus ignominia, in ipsa, qua Heracius vehebatur, navicula, truncatus est capite, anno 610. sui principatus 8. (1)

PHOCÆ imperante, Antiochiæ Syriæ metropolis seditione commota, Iudæi mactarunt ingentem Fidelium numerum, excarnificato etiam sanctissimo Patriarcha *Anastasio*. Sub Cosrho Persarum rege martyrium subiit *Anastasius* alter monachus, laudatus in Actis Concilii IL Nicæni, in fluenta demersis monachis aliis LXX. Ciennæ item in Galliis iubente Theodorico lapidibus obrutus est *Desiderius* Episcopus, quoniam prolata sententia illa Apostolica 1. ad Corinth. 7. *Melius est nubere, quam uri*, id ægre tulerat regis concubina *Brunchildes*.

POST Phocam imperium tenuit *Heracius* annis 31. ex hydropo extinctus anno 641. undecima die Martii. Filius fuit *Heracleonæ* Præfecti Africæ, & addictus Monothelitis: de ejus enim *Ectesi* dictum est supra (2).
 fu.

(1) *Phoca* nomen recte huic Cæsari convenit ob genus obscurum, ob immanitatem, ob vitæ turpitudinem. Phocæ enim maris sunt monstra, de quibus in tertio *Georgicorum* Virgilius:

Littore in extremo, ceu naufraga corpora fluctus,

Proluit, insolita fugiunt in flumina phoca.

Et libro quarto.

Quippe isa Neptuno visum est, immania cuius

Armenta, & turpes pascis sub gurgite phocas.

In nummis tamen hujus Imperatoris nomen invenitur absque inspiratione, *Focas*. Uxorem habuit *Leontiam* nomine; ex qua suscepit filiam *Domentiam*, connubio junctam *Prisco* patritio Constantinopolitano. Naresetem Persis formidolosum iussit vivum cremari: Prætorianos milites convicia in illum iactantes, partim obtruncavit, partim demersit in mare, partim carceri inclusit. Antequam iubente *Heracilio* caput illi amputaretur, ob multorum conjuges adulterio pollutas, excelsa ei fuerunt virilia. Lege *Cedrenum*, & *Zonaram*.

Seditio Iudæorum, qui Antiochiæ permultos Christianorum interfecerunt, contigit paullo ante obitum Phocæ anno 610. At misso Antiochiam exercitus, Iudæi seditionis, & crudelitatis suæ, vel perempti, vel mutilati, vel ejecti condignas pœnas tulerunt.

(2) *Heracilio* duæ fuerunt uxores, *Fabia*, quam mutato nomine appellavit *Eudociam*, ex qua suscepit *Epiphanium*, & *Heracium* Juniores, quem nominavit Augustum, eique indidit nomen *Constantini*: & *Fabia* defuncta, uxorem duxit *Martinam* filiam fratris sui, insignis pul-

Heraclius Cosrhoem multis elatum victoriis (de-
bellaverat enim anno 614. Jerosolymam, subla-
ta inde cum omni Ecclesiastica supellectili Domi-
nica Cruce, ac postea Egyptum, Alexandriam &
Libyam diripuerat) anno 623. insigni victoria prostravit,
coegitque e Gaza discedere. A proprio filio Syroe Cos-
rhoes deturbatus est folio, tetroque carceri anno 628. in-
clusus, & spiculis toto corpore lancinatus. Inita inter
Syroem & Heraclium pace, Crux salvifica recuperata est,
& anno 629. in priori loco recondita. Eodem anno He-
raclius iussit, ut Judæi omnes Jerosolymis ejicerentur,
nec auderent illuc ad tria accedere milliaria; & Eccle-
sias insuper a Cosrohe traditas in Syria Nestorianis, ut
redderentur Catholicis imperavit: his utique nominibus
magnopere commendandus.

OCCUPATA a Persis Palæstina, & expugnatis anno 614.
Jerosolymis, martyrio affecti clerici omnes, monachi, &
virgines. Reliqui fideles captivi ducti: quorum Judæi
nonaginta millia necarunt. Floruerunt interea temporis
sanctitate *Eusebius*, *Deicola*, alique discipuli S. Colum-
bani: e cujus monasterio Luxoviensi in Gallia Belgica
quinque sanctissimi Episcopi hoc eodem tempore prodie-
runt.

TRIUM, qui subsecuti sunt, Augustorum infelix im-
perium. Nam *Constantinus III.* Heraclii filius, qui an-
no 641. successit patri, quarto imperii mense veneno sub-
latus est a Martina noverca, ut imperaret hujus filius
Heracleonas. At is quoque, nondum sexto mense transa-
cto, ineptus ad rempublicam administrandam, dejectus
est, illi naribus Senatus consulto recisis, ac matri lin-
gua amputata. *Heraclius Constantinus II.* filius *Constanti-*
ni III. & *Gregoriz* imperavit quidem ultra annos 6.
sed Monothelitis adhæsit, cum Saracenis in Orien-
te, & cum Langobardis in Italia adverso fato pugnavit,
atque iracundus, suisque exosus Syraculis in balneo, fi-
tu-

eritudinis feminam, quæ illi plures peperit liberos. Verum propter in-
cestas has nuptias, ut scribunt Nicephorus & Egnatius, creditum est
hanc ei pœnam fuisse illatam, ut priapismo laborans sursum mingeret,
faciemque suam proprio lotio perlueret.

tula ipsius capiti impacta, occisus fuit anno 668. die Julii 15. (1) Quemadmodum moribus ac pietate, ita bellorum eventu felicius fuit Constante filius. *Constantinus IV.* cognomento *Pogonatus*: quod illi nomen accessit, quoniam Constantinopoli in Siciliam profectus ætate primæ lanuginis, redierat barbatus: *barba* enim Græce dicitur *παῦρος*. Mizizium tyrannum, cuius insidiis Syracusis percussus genitor fuerat, e medio sustulit: Saracenis, qui fere septem annis obsederant Constantinopolim ingenti ac formidabili classe, invictæ repulit, iniitque cum Bulgaris pacem, concessa eis *Myſia* *Asia* regione, appellata posthac *Bulgaria*. Major tamen gloria Constantini, quod indicto anno 680. Generali Concilio, pacem Ecclesiæ, damnatis *Monothelitis*, restituit. Naturali autem fato extinctus est anno Imperii 17. Aer. vulg. 685. mense Septembris.

HORUM annorum decursu fama sanctitatis incla-
ruerunt *Paulinus* Episcopus Eboracensis in Anglia, qui
obiit anno 644. *Emmeramus* Ratisponensis martyrio
Tom. I. O coro-

(1) Martinam, ut *Constantino* privigno suo propinaret venenum, impulerunt libido regnandi cum filio *Heracleona*, & improba *Pyrrhi* Constantinopolitani, aliorumque *Monothelitarum* consilia. *Heracleonas* itaque eodem anno 641. ad thronum fraude, ac violentia conscendit. Matri lingua præcisa, ne oratione aliquem ad commiserationem flecteret, filioque naribus mutilato, ut cunctis esset horrore, in Cappadociam relegati ambo fuerunt. Præcitato anno 641. & *Heracleona* imperante, a Saracenis, qui post diuturnam obſiſionem expugnarunt Cæsaream *Pa- læstinae* urbem, obtruncata fuisse septem millia Christianorum tradunt *Zonaras*, *Cedrenus*, *Paulus Diaconus*, alii. *Constans II.* sive *Heraclius* *Constans* successor *Heracleonæ* matrem habuit filiam viri celeberrimi *Nice- tæ*. *Gregoriam* cum plurimis diximus. Quidam *Anastasiam* appellant. *Constans*, cum non ferret fratrem *Theodosium* consortem imperii, primum iussit, ut initiaretur diaconatu, deinde illum occidit. *Theodosius* frequenter in habitu diaconi apparens per quietem fratricidæ, calicem ferens plenum sanguine, ac dicens, *Bibe frater*, eum adeo perterrefecit, ut non posset diu in eadem urbe perſistere. Non solum S. Marti- num Romanum Pontificem, verum etiam S. *Maximum* cum duobus discipulis, manu & lingua truncatum, quoniam adversabatur *Monothelitis*, relegavit *Chersonam*. Obiit S. *Maximus* apud *Alanos* an. 662. die 13. Augusti, hora transitus sui prænotiata. Vide cap. 4. *Constantini Pogonati* filii *Constantis* quo nomine appellata sit mater, hæte- nus ignoratur.

coronatus anno 553. quæ anno quidam tradunt corpus S. *Benedicti* ab *Aigulpho* monacho translatum fuisse *Floriacum*: S. *Eugenius* Toletanus vita functus anno 657. *Eligius* Episcopus *Noviomni*, qui obiit anno 658. regina *Bathildes* quæ obiit anno 680. (1)

Post *Constantium Pogonatum* renunciatus est Imperator illius filius *Justinianus II.* patri dissimilis. Is prælio a Saracenis devictus, a *Leontio* Isauro dejectus, naso mutilatus, & in *Chersonesum* relegatus fuit, dictus propterea est *πρωτομυκτος*, a *πρῶτος*, *nasus*, & *τεμνω*, *seco*. Eidem *Leontio*, qui anno 695. *Justiniano* imperium eripuit, nasus pariter a *Tiberio Absimaro* recisus fuit anno imperii ejus tertio, *Æ. Com.* 698. *Leontio* ablegato in *Dalmatiam*, occupavit imperium *Absimarus*: qui anno imperii septimo, *Ch.* 705. a *Justiniano* *Rhinotmeto* captus, & occisus est, ipso *Justiniano* imperium a *Leontio* sibi ablatum repetente.

DECORAVIT autem hanc postremam Seculi partem pretiosa mors plurimorum Sanctorum, ut an. 679. *Amandi* Episcopi *Trajectini*, & regis ac martyris *Dagoberti*: an. 680. *Agilberti* *Parisiensis* Antistitis: an. 682. *Joannis* Episcopi, ac martyris *Bergomensis*: anno 688. *Lamberti* *Lugdunensis*: anno 690. *Juliani* *Toletani*; & an. 698. *Theodori* Episcopi *Cantuariensis*.

CA-

(1) Alii permulti sanctitate clarissimi Seculo VII. ad caelestem patriam migrarunt. Nam *Nivigillæ* in *Brabantia* obiit anno 664. XVI. Kal. Aprilis *Gertrudes* virgo, clarissimo genere orta, & relata in Sanctorum classem decreto *Honorii* Papæ III. *Baronius* refert in not. ad *Martyrologium Romanum* III. Nonas Septembris circa annum 660. martyrium *Aigulphi*, aliorumque monachorum *Lirigenſium*, qui præcis linguis, oculisque effossis obruncati sunt gladio. *Siebertus* illos passos fuisse ait anno 651. Kalendis Decembris colitur memoria S. *Eligii* Episcopi *Noviomni* in *Belgio*, cujus vitam descripsit S. *Audoenus* Antistes *Rothomagenſis*. Idem *Audoenus* decessit anno 696. juxta *Chronicum* *Adonis*, juxta *Siebertum* vero an. 690. Colitur in *Martyrologiis* Nono Kal. Septembris. *Kilianus* monachus *Hibernus*, & *Francorum* Apostolus, cujus vitam describit *Surius*, a *Geita*, aut *Geila* uxore *Gosberti* *Franciae* Ducis, an. 689. eum duobus Sociis *Herbipoli*, vulgo *Wurzburg*, caesus est. Sedente *Sergio* Romano Pontifice, ad eum invensum *Cadualam* regem *Occidentalium Saxonum*, & sacro ablutum baptismo mox sancto sine quievisse, anno præcitato ab *Inarnatione Domini* sexcentesimo octuagesimo nono, narrat libro 5. *Historiæ Anglorum* *Venerabilis Beda*.

C A P U T VI.

SEculi VII. Doctrina, et Disciplina.

QUOMODO duas in Christo naturas contra Euty-
chianos, ita duas voluntates, duasque operationes
adversus Monotheletas, definiente Ecclesia, fateamur
oportet: persistente enim in eadem hypostasi duplici na-
tura impermixta, permaneant utriusque proprietates ne-
cessum est. Sacramentaria autem, libri liturgici, & ca-
nones Pœnitentiales avitam de Eucharistia, de Sacrificio
Missæ, de Pœnitentiæ Sacramento, fidem nostram corro-
borarunt. In ea quam adsumpserat, humana natura
Dominum a mortuis surrexisse, & adscendisse in cælum,
nefas est hæsitare: licere autem unicuique scripturam
divinam pro libito interpretari, ut autumant Novatores
jactantes privati spiritus energiam, soli ajebant Seculo
septimo *Parermineuta*.

PROPAGATUM Institutum Monasticum, & Sanctimo-
nialium erecta cœnobia, Sanctorum Viro:um Amandi,
Galli, aliorumque studio. Vetitum Clericis habitum de-
ferre laicorum, & Episcopis non urgente necessitate de una
ad sedem aliam transire. Immunitas Ecclesiis & mona-
steriis a Galliarum regibus confirmata. *Melchita* in Orien-
te sunt appellari Catholici Eutychianis, & Monothe-
letis oppositi: in Hispania vero qui debebant sub Ara-
bum dominatu, *Mosarabes*. Alii a *Muza* Arabum duce,
alii a *Musa*, quo vocabulo Arabes Christianum significant,
prædictum nomen arcessunt. *Mixtarabes* quoque dicuntur.
Horum divinum Officium *Mosarabicum* nuncupatur, dis-
positum a S. Isidoro Hispalensi; obtinuitque in Hispania
usque ad tempora Alphon: VI. & S. Gregorii VII. ad
annum nempe *M. Hispanicæ 1109.* immo diutius in sex
Toletanæ civitatis Parœciis, & Salmanticæ item serva-
tum fuit, posteaquam Hispaniarum Ecclesiæ ritus rece-
perunt Romanos.

SEDENTE in Petri Cathedra Honorio I. & Heraclio in
Oriente imperante, Saxones Occidentales a cultu idolo-
rum ad Christianam religionem conversi sunt a *Be-*
sario, quem ad illis Evangelium prædicandum misit

idem Honorius , Baptismum susceperunt una cum rege suo *Cunegildo* . Rex quoque Anglorum *Eduinus* baptizatus est cum subditis suis plurimis a sancto Episcopo *Paulino* , anno Christi 627. Legatur Ven. Beda lib. 2. Hist. Angl. cap. 14. & 16. Opera *S. Columbanii* , huiusque discipulorum delatum fuit Christi nomen ad Svevos , Francos , Helvetos , Batavos , Frisios , Westphalos. Enituit in hoc opere pietas , ac doctrina. Sanctissimorum virorum , *Galli* , de quo *Walafridus Strabo* , & *Joannes Mabillonius : Villibrordi* , de quo idem *Mabillon* , & *Alcuinus : Kiliani* , de quo *Henricus Canisius* , & *Jo. Petrus de Ludewix* . Caute de his legendus *Moshemius* parte I. hujus Seculi cap. 1. t. 4.

A P P E N D I X.

DE EXTERNIS REBUS .

LANGOBARDICUM in Italia ita continuatum est regnum . Post *Agilulphum* principatum anno 616. *Ardowaldus* cum matre *Theodelinda* coepit administrare : anno 626. maritus *Gundebergæ Ariowaldus* : anno 638. *Rotharis* *Arianus* : an. 654. *Rodoaldus* eadem hæresi infectus : an. 659. pius & Catholicus *Aribertus* : an. 661. *Gundebertus* : an. 663. *Grimoaldus* : 673. *Garibaldus* , ac post tres menses *Bertaridus* ; atque anno 691. *Cunibertus* .

REGNUM in Galliis post *Clotarium II.* indepti sunt , an. 632. *Dagobertus* : 646. *Clodoveus II.* 663. *Clotarius III.* 668. *Childericus II.* 680. *Theodoricus* : 694. *Clodoveus III.* & an. 698. *Childebertus II.*

IN HISPANIA post *Recaredum* auspicati sunt regnum anno 601. *Liuba II.* 603. *Wittericus* : 610. *Gundemarus* : 612. *Sisebutus* : 621. *Recaredus II.* & post paucos menses *Svinthila* : 631. *Sisenandus* : 636. *Chintilla* . 640. *Tulca (1)* : 642. *Chindasvintus* : 646. *Recisvintus*

(1) Sive *Tulgos* . *Wamba* , seu *Bamba* , inauguratus rex post *Recisvintum* , vel , ut quidam scribunt , *Recepsvintum* , anno 672. die prima Septembris , monasticum vitæ genus amplexus est , cuius successit *Ervogius* anno 680. die Octobris decimaquarta .

Ans. 672. *Wamba*: 680. *Ervigius*: 687. *Egicanes*, aut *Egica*.

HIS REGIBUS recensitis, ad Saracenos Christianorum infensissimos hostes, invita licet Minerva, stylum convertens, aliqua minus notanda prætereo, ut pestilentiam grassatam Romæ initio seculi, & Gregorio Magno superflite, Saxones cruento bello anno 630. superatos a Francis, extensam sub Rothare anno 646. & sequentibus a Luna Thusciz urbe usque ad Francorum fines Langobardici regni amplitudinem, & cæsos ab eodem rege Romanos, & Ravennates. Quid ergo de Saracenis? Horum, qui nomen trahunt a civitate Arabiæ *Saraca*, ducem se constituit *Mahomet*, seu *Mahumedes*, Pseudo-propheta anno 623., posteaquam superiori anno 612. ex urbe Mecha, antiquis Marraba, fuerat ejectus: a quo tempore subducitur *Hegira*, Epochæ nempe Turcarum, ita a Mahometis *fuga* appellata. Prædo ille, ac seductor in lucem editus anno 568. (1) patre *Abdalla* concipit anno 608. seipsum venditare prophetam Domini, uxori, quam viduam divitem duxerat, epilepsiæ, qua laborabat, convulsionibus suadens esse motus affluente numine concitatos. Ita *Mohammed*, quod Afabum lingua ajunt de-

O 3

de-

(1) Alibi legimus ortum *Mahometem* anno 570. die 5. Maii. Ita etiam *Voltaire* tom. 11. pag. 36. Initio Historiæ Saracenorum *Simonis Ockey*, natus dicitur *P'an cinq cens soixante-et-douze de J. C. la quarante deuxième année de Cosroes, surnommé Anouschirvan. & la quarante de l'Empire de Justin le jeune*. At annus quartus *Justini*, qui ad imperium evehctus est anno 565. *Æræ Christi*, incidit in annum 568.

Mahometis pater *Abdalla* a plerisque Ethnicis, mater *Emina* Judæa dicitur. Pueritiam ejus, defuncto patre, *Abusaleb* patruus curavit. Ortum Scriptores Arabes ajunt ex Tribu, quam ipsi appellant *Coreischitarum*. Cur natum dixerim anno 568., nuper rationem protuli. At *Treherus* anno 560., *Pfeiffer* anno 577., *Herpenius* anno 580., *Reiskius* anno 572. die 22. mensis *Nisan*. Mulierem *Assyriam*, *Chadijaab* nomine, ejus camelorum ductor erat, sui captam amore *Mahometes* duxit uxorem. Vidua hæc erat prælitis mercatoris *Ismaelitæ Abdimonepi*. Absurdissima sunt, quæ nonnulli tradunt de *Mahumete* apud *Thomam Itigium* de Hæresibus *Ævi Apostolici*, fuisse illum Nicolaum diaconum, a quo denominati fuerunt hæretici *Nicolaitæ*, aut fuisse S. Romanæ Ecclesiæ Cardinalem: quam opinionem *Ittigius* tribuit *Benvenuto Imolenfi* in suis ad Comœdiam *Danthis* commentariis. *Danthes* *Mahometem* commemorat in *Inferno* cantu 28. Neque apud Poetam, neque apud *Landinum* & *Vellutellum* tanta legitur impostura. Miror id effutisse *Imolensem*, si effutit tamen. Tolerabilior est, licet

denotari hominum *desiderium*, ex Mosaica, & Evangelica lege, quæ Judæis, & Christianis arrideret, commentus est religionem, retenta precum, pietatisque specie, quam boni non improbarent, & propositis, quibus improbi allicerentur, carnalibus voluptatibus. Librum postea Impostoris scita comprehendentem, & opera Sergii monachi, & quorundam Judæorum conscriptum, Arabes patria lingua appellavere *Alcoranum*. (1)

MA-

falsa, opinio illorum, qui tenent Mahometem esse *Antichristum*. Quamquam enim hoc illi nomen conveniat ampliori illa significatione, qua Antichristos multos esse ait Joannes epistola 1. cap. 2. 18, non est tamen seductor ille, *homo peccati*, & *filius perditionis*, seise extollens super omne, quod dicitur Deus, & venturus ante diem Domini, prænuntiatus, & descriptus in 2. Pauli ad Thessalonicenses epistola, capite 2. 3. Longe deterior, turilis, & execrabilis est assertio quorundam Saracenorum, quos non pudet asserere Mahometem esse Paracletum a Christo promissum in Evangelio Joannis capite 14. 16. & capite 15. 26., ibique ab Evangelista expressum fuisse nomen *Mahometis*, sed exemplaria omnia, præter unum, vel alterum, Christianorum dolo fuisse corrupta. Cujus mendacii, apertissimi quidem (nam & multi ante Mahometis tempora Evangelium Joannis exscripserunt, & explanarunt, quorum nullus Mahometem istum commemoravit, & fieri non potuit ut Christianorum fraude & conspiratione tot, ac tanta sacrosancti Evangelii corrumperentur ubique gentium volumina) unum producent ignotum prorsus, obscurissimum testem, nescio quem *Ab-Salencium*. Id narrat in Specimine Hist. Arabum Pocockius, atque in Dictionario Historico & Critico V. *Mahomes* Petrus Bayle. De Mahumete libro 25. descript. Eccles. Petrus Cioffius:

*Rex Mahometus Arabs quadam spurcissima legum
Ac facem reprobi sensus exponit, apertis
Pervertens populos verbis, armisque tuendam
Decernit per regna luem, ut discussio rerum
Absit iniquarum, nulli tentata virorum.
Tandem obit, indigna Mecha tumulatus in arde.
Quippe superbifico luxu constructa steterunt
Templa sibi, fulvoque auro, gemmaque nitenti.
In mediis corpus templis sublime pendens
Vi tractum occulta apposita magnetis, & arto
Inclusum ferro, sic ut mirabilia quiddam
Visa rudi, ac supero non indignissima cultu.*

(1) *Alcoranus* vocabulum Arabicum idem significat, ac *liber lectio-
nis*. Editus Arabice, & in Persicam linguam translatus. In Latinam
vertit Petrus Mauricius Abbas Cluniacensis, in Gallicam vir nobilis
Du-Ryer: Lehmanus laudat versionem quoque Italam, & Hispanicam.
Confutarunt Mahometis fabulas Euthymius, Joannes Cantacuzenus,
Richardus, Cardinalis Cusanus, Lodovicus Marraceius: pluraque de iis
Eduardus Pocockius, Georgevitijs, & Clericus, in Notis ab lib. 6. Gro-
tius de Verit. Relig. Christianæ.

MAHOMET igitur anno 623. Saracenorum turba collecta suscepit illorum regimen, administravitque usque ad annum 632. quo decessit. Præfuit illo extincto Saracenis *Ebubezer*, quem vocant Arabes *Aboubecre* (1). Is *Calipha* dici voluit; quam vocem interpretantur *Vices gerentem*. Ebubezere duce undique Saraceni grassabantur; sed illo post biennium mortuo, succedente *Haumare*, vel, ut ajunt, *Omar*, coeperunt majori furore bacchari. Anno 634. irruentes in Syriam, coegerunt *Heraclium* amisso exercitu provinciam deferere. Occuparunt proximo anno *Damascum*. Anno 635. *Jerosolymas* cinxerunt obsidione, & anno 637. expugnarunt. Potiti sunt an. 638. *Antiochiæ*; & insequente anno subegerunt *Mesopotamiam*. Devicto insuper anno 640. *Hormisda Jezdegird* rege *Perfarum*, regnum illud universum Saraceni occupaverunt: unde ab hoc anno supputari solet magnum eorundem Saracenorum Imperium (2). Nec stetit his limitibus circumscriptum. Etenim *Haumare*, qui anno 643. maximis sumptibus templum *Jerosolymitanum* extruxerat, *Crucis* signo ubique deleta, a femina occiso, (3) invadentes *Africam* ad perfolvenda sibi vestigalia compulerunt. Contigit id anno 647. *Othmen*, qui post *Haumarem* tenuit imperium, anno 648. mille septingentis ratibus totam *Cypri* insulam circumdedit, & in suam redegit

O 4

(1) Mahomet hæredes constituerat filiam suam *Fatimam*, hujusque virum *Aly*, sed præterum arabitio voluntatem quoque *Pseudoprophetae* parvipendit.

(2) Seblata cum regno *Perfarum* religio *Magorum*. Eodem anno 640. *Hegira* 20. subacta *Alexandria*, principe Saracenorum *Haumare*, consumpta fuit igne amplissima *Bibliotheca Alexandrina*, in qua tanta erat librorum copia, ut iis quatuor mille balnearum aqua calefieret, & ulterius ad sex menses perseveraret combustionis materia. Maluit autem *Haumar* incendi, quam *Joanni Grammatico Jacobitæ* concedi. *Universa* tunc *Aegyptus* venit in Saracenorum potestatem.

(3) Legi in *Historia Saracenorum*, *Haumarem* occisum anno Ch. 644a *Hegira* 23. a mago quodam captivo *Perfa*, cui nomen *Pirouz*, non femina. Vide & *Pocockium Hist. terre Sanctæ*. Regnavit itaque *Haumar* annis 10. *Vossius* occisum ait anno 647. a *Margarita Perfa*. Quidam tantam in Saracenis armorum fortunam inde repetunt, quod victos ad Mahometanam religionem indiscriminatim admitterent, eaque fere cum omnibus gentibus aliquid habeat commune: id tamen hominum corruptelæ, ac Numinis animadversioni existimo adtribuendum.

degit potestatem. Irruit anno proximo Saracenorum classis in Siciliam. Ex Africa anno 668. innumeros abduxere captivos, atque e Syraculis LXXX. M. Vexarunt anno 671. Ciliciam, & Lyciam. Anno 685. capta ab iisdem Saracenis, & eversa Carthago. Tota Africa anno 690., culpa Justiniani II. qui violato fœdere antea cum Saracenis inito, istos provocavit ad bellum, & renunciavit pactis induciis, ad hostium transiit ditionem.

CONTRARIO tamen exitu Saraceni aliquando pugnarunt, enimvero anno 651. invadentes Italiam a Grunaldo Præfecto Samnitum ad internecionem deleti sunt. Pulsi item anno 657. ab Olympio Exarcho e Sicilia; atque anno 699. Christianorum Exercitus sub Ablimaro, & Joanne Patricio Samosatam usque profectus occidit Saracenorum IV. M. Frustra imperante Constantino Pogonato obsedisse C. P. dictum supra. Intestinis etiam ob mortem Othmenis laboraverunt discordiis. Successio autem principum Saracenorum est: Cœpit Mahomet imperare anno 623. Ebubezer illorum Arviras eligitur anno 632. Haumar regnavit ab anno 634. Huic anno 644. aut 643. desinente successit Othmen, sive Hotman. Calipham anno 660. sublati æmulis se nominavit Muchavia. (1) Arviras deinde an. 682. ejus frater Gizith. Principatum huic anno 685. subripuit Habdallas tyrannus; sed electus Arviras Maruan. Huic anno 686. suffectus est filius Hedimelech. Habdallæ anno 689. Persis & Armenia subjiuntur, divisoque imperio intestina bella cessarunt. (2)

SARACENIS Syriam vastantibus, Maronite, ne illorum subderentur dominatui, sibi in Monte Libano, & Phœnicia principem constituerunt, inscio Imperatore Constantino IV. Mardaitæ idcirco, idest, rebelles, nuncupabantur. Contigit id anno Christi 676.

SCRI-

(1) Narrat Cedrenus incensam ad Cyzicum in Mysia classem Saracenorum a Callinico Heliopolitano, invento maritimo igne, quem Grecum vocant, hieme anni 664. De Callinico autem Heilbronner in Historia Matheseos.

(2) Hanc Chronologiam Calipharum exscripsimus ex Epitome Vossii. Si ab hac aliquando discessimus, certa nos impulerunt munimenta.

SCRIPTORIBUS cap. 4. enumeratis addendi sunt aliqui, qui licet Christiani, seculares tamen litteras excoluerunt. Hujusmodi sunt *Julianus Patricius*, qui edidit *Chronicum*, dictum a Suida *σύνοψον πέντε αιώνων*, breve, valde admirabile: *Secundus*, ut creditur, *Tridentinus*, qui scripsit de rebus gestis *Langobardorum*: *Samuel Beulanus Scotus*, cujus laudatur *Historia Itineraria*. Poetis accensendus, præter *Drepanium Florum*, cujus multa exant sacra Poemata, *Aldhelmus* in *Saxonia Abbas*, & *Episcopus*, de quo illud pervulgatum, *Aldhelmus cecinit millenis versibus Odas*. Omnia Gentilium testimonia, quibus Christiana Religio confirmari queat, improbo labore collegit *Anonymus* quidam *Thebanus*, a *Photio* Cod. 170. atque ab omnibus celebratus, a quibus Scriptorum census contextitur.



OCTAVUM ECCLESIAE

S E C U L U M .

C A P U T I.

DE EPISCOPIS ROMANÆ, ET CATHOLICÆ ECCLESIAE.

PONTIFICES Maximi Seculi VIII. *Joannes VI. Joannes VII. Sisinnius, Constantinus, S. Gregorius II. S. Gregorius III. S. Zacharias, Stephanus II. S. Paulus I. Stephanus III. Hadrianus. I. & Leo III.*

LXXXVII. VITA itaque functo Sergio I. Apostolicæ Ecclesiæ suscepit administrationem anno 701. ad finem vergente *Joannes VI.* natione Græcus. Is Theophylactum Exarchum a Tib. Absimaro contra ipsum Pontificem abotâ de causa missum, a militum & civium furore mna pro malis reddens exemit, & captivos, quos Rogianorum diſtiones invadens abduxerat princeps Beneventanus Gisulphus, liberali redemit munificentia. Restituit S. Andree in Vaticano Basilicam, templumque S. Marci, post triennium facilem vitæ exitum sortitus anno 705. nona die Januarii.

LXXXVIII. CONSECRATUS est Pontifex eodem anno *Joannes VII.* & ipse Græcus origine. Rogatus a Justiniano II. confirmare noluit canones Synodi Quinisextæ, a nonnullis reprehensus quod illegitimos non dispunxit a veris. Eo sedente Aribertus II. Rex Langobardorum reddidit Romanæ Ecclesiæ Alpes Cottias proximas Pedemontio, a decessoribus suis usurpatas. Nondum exacto Pontificatus triennio, decessit anno 707. XVI. Calendas Novembris. (1)

LXXXIX.

(1) Lego patrem Joannis VII. appellatum fuisse *Platonem*, cognomine scilicet præstantissimi illius Philosophi, quem Apollodorus apud Diogenem Laertium natum ait Olympide 88. & mortuum scribit Hermissus anno 1. Olympiadis 188. Quamquam Plato pater Joannis VI. litterarum inscius non fuerit; nulla tamen ratione comparandus fuit Platoni, cujus cognomentum habuit, Aristonis filio, & Philosopho, ut

LXXXIX. AT BREVIOR fuit Episcopatus *Sisinnii*, qui ad Apostolicum perveniens thronum ex disjunctissima Syriæ regione, tam dira excruciabatur arthritide, ut 20. ab electione die, qui fuit septimus Februarii, an. 708. conficeretur.

XC. CONSTANTINUS in Syria pariter ortus *Sisinnio* suffectus; illius *Trullanos* canones, qui rectæ fidei non opponuntur, confirmavit; tali honore a Justiniano II. a quo C. P. fuerat accersitus, Nicomediæ exceptus, ut Imperator capite coronam gestans illi osculatus sit pedes. Philippico conanti pseudosynodo restituere hæresim Monotheliticam invicto restitit animo; obiitque die 8. Apr. an. 715.

XCI. SUMMUM deinde Sacerdotium obtinuit *S. Gregorius II.* ultra 15. annos, & terris discedens Idibus Februariis anno 731. Ad laudem ejus cumulum accedit, quod strenue pro cultu Sanctarum Imaginum pugnavit contra Leonem Isaurum, extinxit Anglicanum schisma annorum 150. exortum inter Britones & Scotos innovata de die Paschatis controversia, & a Luitprando rege Langobardorum obtinuit confirmationem donationis Alpii Cottiarum.

XCII. SANCTITATE item præclarus fuit *Gregorius III.* qui ab anno 731. usque ad an. 741. summa sapientia, & vigilantia gubernavit Ecclesiam, scriptisque & factis, in templis Christi, Deiparæ, Sanctorumque Imaginibus collocatis, acerrime pugnavit contra Ico-

no-

nuper dictum est, præstantissimo: de quo *Timon* versibus Latine rededitis,

*Hos inter dux ille Plato celsissimus ibat,
Cujus ab ore melos manabat, quale Hecademii
Arduis lepida modulansur voce cicade.*

Ven. Baronius ad annum 705. refert, Justinianum II. Imperatorem a Joanne VII. postulasse, ut canones Synodi *Quinisextæ* congregato in urbe Roma Concilio ad examen revocaret, & quos invenisset discipline Ecclesiasticæ consentientes, ceteris reſutatis, confirmaret. At Joannes prædictos canones nec ex parte approbare voluit, nec condemnare. Hæc est causa, ob quam ab Anastasio, & ab Auctore Libelli Synodici reprehenditur. Videatur Christiani Lupi dissertatio de Synodi Trullanæ causa, tempore, loco, Episcopis, & auctoritate: ad quam dissertationem mittunt inquirentem Acta Pontificum Romanorum Franciscus Papius in *Breviario* num. 2. in Joanne VII. & Antonius Sandinus in *Vitis Pontif. Rom.* adnotatione 2. ad vitam ejusdem Pontificis.

nomachos. Suprema fuit Sanctissimo Pontifici dies IV. ante Cal. Decembris.

XCIII. Post Gregorium inauguratus Pontifex *Zacharias*. Avertit is a Romana provincia Langobardorum exercitum; sibi que Luithprandi animum maxima prudentia devinxit. Illius auctoritate, aut certe consilio, (1) exauctorato Childerico ad regnum inepto, substitutus est Francigenis rex pater Caroli Magni Pipinus. Evolvit S. Zacharias ad Superos, annis decem transactis, anno 752. pridie Idus Martias. (2)

XCIV. IN STEPHANI II. (3) Pontificatu amplior evalit

(1) Cum anno 744. Sacerdos quidam ignorantia Latinae linguae in administratione Sacramenti Baptismatis ita praescriptam formam verborum protulisset, *Baptizo te in nomine Patria, & Filia, & Spiritus Sancti*, S. Zacharias Romanus Pontifex ratum, validumque baptismum esse declaravit, propterea quod non errorem introducens, aut heresim, sed pro sola ignorantia Romana locutionis infringendo linguam, Sacerdos baptizans ad illum modum fuerit locutus. Vide Zachariae Epistolam 6. ad Bonifacium Episcopum tom. 6. Conciliorum, & can. *Retulerunt nuntii tui*, apud Gratianum de Consecr. dist. 4. num. 86. Retulerant id Zachariae Virgilius & Sidonius; qui cum revera S. Bonifacii non fuerint nuntii; videntur duae illae voces, *Nuntii tui*, additae a Gratiano. Consimilem formae mutationem ex ignorantia profectam, non officere Baptismatis validitati, asseruit anno 754. ut fertur, Stephanus II., quem libro 31. de Theologicis discipl. cap. 10. III. diximus, ob subjectam paullo inferius adnotationem.

Negavit S. Zacharias dari *Antipodas*, vulgarem sententiam secutus, absque ullo prorsus reprehendendo errore: quippe *Antipodas* esse postremis temporibus ex Italo- rum navigationibus evidenter compertum est. Hinc doctissimus Norisius occasionem arripuit in Augustinianis Vindiciis cap. 4. §. 8. refellendi *Adamum*, affirmantem dixisse Augustinum, *Terras non esse rotundas, nullosque dari Antipodas*. Quorum primum esse inane *Adami* objectum demonstrat eo loci Norisius, quoniam S. Pater nullibi negat terrae rotunditatem: alterum vero retundit, quoniam si Augustinus existere *Antipodas* ignoravit, id ignotum erat, priusquam *Columbus* Ligur Argonauta novum Orbem adinvenisset. Praeterea autem quae de Terrae figura, rotunda sit, necne, differuerunt aetate nostra Philosophi.

Childerico substitutum regem Pipinum a Zacharia contendit Ven. Belarminus lib. 2. de Rom. Pontif. cap. 17. & consultationi Francorum Zachariam tantum respondisse demonstrare nititur Jo. Launojus lib. 7. cap. 9. ad Lud. Marefium.

(2) Post obitum S. Zachariae quidam electus est a populo *Stephanus*, & immixtus in Patriarchium Lateranense, sed quoniam post triiduum non ordinatus excessit e vivis, ut sectione 227. narrat Anastasius, non solet inter Pontifices connumerari.

(3) Nonnulli III. ob praecedentem Notam. In Gallias ad Pipinum adiit anno 754. ibique regi coronam imposuit. Extat Ravennae vetus inscriptio: *Pepinus pius, primus amplificandae Ecclesiae viam aperuit, & Exarchatum Ravennae cum amplissimis. deleta sunt reliqua.*

evasisit principatus Romanæ Ecclesiæ. Cum enim armis Aistulphi Langobardorum regis undique premeretur, confugiens ad Pipini auxilia, hunc movit, ut cum exercitu ingressus Italiam cogeret Aistulphum ad restituendum Exarchatum, quem occupaverat. Pipinus vero eundem Exarchatum, & quidquid in Italia armis recuperavit, largitus est Apostolicæ Sedi. Exegerat Stephanus quinque summi Sacerdoti annos, quando VIII. Cal. majas. anno 757. cessit e vita.

XCIV. PRÆFUIT deinde Ecclesiæ annis decem *S. Paulus I. Romanus*, qui ab impietate revocare studuit Constantinum *Copronymum*, Theophylactum Archidiaconum, quem nonnulli e populo Pontificem acclamaverant, redegit in ordinem, pluraque Sanctorum corpora transtulit e cæmeteriis in Urbem. Agebat adhuc animam die 28. Junii an. 767. cum Constantinus violentia fratris ducis Nepefini audacter Pontificatum invasit.

XCVI. CONSTANTINO Pseudopontifice, & qui huic præter jus fasque subrogatus fuit, Philippo *Monacho* extrusis, canonice anno 768. electus est *Stephanus III.* (1) Damnatum ab eo est Constantinopolitanum Concilium, in quo reprobatus fuerat sacrarum cultus Imaginum: contulit rursus sacrorum Ordinum insignia iis, quos initiaverat Constantinus; non tamen, ut visum quibusdam, iteravit ordinationem: septem constituit Cardinales Episcopos, & excessit e vivis Cal. Februarii, anno 772.

XCVII. SEDIT postea *Hadrianus I.* eruditione, & pietate, præclarus. Hoc Pontifice extinctum est in Italia regnum Langobardorum, celebratum contra Iconomachos Generale Concilium VII. confirmata donatio Pipini facta Romanæ Ecclesiæ a gloriosissimo ejus filio Carolo Magno. Hadrianus agebat annum Pontifi-

(1) Quibusdam IV. sed in hujus Synodo in lucem edita, & illustrata a Cajetano Cennio legitur sub initium, *Præsidente tunc beatissimo, & coangelico Stephano Summo Pontifice, hujus Romane Urbis Ecclesiæ, & universaliter tertio Papa, &c.*

tificatus 24., cum naturæ concessit VIII. Cal. Januarias an. 795. (1)

XCVIII. LEO III. presbyter R. E. sedit post Hadrianum, usque ad annum 816. diemque obitus sui undecimam Junii. Carolum Magnum de Ecclesia optime meritum decoravit corona, sacro inunxit oleo, & appellavit *Augustum*. Litanias, seu *Rogationes* sancivit, institutas antea a Mamerto Episcopo Viennensi, ut habetur in Martyrologio Romano V. idus Maji. (2)

CA-

(1) Producent quidam hæretici Caroli Magni epistolam maledictis conviciisque plenam adversus *Hadrianum I.*, quasi Carolus ægre ferret approbati ab Hadriano Synodum Septimam, cultumque Sacrarum Imaginum. Verum Carolus Magnus semper hunc Pontificem honore magno prosecutus est. Etenim eo hortante, non semel in Italiam cum exercitu advenit, & contra *Desiderium* regem Langobardorum, & contra Ducem Beneventanum *Asagisum*, adversus Ecclesiasticam ditionem bella parantes. Carolus item Hadriano, ejusque Successoribus concessit territorium Sabinense. Provolutus etiam ad pedes Pontificis, prius illos oscula contigit, quam se Pontifex complectendum ei daret, ut in libro 2. de rebus gestis Francorum scribit Paulus Æmilii Veronensis. Vita autem functo Hadriano, Carolus ei carmen concinnavit, in quo hæc leguntur:

Post Patrem Carolus lacrymans hæc carmina scripsi,

Tu mihi dulcis amor, te quod plango, Pater.

Tu memor esto mei: sequitur te mens mea semper,

Cum Christo teneas regna beata Poli.

Et infra:

Tum memor esto tui nati, Pater optime, posco,

Cum patre, dic, natus pergas & iste meus.

O, pete regna, Pater felix, caelestia Christi,

Inde tuo precibus auxiliare gregi.

Vide Alani Copi Dialogum V. cap. 4.

(2) Dum Leo III. Litanias Majores Romæ celebraret anno 799. nefarii homines in itinere illum aggressi, inermi fugato populo, injuriis, plagisque affecerunt, eratisque illi oculis, atque lingua præcisa, in media via reliquerunt semivivum, & paulo post detruferunt in carcerem. Fuerunt immanissimi sceleris auctores *Paschalis* Primitivus, & *Compulus* Sacellarius Romanæ Ecclesiæ. At Leo divino beneficio sanatus, ambonem conscendens ab objectis criminibus coram universo populo seipsum purgavit. Rem gestam ab Anastasio enarratam referunt ex Græcis Zonaras, Cedrenus, Manasse Constantinus, ex Latinis Hermanus Contractus, Flodoardus, Sigebertus, Theodolphus, Alcuinus. Illos Papirius laudat, Pagius istos. Calvinum addere possum, Brietium, ceterosque complures. Ajunt oculos Leoni fuisse redditos ab Apostolorum Principe Petro; neque obscure id Theodolphus innuit Carmine sexto libri III. ubi ait:

Quæ suribunda manus spoliavit lumine, lumine, lingua,
Vestiens & sacris, ordinibusque piis.

CAPUT II.

INDICTA SEculo VIII. CONCILIA.

AD HERESSES eliminandas, ac restituendam, firmandamque collabentem Ecclesiæ disciplinam plures habiti sunt Episcoporum conventus. Enimvero bello, quod sacris Imaginibus intulerunt tres Orientis Imperatores, *Leo Isaurus*, *Constantinus Copronymus*, & *Leo IV.* occurrendum erat sedulo diligenterque. Atque factum id in Romana Synodo S. Gregorii II. anno 726. & in duabus S. Gregorii III. an. 731. & 732. Iconomachi tamen anno 754. celebrarunt C. P. numerosissimam Synodum, 338. Episcoporum, divali Constantinii Copronymi, & Leonis Augusti convocata, absolutamque in Basilica S. Mariæ in (1) *Balchernis*, VI. Idus Augusti. Qua in Synodo adversus Sacras Imagines conclamatum est, ac illæ undique conquiritæ,

Raddidit hæc Petrus, quæ Judas abstulit alter.

Hic qui Confessor, proditor ille Dei est.

Lego tamen apud Papirium pag. 132. 2. *Hadriani defuncti necessarii, populo contra illum concitato, ei læserunt oculos, non tamen ademerunt. Nam ii, quibus mandata erant execratio, papercerunt homini, ejusque missi extrinsecus oculos læserunt, sed lumine non privaverunt. De lingua item præcisa illi nec verbum quidem. Sed quod narravimus, testimonio comprobatur multorum. Sane Leo dimissus per murum, profectus est in Galliam ad Carolum Magnum. Alcuinus in Catmine de Leonis professione ad Carolum, refert Pontificem illatas sibi commemorasse contumelias, & vulnera, regemque magna fuisse permotum admiratione. Ita enim loquitur Alcuinus:*

*Verbera commemorans, extinctum luminis vultum
Narrat, & abstissam liquido de putre linguam:
Nunc medicante Deo sanatum, &c.*

De Carolo autem Alcuinus hæc subjicit:

*Exquiris Carolus casus, auditque laborum
Diversos, sceleris populi impia facta suscepit,
Miratur geminas jamdudum luce fenestras
Extinctas, & nunc reparatum luminis vultum,
Truncatamque loqui miratur fonscepe linguam.
Alter in alterius configunt lumina vultus.*

Carolus Leonem propriæ Sedi restituit, atque in sceleris auctores pronuntiavit sententiam capitis. Sed ut relegarentur solummodo, petiit, obtinuitque clementissimus Pontifex.

(1) *Πλαγίσιον* Civitatis Constantinopolitanæ suburbium. Incepta Synodus in *Hierie* Palatio. Appellatur ab *Meterodoxis* *ἡμεροδωξία* *Septima Synodus Œcumenica.*

tz, abrafæ, & incenfæ, traditis quoque igni Catholico-
rum libris, Sanctorumque Reliquiis. Hanc propterea
Pſeudofynodus hæretici appellant VII. *Œcumeni-*
cam.

ETSI vero de Sacrarum Imaginum cultu frequens E-
piſcoporum Galliæ Concilium, cui interfuerunt etiam
Legati S. Pauli I. Rom. P., anno 767. ſtatuerit in
Gentiliacô agro Pariſienſi, eundemque cultum confir-
maverit an. 769. Romana Synodus Lateranenſis Stephani
III. comprobatus tamen fuit anno 787. Generali con-
cilio, congregato imperantibus Constantino *Porphyro-*
genito cum matre Irene, inſtigante Hadriano I., &
ſuadente quoque Patriarcha C. P. Tarſio. Incœptum
eſt in C. P. SS. Apoſtolorum æde, ſed translatum po-
ſtea Nicæam, & inchoatum VIII. Cal. Octobris,
completumque X. Cal. Novembris. Eſt ergo hæc
Synodus, cui præter ingentem SS. Monachorum nu-
merum, adfuerunt cum Apoſtolicæ Sedis Legatis Epiſ-
copi 350. Conſtantinopolitana, ſeu Nicæna II., *Œcu-*
menica VII. Confirmatum fuit quidquid Synodus iſta de-
creverat anno 794. in Synodo *Francfordienſi* 300. Epiſ-
coporum, habita adſtantibus coram Carolo Magno præ-
laudati Hadriani Legatis. (1)

DAMNATA fuit in eadem Synodo Francfordienſi hæ-
reſis *Feliciſ*, & *Elipandi*, jam ab anno 788. proſcripta
in Concilio Narbonenſi, & rurfus anno 792. in Ratiſ-
ponenſi, poſtea vero in Aquisgranenſi an. 799. Sedente
inſuper Zacharia Pontifice, atque, ut fertur, anno 745.
(1)

(1) Qui negant cultum religioſum ſacris Imaginibus exhibendum,
huc non approbatum a Synodo Francfordienſi, ſed damnatum potius
ſuiſſe affirmant quod item aſſeruat de Libris *Carolinis*. At præſtantiſſi-
mi Theologi demonſtrant tam in ſecundo illius Concilii canone, quam in hiſce
libris denegari Sanctorum Imaginibus cultum *laiciæ*, Deo tantummodo
juxta primum præceptum Decalogi, offerendum, inſiſto anathemate
iis, qui ſacris imaginibus eandem, ac *Deificæ Trinitati*, venerationem
impendunt. Quod Œcumenicæ Synodo VII. omnino cohærens eſt, non
repugnans. Sunt tamen & de ſenſu præcitati ſecundi canonis, & de li-
bris *Carolinis*, immo & de librorum iſtorum auctore, diverſæ Theo-
logorum, Criticorumque ſententiæ: quas expendunt ſere omnes recentio-
res, qui de *Cultu Sacrarum Imaginum* pertractant poſt Bellarminum,
Vaſqueſium, Petavium, Gaſpar Juenin, Carolus Viſaſſe, Nicolaus L'
Herminier, Henræus Tournely, & alii, poſt Tractatum De Incarnations.

(1) damnati fuerunt *Aldebertus*, & *Clemens* hæretici, & quidem Synodali sententiâ. Hæc autem adversus hæreses.

SPECTANT ad disciplinam quæ sequuntur. In Synodo Cloveshovienſi in Anglia anno 742. actum de Ecclesiarum immunitate: in Vermerienſi diœceſis Sueſſionenſis anno 752. de cohibendis fornicatione, adulterio, & incestu: in Compendienſi ejusdem diœceſis anno 756. de iisdem criminibus, & de gradibus consanguinitatis.

(2) In Lippienſi apud Germanos anno 780. erectæ, & constitutæ in Saxonia Sedes Episcopales: in Narbonenſi an. 691. illius Ecclesiæ limites definiti: in Aquisgranenſi an. 797. approbatum Caroli M. Capitulare; atque in Romana an. 800. Leo III. se purgavit a quibusdam criminibus sibi met objectis.

C A P U T III.

HÆRESES VIII. SEculi.

QUENAM sint exortæ octavo Seculo hæreses, constat ex capite præcedenti. Prima est Iconoclastarum: altera Elipandi & Felicis: tertia Aldeberti, & Clementis. Ac prior explicato nomine statim dignoscitur. Iconoclasta enim, sive Iconomachus idem sonat, ac *Imaginum impugnator*, ab εἰκὼν *imago*, & μάχουαι, *pugno*. Horum duces Leo Isauricus, Bardanes, Joannes, Anastasius, Constantinus Copronymus, Leo Armenus. Omnium tamen primus sacris Imaginibus bellum intulisse fertur *Exidus* rex Arabum, instigante Judæo, nomine *Sarantapehis*: at nulla solet haberi ratio obscuræ hujus Iconoclastarum originis. Ad horum castra accesserunt quotquot ad hæc usque tempora in Sanctorum Imagines, & Reliquias sacrilege conflixerunt. Ἀγίομαχοι item, ac θεόμαχοι vocitantur, quoniam contra Sanctos, & contra Deum summa impie-

Tom. I.

P

tate

(1) Sancti *Zacharia* duo laudantur Concilia, unum an. 743. alterum 745.

(2) Sedente Stephano III anno 769. celebrata est Synodus Lateranensis, quam anno 1735. V. Cl. Cajetanus Cœni in lucem protulit, addita erudita Dissertatione.

tate decertant, sacra monumenta, arasque evertentes. (1)

CHRISTUM esse Filium adoptivum Dei Patris dogmatizarunt *Elipandus* Episcopus Toletanus, & *Felix* Urgelitanus in Hispania Tarraconensi. Fuit horum error surculus hæresis Nestorianæ, & præmonstratus a Theodoro Mopsuesteno. Cum enim adoptio sit assumptio in Filium personæ extraneæ; qui Christum filium Dei adoptivum vocant, in eo hominis profitentur personam adsumptam ad consortium divinæ. Attamen, an Christus cum illo addito, *Secundum humanitatem*, appellari queat adoptivus Dei Filius, disputatur in Scholis. *Elipandum* & *Felicem*, seu potius illorum errorem proscripsit an. 793. *Paulinus Aquilejensis*; postmodum damnarunt Synodi prælaudatæ. (2)

ALDEBERTUS & *Clemens*, Zacharia Pontifice, degradati addiderunt Ecclesiasticis precibus ignota spirituum nomina, invocando angelos *Uriel*, *Raguel*, *Tubuel*, *Inias*, *Tubuas*, *Sabaoth*, & *Simiel*.

C A P U T IV.

• ECCLESIASTICI SCRIPTORES VIII. SECLI.

INITIUM ducendum a *Ven. Bedæ*, (3) nato in districtu Dunelmi Angliæ Septemtrionalis anno 672. & vita functo, ut fert probabilior opinio, anno 735. Sanctimonia, pietate, atque omnigena excelluit eruditione. Nam de ratione temporum, de mundi ætatibus, de computo, & Arithmeticis numeris, de situ loco-
rum

(1) Adversus Sacras Imagines nefaria promulgarunt decreta *Leo Isaurus* anno 726. & 730. atque *Constantinus* Copronymus anno 754. coacta Pseudosynodo, de qua supra.

(2) Præter *Alcuinum*, de quo infra, pertractarunt de hac Secta Scriptores enumerati a Jo. Alberto Fabricio tom. 2. Biblioth. Latine medii ævi.

(3) Dictum *Venerabilem* ajunt, quod ejus discipulus leonino versuta Epitaphium meditatus, *Hæc sunt in fossa Bedæ presbyteri ossa*, torquens se ob syllabarum quantitatem, in somnis admonitus fuerit, ut ita verbum emendaret, *Hæc sunt in fossa BEDÆ VENERABILIS OSSA*. Aliam causam ad annum 799. profert *Godeau*.

rum sanctorum libri exhibent insignem Chronologum, Geographum, & Mathematicum. Ejus vero in Theologia, sacrisque litteris peritiam amplissima Commentaria, Tractatus egregii, & Homiliæ complures demonstrant. Quid in historia valuerit, Historia Ecclesiastica Gentis Anglorum, Martyrologium, & Sanctorum Vitæ testantur. Si ignarum existimes Astronomiæ; perlege quæ scripsit de argumentis lunæ, de Embolismis, de Cyclis, de Astrolabio, de Planetis, de Sphæra. Etiam de Arte metrica, de partibus Orationis, de Elementis, de Linguis, & de Oraculis pertractavit; eumque novimus Grammaticum, Poetam, Philosophum, Polygraphum.

CONSIGNATUR anno 740. mors S. Germani Patriarchæ C. R. qui Leoni Isaurico, ceterisque Iconoclastis invicte restitit. Scripsit de sex Synodis Œcumenicis, Apologiam S. Gregorii Nysseni, & rerum Ecclesiasticarum Theoriam. In illum acunt stylum Iconomachi: ac colunt inter Sanctos IV. Idus Majas Martyrologium Romanum, & Menologia Græcorum.

ACCEDIT S. Joannes monachus, ac presbyter Damascenus, ob eloquentiam vocatus χρυσόπρως, a χρύσος, aurum, & πρως, fluo. Quamvis interdum nimis fuisse credulus videatur, docte tamen eleganterque conscripsit de Fide Orthodoxa, de Hæresibus, necnon contra Acephalos, seu Monophysitas, Nestorianos, & Manichæos, Orationesque sacras stylo perpolito, & exculto. Scribendo circa annum 730. applicuit animum, obiitque anno circiter 750. qui enim mortuum affirmarunt sub Theodosio Juniore, enormi 300. annorum peccarunt anachronismo.

SEQUITUR Paulus Diaconus Aquilegiensis, postea Cassinensis monachus; qui cum foret Cancellarius Desiderii regis Langobardorum, eo devicto, venerat in captivitatem Caroli Magni, atque propter nimiam erga Desiderium fidem relegatus fuerat in insulas maris Adriatici Diomedæas. Præter Historiæ Langobardorum libros sex, & quatuor alios de vita S. Gregorii M. Homilias, & opuscula alia, adscribuntur Paulo Diacono libri 24. Historiæ Miscellæ: sed hæc non unum habet parentem. Ludit etiam versibus in laudem S. Scholasticæ, eique tribuitur sonorus Hymanus

S. Joannis Baptistæ, *Ut queant laxis*, &c. Floruit circa annum 776. (1)

VIXIT eadem ætate *Paulinus* Forojuliensis, ad Patriarchatum Aquilejensem evectus a Carolo M. anno nuper citato 776. Edidit anno 793. contra Elipandum librum inscriptum *Sacrofyllabum*. Prædicatione Carinthiæ, finitimosque populos perduxit ad Christi fidem; atque in cælum migravit anno 804. die 11. Januarii, qua die colitur ipsius memoria in Fastis Sanctorum Foro-Julien-
sium.

OBIIT eodem anno 804. XIV. Cal. Junias *Flaccus Alcuinus* Anglus, discipulus Ven. Bedæ, & Diaconus Eboracensis. A Carolo M. Palatinæ scholæ Præfectus, principem in Galliam, & ad Synodum Francofordiensem secutus, tandem recepit sese in Turonense S. Martini cœnobium. Strinxit calamum adversus Felicem Urgelitanum, & Elipandum: pertractavit de divinis Officiis, ritibusque sacrorum mysteriorum, plura interpretatus est divinæ Scripturæ loca, Epistolas edidit plurimas, epigrammata, poemata 272. & carmen Heroicum de Pontificibus, & Sanctis Eboracensis Ecclesiæ. (2)

PERCURRAM breviter reliquos. Conscriptus ab. *Anonymo*. ætate Gregorii II. *Liber diurnus* Romanorum Pontifi-

(1) Paulum Diaconum decessisse ajunt anno 801.

(2) Ipsum quoque *Carolus Magnus* Scriptoribus Ecclesiasticis hujus Seculi ad annum 768. adnumerat Guilelmus Cave. Recenset Caroli Epistolas, & capitula de re Ecclesiastica, Libellum ad Alcuinum de Sacrificio Missæ, & ratione rituum Ecclesiæ, Capitularia, &c. Nititur eo loci Caveus auctori suo vindicare libros, qui *Carolini* dicuntur, affirmans, spurios dici a Catholicis plurimis, *ut istorum librorum istum declinent*, nempe quia in his damnatur Synodus VII. & improbatur cultus Sanctorum; tamen non idem judicium est omnium Communionis nostræ Theologorum: sed præfatos libros jubente Carolo conscriptos esse fatentur. Nec tamen horum librorum auctoritate labefactari putant fidem Catholicæ Ecclesiæ circa Imaginum Sacrarum cultum, quoniam iisdem libris non cultus *dulæ*, sed cultus *latriæ* Sanctis, horumque Imaginibus denegatur. Vide Not. ad præcedens caput secundum.

Præter libros a Caveo adscriptos Carolo Magno, Grammaticam ipse condidit patriæ linguæ, scilicet Teutonicæ, leges plures & constitutiones edidit, lib. 4. Annalium recensitas ab Aventino, collegitque, & promulgavit Mutinæ anno 804. edicta legesque Langobardorum.

tificum, & circa eadem tempora *Ordo Romanus* pertractans de divinis Officiis, ac ministeriis. *Fredegarius* Scholasticus perduxit ad annum 739. *Chronicum* de gestis Francorum, & *Isidorus* Episcopus Pacensis in Lusitania ad annum 754. *Chronicum* Hispaniarum sub Arabum principatu. *Florus* monachus in diocesi Laodicensi circa annum 760. collegit Acta SS. Martyrum, fortasse permixta in Bedæ Martyrologio. *Elias* Cretenfis, qui anno 787. interfuit secundæ Nicænæ Synodo, edidit commentaria in Orationes S. Gregorii Nazianzeni. *Theodulphus* Episcopus Aurelianensis circa finem VIII. Seculi elucubravir libros 6. Carminum, & Poemata 10. notis a Mabillonio illustrata. Condita pariter exeunte Seculo Annalia Francorum *Anonymi*, atque a *Turpino* Archiepiscopo Remensi Historia Caroli Magni, & Rolandi. (1)

C A P U T V.

RECTORES IMPERII, MARTYRUM, ALIORUMQUE
SANCTORUM PERMULTI.

TIBERIO Apsimaro occiso anno 705. *Justinianus* ^{ῥόμυτος} recuperavit Imperium, regnavitque usque ad annum 711. quo anno interfectus & ipse fuit a *Phileppico* (aliis *Philippicus* *Bardanes* nuncupatur) Pergamensi, Bardanis filio, eodemmet *Phileppico* Bardane a militibus Chersonensibus acclamato. Tiberius quoque filius Justiniani e templo in *Blachernis*, quo confugerat, & ex ara, cujus cornua tenebat, vi extractus eodem *Phileppico* jubente immaniter jugulatur. Idem vero tyrannus hæreticus Monotheleta, sextæ Synodi oppugnator, & Orthodoxorum implacabilis hostis, irruente in eum Patriciorum virorum factione, excæcatus, & in carcerem detrusus est, anno 713. in vigilia Pentecostes. (2) Imperante autem

P 3

Justi-

(1) Obiit Turpinus anno 800. *Tilpinum* rectius dixeris.

(2) Narrant Cedrenus, Theophanes, Paulus Diaconus, & alii *Phileppicum* a militibus imperatorem fuisse salutatum, quoniam illos

Justiniano coronatus est martyrio *Lambertus* Trajectensis Antistes a nocentibus, quorum flagitia increpaverat; atque perennem consecuti sunt gloriam sanctissimi Episcopi Arvernus *Bonitus*, *Alvelmus* Schireburgi, Eboraci in Anglia *Walfridus*, *Tetricus* Antistiodori, singuli juxta *Fleurium* anno 709.

PHILIPPICUS successorem habuit *Arthemium*, sive *Anastasium II.* qui anno 715. imperium cedens Theodosio III. ab Exercitu acclamato, coactus est habitum induere monasticum, regiaque discedere ex Urbe, At *Theodosius*, Adramyttenus vocatus a patria Adramyttio civitate Myfiæ, seu Troadis, ut invitus susceperat, ita sponte dimisit imperium, convolans anno 717. ad institutum monachorum. una cum filio: in quo vivendi genere dicitur Ephesi vita functus, clarus virtutibus, signisque, inscripta quo conditus fuit tumulo Græca dictione *Ῥῆινα*, nempe, *Sanitas*. Ita evehctus ad imperium anno 717. die 25. Martii *Leo III.* in Isauria obscuro genere ortus, & scelestissimus Iconomachus, extinctus aqua intercute anno 741. dum ageret principatus sui annum 25.

SUB initia imperii Leonis Christianorum plurimi in Syria necati fuerunt a Saracenis: permulti etiam in Hispania, quam occupaverant an. 714. In regnum quippe illud ex Africa transmiserant Arabes, Hegyræ an. 93. *Ær.* Chr. 712. atque anno sequente 713. *Moula*, vel *Muza*, *Toletum* usque victor pervenit, ubique fidelium cade-
cruen-

ad rebellionem intolerabili sævitia Justinianus compulerat. Nam cum Absimaro, de quo cap. 5. præcedentis Seculi, *Leontium* per forum atque theatrum circumductum spectaculo exhibuit in Ludis Circensibus, pedibus conculcavit, & capite abscisso interfecit. Fratrem Absimari *Heracium*, multosque illi adherentes, circa urbis C. P. moenia iussit suspendi: plurimos in mare demergi mandavit; atque prædictæ civitatis Antistitem *Galinicum*, qui fuerat a partibus Leontii, deposuit & Sede, erutisque oculis relegavit. Quoties vero truncatas emungebat nares, aut gutta aliqua inde fluebat, unum ex Leontii amicis rapi jubebat ad extremum teterimumque supplicium. *Chersonensis* autem devictis anno 710. præcepit, ut omnes necarentur, nulli parcens, nec mulieribus, nec infantibus. Præstantes viri infixi veribus ligneis ad ignem fuerunt affati. *Philippico* imperium prænuñtiasse fertur *Joannes* monachus Monotheleta: quem propterea ad Patriarchatum evehit, dejecto *Cyro*, Monotheitarum licet antesignano; nam hunc Justinianus elegerat expulso Gallinico. Idem *Joannes* cum *Philippico* reprobans sextam synodum anathemate percussus est a *Constantino* Romano Pontifice.

cruentus. (1) Recruduit Arabum persecutio, ubi agnovērunt Christianos anno 718. in montibus Alturiæ Regem sibi constituisse Melagium. *Rigobertus* Episcopus Remensis, *Rupertus* Salisburgensis, *Menelens* Abbas Arvernensis, prope Argentoratum, beato fine quieverunt. Ubi vero Leo Imperator ineunte auno 730. promulgavit editum, ut omnes abjicerent, ac damnarent cultum sacrarum Imaginum; nolens ei subscribere S. Patriarcha *Germanus* exiit se pallio, & in monasterium secessit. *Julianus*, *Marcianus*, & alii octo subierunt martyrium, quoniam ægre tulerant dejectam jussu principis Iconomachi Imaginem SS. Crucifixi, nomine ΑΥΤΟΦΡΗΤΗ. De his Roman. Martyrologium V. Idus Augusti. Addenda iis ex Vita *Stephani Junioris* multiplex sanctarum Mulierum Corona.

STEPHANUS, quem laudavi nuperrime, Constantinopolim e Palæstina venerat hortante Germano. Pro sacrarum Imaginum veneratione cum *Basilio*, *Petro*, *Andrea*, & sodalibus aliis monachis 339. sub Constantino *Copronymo*, subiit martyrium. Adite Fastos Sanctorum, & Menologia ad diem 28. Novembris. *Constantinus*, quem ex Marina conjuge suscepit Leo, dictus est κοπρόνυμος a κοπρος, *stercus*, & ὄνομα; *nomen*, quoniam dum ablueretur regenerationis lavacro, sacrum fontem scedavit alvi excrementis. Præligiis addictissimus, humanarum divinarumque legum contemptor, & vix non atheus, naturæ debitum solvit 35. imperii anno, Vulg. Æ. 775. (2). Excepit *Copronymum* filius, quem genuerat ex Ire-

P 4

ne

(1) Migrasse ad Superos anno 717. *S. Suibertus* Saxonum & Frisiorum Apostolum, refert quoque in sua Chronologia Calvisius pag. 695.

(2) *Constantinus Copronymus*, Caballinus quoque vocatus, quoniam stercore equini delectabatur sœore, Monachos pro cultu sacrarum Imaginum decertantes Vatiniano infectatus est odio. Inter ceteros anno 765. in quo coegit subditos, ut jurejurando promitterent execratorios se eundem Imaginum cultum, affectit martyrio *Antonium* clarissimi inter monachos nominis. Decreto anno 762. inhibuit ne quis amplecteretur monasticæ vitæ institutum; atque anno 770. monachos omnes ac moniales Ephesum adire jussit, & ni jungerentur connubio, orbatos oculis deportari in Cyprum, & Saracenorum injuriis exponi, Hæc ex Theophane. *Leo IV.* imperii, & impietatis *Copronymi* heres, dictus quoque *Chazarus*, matrem habuit *Helenam* cujusdam Scytharum principis filiam, feminamque religiosissimam: qua defuncta, duas alias sibi copulavit uxores.

ne Atheniensi, *Leo IV.* nisi deterior, certe parenti impietate simillimus. Nam Irenem despectam habuit, atque exosam hoc tantum nomine, quod in ejus cubiculis nonnullas Sanctorum imagines offendisset. Ea de causa cædi flagris, & in monasterium detrudi mandavit Aulæ proceres, *Jacobum*, *Theophanem*, *Leonem*, ac *Thomam*; quorum *Theophanes* loris percussus occubuit martyr. Excessit autem *Leo*, posteaquam imperaverat quinquennio, die 8. Sept. an. 780.

INTER ceteros pro cultu sacrarum Imaginum trucidatos, imperante Copronymo, an. 761. obiit verberibus, & altero pede amputato *S. Andreas* monachus Cretensis, nuncupatus καλυβύτης, a καλύβη, tugurium. Machliniæ an. 775. martyrio coronatus est *Rumoldus*, regio ortus genere, & Episcopus Dublini in Hibernia. Necatus anno 755. a furentibus Gentilibus cum *Eobano*, aliisque, Episcopus Moguntinus, & Germanorum Apostolus *Bonifacius*.

LEONI IV. successit in Imperio *Constantinus VI.* annos natus 12. sub tutelâ matris *Irenis*. Hunc appellant πορφυρογέννητον, vel quod statim in lucem editus obvolutus sit purpura; vel quod genitus in Palatio ædificato pro Augustis puerperis. Purpura enim, & palatium illud, πορφυρά Græce vocantur. Anno 789. Irenem omni exspoliavit auctoritate, & cœpit pessime administrare rempublicam. Revocata anno 792. matre ad imperii consortium, odium universorum non declinavit. *Irenes* autem, ut sola imperaret, anno 797. jussit, ut filio oculi eruerentur: at post quintum annum deposita est a Græcis; propterea quod adspiraret ad nuptias *Caroli Magni*, quem anno 800. *Leo III.* redimitum corona declaraverat *Augustum*, in solemni die Nativitatis Dominicæ. (1). Contigit *Irenis* obitus anno 803. V. Idus Aug.

NON

res, *Mariam Armeniam* unam, *Eudoxiam* alteram. Uxor Leonis IV. *Irenes* fuit mulier Attica, corporisque decore venustissima. Leonem extinctum ajunt *Zonaras*, *Funcius*, *Blondus*, alique, enato illi carbunculo in capite. Ei idcirco quidam consequens epigramma, quasi epitaphium, concinnavit:

Æmulus hic patris, rapto diademate sacro

Exornasse comas dicitur ipse suas.

Ergo & sacrilegam mox percussit ulla frontem

Ustus obiit, factis suberis igne, caput.

(1) *Carolus Magnus*, de quo etiam Seculo proximo, natus est an.

NON defuere octavo labente seculo gloriosi martyres, alique viri sanctitate percelebres. Etenim Frisii anno 755. trucidarunt Bonifacium Germanorum Apostolum. Saraceni anno 796. trucidarunt in Palæstina monachos S. Sabbæ Joannem, Sergium, Patricium, ceterosque. Decefferunt item anno 774. *Comerus* austerus in Brabantia cultor eremi: anno 784. juxta Baronium, sive potius 776. *Gregorius* Episcopus Trajectensis: anno 780. *Virgilius* Antistes Salisburgi; & anno 785. electus primus Episcopus Verdenſis Apostolus Saxonum *Suitbertus*.

C A P U T VI.

DOGMATA VIII. SEculo CONFIRMATA, ET QUÆ VIGEBAT TUNC DISCIPLINA.

S Acrarum Imaginum cultus, & Sanctis, horumque Reliquiis religiosus honor exhibitus habet, ut

747. **P**ope Moguntiam. Quidam anno 742. natum ajunt. An in arce *Carlsburg*, an in pago *Ingelheim*, incertum est. Patrem habuit Pipinum, cognomento *Brevem*, matrem *Bertham*, sive *Bertradam*. Idem significat *Carolus*, ac *Andreas*, nimirum, Virum fortem. Est enim apud Germanos *Karl*, fortis, robustus. Præceptorem habuit in Grammaticis Petrum Pisanum, in disciplinis ceteris Alcuinum, quem laudavi superiori capite quarto. A rerum gestarum magnitudine, & gloria cognominatus est *Magnus*. Langobardos, Saxones, Bohemos, Saracenos in Hispania, Hunnos, regemque Danie Godefridum bello devicit. Plures erexit Episcopatus, auxitque redditibus. Parisiis, Bononiæ, Ticini publicas Scholas instituit. Pluribus Sacrorum Antistitem interfuit Synodis. Monasteria construxit amplissima. Ædificavit Dresdam ad Albem, munivit Hamburgum, arcesque alias erexit. Pontem supra Rhenum strui curavit passuum, ut ajunt, quingentorum: sed idem pons mirabili opere, magnisque sumptibus erectus spatio annorum decem, anno ante Caroli obitum penitus tribus horis consumptus est flamma. De illius eruditione vide Nos. præcedentis capitis 4. Inducitur a Poeta Anonymo ita loquens de semetipso:

*Data quidem pro se, Germania, viribus almis
Per mare, per terras, varia per climata terra
Cum duris dure populis, & maxima bella
Confeci: hinc proprio regnum mihi sanguine partum est.
Arma virosque graves per vincula tetra ligatos
Ducent, ad patrios rediit sine vulnere lares.
Eejāreum nomen tribuit mihi maxima Virtus.*

ut liquet ex dictis, Conciliorum definitionibus, scriptis Patrum, & Martyrum sanguine firmitudinem. Unam in Christo Personam, unum Dei filium, & hunc naturalem & proprium, non adoptivum, ut adversus Nestorium definierat Ecclesia, ita fide nunquam variata tradidit contra Felicem, & Elipandum. Et Patrem & Filium esse unum principium Spiritus Sancti, ideoque eundem Spiritum ab utroque procedere, docuit quovis Ecclesiæ Seculo Theologia, & Majorum traditio: sedente tamen Leone III. cœpit a Gallis, & Hispanis Episcopis addi Symbolo Constantinopolitano particula *Filioque*, Ut moneremur magno in precio habenda esse statuta Majorum, nec unius voculæ additamento, dummodo rectæ fidei cohæreat, subverti Ecclesiæ doctrinam; prælaudatus Pontifex Maximus Symbolum, prout editum fuerat Constantinopoli a 150. Patribus, inscriptum Græcis, Latinisque litteris in duabus tabulis argenteis condidit in Vaticana Principis Apostolorum æde.

Habemus formam degradationis illi parum absimilem, quæ describitur 3. p. *Pontificalis* Romani, in Constantino C. P. degradato anno 767. in templo S. Sophiæ a Niceta, quemadmodum *restitutionis* ad sacrorum Ordinum ministeria, Basilii Ancyрани, Theodori Myrensis, atque Theodosii Amorienſis in Phrygia, qui anno 787. Iconomachorum abjurantes errorem a Patriarcha C. P. Tarasio, cum magna Catholicorum lætitia, palam petierunt, & solemnī cæremonia consecuti sunt reconciliationem, & Episcopatus insignia. Innovati ea occasione fuerunt canones de recipiendis hæreticis: quam pariter formam tradit præcitata parte 3. *Pontificale*. Abstrusa, & ignota Angelorum nomina non esse precibus addenda déclaravit S. Pontifex Zacharias. Baptismum vino a nonnullis collatum reprobat cum Evangelio Augustinus tract. 15. in Joannem, & Stephani II. pro eodem baptismo Rescriptum censetur supposititium, ac spurium. Detestabili abusu cœperunt in Galliis monasteria deputari VIII. Seculo in patrimonium feminarum. Ferunt a Leone III. circa annum 800. celebratam fuisse primam solemnem Canonizationem Sanctorum, eamque fuisse S. *Suitberti* Episcopi, de quo Surius ad diem 2. Martii; sed

Car-

Cardinalis Lambertini, postea *Benedictus XIV.* lib. 1. cap. 7. & cap. 8. demonstrat primam Canonizationem solemniter factam fuisse *S. Uldarici* Episcopi Augustani, peractam a *Joanne XV.* Fidem Christianam Seculo VIII. susceperunt Hircani, & veteres Scythæ, quos modo Tartaros vocant: at hæresi imbutos a Timotheo Nestoriano. *Bonifacius* Anglus, quem alii Winfridum vocant, Frisios, Thuringos, Hassos, aliorum Germanorum plures convertit ad Christum, Archiepiscopus exinde Moguntinus, & Coloniensis creatus, atque, ut diximus, coronatus martyrio. Ætate Caroli M. Christianæ religioni nomen dedere *Charas* Sarmata: *Cusidus*, & *Cuba* filii *Chundi* regis Hunnorum, Saxones, & Pannoniam, terrasque Svecorum, Gothorumque incolentes, *Telericus* quoque rex Bulgarorum initiatus est Christianæ religionis mysteriis. (1)

A P P E N D I X

SIVE EXTERNARUM RERUM MANTISSA.

CUNIBERTUS Langobardorum rex decessit anno 703. regnumque obtinuit *Luitpertus* puer sub Asprandi tutela, extinctus post menses VIII. Successit anno 704. *Raimbertus* filius Gundiberti, immatura morte post tres menses sublatus. Regnaverunt itaque ab anno 704. *Aribertus* II. (2) ab anno 712. *Asprandus*: ab an. 713. *Luithprandus*, a quo anno 724. Cor-

(1) Plures hoc Seculo factæ sunt sacrarum Reliquiarum translationes. Anno quippe 762. Corpus *S. Vincentii* Martyris ex urbe Valentia, quam occuparunt Saraceni, translatum fuit in promontorium, *S. Vincentii* exinde appellatum. Sancti Patris *Augustini* Exuvie, ut proxima dicendum est Appendice, Ticinum fuere translatae. *S. Huberti* Leodiensis Episcopi in ampliorem Ecclesiam opera Carolomanni anno 771. adportatae fuerunt.

Non solum hoc Seculo amplissima ædificata sunt monasteria, ut Verdense anno 708. Romanum Græcorum anno 760. & Fuldense anno 747. verum etiam abjecta corona prætulerunt regio paludamento monasticum sagum reges Anglorum *Ediredus* anno 705. & *Coolulphus* anno 737. atque ad Cassini Asceterium se conferens *Carolomanus* anno 747.

(2) *Aribertus* Rom. Pontifici, ut refert Paulus Diaconus, donationem Alpium *Cottiarum* confirmavit. Id innuimus capite 1. Alpes illas denominatas ajunt a Rege *Cottia*, qui vixit Cæsare Augusto Octavianus

Corpus S. P. Augustini ingenti pretio a Saracenis redemptum e Sardinia Ticinum translatum fuit. Obiit *Luithprandus* an. 744. Regnarunt deinde *Hildebrandus*, *Rachis*, *Aistulphus*, & *Desiderius*. *Rachis* regio paludamento prætulit Cassinensium monachorum cucullam anno 750. *Aistulphus* anno 752. occupavit Exarchatum Ravennæ, qui postea ad R. Ecclesiæ ditionem accessit. Anno 755. Romam cinxit trium mensium obsidione: sed implorante Stephano II. Pipini Francorum regis auxilia, coacte pacem inivit. *Desiderius* regnum auspiciatus anno 756. immemor initi pacti, & armis impetens Hadrianum: hujus nutu *Carolus Magnus* in Italiam adveniens, anno 674. *Desiderium* bello devicit, & captum abduxit in Gallias. (1) Ita post annos 206. regnum Langobardicum extinctum est apud Italos. Incorperat enim anno 568.

FINEM habuit & regnum Gothicum in Hispania: ubi post *Egicanem* anno 701. regnavit *Vitiza*: deinde 711. *Rodericus*. Quo moderante regnum, Saraceni Arabes anno Hegyræ 93. Christi 712. ex Africa in Hispanias migrarunt; & magna urbium, ac populorum clade, occiso Roderico, Gothisque fugatis, Cordubæ in provincia Boetica principem locarunt sedem. Cum vero Gothi in Hispanias appulerint duce *Ataulpho* anno 411. permansit regnum illud Gothicum annis tricentenis. Attamen Christianorum penitus deletus non est principatus. Astures enim an. 718. regem crearunt *Pelagium*: atque hæc est series successorum. Post *Pelagium* anno 736. regnum indeptus est *Favila*: an. 738. *Alphon- sus I*: anno 756. *Froyla*: 768. *Aurelius*: 775. *Silo*: 783.

Mau-

imperante. Sunt qui Alpes *Cotias*, & Appenninos unam dicunt esse provinciam: quos refellit lib. 2. cap. 18. Paulus Diaconus. Incipere ab Hebriduno oppido Delphinatus, tradit apud Paqium *Itinerarium Burdigalense*. A Segusio urbe Pedemontii ducit illarum initium Marcellinus libro 15. A Segusio itidem, vulgo *Susa*, easdem Alpes protrahi usque ad mare Ligusticum, scribit Cluverius lib. 2. Geograph. cap. 12. Comprehendere Genuam, & ora ejus maritima, usque ad fines Galliæ, ait Thomassinus p. 3. lib. 1. cap. 27. &c.

(1) *Desiderius* Romanæ Sedi abstulit Faventiam & Comaculum de Exarchatu Ravennæ. Vide Anastasium in *Hadriano I*. Quæ in Marmore Viterbiensi de rege *Desiderio* leguntur, putantur esse cominentitia, & ab Anno conficta.

Mauregatus tyrannus : 789. *Veremundus* : & anno 791. *Alphonfus II.* cognomento *Castus*. *Mauregatus* cum *Saracenis* feriit turpissimam , scelestissimamque pactionem solvendi quotannis tributum centum puellarum virginum, quam abrogavit *Alphonfus*.

IN GALLIARUM regno *Childeberto* successit anno 711. *Dagobertus II.* nominatus a *Sigeberto Clodoveus* : anno 715. *Chilpericus II.* 721. *Theodoricus II.* filius *Dagoberti II.* an. 742. *Childericus III.* cognomine *Stupidus* : (1) 752. *Pipinus Brevis* filius *Caroli Martelli*, Francorum principis , qui e vivis excessit anno 741. XI. Cal. Nov. tribus relictis filiis ; quorum *Carolomannus* *Austrasie*, *Pipinus* *Francie* præfecturam obtinuit, & *Ægidius* electus est Archiepiscopus *Rotomagensis*. *Carolomannus* vero anno 747. fortunis omnibus abjectis, primum in monte *Soracte*, deinde in *Cassino* vitam exercuit *Monasticam*. Obiit rex *Pipinus* (2) *Parisiis* an. 768. , duobus filiis regibus relictis, *Carolo Magno* *Suessionibus*, & *Carolomanno* altero *Novioduni*. Hoc tamen anno 771. e vivis sublato , rerum potitus est *Carolus Magnus*. Natus is erat anno 747. , aliis 742. Susceperat expeditionem adversus Arabes dominantes *Hispanis*, & *Pompejopolim* (3) in suam redegerat potestatem ; quum anno 788. *Vascones* incolæ regionis *Navarræ*, inter montes *Pirenzos*, & flumen *Iberum*, *Caroli* exercitum ex insidiis aggressi magnum fortissimorum *Virozum*, inter quos *Rollandus* *Caroli* e sorore nepos, numerum memoranda clade deleverunt. (4) *Paulo* post *Saxones* *Carolus Magnus* bello superavit, & ad

(1) *Childericus* agebat annum ætatis suæ 17., ineptus regno in monasterium detrusus fuit : uno tantum anno superstes fuit abdicationi . Electus anno 742. decessit anno 750. Desiit in illo series Regum *Merovingie* Gentis, quæ regnaverat a *Clodoveo* hucusque annis 270. ab ejus baptismo computatis.

(2) Anno 754. *Pipinus* *Exarchatum* *Ravennæ* *Romano Pontifici* dono dedit. Vid. *Pagium* ad an. 796. num. 11. & ad an. 755. num. 6. & supra cap. 1. in *Stephano II.*

(3) Vulgo *Pamplona*.

(4) In *Roncivalle*.

Rollando autem , seu *Rulando* nepoti suo *Carolus M.* hoc posuit Epitaphium :

Tu patriam repetis, tristi nos orbe relinquis :

Te tenet aula nitens, nos lacrymosa dies .

Sed qui lustra geris esto, & binos super annos ;

Brevis turris, iustus ad astra tendit .

ad Christianam religionem perduxit. Opera Alcuini, & Claudii Clementis instituit anno 791. Scholam Parisiensem. Quoniam, ut supra diximus, anno 800. in Christi natali a Leone III. diadema, & *Augusti* nomen accepit; agendum de illo rursus in proximi Seculi Imperatoribus.

QUID autem de Saracenis, quos diximus irrupisse in Hispanias? Anno 718. duce *Mazalina* Constantino-
poli, quam navibus 1800. obsederant, attrita igne ad tempestatibus illorum classe, coacti sunt re infecta discedere. Anno 725. evocante Eudone Aquitano in Galliam exundantes, cæsi proximo anno fuerunt a Carolo Martello in Gallia Celtica. Rediere tamen an. 749. cum liberis & uxoribus in Galliam Narbonensem, inde rursus anno 731. a Carolo Martello expulsi. Masalmas item Saraceni ductor exercitus, aggressus Turcas incolentes tunc Sarmatiam Asiaticam, atque ab iisdem fugatus, rursus contra illos progressus est usque ad Portas Caspias, sitas in Media, finibusque Parthorum, iterum ad fugiendum coactus. Inter se dissidentibus Saracenis anno 745. feliciter Constantinus Copronymus intulit bellum, atque innumeros occidit in Syria. Turcæ rursus Portis Caspiis effusi anno 767. cum Saracenis pugnarunt. Horum Arviras eligitur anno 777. *Mady*, seu *Muhammed*. Is anno 783. in Asiam irrumpens, ad pacem petendam, atque solvendum tributum coegit Irenem. Post Muhammedem anno 798. Saraceni Cappadociam, & Thraciam vastarunt, coacta rursus Irene pacem suppliciter flagitare. Electus autem expirante Seculo Saracenorum Arviras *Aaron Rachid*.

MUTATIONE regnorum, barbarorumque excursionibus quædam alia accedunt commemoranda. Hujusmodi sunt illatæ a Christianis clades Saracenorum phalangi-
bus. Enimvero præter ea, quæ diximus de Carolo, Martello, & Constantino Copronymo, Alphonso I. rex Austriæ illos expulit an. 750. e Gallæciæ finibus: Pipinus anno 752. e Septumanis, sive Occitania: e Gallia Narbonensi anno 756. vel juxta Pagium 755. Tunc vero ultra Pyrenæos, quibus Gallia dividitur ab Hispania, compulsi sunt remeare. In memorata *Mazalinæ*, vel *Masalmæ* obsidione, pestilentia & fa-
me

me perierunt Constantinopoli hominum trecenta millia : Mauritani in Africa circa hæc tempora , spreto Evangelio , receperunt Alcoranum ; quod scelus admifere nonnulli in Hispania , poſtquam Arabes interfecerant Rodericum , duo etiam Archiepiſcopi , ejusdem regis affines , Oppa , & Tauriſius . Constantinopoli anno 740. demolientibus Iconomachis ſimulacra Sanctorum , repetitis conſuſionibus Auguſtorum ſtatuas , ædes , & palatia terræmotus confregit . Supra mœnia Romanæ Urbis anno 791. excreverunt Tibridis undæ . (1)

PRÆTER recensitos cap. 4. Eccleſiaſticos Scriptores ,
flo.

(1) Non omnia hujus Seculi VIII. infortunia narraviſimus . Anaſtaſius enim reſert inundationem Tiberis , quo excreſcente ſupra muros Urbis in humilioribus locis anno 717. domos everſit , vaſtaſcit agros , ac ſeges perdidit . Cedrenus reſert hiemem ejusdem anni vehementiſſimam atque aſperriſſimam , qua per Aſiam terra adeo nivibus obduſta fuit , ut animantia pleraque , ac ſeræ ſilveſtres perirent . Ex binis anno 729. apparentibus cometis , quorum alter orientem ſolem præcedebat , alter vero ſequabatur occidentem , futuram ingentem cladem vaticinatus eſt Beda . Evenerunt anno 746. in Syria terræmotus , quibus corruerunt templa , monaſteria , & domus , multaque hominum millia exincta ſunt , ut Hiſtorici tradunt : peſtilentia , quæ primum invaſit Siciliam , deinde ceteras maris inſulas , tum Græciam univerſam , poſtremo Constantinopolim , ubi lue per triennium graſſante , quemadmodum Theophanes reſert , cuncta cœmeteria , lacunæ , cisternæ , vineæ etiam & horti , repleta ſunt cadaveribus . Syriam rursus , ac Meſopotamiam , ut inquit idem Hiſtoricus , anno 749. adeo excuſſit . ut aliquæ urbes e propriis ſedibus moverentur . Ex dirupta terra prodiſſe animal humana voce loquens , tradit idem Theophanes . Sunt qui id referunt ad annum proximum 750. Sæviente iterum anno 756. in urbe Constantinopolis peſtilentia , tanta civium copia deperit , ut neceſſum fuerit undique novos coloniſ traducere , ne vacua incolis defereretur . Inclementia hiemis anno 763. conſtrictus eſt Pontus Euxinus glacie triginta cubitis alta , atque proximo vere ann. 764. per Boſphorum in Propontidem perpulſit pontus tam ingentia glaciei fragmina , ut his inſiſterent pluſquam triginta homines , ac tuto veherentur per maris undas . Magdeburgum ad Albim ſitum , omneſque vicinias anno 789. *ſlavi* , Vandalorum genus , deſtarunt , omniaque loca in ditionem ſuam redegerunt uſque ad Viſtulam , ſineſque Sarmatiæ . Peſtis , quam diximus ſæviſſe anno 746. & duobus ſequentibus Constantinopoli , occidione tam dira , ut cadaveribus tumulandis deeſſet humus , & quæ e Calabria & Sicilia fertur erupiſſe , ea erat , quam vulgo a ſigno epidemico appellant *Bubonis* . Bubo autem *βύβων* , eſt glandula inter femur & coxendicem ad latera pubis , aut in aliis quibuiſvis partibus corporis naſcens .

floruerunt circa finem VIII. Seculi Historici duo, *Georgius Syncellus*, & *Georgius Theophanes*. Συγκελλος, nomen erat dignitatis in Græcorum Ecclesiis, & Syncelli assistebant secretioribus Episcoporum obsequiis. Talis erat Georgii monachi, de quo loquimur, munus, sedente in Cathedra C. P. Tarasio. Scripsit autem *Chronicon* ab initio mundi usque ad tempora Imp. Maximiani, & Maximini. *Theophanes* vero, *Confessor* dictus, quoniam nulla ratione adduci potuit a Leone Armenio ad ἐκτροχάσιν reprobendam, ab anno i. Dioeletiani 284. usque ad primum ejusdem Leonis, nimirum 813. edidit conciso stylo (*Chronographiam*: quam mutila, & pro vitio seculi rudi interpretatione apposuit Historiæ Ecclesiasticæ Anastasius Bibliothecarius. *Eginarthus*, sive *Eginhardus*, Caroli Magni Cancellarius, ejusdem Principis Vitam conscripsit (1). Luit demum Carmine tolerabilis pro Seculi barbarie versificator *Ethelwolphus* Berenicus in Anglia: cujus nomen illustris Vossius interpretatur *nobilem Lupum*.

NO.

(1) De *Eginartha* Jacobus Curio, & Christianus Mathizæ narrant, captum amore *Imme* filiz Caroli Magni & Hildegardis, noctu ad illam accessisse, relictis in nive pedum suorum vestigiis, atque ab eadem compressa *Imme* in suos sublatum humeros, ne detegeretur flagitium, ad locum hospitio proximum fuisse adportatum, elegantissimamque juvenculam per eadem vestigia caute observata ad proprium rediisse cubiculum; se tamen comperta ex impressa in nive *Eginarthi* pedum forma, Imperatorem consulentem honori filiz, ac timori *Eginarthi*, quem Senatus plenis suffragiis ad acerbissima supplicia damnaverat, huic *Imme* nuptias, admirantibus omnibus, conciliasse.

NONUM ECCLESIAE S E C U L U M.

C A P U T I.

CONTINUATIO, SERIESQUE PONTIFICUM.

IN APOSTOLICA Petri cathedra sederunt post Leonem III. Stephanus IV. S. Paschalis I. Eugenius II. Valentinus, Gregorius IV. Sergius II. S. Leo IV. Benedictus III. S. Nicolaus I. Hadrianus II. Joannes VIII. Marinus I. Hadrianus III. Stephanus V. Formosus, Bonifacius VI. Stephanus VI. Romanus, Theodorus II. Joannes IX. & Benedictus IV.

XCIX. STEPHANUS IV. a X. Cal. Jul. an. 816. usque ad 9. Cal. Februarias anni 817. Pontificis functus est munere. In tam exiguo 7. mensium spatio nominis sui consuluit immortalitati. In Gallias enim proficiscenti occurrit, omnesque detulit honores Ludovicus Pius F. Caroli M. qui ab eodem Pontifice Remis cum regina Irmingarda sacram inunctionem, aureum diadema, dignitatemque consecutus est Augustalem.

C. CUM eodem Ludovico pristina sancivit foedera, ad Pontificiam ditionem, & Exarchatum ab hostium aggressionibus defendendum, S. Paschalis I. qui electus postridie Stephani mortem, post annos 7. videlicet, anno 824. die Febr. 10. immortalitatem est assecutus; posteaquam Lothario F. Ludovici, misso Romam a Patre, Langobardici Regni coronam, nomenque Augusti contulerat. (1)

Tom. I.

Q

Cl.

(1) S. Paschalis I. Lothario coronam imposuit anno 823. die quinta mensis Augusti. Inter cetera pietatis opera, vetustissimam S. Praxedis Ecclesiam collabentem proximo in loco erexit, arnavitque magnifice. Illic construxit Oratorium S. Zenonis Martyris, collocato ibidem sacro ejusdem Corpore: monachos Græcos constituit, qui die ac nocte divinas laudes persolverent: Ciborium argenteum octingentarum decemque librarum, argenteas item laminas Propitiatorium undique tegentes, auri, lapillorumque ornatus ab Anastasio descriptos, splendidissima liberalitate eo loci opposuit. Extat S. Paschalis Sarcophagum in eadem Ecclesia cum inscriptione, *Hic jaces S. Paschalis PP. L.* ac fallitur Platina scribens fuisse sepultum in Vaticana S. Petri Basilica.

CI. Duos post S. Paschalem contentione infanientis populi fuisse electos, Eugenium, & Zinzinum, tradunt Historici. *Eugenius* tamen canonice, & a majori parte summum sacerdotium indeptus, eo potitus est ad annum usque 827. quo anno, post regiminis sui tertium, sextili mense decessit. (1)

CII. VIX EUGENIO suffectus fuerat *Valentinus* Archidiaconus Romanæ Ecclesiæ, cum eodem anno 827. die ab inauguratione sua quadragesimo abiit ad plures; unde *Virgilianum* illud usurpat *Papirius*:

*Hunc tantum terris ostendent fata, nec ultra
Esse sinent.*

CIII. RELUCTANTEM præ humilitate, Romanus clerus ac populus elegit post *Valentinum Gregorium IV.* Ab illo Ostiensis Civitas, ne pateret incursionibus Saracenorum, cincta fuit novis mœnibus. Ut filios *Ludovici Pii*, *Lotharium*, *Pipinium*, & *Ludovicum* Patri conciliaret, contendit in Galliam. Quoniam rediit re infecta, hunc reditum nonnulli cum *Hincmaro* in litteris ad *Hadrianum II.* haud multum commendant. Obiit an. 844. die 29. Januarii.

CIV. ECCLESIAM deinde gubernavit *Sergius II.* Romanus, post triennium nondum expletum, sublatus e vivis, an. 847. VI. Cal. Februarias. Extinctum ajunt concepto dolore ob direptionem Urbis factam a Saracenis. Eo sedente 28. scalarum gradus, ætate *Constantini M.* e prætorio *Pilati* Romam, ut inquit, advehti, ante Basilicam Lateranensem fuerunt. constructo ædificio dispositi: quos postea *Cælestinus III.* ante Patriarchium juxta porticum, & *Sixtus V.* ante Capellam, quæ dicitur *Sancta Sanctorum*, collocarunt. Quod fabulantur aliqui *Sergium*, eo quod antea vocaretur *Os Porci*, primum omnium Pontificum sibi nomen immutasse, abest procul a vero; nam primus, qui voluit alio nomine appellari, fuit *Joannes XII.* inauguratus an. 956. & nominatus ante Pontificatum *Octavianus*.

CV.

(1) Ven. *Baronius* ad an. 824. num. 11. ait præcellentem fuisse simplicitate, humilitate, doctrina, & eloquentia. Cognominabatur quoque *Pater pauperum*.

CV. SEDIT post Sergium S. *Leo IV.* ultra annos 8 ad beatam evocatus æternitatem anno 855. die Julii 17. Hujus sanctitas pluribus argumentis enituit, maxime cum signo crucis flagrantissimum extinxit incendium, exterminavitque serpentem teterrimum permultos pestifero halitu corripientem. (1)

CVI. LEONE IV. vita functo, habitis statim Comitibus electus est *Benedictus III.* ad summum sacerdotium, paucis deferentibus, & illegitime simul evectio Anastasio presbytero Cardinale, quem *S. Leo IV.* e gradu deiecerat, propterea quod a parocchia sua integro quinquennio abfuisset, Verum Anastasio detruso, *Benedictus* gessit Pontificatum usque ad annum 858. quo anno concessit naturæ VI. Idus Apriles.

FUERUNT, qui inter Leonem IV. & *Benedictum III.* locarunt meretriculam *Joannam Papissam*; Martini Poloni, Mariani Scoti, aliorumque producentes testimonia. At cusam fabulam post annum 1278. quo obiit Martinus Polonus, consentiunt cordati omnes auctores. Profecto illam refellit præmissa, & communiter recepta chronologia, quæ inter Leonem, & *Benedictum*, nullum relinquit locum *Papissæ*. Nec de patria, aut nomine audacis mulierculæ consentiunt architecti fabellæ. Græcis etiam non semel redargutis, quoniam Patriarchalibus insignibus interdum decorassent Eunuchum, nunquam vel a Photio, vel ab aliis vicissim Romanæ Cathedræ dedecus, probrumque istud fuit objectum. In vetustiori Martini Poloni Codice regię Parisiensis Bibliothecæ, insertam hanc fabulam, assuta aliena manu lacinia, vidit David Blondellus, qui idcirco commentitiam hanc historiolum refutavit. Deesse idem commentum in antiquioribus Exemplaribus Mariani Scoti testatur Mireus. De Vaticanis Codicibus Anastasii idem tradit oculatus inspector Onuphrius Panvinus, & de Chronicis Mss. Sigeberti

Q 2

Ala-

(1) Inter cetera, quæ *S. Leonis IV.* comprobant virtutem ac sanctitatem, narratur in ejus vita ab Anastasio Bibliothecario, illum signo crucis extinxisse maximum in Urbe incendium, atque precibus ad Deum fufis exterminasse teterrimum anguem, homines absumentem halitu pestilentissimo. Ferunt fuisse ex illorum genere, qui sibilo serpentes reliquos fugant, peracuta capita, oculosque rubeos, & candidam ad instar diadematis maculam gerentes; unde a Græcis *φασγάνοι*, *Reguli* a Latinis vocantur.

Alanus Cōpus. At undenam tam putida, fabula emerſit? Incertum, an ex obſcura fama Joannis VIII. cui ob nimiam mollitudinem, fractumque animum, quo nequivit reſiſtere Photio, adtributa fuerit feminæ nomenclatura: an Joannis IX. quem primarium Sacerdotem creavit Theodora, imperioſum Romanis & nobiliſſimum ſcortum: an Joannis VII. in ferendo iudicio circa Trullanos canones nimis timidi & puſillanimis. Sunt qui fabulæ originem referunt ad Thiotam pseudoprophetiſſam temporibus Leonis IV. damnatam: qui conſictam a Valdenſibus: qui erutam ex laticibus Lotheranorum. Verum ingenue fatendum eſt eamdem fabellam complures Catholicorum ignaviter adoptaſſe, & plures Prôteſtantium illam expunxiſſe, tametſi quidam propugnare eam pergant, ut hoc ridiculo commento paſcant gregarios. Memoravi Blondellum reſutantem Papiffæ narratiunculas. Adde Courcellium, Boxhornium, Conringium, Viginierium, Gaſſellium, Caveum, Schookium, alioſque e numero Prôteſtantium apud Petrum Bayle in Dictionario V. *Papeſſe*. Sed illuc, unde digreſſi fuimus, revertamur.

CVII. Poſt Benedictum III. inauguratus eſt Pontifex S. *Nicolaus I.* feditque ab anno 858. uſque ad annum 867. quô Idibus Novembris ad cæleſtem patriam migravit; ob virtutum decora, ob inſtituta Bulgarorum, ob deſenſionem S. Ignatii C. P. & Photii invaſoris condemnationem, in generali Synodo V. II. vere *Magnus* nuncupatus, meritoque comparatus Eliæ, Phinees, & Danieli. (1)

CVIII.

(1) De S. *Nicolaus I.* narrant qui Romanorum Pontificum res geſtas conſcribunt, deſiſſe operam, ut *Lotharius* rex Lotharingiæ filius Lotharii Imperatoris dimiſſa pellice Waldrada, reciperet legitimam conjugem Teutbergam. Waldrada ſoror fuit Guntharii Archiepiſcopi Coloniensis, & Teutberga ſoror Hugoberti abbatis. Accuſata itaque Teutberga de inceſtu cum fratre Hugoberto, iniqua Guntharii, & Epifcopi Trevirenſis ſententia, a legitima conjuge, & injuſte accuſata, factô divorſio, coacta Synodo Aquifgrani anno 862., hac approbante, repudiavit uxorem, ſibiſque copulavit Waldradam. Aſtitata cauſa in Concilio Mtenſi anno 863. de quo proximo capite, & lata pro Lothario ſententia, S. Pontifex Nicolaus, reſciſſis actis ejuſdem concilii, aliud anno 865. in Galliis celebrari mandavit, in quo ſtatutum fuit Lotharium turpiter peccaſſe. Quare a Nicolao, ut pelleret Waldradam, & Teutbergam re-

CVIII. NICOLAI thronum consecutus, & virtutem imitatus est *Hadrianus II.* Nicolaitanus propterea a Schismaticis nuncupatus. Nam & Romæ proscripsit Photium, & hujus contra Nicolaum scripta addixit igni, & Generale Concilium VIII. paullo supra laudatum coegit, & confirmavit. Ecclesiæ autem gubernacula, quæ susceperat decimo mense anni 867., simul cum corpore dimisit eodem, aut præcedenti mense, anni 872.

CIX. SUBSTITUTUS in Hadriani locum *Joannes VIII.* Is necessitati cedens, rogante Basilio Imperatore, annuit ut Photius Ignatio vitæ functo sedem C. P. reciperet. Quare Photius aliam synodum contra VIII. coegit, eandem VIII. synodum cum particula *Filiæque* proscripsit, & cum Joanne firmavit communionem. Post decem annos, nimirum anno 882. XVIII. Cal. Januarias contigit mors Joannis.

CX. SUFFECTUS Joanni *Marinus* Etruscus, quem aliqui appellaverunt Martinum: qui e vita exiit anno 884. Qua die, & quo mense, ignoratur. (1)

CXI. RENUNCIATUS tum Pontifex *Hadrianus III.* Romanus, qui altero Pontificatus anno 885. tendens in Galliam, vix transmissio Pado, in morbum incidit, & extinctus tumulo reconditus est in cœnobio Nonantulæ.

CXII. POST Hadrianum ad summum Sacerdotium adscendit *Stephanus V.* Romanus (2). Ratam is habuit

Q 3

S. Ni.

ciperet, jussus est. Verum rediens ad pellicis amplexus, & re ad Nicolaum delata, Lotharius ad se purgandum adeundi Romam frustra anno 867. licentiam petiit. Hac ab Hadriano obsecra, illuc se contulit anno 869. Tunc perjurio, & horribili execratione, sacra etiam usus Synaxi, affirmavit, se nunquam post latam a Nicolao sententiam ad Waldradæ accessisse consuetudinem. At perjurii, & execrationis suæ poenā luit. Etenim præcitato anno 869. postquam lætabundus Roma discesserat, Placentiæ die 8. Augusti morte incopinata decessit.

(1) Marianus Scotus & Sigbertus inter Marinum & Hadrianum III. intrudunt Pontificem *Aspætum*. Commentitius est: & error inde ortus creditur, quod antea Hadrianus *Aspætus* vocaretur.

(2) Baronius appellandum censet *Stephanum Sextum*, & corrigendum existimat illius Epitaphium productum a Mansio. Cur in enumerandis Pontificibus, qui vocati fuerunt nomine *Stephani*, varietas occurrat, diximus in Adnot. ad *Stephanum II.* Epitaphium illud est:

S. Nicolai, & Hadriani II. & III. sententiam, qua Photium interdixerant communione: excusavit Marinum, quo sedente ipse Photius fuit restitutus; atque effecit, ut Leo Sapiens Imp. Græcorum illum detruderet in monasterium. Obiit VI. Pontificatus sui anno, Chr. Ær. 891. exeunte Septembri.

CXIII. POST Stephanum V. electus est *Formosus* Episcopus Portuensis. Varia de illo circumferantur judicia, tum propter ea, quæ ei primum contigerant, tum propter ea, quæ posthac evenerunt. Formosum enim e gradu dejecerat, & in Gallias relegaverat Joannes P. VIII. devinctum juramento se nunquam Romam, neque ad Ecclesiam suam reversurum. At sedi restituerat suæ, & a juramenti vinculo solverat successor Joannis Marinus. Ita potuit summus Pontifex renunciari, licet dicatur primus, qui ab alia Sede translatus sit ad Romanam. Virtutibus, ac sapientia plurimum commendatur. Tumultuariam fuisse electionem Formosi, elevante se contra eum Sergio diacono, tradunt aliqui ex Luithprando: ideoque recensent hoc in loco Schisma 13. consignandum inferius. Cum a Vidone Imperatore res turbarentur Italiæ, Formosus evocavit e Germania Arnulphum regem, a quo capta est Roma, expulsi hostes, & impetratum Augustum diadema. Id contigit anno 896. quo anno Formosus obiit pridie Nonas Aprilis. (1)

CXIV.

*Hic sumulus Quinti sacros continet artus
 Presulis eximii Pontificis Stephani,
 Bis ternis annis populum qui rexit & Urbem.*
 (1) De Formoso ita *Pladoardus* apud *Mabillon* Sec. 3. *Benedict.* P. 3.
*Presul hic egregius Formosus laudibus ætis
 Evexitur, castus, parvus sibi, largus egenis.
 Bulgarica Genti fidei qui semina sparsit,
 Delubra destruxit, populum celestibus armis
 Instruxit, tolerans discrimina plurima: promptus
 Exemplum tribuens ut sint adversa ferenda,
 Et bene viventi mesuenda incommoda nulla:*
 Invento a piscatoribus Formosi cadavere, atque ad Vaticanam Basilicam deportato, fertur sacras Imagines in loculo Pontificem positum venerabiliter salutasse. Quod utique, si verum est, ejus pietatis, ac religionis, necnon legitimi Pontificatus argumentum est maximum. Errasse puto *Calvisium*, qui Formosum obiisse ait *die 14. Decembris*. De unctum in die sancto Paschatis, scribunt *Contractus*, alique apud *Pagium*.

CXIV. ELECTUS post Formosum *Bonifacius VI.* qui sedit tantum diebus 15. atque a nonnullis existimatur violenter intrusus, atque ex Pontificum catalogo delendus. (1)

CXV. STEPHANUS VI. Pontifex constitutus potentia Adelberti Marchionis Tusciæ, Formosum e sepulcro extrahi iussit, eumque ac si vivens fuisset, degradavit, exuit Pontificalibus indumentis, digitisque tribus abscissis in Tiberim jactari præcepit. Cunctos, quos Formosus ordinaverat, gradu proprio depositos, iterum ordinavit. Verum & ipse Stephanus post annum ac mensem Episcopatus, anno 897. in carcerem coniectus fuit, & strangulatus. (2)

CXVI. ABROGAVIT Stephani contra Formosum acta *Romanus*, electus eodem anno 897. & post 4. menses extinctus sub initia an. 898.

CXVII. VIGINTI duntaxat diebus sedit postmodum *Theodorus II.* qui Formosi cadaver in Apostolicam tumbarum reduci iussit.

CXVIII. TUMULTUARIA deinde electione in locum Theodori quidam substituere conati sunt Sergium diaconum; sed canonicè renunciatus est, & solemnè ritu consecratus *Joannes IX.* Tiburtinus, Sergio dejecto. Callavit & Joannes acta Stephani VI. adversus Formosum, hujusque ratas habuit Ordinationes. Vita functus est ineunte mense Augusti, anno 900., eique successit *Benedictus IV.*

Q 4

CA-

(1) Scelestem hominem, Apostolicæ Sedis invasorem, a sacris Ordinibus degradatum, scribit Ven. Baronius ad annum 897. §. I. Idem Baronius ad an. 904. §. 6. tradit hunc Bonifacium damnatum fuisse a Joanne IX. Intrusus fuisse dicitur factione *Sergii*, de quo paullo supra in *Formoso*. Fuit genere Etruscus, obiitque arthritico morbo.

(2) De Stephano VI. ait Flodoardus:

Durus qui nostris, propriis ac durior instat.

Seva quidem legat vivis, tructora sepulchris;

Poisonemque minis, Formosum concutit actis.

Fuit *Folco*, seu *Fulco*, Archiepiscopus Remensis, cui R. Pontifex Martinus, aut *Martinus II.* miserat Pallium, Formosus vero amplissima contulerat privilegia, ab eodem Flodoardo descripta. De morte ipsius Stephani hæc prælaudatus Flodoardus.

Visus ab hinc meritis dignam incurrisse ruinam,

Captus & ipse, sacraque abjectus Sede, tenebris

Carceris incipitur, vinculisque innectitur atris,

Et suffocatum crudo premis ultio letho.

Stephanum tamen habuisse probabilem causam aliquam sciendi n. Formosum vitæ functum, neque hunc fuisse criminis prorsus expertem, affirmant aliqui cum Joanne Morino p. 2. de Sacris Ordinationibus.

CAPUT II

NONI SEculi RECENSENTUR CONCILIA.

QUÆ DE Formoso paulo supra narravimus, coactis Synodis mandata fuerunt executioni. Exhumatum ejus cadaver, & projectum in Tiberim a Stephano VI. præhabita an. 897. *Romana*, & rursus honorifice sepulcro reconditum anno 898. alia *Romana* Synodo a Joanne IX. congregata. Fuerunt Romæ aliorum Sacerdotum in Synodis caussæ discussæ. Etenim anno 853. sub Leone IV. Synodali judicio 63. Episcoporum depositus & damnatus est Anastasius, de quo supra. Depositus item Joannes Ravennatum Episcopus in *Romano* Concilio an. 861. sub Nicolao Magno, eodemque Pontifice an. 864. ejectus e gradu Rodoaldus Portuensis, qui Apostolicæ Sedis Legatus anno præcedenti 863. interfuerat Concilio *Metensi*, & pecunia a Lothario corruptus approbaverat ejus a Teutberga divortium, postea ab eodem Nicolao I. una cum antesignanis præfatæ *Metensis* synodi Episcopis condemnatum. Vide capite præcedenti *Adnot.* ad Nicolaum. Synodus item *Romana* an. 881. sub Joanne VIII. communione privavit Athanasium Episcopum & Principem Neapolitanum ob foedus initum cum Saracenis, junctaque cum eis adversus Italos arma. Alia id genus extra Urbem celebrata fuerunt Concilia. *Altinense* an. 802. in provincia Aquilejensi contra Joannem Ducem Venetorum ob eandem ab eo patratam Joan. Patriarchæ Gradenfis: *Constantinopolitanum* an. 806. pro restituendo sacris ministeriis Josepho, quem sacerdotio interdixerat Patriarcha Tarasius: *Stramiacense* apud Lugdunum an. 836. ad ventilandam causam Agobardi Lugdunensis Episcopi, & Bernardi Viennensis, qui conjurationis in regem Ludovicum fuerant infimulati.

AT QUENAM in causa S. Ignatii C. P. & Photii Sedis ejus infaustis, habita fuere Concilia? Principio S. Ignatio ad Patriarchalem sedem eveſto, in *Synodo* C. P. anno 854. percussus anathemate, & depositus fuit Gregorius Syracusanus, qui electioni ejusdem Igna-

Ignatii totis laeertis obstitit, Anno autem 861. iussu Michaelis Imp. indicta Synodo 318. Episcoporum, in locum Ignatii paulo antea depositi opera Bardæ Cæsaris, quem interdixerat ab Ecclesiæ ingressu, suffectus est Photius, non repugnantibus legatis Apostolicæ Sedis, Zacharia Ananiz, & Rodoaldo Episcopo Portuensi. Qui e Constantinopoli reduces an. 863. Romana in Synodo præside Nicolao I. ob male gestam legationem damnati fuerunt, lata etiam sententia adversus Photium, & Ignatii definita restitutione. Rursus anno 868. *Romæ* in Synodo sub Hadriano II. ter dictum est anathema Photio: & proximo anno 869. celebratum est *Constantinopolitanum* Concilium IV. & *Œcumenicum* VIII. Huic subscripsere Episcopi 109. neque enim admissi fuere qui stabant a partibus Photii; in quem pronuntiatum anathema subscriptione Præsulum firmatum fuit calamis in sacro Calice intinctis. Defuncto nihilominus Ignatio, restitutus est Photius; depravato a Basilio Imp. animo Joannis VIII. & a Photio rursus intruso coactum est anno 879. Concilium aliud C. P. oppositum præcedenti. Istud tanquam *Œcumenicum* jactant Græci Schismatici, & ei interfuisse ajunt Episcopos 383. Adfuere & Legati Joannis, Photio munera Pontificalium ornamentorum deferentes. Rejcta in eo Concilio particula *Filioque*. Leo Allatius, alique illud refutarunt.

AD EXTIRPANDAS hæreses habiti fuerunt alii Episcoporum conventus. Etenim Iconomachi rursus damnati fuerunt an. 814. in Concilio C. P. 270. Episcoporum sub patriarcha Nicephoro: quamquam eodem anno Iconoclastæ, Nicephoro deposito, & substituto Theodoto, pseudosynodo decreverint Imagines esse abrogandas. Verum harum cultus restitutus est sub Methodio, altero Concilio anno 842. Repullulans Theopaschitarum hæresis damnata rursus est anno 862. in Concilio *Romano*, sub Nicolao I. Prædestinatarum hæresis una cum Gothescalcho monacho, & presbytero proscripta est an. 848. in Synodo *Moguntina*, & an. 849. in *Cariaci*. (1)

.Plu-

(1) Hæc tamen hæresis fictitia est. Gothescalchus prædestinationis & gratiæ assertor plures, clarissimosque patronos ac vindices.

Plura demum Concilia pro disciplina Ecclesiastica fuerunt congregata, ut sub Carolo Magno *Aquisgran* anno 802. *Arelate* anno 813. eodemque anno *Remis*, *Turanis*, & *Calisone*; atque sub Ludovico Pio *Aquisgran* anno 816, *Pamisiis* anno 824. *Aquisgran* rursus anni 828., &c.

C A P U T III.

DE HÆRESIBUS EXORTIS SEculo IX.

PAUCIS tertium caput expediam. Etenim de repul-
lulantibus hoc Seculo hæresibus Theopaschitarum,
& Iconomachorum, necessum non est plura dicere. De
errore, & Schismate Græcorum, quod maxime invaluit auctore Photio, & de rejecta ab illis particula
Filioque, pertractatum est supra. Memoravimus quoque
Thiotam pseudopphetissam, quæ audebat asserere
diem & horam judicii extremi minime a se ignorari,
Moguntia idcirco affectam verberibus, & in exilium
expulsam: sed malo insanam, quam hæreticam appellare.
Prædestinatio autem hæresis eorum est, qui electionis,
& reprobationis decreta ita adstruunt, ut necessum
sit prædestinatos salvari, & damnari reprobos, sed hanc
hæresim tradidisse Gothescalchum, non est, ut vulgo
dicitur, exploratum.

C A P U T IV.

DE SCRIPTORIBUS ECCLESIASTICIS NONI SEculi.

PRINCIPIO eos, qui cum multiplici scientiarum genere fuerint exornati, in sacrarum literarum studio præsertim locarunt operam, arbitror esse laudandos. Inter quos recensere lubenter *Claudius* Hispanicum, discipulum Felicis Urgelitani, promotum anno
821. a

adinvenit, S. Prudentium, S. Remigium, Florum diaconum, Lupum Ferrariensem, Ratramnum monachum Corbejensem, & Synodum Valentiam anni 885. in qua capitula Carisiacæ fuerunt rejecta. Vide Flod. lib. 3. Mabil. An. lib. 30. Fleury H. E. lib. 49. & librum nostrum 6. de Th. discipl. cap. 14. ubi de Gothescalcho plura. Vide infra cap. 4. Adverte duo esse distinguenda concilia Carisiaca, unum anni 849. in quo priusquam damnatus est Gothescalchus, alterum anni 853. in quo contra illum edita fuerunt quatuor Capitula.

821. a Lodovico Pio ad Episcopatum Taurinensem , scripsit enim in vetus ac novum Testamentum Commentaria permulta ; nisi contra sacras Imagines , & Cruces debacchatus fuisset , suamque impietatem adversus Theodemirum , pium doctumque Abbatem Gallicanum , Apologetico scripto temere vindicare curasset . Claudio itaque omisso , laudandi occurrunt *Haymo Alcuini* discipulus , qui præter Breviarium Historicum , & Tractatum de Corpore & Sanguine Domini , Commentaria edidit in Psalmos , in Isaiam , in Epistolas Pauli , in Apocalypsim , atque in Evangelia Homilias ; *Paschasius Radbertus* , qui pariter præter singularem librum de Sacramento Corporis , & Sanguinis D. N. J. C. & duos de Partu Virginis libros , Evangelium Matthæi , Psalmum 44. atque Jeremiæ Threnos libris 21. luculenter exposuit . *Rabanus Maurus* , carmine & soluta oratione clarus par divinarum Scripturarum amplitudinem longe lateque diffusus : *Bertharius* Abbas M. Cassini , ex cuius scriptis superest Opus Qq. in utrumque Testamentum ; & *Remigius* Monachus Antissiodorensis , a quo conscripti fuerunt Commentarii in omnes Psalmos Davidicos , in XII. posteriores Prophetas , & in Epistolas Pauli . Quorum *Haymo* obiit anno 853. *Paschasius Radbertus* an. 851. *Rabanus Maurus* an. 856. *Bertharius* a Saracenis mactatus ad aram an. 884. & *Remigius* decessit circa annum 900.

PASCHASIUS vero , Haymo , & Rabanus , quoniam de Sacramento Corporis & Sanguinis Domini egregie pertractarunt , eorum quoque numero , qui Ecclesiæ illustrarunt dogmata , sunt recensendi . Ad quorum classem accedere *Agobardus* vita functus anno 840. *Theodorus* Palæstinus pro fide Orthodoxa in Bithyniam relegatus anno 883. *Dungalus* monachus S. Dionysii , Parisiensis , cuius mors contigit paullo post annum 830. & *Jonas* Episcopus Aurelianensis , qui obiit an. 843. Horum autem primus hæresim Felicis & Elipandi , Judæorum pervicaciam , & Iconomachorum impietatem scriptis exagitavit : reliqui item pro SS. Imaginum cultu exercuerunt gloriosa certamina , ac duo præsertim postremo loco memorati , qui refutarunt Claudii Taurinensis Apologeticum . Exagitatis hoc Seculo de divina Prædestinatione quæstionibus , de his plura con-

fcri-

scripserunt. *Lupus* cognomento *Servatus* (1) quem obiisse tradunt paullo post annum 861. *Florus* Diaconus Lugdunensis, qui Ecclesiæ suæ nomine anno 852. edidit librum de Prædestinatione contra Joannem Scotum, cognominæ *Erigenam*. Duo item Monachi Corbejenfes, *Christianus Druthmarus*, & *Ratramanus*; nec non *Gothescalchus* monachus Orbacensis, qui non ex charismate hanc subiit provinciam, & audiit tanquam Prædestinatus. Personabat horum trium fama circa ann. 840. Acuere contra *Gothescalchum* calamos *Amulus* Lugdunensis, (2) & *Hincmarus* Remensis, aliis quoque lucubrationibus præclarissimus. Ambo adversus *Gothescalchum* scripserunt circa annum 850. Ad partes tamen *Gothescalchi* accessisse videntur *S. Prudentius* Treçarum in Gallia Episcopus, qui decessit anno 861. & *S. Remigius* Lugdunensium post *Amulum* Antistes, qui obiit post annum 875. qui acerrime pro veritate divinæ Prædestinationis pugnarunt, *Hincmari* refutarunt Capitula, atque hæresim Prædestinarianam putarunt esse commentum, hoc nomine infamantium *S. P. Augustini* doctrinam. *Joannes Erigena*, & ipse *Gothescalchi* oppugnator, cujus mentionem feci superius, anno 883. a discipulis Malmesburii graphiis confixus miserrime interiit.

HISTORICIS hujus Sæculi adnumerandi sunt, *Anonymus* auctor Annalium Francorum: *Nicephorus* C. P. auctor Breviarii Historici, & Chronologiæ tripartitæ: *Eginhardus* natione Germanus, qui edidit *Vitam Caroli Magni*, *Breviarium Chronologicum*, & *Annales Pipini regis*, *Caroli M.* & *Ludovici Pii*: *Andreas Agnellus* Ravennas, a quo conscriptæ fuerunt *Vitæ Archiepiscoporum Ravennatensium*: *Sergius* elegantissimus auctor Historiæ *Iconomachorum*: *Eulogius* Hispanus scripsit de Martyribus Cordubensibus: *Ernoldus Nigellus* res

(1) Quidam *Lupum Servatum* a Lupo Abbate Ferrariensi distinguunt. At Baluzius, Sirmondus, Mabillon, alique tradunt unum eundemque fuisse.

(2) *Amulus*, seu *Amolon* scripsisse dicitur contra epistolam *Gothescalchi*, sed hanc suppositam censent *Mauequinus*, alique viri eruditi; tum quia *S. Remigius* successor *Amuli*, *Florus*, & *Lugdunensis Ecclesiæ* pro *Gothescalcho* pugnarunt: tum etiam quia fragmenta, quæ e Scriptis *Gothescalchi* supersunt, doctrinam continent directe oppositam erroribus refutatis ab *Amulone*.

res gestas Ludovici Imp. elegiaco narravit Carmine : *Theognostus* C. P. descripsit Caussam , & illatas S. Ignatio injurias : *Petrus Siculus* litteris tradidit Historiam Manichæorum : *Ado* Viennensis in Gallia Episcopus Martyrologium , & Breviarium Chronicorum de sex ætatibus mundi : *Anastasius* Abbas , & S. R. E. Bibliothecarius septimi , & octavi Generalis Concilii Acta , Historiam Ecclesiasticam tripartitam , librum Pontificalem , seu de Vitis PP. Romanorum , & Collectanea rerum spectantium ad historiam Monothelitarum collegit atque disposuit : & *Ufuardus* monachus S. Germani Martyrologium ex aliis hujus generis libris contexuit (1) .

MONACHORUM regulas , ritusque Ecclesiæ plures explicaverunt . *S. Benedictus* Abbas Anianæ Codicem Veterum Regularum , earumque exposuit Concordiam : *Amalarius Fortunatus* Archiepiscopus Trevirensis scripsit de ratione rituum baptismi (2) : *Amalarius* alter Metensis de Ecclesiasticis Officiis , & de Ordine Antiphonarii : *Walafridus Strabo* Germanus edidit inter cetera Opus de exordiis & incrementis rerum Ecclesiasticarum .

His addendi qui de vario petraçarunt argumento ; cujusmodi sunt *Ælfridus* regio ortus genere , qui Saxonum lingua Historiam V. Bedæ , Psalmos Davidis , Gregorii M. Dialogos , aliosque libros descripsit : *Agobardus* Lugdunensis Episcopus , cujus extant philosophicæ lucubrationes de grandine & tonitruis : Juridicæ de Jure Sacerdotii , de modo regiminis Ecclesiastici , & de divisione Imperii Francorum : Theologicæ contra dogma Felicis , de Imaginibus , & de Judaicis su-

(1) Martyrologium *Ufuardus* ex Flori , aliorumque scriptis contexit , dicavitque Carolo Imperatori ; & in lucem prodit anno 1568. cum notis & additionibus Joannis Melani . Ex hac vita migravit *Ufuardus* anno 806. & *Ado* an. 875.

(2) Obiit *Amalarius* Trevirensis Archiepiscopus anno 814. & *Amalarius* diaconus Metensis anno 837. *S. Benedictus* anno 821. eodemque anno *Theodulphus* Episcopus Aurelianensis , *Walafridus* anno 849.

Theodulphus , cujus nuper meminimus , dum Gandavi detineretur in carcere , propterea quod Lotharium filium Ludovici Pii adversus patrem excitaverat , in supplicatione , quæ agitur in Dominica Palmarum , modulans canora voce composuit a se carmen illud , *Gloria , laus , & honor , &c.* quod in eadem supplicatione canitur modo in Latinorum Ecclesiis , ita prætereuntis Ludovici , plebisque animum ad pietatem inflexit , ut statim Imperator ei reddiderit libertatem .

superstitionibus; nec non Ecclesiasticæ de divina Psalmodia, atque Antiphonis. Nec prætermittendi sunt *Methodius* Homologeta, idest, *Confessor*, Syracusanus, a quo præter sacras aliquas orationes collecti fuerunt canones Pœnitentiales, & decreta de iis, qui post abnegationem ad fidem Catholicam revertuntur: *Auxilius* incerti nominis Auctor, a quo pertractatum fuit de Causa Formosi Papæ, de hujus Ordinationibus, & contra intestinas Romanæ Ecclesiæ discordias; atque *Theodorus Abucara* Cariz in Asia minori Archiepiscopus, a quo profligati fuerunt eruditis lucubrationibus Acephali, Jacobitæ, Nestoriani, Theopaschitæ, Judæi, & Saraceni; sapienterque idem de Filio ὁρισαίω, de Pane mystico, seu de Corpore Christi, de Verbi Dei Incarnatione, de origine boni & mali, necnon de quæstionibus aliis disseruit. Addendus est *Photius*, non semel duobus prioribus capitulis commemoratus: quem licet S. Ignatio, & Romanæ Ecclesiæ adversarium, & originis Spiritus Sancti a Filio impugnatorem acerrimum, negare tamen non possumus doctissimum sapientissimumque fuisse, prout commonstrant ejus Μυριόβιβλον seu Bibliotheca, Νεμπάνων, scilicet regularum Ecclesiasticarum lex & conciliatio, pluraque ἀνέκδοτα, aut Opera superaddita.

CORONIDEM apponent tres Augusti Principes: *Carolus Magnus*, cujus habentur complures Epistolæ, Capitularia collecta an. 827. ab Ansegiso Abbate, & libri *Carolini* nuncupati, de non adorandis Imaginibus latriæ cultu, quos tamen permulti Carolo abjudicant: *Basilius* post Michaellem imperator Græcorum, qui scripsit capita Exhortatoria 66. ad Leonem Filium, & librum de Jure, qui periit; deditque operam, ut augetetur, ac perficeretur Græcorum Μηνολόγιον. Denique *Leo Sapiens* prædicti Basilii, & Eudociæ Filius, cujus habentur orationes elegantissimæ, in lucem editæ a Gretsero, aliisque; delectus Legum, Constitutiones, liber de re militari, & Epistola contra Saracenorum impietatem, atque blasphemias. His accedit Homilia de Spiritu Sancto contra Photium, edita in lucem a Viro Cl. Scipione Masseo, anno 1751.

CAPUT V.

AUGUSTORUM CÆSARUM, SANCTORUMQUE
RECENSIO.

IMPERIUM Occidentale extinctum Seculo V. in Augustulo, erectum est iterum in *Carolo Magno*, anno 800. in die Nativitatis Domini declarato *Augusto*. Obiit autem invictissimus Princeps anno 814. die 28. Januarii, post administratum Francorum regnum annis 45. & Romanum Imp. annis 13. In Beatorum numero idem Carolus colitur ab Ecclesia (1).

DECORANTUR vero hæc seculi initia Sanctorum Natalitiis. Obierunt enim an. 804. die 11. Januarii *Paulinus Aquilejensis*: an. 806. die 25. Febr. *Tarasius C. P.* anno 809. die 26. Martii *Ludgerus* Monasteriensis, apostolus Saxoniz: an. 813. die 4. Aprilis *Platonius* monachus: atque per id temporis a Saracenis Christianorum plurimi in Syria necati sunt, plurimi etiam in Cyprum fugerunt.

SUCCESSIT Carolo M. *Ludovicus Pius*, ei natus ex *Ildegarde*: cui tres filii *Pipinus*, *Lotharius*, & *Ludovicus* suscepti ex uxore *Hemingarde*, quos reges creaverat, anno 833. conjuratione facta insidias moliti sunt, eumque in cœnobium detruserunt, quoniam ducta secunda conjuge *Juditha*, ex hac procreaverat *Carolus*, quem ut hæredem constitueret, necessum erat aliorum imminuere ditionem. Verum dissentientibus tribus illis fratribus, in imperium restituitur, & regnavit usque ad annum 840. quo decessit XII. Cal. Junias, exacto imperii sui anno 26. (2)

FA-

(1) Inter Sanctos quidem relatus fuit a Paschali III. at is legitimus non fuit Pontifex. Vide Hist. Seculi XII. cap. 1. & 6. *Carolus M.* qui anno 774 in Italiam contra *Desiderium* venerat, & *Hadrianum* Pontificem strenue juverat, rediens anno proximo in Gallias confirmavit donationem parentis sui factam Romanæ Ecclesiæ. Addidit ducatum Spoletinum: & insuper anno 781. integrum territorium Sabinense. Rursus anno 787. Capuam, & subjecta oppida. Vide præcedentis Seculi Appendixem.

(2) *Juditha* Ludovici secunda uxor, & mater *Caroli Calvi*, filia fuit *Guelphi Altorfensis* in *Servia Comititis*, elegantissimæ formæ mulier, & impense a viro adamata. Nihil itaque mirum, si conjugis hujus consilio *Ludovicus* imperium inter *Lotharium*, & prædictum *Carolus* di-

FASTIS Sanctorum præ ceteris habentur inscripti, 12. die Martii *Theophanes* monachus, vita functus anno 818. 3. Aprilis *Nicetas* Abbas mortuus an. 842. 12. Novemb. *Theodorus Studita* m. an. 826. 11. Martii *Euthymius* Episcopus Sardicensis m. anno 828. 13. ejusd. mensis *Nicephorus* C. P. ipso met anno defunctus; aliique permulti, exilia, ærumnasque passi pro sacrarum Imaginum cultu. Trajecti etiam *Fridericus* Episcopus Martyr occubuit an. 838. die 18. Jul. quod regem redarguisset ob introductam pellicem consanguineam.

LUDOVICO Pio successit in Imperio *Lotharius* filiorum ejus natu maximus (1). A Paschali I. anno 823. vivente patre acceperat Augusti nomen, & Langobardici regni coronam. In divisione paternæ ditionis obtigit ei Austrasiæ regnum, dictum posthac Lotharingia. At fratrum invadens principatum cum his infelicer gestit bellum; cumque imperasset annis 15. attonsus in monachum in Abbatia ad Prumiā sita, anno 855. nuncium seculo, imperioque remisit. Renunciatus tum Imperator *Ludovicus II.* filius Lotharii, & *Hermingardis*, litterarum cultor, æquitatis studiosus, & eleemosynarum largitor magnificentissimus: qui pulsus ex Italia Saracenis, atque Normannis e Gallia, obiit Mediolani anno 875. imperii autem 20.

CAPTA a Saracenis an. 845. Phrygiæ civitate *Amorio*,

viferit, aliorumque filiorum imminuta ditione, diffidiis, quæ magnam reipublicæ attulerunt perniciem, occasionem præbuerit, nimium indulgens sagacissimæ feminæ amori.

(1) *Lotharius* Germanorum lingua *Ludhery*, *Ludberus*, quo vocabulo significatur *Populi Dominus*. Lotharius declaratus fuit a patre rex Italiæ, & Imperii collega anno 817. Post plura cum fratribus certamina, cum iis tandem convenit, ut ipso cum titulo imperatoris Austrasiam, Burgundiam, & Italiam teneret: Carolo cederent quæ a mari Britannico usque ad Mosam extenduntur: Ludovico quidquid continetur in Germania ultra Rhenum: Pipino Aquitania. Monasterium, quod an. 855. ingressus est, apud Treviros situm dicitur; at inde duodecim distat leucis. A fluvio, quem incolæ *Prum* vocant, appellatur *Prumiense*, & oppidum *Prumia*. Spectat celeberrimum illud monasterium ad Monachos S. Benedicti. Obiit Lotharius anno 855. III. Calendas Octobris; suscepit ex *Hermingarde* filia *Hugonis* Comitis, quam uxorem duxerat an. 822. tres filios, *Ludovicum*, qui ei successit in Imperio, *Lotharium* regem Lotharingiæ, & *Carolus* paullo post mortem patris sublatum e vivis.

rio, Martyrii palmam perceperunt quamplurimi, inter quos 42. laudant Martyrologia pridie nonas Martias obiitque circa hæc tempora die Novembris 4. *Joannicius* montis Olympi in Bithynia, celebris anachoreta. Apud Italos mactarunt plurimos Saraceni ex Hispania, & Africa occisi a Siconulpho, & a Duce Beneventano Radelgiso anno 843. qui ulterius diripuerunt Montis Cassini monasterium, sublati inde immensis regum Francorum donariis, 130. libris auri purissimi, argenti nongentis, gemmarum, & auri signati copia quammaxima. Septies autem locupletissimas depopulati sunt ædes. Eorundem Saracenorum anno 852. efferbuit Cordubæ persecutio: in qua *Eulogius* presbyter, *Aurelius* & *Felix*, *Flora* & *Maria* virgines, *Joannes*, *Isaac*, & *Georgius* monachi, aliique plurimi martyres occubuerunt. Quorum colitur in Fastis Sanctorum memoria die 11. Martii, 24. Novemb. 20. Augusti, & 16. Septembris (1). Viennensis in Galliis Ecclesia die 23. Januarii festum agit *Bernardi* Archiepiscopi: *Athanasie* viduæ Græci, & Latini die 14. Augusti; & nō catalogum contexam prolixiorem, *Theodora* Imperatricis 11. Febr. Menologia Græcorum.

Modo ut ad seriem Augustorum revertar; Ludovico II. absque masculina prole defuncto successit anno 875. *Carolus II.* filius Lodovici Pii ex *Juditha*, *Calvus* a calvitie capitis cognominatus. Huic autem, nondum expleto biennio, sublato e vivis veneno sibi propinato a medico quodam Judæo, suffectus est in regno Francorum, at non in Imperio, Ludovicus III. appellatus *Balbus* ei natus ex *Hermintrude*. Imperator enim renunciatus est *Carolus III.* a corporis habitudine *Craesus* denominatus, nepos prædicti Caroli Calvi & *Lotharii*. Atque is a *Joanne VIII.* coronatus anno 881., *Richarda* filia *Scotie* regis inique repudiata, tanquam regni impos, depositus est anno imperii sui 7. Chr. Ær. 887. Quarto post Carali *Craffi* abdicationem anno, idest, 891. *Wido* dux *Spolei*, contranitentibus

Tom. I.

R

Arnul.

(1) Inter MM Cordubenses recensentur item *Aurea V.* 19. Julii. *Argimirus* Monachus 28. Jun. *Columba* 27. Sept. *Sisenandus* 16. Jul. *Paulus*, & *Theodemirus* 20. ejusdem mensis. Memoria etiam agitur *Emile*, & *Hieremie* 15. Sept. *Rogelli*, & *Servidei* proximo die 16. *Leogvigildi*, & *Christophori* 30. Augusti, &c.

Arnulpho, filio ex Carentina pellice Carolomanni filii Ludovici regis Germaniæ, & Berengario Forojulensi, obtinuit imperium, quod abrupta repente vena anno 894. cum vita dimisit. Post quem habenas suscepit Wido filius Lambertus, ab Arnulpho superius laudato dejectus e solio anno 896. etsi vixerit usque ad an. 898. quo anno inter venandum ab Ugone filio Manfredi Comitum Mediolanensis occisus est, sparso rumore, ex equo lapsum caput filicibus elisisse. Verum neque Arnulpho, cui Formosus Papa an. 896. imposuerat diadema, diuturnum fuit imperium: decessit enim anno 899. corpore vermibus & pediculis putrefacto: unde extat de illo Epigramma,

Normannos vicit, sed non animalia tetra,

A quibus, ut quondam Sylla, peresus obit. (1)

Reliquit Arnulphus ex Deyta secunda uxore Ludovicum, patri a Principibus Germaniæ susceptum; sed revera numquam coronam accepit Imperii: unde non videtur inter Imperatores computandus, Arnulphi itaque successor fuit Ludovicus III. filius Bosonis regis Arelatensium, coronatus a Benedicto IV. anno 900. Hunc Berengarius dux Forojulensis anno 902. Veronæ cepit, & excæcavit, occupavitque totum Langobardicum regnum. Ipse tamen Berengarius non est appellatus Imperator ante annum 916. ut proximo seculo dicendum est.

PERPAUCA modo de sanctis viris subjiciam. Commemoravi enim superiori capite Benedictum Anianæ Abbatem, & Bertharium Cassinensem: quorum primus ad perennem vitam migravit an. 821. alter martyrio a Saracenis affectus an. 844. Ad hæc Martyrologiis inserta sunt nomina die 4. Februarii Remberti Bremensis Episcopi: 10. Sept. Theodardi Episcopi, & Martyris Iodienensis: 12. Febr. Antonii C. P. 23. Octobris Ignatii Episcopi, pariter C. P. Horum primus anno 888. alter anno 889. tertius anno 894. quartus anno 895. e corporis evolarunt ergastulo.

Quo-

(1) De Cornelio Sylla scribit Sex. Aurelius Victor de Viris Illust. num. 75. *Repubblica ordinata, Dictaturam deposuit; unde spem caput Puseolos concessit: & morbo, qui Phthirialis vocatur, interit.* Est autem *Phthir.* morbus pedicularis; a *Phthir*, pediculus, nomen trahens.

QUONIAM vero præmissa Augustorum series attinet ad Imperatores Occidentis, subiiciendus eorum, qui in Oriente imperarunt, indiculus. Ireni itaque anno 502. relegatæ in insulam Lesbum successit *Nicephorus*, Ἀγαθὴς, idest, qui expensarum aliarumque rerum tenebat rationem: *Nicephoro* interfecto a *Crummo* rege *Bulgarorum* anno 811. *Michael Curopalates*: huic sponte imperium abdicanti, ut monasticam ageret vitam, anno 813. *Leo V. Armenus Iconomachus*: *Leoni* vulneribus in sacra æde confosso, an. 820. (contigit hæc cædes in Natalitiis Domini, hora undecima pomeridiana) *Michael II.* cognomine *Balbus*, sacrarum Imaginum, omniumque Catholicorum immanissimus insectator: *Michaeli* extincto an. 829. *Theophilus*, & ipse *Iconomachus*: *Theophilo* extincto an. 842. *Michael III.* *Porphyrogenetus* una cum matre sua *Theodora*, religiosissima atque piissima. Trucidato autem *Michaele* ebrio ac temulento, imperium consecutus est anno 867. *Basilius Macedo*, cultor Imaginum, & *Orthodoxus*, cui e vivis erepto anno 886. successus est *Leo VI.* Sapiens, & *Philosophus* nuncupatus; qui vixit, & administravit imperium usque ad annum 911.

C A P U T VI.

NONI SECVLI DOGMATA, ET DISCIPLINA.

TAM perspicue substantiæ panis, & vini conversionem in corpus, & sanguinem Domini, quam *Transubstantiationem* appellamus, tradiderunt seculi huius Scriptores, ut *Paschasius Radbertus* & alii, qui de hoc argumento pertractarunt, perperam dicantur a Novatoribus a majorum fide & dogmate descivisse. Custoditum tam caute Trinitatis dogma, ut *Hincmarus* in hymno Martyrum, non ea verba, *Te trina Deitas*, sed ista, *Te summa Deitas*, ut modo legitur, enuntiandum esse contenderit, ne quis in una deitate plures gradus suspicaretur: quamvis ea phrasis recte usurpetur in hymno Corporis Christi edito a S. Thoma, ad personarum numerum, non ad naturam divinitatis, voce illa *Trina* relata. Extiterint autem, vel non, Prædestinariani Seculo IX., præculdubio Fideles

les omnes execrati sunt istiusmodi enunciationes, *Deus est auctor peccati, predestinat impios ad malum, creat permultos ut pereant, & reprobi necessitate damnantur inevitabili.* Quidquid moliti fuerint Iconomachi, exhibitus est, & scriptis, martyrumque sanguine confirmatus sacrarum cultus Imaginum; divinumque Paracletum esse Patris, Fillique Spiritum, & ab utroque procedere, adversus Græcos refractarios, cuncti professi sunt orthodoxi.

AD DISCIPLINAM vero. quod attinet; in Formoso, Ignatio, Photio exempla habemus degradationis. Resistentiæ Parochorum debitum ostendit Leo IV. in depositione Anastasii presbyteri Cardinalis. In iteratis a Stephano VI. ordinationibus Formosi, error quidem facti, at non Apostolicæ Sedis intervenit aliqua Constitutio. Chorepiscopi, quoniam sese Episcopis temere æquiparabant, Synodorum definitionibus fuere sublatis, atque posita saluberrimis constitutis clericorum, laicorumque licentiæ repagula. Tanta cura immunitas servata fuit, bonorum Ecclesiarum, ut ea de causa Fulco Remensium Antistes reprehenderit principes, ac mortem anno 900. subierit. Gratanter Occidentis Imperatores, Carolus Magnus, & posteri a Romanis Pontificibus acceperunt coronam: Aquisgrani argenteam tanquam reges Germaniæ, Modotiæ, vel Mediolani ferream tanquam reges Langobardorum, & Romæ auream. Pontificis manu ut imperatores recipere consueverunt. (1) In usu fuit aquæ fervidæ, & ferri candentis experimentum;

(1) Referunt Historici ad annum 816. inventionem corporis S. Jacobi Apostoli Compostellæ in Hispania, ibidem Alphonse Casto regnante. Corpus S. Marci Evangelistæ, furto sublatum e templo Alexandriæ, Venetias a quibusdam mercatoribus delatum tradunt anno 820. postremo anno Leonis V. Iconomachi: & Corpus S. Bartholomæi Apostoli ex insula Lipari translatum esse Beneventum, anno 840. juxta Chronicum. Sigeberti.

Prædicatum Evangelium in Dania ab Ebbone Remensi Episcopo, il. luc misso a S. Paschali I. Romano Pontifice anno 823. & sacro regenerationis lavacro tinctus est anno 826. rex Danorum *Haroldus*. Christianæ in religioni nomen dedit anno 878. alter Daniæ rex, *Gisro* nomine. Svevos, Cimbrosque ad Christum convertit S. *Anascharius* Monachus Corbejenfis, primus Episcopus Hamburgensis, deinde Bremenfis Ar-

tum; quo innocentiam comprobavit suam Richarda filia regis Scothorum, & uxor Caroli Crassi a viro propter adulterii suspicionem repudiata, atque ulterius, marito ad concubitum inepto, se virginem patefecit coram Vercellensi Antistite Luiduardo. Mirifice propagatum est, & ubique floruit Monasticum S. Benedicti Institutum.

R 3

A P.

chiepiscopus consecratus anno 813. sedente Gregorio IV. Daniam antea, comite Ebbone, de quo supra, petierat. *Cyrellus*, ac *Methodius* monachi, hortante Theodora Augusta matre Michaelis III. circa annum 850. ad revocandos ab idololatria Myfos, Bulgaros, aliasque gentes sese applicuerunt.

Leo III., quem ex hac vita discessisse diximus anno 816., pretiosissimum Christi Sanguinem, Mantuæ, ut fama erat, una cum Corpore S. Longini Martyris, qui lancea latus Domini pendens e cruce transfixit, repertum, rogante Carolo Magno, recognovit, & rei veritatem dicitur comprobasse. Historici id referunt ad annum 804. Bollandus ad diem 15. Martii, Honoratus a S. Maria in Animadversionibus Criticis, & Card. Lambertinus, seu Bened. XIV. libro 4. de Canoniz. SS. de hoc Leonis III. iudicio petraçant. Proferunt & Baptistæ Mantuani versus ex libro 1. de *Sacris diebus*, seu III. Factorum, ubi de Sancto Longino ait:

*Secula post aliquot tua sunt translata per undas
Corpora in Italiam, Christi cum Sanguine Sacro
Ad crucis excelsæ quondam vestigia lecto:
Atque in vase brevi tecum post fata sepulto.
Ultima divino sedes tibi Mantua nutu
Hospitiumque fuit, mediis ubi mœnia in undis
Dicitur antiquus quondam posuisse Bianor.*

Idem in Aprili, De Sanctis Leonibus:

*Tertius in regno Primi pervenit ad annos,
Atque diu Romanorum sudissima passus
Jurgia, damna, minas, iter est ingressus ad alpes,
Ut sibi Gallorum regem sociaret; Et illo
Auspice terrorem Romana evaderet ira.
Dum meat, audito Sancti vomere Cruoris
Nuper adinventi, gressum convertit ad urbem,
Nomina cui fecit virgo Cadmeja Manto:
Et quæ purpureus sanguis faciebat in horas
Mira opera intuitus, credi debere putavit
Effusum nostra pro libertate Cruorem.*

Sinimus pias & inveteratas populorum traditiones in suo robore permanere, penitus omisissis difficultatibus, quæ circa hanc Mantuanæ Urbis, & consimilem Sarzanensis, pretiosi Sanguinis Reliquias, possent moveri. Non opus est, ut in hujus generis immoremur controversiis. Longinum Cæsarem in Cappadocia passum tradunt Martyrologia, & Scriptores laudati a Vem. Baronio in notis ad Romanum Idibus Martii. Viget apud nos traditio vetusta, Corpus S. Longini servari apud nostrates, & asservari sub ara maxima in templo S. P. Augustini de Urbe. Porro Ecclesiasticorum Annalium Parens in præcitatis Notis inquit: *Sancti Longini venerandum corpus Romæ asservari percepi in Ecclesia Sancti Augustini.*

A P P E N D I X.

EXTERNÆ RES ATTINGUNTUR.

FRANCORUM reges iidem fuere, ac Imperatores cap. 5. descripti, usque ad *Carolus III.* cognomine *Crassus*: cui anno 889. suffectus est *Odo* filius *Roberti Andium ducis*, a genere *Caroli Magni* alienus. At anno 898. rediit Regnum ad *Carolus IV.* filium *Ludovici Balbi*, cognomento *Simplicem*; qui e throno ejectus fuit anno 923. egitque animam anno 929.

IN HISPANIIS vero post *Alphonsum Castum* anno 829. consequutus est regnum *Ramirus I.* anno 850. *Ordonius*; & anno 866. *Alphonfus III.* cognomine *Magnus*. (1)

SARACENORUM vero *Caliphæ* dominatores *Orientis* fuerunt, *Aaron-Rachid*, a quo anno 801. legati, elephas, & donaria complura ad *Carolus Magnum* missa fuerunt. Huic extincto *Hegyræ* anno 193. *Christianæ* *Æræ* 809., successit *Mahomet-Alamin*: quem ad rempublicam regendam ineptum anno 813. *Hegyræ* 198. dejecit frater *Abdalla-Almamon*. (2) Obiit *Almamon* anno 833. *Hegyræ* 218. eique suffectus est *Mahomet-Almoutasem*; quo anno 838. Amorio urbe *Phrygiæ* expugnata, incolæ omnes in ore gladii interfecti fuerunt. Fatis cessit *Almoutasem* anno 842. & *Hegyræ* 227. suffecto illi filio *Aaron-Alovatec-Aboujasar*. Immodica venere extincto *Alovatec* anno 846. *Hegyræ* 231. renunciatus est *Calipha Jasar Aboulsader*, cognominatus *Montevaque*. Huic interfecto anno *Hegyræ* 247. Chr. 861. successit parricida *Mahomet Mostan-*

(1) Regnavit apud Anglos, sublata anno 818. *Heptarchia Egbertus* usque ad annum 837. *Erevulphus* usque ad an. 857. *Ethebaldus* ad an. 860. *Edelbertus* 865. *Edelredus* 872. *Alfridus* usque ad annum 899. Deinde *Eduardus I.* usque ad annum 925.

(2) *Calipha Almamon*, Mathematicus nomine *Benbonain* Geographiam *Ptolomæi* verit ex Græca in Arabicam linguam; eodemque *Calipha* iubente facta est geometrica totius terræ extensionem assequendi regula per lineam & gradus Meridionales; quod post annos supra non-gentos, regnante *Ludovico X[V.]* perfecerunt iterum doctissimi Galliarum *Astronomi*.

stanfer, anno proximo extinctus. Arripuit tum imperium *Ahmedi* minimus filius Caliphæ *Almoutasem*, interfectus anno 865. Hegyræ 251. Regnavit postmodum *Hahomet Molutaz*, filius Caliphæ *Moutavaquel*, qui obiit anno 869. Hegyræ 255. Successit huic *Moutamid* anno 870. Hegyræ 256. voluptatibus deditus, cujus mors contigit anno Hegyræ 279. *Æræ* communis 892. Defuncto *Moutamid* regnum occupavit nepos ejus *Ahmed*, ob libidinis excessum extinctus *Æræ* vulgaris 902. & Hegyræ 289.

DESCRIPTA modo Calipharum Saracenorum serie; memoria repetendum est, illos anno 846. depopulatos Siciliam, horreum Romani populi, insulasque finitimas, Romam usque profectos Vaticanam diripuisse Basilicam, multisque abductis civibus, multis caesis, per viam *Appiam* contendisse Fundos, atque ea incensa urbe, confedisse juxta *Miſturnas* in paludibus *Marii*. Ad Romanæ vero civitatis præsidium anno 848. *Leo IV.* addidit, cinxitque mœnibus partem illam, quæ dicitur *civitas Leonina*, ne ulterius excursionibus hostium pateret *Ædes Apostolorum*. Tentarunt tamen Saraceni nova instructa classe ad Romanum litus appellere; sed maris tempestate, & *Neapolitanorum* jactati pugna, anno 849. miserrime perierunt. Anno insuper 856. Benevento egressi devastarunt *Neapolim*: quo anno Romæ *Tiberis* supra modum exundatio plura attulit incommoda, superveniente maxime pestilentia. Excidium urbi *Salernitanæ*, & deinde universæ *Calabriæ*, anno 871. iidem Saraceni attulere. In *Africa* item anno 893. urbes, templa hominesque igne ferroque vexarunt.

VERUNTAMEN non omnia Saracenorum feritati prospere contigerunt: liquidem an. 848. a *Lothario Imperatore Benevento* expelluntur. Illos item anno 866. bello laceſſivit, & *Bario* arcta obsidione conclusit *Ludovicus II.* *Salerno* rursus illos *Ludovicus* ejecit anno 874. ibique ipsorum Saracenorum, qui ex *Africa* adveniant, princeps *Abdala*, dum niteretur in templo *SS. Martyrum Fortunati & Caji* comprimere virginem, lapsa e tecto trabe peremptus est, illæsa omnino puella. Extra *Italiam* pariter Saraceni non semel fuerunt attriti. In *Hispania* quippe rex *Ramirus* anno secundo regni sui septuaginta Saracenorum

millia trucidavit: atque anno 880. ab imperatore *Basilio* expugnata, & deleta est illorum classis, qua *Orientis* oras plurimum infestabant.

IN *GALLIAS* anno 845. irruerunt *Normanni* e *Norvegia*, & *Svecia* profecti, duce illorum rege *Horich*. *Germania* item ab *Hunnis* anno 889. miserrime fuit devastata.

ALIA, quæ *Chronicorum* Editores adnotarunt, perfunctorie recenseo, idest, terræmotum, quo *Romæ* primo hujus *Seculi* anno corruit *S. Pauli Basilica*: vastatam anno 807. *Rhodium* ab *Aaron Rachid*: infelicem *Pipini* contra *Venetos* expeditionem anni 810. haud feliciorum *Bernardi filii Pipini* adversus *Ludovicum Pium*, a quo devictus anno 817. erutis oculis miserabiliter obiit: *Forum Julium* anno 828. direptum a *Bulgaris*: *Basiliscum Romæ* anno 847. pestifero halitu homines interimentem, ut dixi cap. 1. in not. ad *S. Leonem IV.* alteram, & exitiosissimam *Tiberis* exundationem anni 856. ab *Anastasio* commemoratam: occupatas anno 878. a *Saracenis*, & fere deletas *Siracusas*: ab iisdem incensum anno 884. monasterium *Cassinense*, atque interfectum *Abbatem Bertharium*, prælaudatum capite 5. obitum *Joannis Scoti* viri doctissimi, quem in *Anglia* anno 783. discipuli graphiis necarunt, prout innuimus eodem capite 5. nuper citato. Quamquam vero *Græcis* consilium *Imperatricis Irenis* transeundi ad nuptias *Caroli Magni*, de qua re diximus præcedenti *Seculo* pagina 232. magnopere dispiceret; nihilotamenminus *Nicephorus*, qui relegata *Irene* in *Lesbum* insulam maris *Ægæi*, urbemque *Mitylenem*, *Græcorum* consecutus est Imperium, passus est duos appellari Imperatores, *Orientis* unum, & alterum *Occidentis*; eodemque anno 802. quo ipse ad Imperii *Orientalis* fastigium evectus fuit, *Carolus Magnus* agnovit tanquam *Occidentalis* Imperii Augustum, atque supremum Dominatorem. Ita duo coaluerunt Imperia, utriusque finibus constitutis. Amplissima autem *Venetorum* *Respublica* duos per id temporis creavit Duces: quorum unus cum uno, alter cum altero Imperatore de rebus politicis pertractaret.

Castigati, cultique fuerunt hoc vertente *Seculo* mores. Instructi exercitus clypeis, arcubus, telis, cassi-

dibus, thoracibus, aliisque armorum, quæ in defuetudinem abierant, generibus. Magistri, seu Tribuni Equitum munus, in Galliis præsertim, cohonestatum est titulo dignitatis, proceribusque collatum. *Salica* lex eorum Francorum propria, qui a *Sala* flumine *Salii* a Strabone, aliisque Geographis denominantur, decernebat autem filiorum ac posterorum hereditatem, cum ante inviolata perseverasset, coepit imperante Carolo Magno immutari. Constat hæc immutatio ex ablato Saxonibus ab eodem Carolo jure successionis, quod anno 814. restituit eis Ludovicus Pius; atque ex hujus inter filios divisione facta anno 817. 833. & rursus anno 836. quæ in seipsum, ut narravimus, provocavit eorundem Filiorum arma. *Christianissimi* Regis titulus collatus fuit *Carolo Calvo* anno 859. in Synodo Saponariæ, vulgo *Savonieres*: quo titulo a Stephano II. cohonestatus fuerat rex Pipinus anno 755. Proprius autem titulus idem evasit Regum omnium Galliarum ab anno 1469. & a regno Ludovici XI. Secernebatur hoc nono Seculo conditio hominum indumentorum diversitate; vetitumque vilioribus in vestibus incedere pretiosis. Ipse Carolus Magnus, ut litteris prodidit Eginarthus, tunica lanea, & hiemali tempore pellibus lutræ, animantis amphibii, induebatur. Obtinuit in judiciis *crucis* experimentum, præter commemorata capite sexto serventis aquæ, ferrique candentis; & pro illo sententia proferebatur, qui diutius tenuisset manus extensas, atque in crucifixi modum conformatas.

PRÆTER enumeratos cap. 4. perpauci extant scriptores hic recensendi. *Sabbatius*, jubente Leone VI. *Scopu*, collectionem legum, quæ fuerat inchoata imperante Basilio Leonis patre, perfecit, atque sex voluminibus, quæ inscribuntur *Basilicum*, sive *Basilica Jura*, complexus est. Regio ortus genere, & stylo, moribusque candidus fuit *Nithardus*, qui scripsit de dissidio filiorum Ludovici Pii. Libri Ptolomæi Astronomici, quorum titulus *Almagestum*, in Arabicam Linguam translati fuerunt anno 827. in urbe Babylone, jubente Saracenorum rege *Almamon*, sive, ut Scaliger, & alii quidam vocant, *Maimon*. Cum autem iidem libri anno 1230. jussu Frederici II. Romanorum Imperatoris ex Arabica in Latinam linguam conversi fuerint, sequitur Ptolemaicam Astro-

Astronomiam Græce primum conscriptam, apud Latinos obtinuisse, antequam lingua Græcorum in Europa eadem Astronomia nota foret. Obscuri admodum, & fortassis commentitii, Scriptores duo Genealogiæ regum Frisiæ, *Solco*, & *Iwardus*. *Michael Psellus* summus philosophus, & præceptor Leonis Byzantini, itidem Philosophi, distinguendus ab altero cognomine, de quo in Seculo XI Præclaros Poetas, quales extiterunt inter Latinos imperante Augusto, floruisse inter Arabes sub Calipha *Aaron-Rachid*, cujus supra meminimus, tradunt complures. *Photius*, quem commemoravimus supra capite quarto, scripsit quoque in *Aristotelis Categorias*. Anonymus, qui Belga creditur, labente nono Seculo litteris tradidit res gestas Normannorum. Carmen inscriptum de sobrietate nuncupavit Carolo Calvo *Gallus Milo*: sed is inter Scriptores Ecclesiasticos, si omnes & singuli forent numerandi, locum haberet, cum *Vitam S. Amandi* exaraverit. Adde *Hugobaldi Poema de laude Calvorum*, cujus lepidum illud initium.

Carmine clariora Calvis cantate Camæna.

DECIMUM ECCLESIAE

S E C U L U M.

C A P U T I.

SUMMI ROMANÆ ECCLESIAE PASTORES.

VITA functo Benedicto IV. inter Romanos PP. CXIX. quem diximus administrasse post Joannem IX. Ecclesiam, anno 903. Octobris labente mense,

CXX. Necnon Leone V. Ardeatino, sive ex Rutulorum in Latio colonia, statim post Benedicti obitum subrogato, de quo Flodoardus,

Emigrat ante, suum quam luna bis impleat orbem,

CXXI. Atque etiam Christophoro, qui eodem anno 903. exeunte Novembri, excelsam occupaverat sedem, hanc coacto deserere, & primo in cœnobium, deinde in carcerem detruso, ac miserrima morte sublato, ut in Historia Cassinensi tradit Leo Marficanns: his, inquam, extinctis, Ecclesiæ regimen susceperunt Seculo X. Sergius III. Anastasius III. Landus, Joannes X. Leo VI. Stephanus VII. Joannes XI. Leo VII. Stephanus VIII. Marinus II. Agapetus II. Joannes XII. Benedictus V. Leo VIII. Joannes XIII. Benedictus VI. Donus II. Benedictus VII. Joannes XIV. Joannes XV. Gregorius V. & Silvester II.

CXXII. SERGIUS itaque, etsi post Theodorum per vim & illegitime fuerat intrusus, Christophoro tamen canonice suffectus est, tenuitque Episcopatum ultra annos septem, fatis cedens anno 911. desinente Sextili: in eo magnopere vituperandus, quod cum Marozia stupri habuerit consuetudinem, & Formosi cadaver iterum e sepulcro erui mandaverit; laudandus tamen, quod Lateranensem Basilicam instauraverit, atque decoraverit aureis, argenteisque ornamentis.

CXXIII. DIGNUS erat, ut diutius sederet successor Sergii Anastasius, vir probus atque integerrimus, sed hunc

hunc post biennium mors rapuit an. 913. mense Octobri ex Chronico Victoriano.

CXXIV. PUDERET, nisi veritas cogeret, enarrare, non tantum Sergium III., verum etiam Landum Sabinum, Pontificium obtinuisse culmen, opera Theodoræ matris Marozia; & nutu impurissimi scorti dejectos, intrusosque Pontifices: at Landum quamcitus, nempe anno 914. mense Aprilis, e vivis inevitabile fatum subripuit.

CXXV. EJUSDEM Theodoræ potentia ad summum Pontificatum evexit Joannem X. Romanum, cujus illa deperibat amore, atque a Lando prius Bononiæ, deinde Ravennæ Antistitem creari curaverat. At Joannes anno Pontificatus 15. inchoato, idest, anno 928. opera Marozia, ejusque viri Vidonis marchionis Thusciz, mancipatus est custodiæ, & posito super os illius cervicali pestis suffocatus.

CXXVI. LEONIS VI.,

CXXVII. ET STEPHANI VII. nomina tantum scimus, inquit ex Leone Marficano Papirius. Illum tamen filium cujusdam Christophori Primicerii, & post mensem septimum ineunte Febuario an. 929. obiisse tradunt, qui post Panvinium, & Venerabilem Baronium scripsere. Stephanum vero decessisse conjeçant mense Martio anno 931. quoniam Scriptor coævus Flodoardus de illo inquit,

Binos præfulget in annos,

Aucto mense super bisseño ac sole jugato.

CXXVIII. ACCESSIT ad Romanæ Ecclesiæ dedecus inauguratio in Pontificem Maximum Joannis XI. Hunc enim Sergius III. ex Marozia nefario genuerat concubitu. Cuncta gessit ad nutum incestuosæ parentis, & vitrici Hugonis regis Italiae, cum quo Marozia mortuo Vidone inierat scelerata connubia. Vido enim, & Hugo uterini erant fratres. Ab anno autem 931. usque ad initia anni 936. sexto fluente anno regiminis Joannes præfuit Ecclesiæ.

CXXIX. DEINDE Episcopatum tenuit usque ad annum nongentesimum tricesimum nonum Leo VII. Romanus, appellatus a prælaudato Flodoardo,

Deditus assiduâ precibus sperulamine celsus

Afflatu letus sapiens, atque ore serenus.

CXXX.

CXXX. PARI trium annorum, ac mensium aliquot spatio sederunt *Stephanus VIII.*

CXXXI. Et *Marinus II.* Quorum ille Germanus genere suffectus Leoni, opera Othonis regis Germaniæ, decellit mense Julio an. 942. vulneribus faciei ejus inflictis ab Alberico filio Vidonis, & Marozii, adeo difformis, ut erubesceret palam prodire, & in aliorum versari conspectu. Martinus vero Romæ natus, & scientiæ canonum, rerumque gerendarum peritia, pro seculi hujus calamitate, satis excultus, Junio mense, anno 946. mortem oppetiit.

CXXXII. EODEM, quo Marinus decessit mense, substitutus est *Agapetus II.* Romanus, undecimo Pontificatus anno e vivis exemptus, sextilis scilicet die, ut inquit, 20. anno 957. *Frotho* rex ab Agapeto Apostolicos viros petiit, qui Daniam divinis legibus erudirent, sed legatorum regis Pontificem satis suis præcessisse adventum scribit libro 9. Historiæ Danicæ Grammaticus Saxo.

CXXXIII. Post Agapetum, malorum consilio, & conspiratione summum Sacerdotium usurpavit Octavianus filius Alberici, dictus immutato nomine *Joannes XII.* (1). Ad omnem lasciviam, ac malum dicitur fuisse propensus. Cum Othone Germaniæ rege coluit amicitiam; at ab isto postmodum alienatus, ad partes Adelberti deflexit. Quare gravissimis accusatus criminibus Pontificatu exutus est, substituto *Leone VIII.* quem alii inter legitimos Pontifices numerant: unde Leo creatus anno 1049. dicitur hujus nominis IX. Sed revera Leo VIII. Pseudopontifex fuit, eoque a Romanis post duos menses expulso, Joannes fuit restitutus. Obiit autem pridie Nonas Majas anno 964. (2). De hoc Pontifice *Roswida*, aut *Rhosota*, monialis Saxona, inter Poetas Latinos laudata a Vossio cap. 6. in Heroica Carmine de gestis Othonum Cæsarum ait:

*Summum Pontificem quadam perversa patrantem
Ejus*

(1) Natus annorum 18. Et hunc occasionem dedisse fabulæ Joannæ Papissæ quidam tradunt. Sed repugnat ratio temporum, ut constat ex præced. Seculi capite I.

(2) Continuator Luitprandi mortuum Joannem XII. ait ex vulnere inflicto, dum nocte se cum uxore cujusdam viri oblectaret.

*Ejus nec monitis dignitatem credere crebris,
Sedis Apostolica fraudari fecit honore,
Constituens alium rectoris nomine dignum.*

CXXXIV. BENEDICTUM V. absque Othonis consensu, contra quam jurejurando promiserat, Joanni populus Romanus suffecit: unde Otho cum exercitu ad urbem accedens, coegit cives, ut rursus Leonem VIII. susciperent, ac Benedictum, in ordinem redactum, secum in Germaniam abduxit. Errant Luithprandus, alique asserentes Benedictum jure meritoque fuisse exauctoratum. Eodem fere tempore, anno 965. Benedictus, & Leo decessere.

CXXXV. SEDIT postmodum annis quasi septem *Joannes XIII.* ex Episcopatu Narniensi ad Romanum, Othone assentiente, translatus. Romanorum seditione Capuam adire compulsus fuit: sed Othone in Italiam properante, revocatus est Pontifex, & seditionis auctores damnati capite. Ad Polonos nuperrime ad fidem Christi conversos misit Episcopum Tusculanum Ægidium: obiitque anno 972. die 6. Septembris.

CXXXVI. OBSCURUS fuit Pontificatus *Benedicti VI.*

CXXXVII. DONI II.,

CXXXVIII. ATQUE Benedicti VII. Etenim Benedictum VI. nequissimus Cardinalis, Franco nomine, jugulavit, ac Pontificatum arripuit, sibi Bonifacii VII. nomen imposuit, ac paulo post Constantinopolim expilata Basilica Vaticana profugit. Frustra itaque Papirius queritur, eundem Bonifacium a Platina sacrilegii damnari. *Donus* inauguratus an. 974. vita functus est anno proximo. De Benedicto VII. hoc unum memorie posterorum traditum est, sedisse usque ad annum 984. Cetera ex incertis profluunt historiis, veluti quod e chronico Ditmari Episcopi Merseburgi colligit libro 4. Papirius, obiisse in exilio: id enim ad Benedictum V. arbitror referri oportere.

CXXXIX. ALII quatuor sederunt Seculo X. Romani Pontifices, nimirum *Joannes XIV.,*

CXXXX. Joannes XV.,

CXXXXI. Gregorius V.,

CXXXXII. ET SILVESTER II. Joannes XIV. Episcopus antea Ticinensis, octavo Pontificatus mense in Ha-

Hadriana inclusus carcere, fame, & veneno sublatus est, opera Bonifacii VII. Pseudopontificis: qui Constantino-
poli rediens Apostolicam Sedem rursus invasit. Verum
scelestissimus iste duorum Pontificum parricida paullo
post morte extinctus est repentina. Joannem XV. mul-
torum librorum auctorem appellat Martinus Polonus;
armigerum & crudelissimum vetulus Episcoporum
Urbis Catalogus: sedit tamen annis fere undecim,
obiitque anno 996. Hos inter alium quemdam *Joannem*
nonnulli intrudunt: quem excessisse quarto Pontificatus
mense scribit apud Papirium Leo Historicus Cassinensis;
nunquam consecratum fuisse existimat Papebrochius,
atque Pseudopontificem cum Pagio ceteri appel-
lant. Ita historia hujus Setuli ambigua est, & in-
certa.

GREGORIO V. e Germania, creato Pontifici anno 996.
& mortuo die 18. Februarii anno 999. adscribitur Septem-
virorum, a quibus creandus est Imperator, institutio.
Verum id in magna positum est controversia. Huic ex
urbe ejecto Crescentius Nomentanus substituit Pseudo-
pontificem Episcopum Placentinum, qui se nominavit
Joannem. XVI. cui jussu Othonis eruti fuerunt oculi, &
aures, naresque præcisæ. Crescentius itidem mulctatus
est capite.

SILVESTER, antea Gerbertus, prius monachus Floria-
censis, tum Remensis, deinde Ravennatensis Antistes,
favore Othonis III. anno 999. mense Aprili summum
Pontificatum indeptus, anno 1003. die 11. Maji mi-
gravit e vita. Quoniam Mathematicas artes, & phi-
losophiæ arcana didicerat, a nonnullis infamatus est
tanquam præstigiator, & magicis imbutus artibus. At
legendus de ejus laudibus Papirius, & inscriptio ad illius
tumulum in Laterani Basilica, illic insculpta sub Sergio
IV. quæ incipit, *Iste locus mundi, Silvestri membra se-
pulti, &c.*

CAPUT II.

SYNODI SEculo DECIMO CONGREGATÆ.

NULLA Œcumenica, nec Plenaria Seculo X. celebrata fuere Concilia. Quædam commemoranda sunt tamen, ad depositiones Episcoporum, ad bonorum Ecclesiarum immunitatem, & ad Ecclesiasticam disciplinam spectantia; ac duo tandem, quæ adnotationem petunt aliquam, distincte sunt recensenda.

ACTUM itaque de Ecclesiarum bonis an. 935. in Synodo Arthaldi Remensis Archiepiscopi, & illorum bonorum raptores percussi sunt anathemate. Sub eodem Archiepiscopo anno 935. alia coacta est Synodus adversus Reginaldum Comitem bonorum Ecclesiæ inuasorem, excommunicatione tamen ad tempus suspensa. Anno item 955. in Synodo Burgundiæ indictum anathema Isuardo detinenti quosdam Ecclesiæ agros: anno 959. restituta Ecclesiis fuerunt bona sublata, collecto sub Edgaro rege Angliæ Concilio Middlesexiæ prope Londinum.

DE AMOVENDIS Episcopis egit anno 941. synodus Sueffionensis, in qua deposito Arthaldo, consecratus est Remensium Archiepiscopus Hugo Heriberti Comitis filius. Restitutus tamen Arthaldus an. 947. decreto Synodi Verdunensis. Adnitente rursus Hugone Remensem sedem invadere, coacta in pago Meldensi synodo an. 962. Episcopus constitutus est Odalricus. Constantino poli quoque an. 944. dejecto Synodali sententia Patriarcha Tryphone, substitutus est Theophylactus. Quæ præcedenti cap. dicta sunt de Joanne XII. exactorato, & intruso Leone VIII. & de Benedicto V. ejecto, & relegato Hamburgum, atque ab Othone restituto iterum pseudopontifice Leone VIII. violentis, abrogandisque Sacerdotum synodis anno 963. & anno 964. peracta fuerunt.

PERTRACTATUM est de Ecclesiastica disciplina in Concilio C. P., secundo hujus Seculi anno, reprobatis quartis nuptiis Leonis Sapientis cum Zoe. Acta Stephani VI. contra Formosum a Joanne IX. jam rescissa, rursus an. 904. reprobata sunt in Synodo Ravennate, & ratæ habitæ sunt ipsius Formosi ordinationes. Synodo Duisburgensi
in

in Germania (1) anno 927. excommunicati sunt qui excæcaverant Bennonem Metensem Episcopum . In Cantuariensi an. 969. ejecti sunt Clerici conjugati , & indicta pœnitentia septem annorum Edgardo Anglorum regi, ob vitiatam virginem claustralem . Ticinensis anni 997. in Crescentium , qui ex Urbe ejecit Gregorium V. sententiam protulit anathematis.

DUO AUTEM Concilia , quæ peculiariter diximus nominanda , sunt Romanum anni 993. sub Joanne XV. & Romanum alterum anni 996. sub Gregorio V. celebratum . Nam in priori inter Sanctos solemnî ritu relatus est Uldaricus Episcopus Augustanus : atque hæc fuit prima Canonizatio a Summo Pontifice solemniter celebrata . In altero Concilio anni 996. institutos septem Imperii Electores putant quamplures . Id vero , ut supra monui , ambiguum est valde . Quidam enim hanc septem Electorum institutionem Carolo Magno , quidam prælaudato Gregorio , quidam , fortasse probabilius , adscribunt Germaniæ Principibus . Septem nihilominus fuisse olim Electores imperii , tres Ecclesiasticos ; & laicos quatuor , indicant pervulgati versus :

*Maguntinus , Trevirensis , Colonienfis ,
Quilibet Imperii sit Cancellarius horum ,
Et Palatinus Dapifer , Dux portitor ensis ,
Marchio præpositus Camera , Pincerna Boemus .*

Hi statuunt Dominum cuncti per secula summum .

Primi tres sunt Archiepiscopi . Alii , Comes Palatinus , Dux Saxonicus , Marchio Brandenburgicus , & Rex Bohemus . Additus anno 1623. Dux Bavariz , (2) , & anno 1692. Hannoverensis .

(1) Potius in Gallia Belgica .

(2) Dux Bavariz initio successus est in locum Comitis Palatini perduellis , qui anno 1648. restitutus est , modo Archithesaurarius , & Elector VIII.

CAPUT III.

HERESSES DECIMI SEculi.

NULLAM hoc seculo in tanta illuvione vitiorum invenimus de novo ortam hæresim. Quosdam duntaxat Anthropomorphitas apud Italos statim extinctos opera Ratherii Episcopi Veronenſis commemorat in Chronico ad annum 935. Genebrardus, & Manichæos Trimontii, seu Philippopoli in Thracia: quorum origo referenda est ad tertium, aut quartum Ecclesiæ Seculum.

CAPUT IV.

SEculi DECIMI SCRIPTORES ECCLESIASTICI
CELEBRIORES.

EX quo hoc Seculum *Obscurum*, ac *ferreum* passim a Scriptoribus vocitetur, nemo hinc inferre debet nullum in eo litterarum claruisse splendore. Enimvero præter Monachorum complures, qui Monasteriorum chronica, suorumque Sodalium gesta exornaverunt, de quibus in Seculo V. Benedictino Cl. Mabillonius, cum historicis, tum dogmaticis lucubrationibus Græci, Latineque Scriptores assiduam operam impenderunt.

INTER Græcos historicos præclarum, honestumque est nomen *Simeonis Metaphrastæ*, *Joannis Cameniata*, *Constantini πορφυρογεννητη*, *Anonymi Byzantini*, *Hippolyti Thebani*, & *Eutychii*. *Simeon*, Metaphrastes dictus a scribendi genere, natus C. P. & Leonis Imp. ΛΟΓΟΘΕΤΗΣ, claruit hujus Seculi initio, certumque est in ejus chronologia Genebrardum, Raphaellem Volaterranum, & Oudinum enormiter aberrasse. Vitas SS. magno studio collegit, sed plures adjectæ fuere suppositæ ac spurix; scripsitque ulterius stricta oratione poemata in lucem edita ab Allatio, Trimetros Jambicos de Eucharistia, hymnosque ab eodem Allatio laudatos. *Constantinus*, quem Leo Sapiens genuit e Zoe, imperii suscepit habenas an. 919. & e vivis excessit anno 959.

Scri-

Scriptit vero *Pandectas* historicopoliticas, Vitam Basilii Macedonis avi sui, & Historiam Imaginis Salvatoris, quam ajunt ad Abgarum Edessæ regem fuisse missam, Constantinopolim e Syria translata. *Anonymus* Byzantinus, quem nonnulli vocarunt Leontium, decepti similitudine nominis alterius Scriptoris, qui floruit Seculo VI., conscripsit circa an. 930. libros 4. Chronographiæ ab an. 813. usque ad annum 867. eique multa ex aliena manu accessere. Quatuor decessorum Basilii Macedonis Vitas postmodum addidit. *Hippolytus* patria Thebanus, junior Simone Metaphraste, quem τὸν χύριον appellat, conscripsit Syntagma Chronicum ab Orbe condito ad sua usque tempora; hujusque fragmenta edita a Canisio auxerunt Lambecius, Schelestratius, atque Basnagius. *Eutychius* natione Ægyptius, qui ab an. 933. ad an. 950. Alexandrinam rexit Ecclesiam, præter Opuscula medica recensita ab Hottingero, conscripsit Arabico sermone Annales a mundi primordiis usque ad annum 940. Edidit quoque librum de rebus Siciliæ, postquam capta fuerat a Saracenis, necnon de Ecclesiæ Alexandrinæ origine, moribus, & electione Patriarcharum, Opus a Seldeno, cum pluribus additamentis refutatis ab Abramo Ecchellenfi, in lucem emissum Londini anno 1642.

HISTORICIS autem Latinis adnumerandi sunt *Regino*, *Flodoardus*, *Winduchindus*, *Luithprandus*, *Fulcuinus*, *Abbo*, *Notkerus*, & *Herigerus*: *Regino* Abbas Prumiensis in Germania exaravit Chronicum a Christo nato usque ad an. 970. protractum deinde ab alio ignoto Scriptore usque ad an. 972. *Flodoardus* Canonicus Remensis, qui decessit anno 966. conscripsit usque ad hunc annum, exorsus ab anno 919. Chronicon rerum inter Francos gestarum, necnon Historiæ Remensis libros quatuor. *Winduchindus*, seu *Witkindus*, monachus Corbejenfis in Westphalia (est enim Corbeja altera in Picardia) præter Vitam Pauli Eremitæ, & Passionem S. Teclæ Virginis metro conscriptas, edidit tres libros Historiæ Saxonum ad Mathildem reginam. Adhuc inter vivos degebat anno 973. *Luithprandus* diaconus Ticinensis, & postea Cremonensis Episcopus, qui Historiam rerum ætate sua in Europa gestarum, in libros sex distributam, Librumque edidit de

Romanis Pontificibus a Petro ad Formosum, stylo, ut inquit Sigebertus, luculento & alterno. Huic autem upponitur Chronicum Luithprandi cujusdam Toletani, nugis fabulisque refertum. *Fulcuinus*, vel *Folquinus* monachus Laubienſis, geſta Abbatum celeberrimi illius Cœnobii, ſiti in diœceſi Cameracenſi, de Miraculis S. Uſmari, & vitam Folcuini Tarvanenſis in Belgio Episcopii, litteris tradidit, vita functus anno 990. *Abbo* monachus Floriacenſis in Burgundia ſcripſerat ante ſeculi X. exitum, præter collectionem Canonum, Commentarium in canonem Paſchalem Victorii, atque Epitomen de Vitis Pontificum Romanorum: *Nothkerus* filius Ducis Sveviæ, creatus an. 971. Episcopus Leodiensis, Historiam Episcoporum Leodiensium, & quorundam Sanctorum Vitas; atque *Herigerus* renunciatus Abbas Laubienſis anno 990., Res geſtas ab iisdem Leodiensibus Episcopis, a S. Berlende Virgine, & a S. Landoaldo. Obierunt autem hi tres XI. Seculo jam inchoato, nempe *Abbo* lancea transfixus, ac martyr anno 1004. *Nothkerus* autem, & *Herigerus* anno 1007.

PRÆTER Historicos alii percelebres viri X. Seculo claruerunt, videlicet, *Odo* Abbas Cluniacensis, qui decessit anno 942. adscriptus SS. Fastis XIV. Cal. Decembris, scripsitque sermones asceticos, varios hymnos, libros 35. Moralium in Job, & succinctum Chronicum; *Ratherius* monachus antea Laubienſis, tum Veronenſis Episcopus, deinde ex Italia pulſus, & Sedi Leodiensi præfectus; hinc quoque ejectus, & Veronenſi Cathedrali reſtitutus, atque rursus ſede deturbatus, & jam tertio ob austeram rigidamque disciplinam exul ad Laubienſe monasterium reſerſus, adeo, ut verſus iſte in epitaphio ejus legatur,

Verona Præſul, ſed ter Ratherius exul,

ſui ipſius deſcripſit Itinerarium, atque Apologiam, ac pertractavit de contemptu Canonum, de exilio, ærumniſque ſuis, additis ſermonibus, epistolis, aliisque eruditis Opusculis; obiſſe fertur anno 973. *Æcumenius* Scholiastes Græcus hoc, ut fertur, Seculo Novum Testamentum perpetuis commentariis, e Chryſoſtomo ut plurimum depromptis, perſpicue breviterque explanavit: *Burchardus* monachus Laubienſis, deinde non procul

tul a Wormatia (1) ad Rhenum cultor vitæ Eremiticæ, circa finem hujus Seculi scripsit Decretorum Volumen, in libros 20. distributum: *Suidas* Grammaticus prolixum Lexicum suum, in quo plura continentur ad Theologiam, & Ecclesiasticam Historiam pertinentia, absolvisse videtur circa annum 976. nam huc usque temporum recenset Epochas.

ADDENDI forent, nisi compendio res ageretur, *Moses Bar-cepha* Syrus, *Joseph Genesius* Historicus Byzantinus, *Anonymus* auctor Historiæ Claromontensis, *Nicon* Armenus, *Fridegodus*, & *Dunstanus* Angli, *Aelfricus* Cantuariensis Episcopus litteris, & sanctitate clarissimus, *Odilo* Arvernus, & *Philothens* Alexandrinus, &c.

C A P U T V.

IMPERATORUM SUCCESSIO, ET NATALITIA
SANCTORUM

BERENGARIUS anno 916. ob pulsos ex Italia Saracenos & Mauros a Joanne X. imperii coronam accepit in solemnī Festo Dominicæ Resurrectionis. Dum Veronæ, ad quam urbem confugere hostium armis coactus fuerat, oraturus templum matutinis horis ingrederetur, transfixus est, & occisus in ipsō sacræ ædis vestibulo anno 924. Nullus deinde coronatus est Imperator usque ad annum 962.

HOC AUTEM anno a Joanne XII. imperii diadema consecutus est *Otho I.* cognomine *Magnus*; a quo adversus eundem Pontificem intrusus fuit *Leo VIII.* nec desunt, qui scribant ab hoc pseudopontifice *Othonem* iterum fuisse coronatum. Decessit *Otho* anno imperii sui XI. Christianæ Aeræ 973.

IMPERIUM tum indeptus est *Otho II.* illius Filius; qui vivente patre coronatus fuerat a Joanne XIII. anno juxta Baronium 966. vel potius anno proximo 967. Imperavit autem a morte patris annis 10. sublatuſ e vivis anno 983.

EI IN REGNO successit eodem anno *Otho III.* sed hujus

(1) Promotus ad Episcopatum Vvormatienſem an. 996.

jus Imperium supputatur ab anno 996. quo anno coronatus est a Gregorio V. in Festo Pentecostes . Exinde vero imperavit annis 6. vita functus anno 1002. Paterni in Campania , dum reditum in Germaniam meditaretur .

QUAMQUAM vero soli principes hactenus laudati corona decorati fuerint Imperii ; defuncto tamen Ludovico filio Arnulphi , rege Germaniæ anno 912. absque liberis , electus est in Germaniæ comitiis *Conradus* filius *Conradi* Franconiæ ducis ; & huic extincto anno 918. suffectus est *Henricus* , ab aucupio , quo mirum in modum delectabatur , denominatus *Auceps* , filius *Othonis* Ducis Saxoniz ex *Ludgarda* filia imperatoris *Arnulphi* . *Henrici* autem , & *Mechtildis* filius fuit *Otho I.* de quo paullo supra . Quare sunt , qui ita post *Arnulphum* enumerant Imperatores , *Ludovicum IV.* *Arnulphi F.* , *Conradum* , *Henricum Aucupem* , *Othonem I.* *Othonem II.* & *III.* (1)

ADDO

(1) *Ludovicus IV.* fuit filius *Arnulphi* , & *Juttæ* filiz *Guelphi* , editus in lucem. circa annum 892. Electus est defuncto patre ab Optimatibus Franciæ , cum esset septennis , obiitque anno 912. decimo Calendæ Februarii , anno ætatis suæ 19. nondum exacto . Nullam ex *Ludgarda* , aut *Mathilde* , uxore filia *Ludulphi* ducis Saxoniz , & sororis *Othonis Magni* , prolem suscepit . *Conradus* pariter nullos e conjuge *Placentia* , filia regis Germaniæ , genuit liberos , & placida morte decessit anno , ut dixi , 918. sive 919. juxta *Calvisium* , & alios , die 23. Decembris , cum ante obitum per fratrem suum *Eberardum* misisset imperii insignia *Henrico* filio *Othonis* ducis Saxoniz . De illo legitur Epigramma :

Pallera quod volucres laqueis , viscoque solebat ,

AUCUPIS aucupii nomen ab arte tulit .

Hoc Principe Imperium a Francis pertransiit ad Saxones , ut *Roswida* (de qua in Appendice) cecinit :

Postquam rex regum , qui solus regnat in ævum ,

Per se cunctorum transmutans tempora regum ,

Jussit Francorum transferri nobile regnum

Ad claram gentem Saxonum , nomen habentem

A Saxo , per duriciem montis bene firmam ;

Filius Othonis , magni Ducis & venerandi ,

Scilicet HENRICUS , suscepit regia prima ,

Iusto pro populo moderamine sceptris regenda .

Hujus itaque *Henrici* , & *Mechtildis* filiz *Diderici* Comitiz *Ringelheimensis* , primogenitus fuit *Otho I.* cognomento *Magnus* . Scribitur etiam *Orso* , immo & *Hatto* , quam vocem repetunt a Thessalica , Ἀττα , qua significatur *Pater benevolus* . Endem vocabulo apud Græcos a junioribus compellantur senes . Pervulgatus est versus ,

Hatto , post Hatto , regnavit tertius Hatto .

ADDO nomina, & Chronologiam Imperatorum Orientis. Memoravi præcedenti Seculo IX. Leonem VI. Philosophum. Is obiit anno 911. filiumque suum *Constantinum* Porphyrogenetum (1) reliquit septennem *Alexandri*

S 4

Tres enim *Othones* unus post alium imperarunt. Otho I. ex *Adelaide* filia Regis Burgundiorum, & vidua relicta *Lotharii* regis Italiæ, suscepit *Othonem* II. natum anno 955. quo anno Pater *Ratisponam*, Germanis *Regensburg*, in sui redegit potestatem, Hungaros ingenti prælio prostravit, ac paulo post *Magdeburgensem*, *Misnensem*, aliosque *Episcopatus* magnificentissime erexit. Obiit Otho I. au. 972. die 7. Martii, & sepultus est *Magdeburgi*. Tumulo hi versus fuerunt inscripti,

Tres luctus causa sunt hoc sub marmore clausa:

Rex, Decus Ecclesiæ, Summus honor Patriæ.

Otho II. Patri rerum gestarum magnitudine haud dissimilis fuit; extatque de ipso *Sabini* epigramma:

Non fuit inferior Primo virtute Secundus,

Multa domi gessit prælia, multa foris.

Uxorem habuit *Theophaniam* privignam *Nicephori* Imperatoris Græcorum, cum qua anno 972. Romæ nuptias honorificentissime celebravit. Uxores ejus alias prætereo. Suscepit ex *Theophania* *Othonem* III. natum primo nuptiarum anno. In bello adversus *Saracenos* venenato telo percussus, reversus Romam anno 983. ibidem anno ætatis sue 29. obdormivit die 7. Decembris. In atrio *Vaticanæ Basilicæ* sepultus est. Plura *Aventinus*, *Ditmarus*, *Sigonius*, alii.

Otho III. tam probe se gessit, ac tam prudenter administravit rempublicam, ut Mundi miraculum diceretur. *Bohemos* an. 986. compefcuit: *Henricum* *Bavarum* in *Germania*, *Lotharium* in *Gallia*, *Crescentium* in *Italia* æmulos habuit Imperii. At *Henricum* veniam petentem in amicitiam recepit. *Lotharius* ei sponte cessit. *Crescentius* vero sæpe Romæ tumultus excitans anno 996. Romæ captus est, asino retrorsum impositus, & circumductus per urbem, mutilatus membris, atque suspendi necatus. Vide cap. 1. quæ diximus de *Gregorio V.* *Otho* III. uxorem habuit *Mariam* filiam regis *Aragonæ*, libidinis adeo procacis, ut in gynæceo detineret juvenem indutum veste muliebri, ad immodicam explendam cupiditatem. Quare adulterii ream *Otho* *Mariam* cremari iussit *Mutinæ*. Rediens *Otho* in *Italiam* anno 1001., quomodo e vivis propinato veneno exierit, dicam proximo Seculo undecimo, capite quinto.

(1.) *Porphyrogenetum* appellaverunt, quoniam in lucem editus fuit in ædibus Imperatoris, quæ dicebantur *πορφύρα*. Eodem idcirco cognomine alii quoque nati ibidem Principes distinguuntur. *Porphyrogeneti* insuper, aut *Porphyretici*, dicti sunt filii omnes geniti patre Imperatore; unde in *Legatione* ait *Luithprandus*: *Inaudita res est, ut Porphyrogenita, hoc est in purpura nata filia gentibus misceatur*. Latini pariter Imperatorum, Regumque filios *Purpuratos* dixerunt, quod scilicet in purpura nati essent, purpureisque fasciis circumvoluti. Plura *Carolus Dufresne* in *Glossario*, & in *Adnotationibus ad Axiadam*. *Claudianus* in tertio *Honorii* consulatu cecinit:

Ardua privatos nescit fortuna penates,

Et regnum cum luce dedis, cognata potestas

Excepit Tyrio venerabile pignus in ostro.

Alexander fratris sui regimini ac tutelæ. *Alexander* crapulæ & libidini deditus misere occubuit anno 912. abrupta in ludo pilæ vena pectoris, multaque sanguinis copia ex omni effusa meatu. Ab eo anno, quo patruus extinctus est, 912. *Constantinus* imperavit sub tutela *Zoes* matris suæ, & *Nicolai* Patriarchæ C. P. regnavitque usque ad annum 959., & aliquandiu cum *Romano Lacapeno*, quem reversum a clade Bulgarica adscivit in consortium imperii; sed ante *Constantinum* obiit, propriis suadentibus filiis, anno 944. exutus imperii insignibus, & *Protam Bosphori Thracii* insulam relegatus. At *Constantino* successit *Romanus* ei natus ex *Helena* conjugē, & filia *Romani Lacapeni*, adeo improbus, ut patrem veneno necaverit, & ipse anno 963. consumptus fuerit immodica libidine, & crapula enormi. Acclamatus tum ab exercitu *Nicephorus Phocas*, princeps quidem strenuus, sed avaritiæ deditus supra modum. Occisus est anno 969. insidiis, ut fertur, *Theophaniæ* uxoris suæ, captæ insano amore *Joannis Tzimiscis*. Is itaque post *Nicephori* necem arripuit imperium, quod administravit usque ad annum 976. a *Basilio* cubiculario suo extinctus veneno. Diu posthæc imperavit *Basilus II. F. Romani Junioris*, cum fratre suo *Constantino VIII.* etenim *Basilus* obiit anno 1025. & *Constantinus* anno 1028.

ADDENDA sunt modo Chronotaxi Augustorum Principum natalitia Sanctorum. Inter quos Martyrum Fasti celebrant die 28. Septembris *Ludmillam* Bohemiæ ducissam, nurus suæ *Drahomiræ* Gentilis feminae jussu necatam anno 922. Sexto Cal. Julias memoriam agunt *Pelagii* adolescentuli Cordubæ sub *Addarameno* rege Saracenorum anno 925. membratim forcipibus ferreis præcisi. Quinto Cal. Octobris *Vvineslai* Bohemorum ducis, filii prædictæ *Drahomiræ*, ac trucidati in domo fratris sui *Boleslai* anno juxta *Segebertum* 938. vel potius 929. Quinto decimo Cal. Apriles *Eduardi* Britannia regis, dolis novercæ anno 978. interfecti. Addit Eccl. Hist. virginem *Guiboratiam* (1) ab Hun-

(1) Alibi *Viboradam*. Cordubæ anno 975. sub *Alhacha* rege Saracenorum permulti Martyres occubuerunt.

Hungaris enecatam anno 925. die 2. Maji, & *Haroldum* Daniæ regem a filio pagano peremptum Cal. Novembris anno 980.

PLURES quoque Sanctorum Episcoporum albo fuerunt adscripti, atque ex hac vita excesserunt anno 965. die 11. Octobris *Brunon* frater Othonis I. Archiepiscopus Coloniensis: anno 973. die 4. Julii *Uldaricus* Episcopus Augustanus in Rhetia (1): anno 976. die 26. Novem. *Conradus* Episcopus Constantiæ: an. 981. die 20. Junii *Adalbertus* primus Archiepiscopus Magdeburgensis: anno 984. die 1. Augusti contigit mors *Ethelwoldi* Episcopi Wintoniensis in Anglia: anno 988. die Maji 19. *Dunstani* Cantuariensis, superiori etiam capite laudati: anno 992. die 15. Octobris *Osualdi* Antistitis Eboracensis in Anglia: anno 994. die Octobris ultima *Wolphangi* Episcopi Ratisponæ; & anno 997. die 23. Aprilis obiit *Adalbertus* Episcopus Bragensis & Martyr, Apostolus Poloniæ, & Hungariæ.

SI MODO sinerent angustiarum temporum adire sanctorum monachorum Asceteria, quot nobis occurrerent sanctitatis eximii cultores? *Bernon* monasterii Cluniacensis primus Abbas in cælum raptus anno 926. die Januarii 13. ejusque successor prælaudatus *Odo*, vita functus an. 942. XIV. Cal. Decembris, *Joannes* Abbas Gorfii in Lotharingia mortuus anno 973. die 27. Febr. *Majolus* item Cluniacensis, qui obiit V. Idus Majas anno 994. aliique complures aureolis Sanctorum stolis præfulgent. Atque ne sua desit gloria femineo sexui, addo *Ludmilla*, & *Guiborata*, *Mathildem* Germanorum reginam, & Othonis I. parentem, quæ obiit pridie Id. Martii anno 967. *Editham* virginem filiam Edgardi regis Anglorum defunctam an. 984. XVI. Cal. Octobris, & *Adelaidem* Imperatricem, matremque Othonis II. quæ migravit e vita XVII. Cal. Januarias anno 999. virtutum gloria, quam regio diademate splendidiore.

CA-

(1) *Uldaricum* obiisse alii tradunt anno 863; canonizatum vero constat an. 993. a Joanne XV. Hanc esse primam Canonizationem factam a Romano Pontifice, de qua hæsitari non potest, censet Bollandus. Vide Seculi VIII. caput 6.

CAPUT VI.

DOCTRINA , ET DISCIPLINA SEculi X.

APOSTOLICAM divinamque traditionem de Christi in Eucharistia corpore , hoc propugnatam Seculo , ex Epistolis Ratherii Ep. Veronensis , & S. Uldarici Opere de Antiquis Consuetudinibus Cluniacensium , Arnaldus de Perpetuitate Fidei , alique viri docti demonstrant . Exhibendum Sanctis cultum confirmavit sollemnis S. Uldarici Episcopi Augustani Canonizatio a Joanne XV. peracta : & qui hinc repetunt ejusdem religiosi cultus exordium , veterum diptychis , memoriis Martyrum , omniumque Seculorum consuetudine refelluntur . Quartas nuptias a Græcis in Leone Philosopho reprobatas , ratas firmasque semper habuit Romana Ecclesia veritatis magistra . Romanis Pontificibus , quantumvis pro humana fragilitate improbis , omnem reverentiam esse adhibendam , & summi Sacerdotii fastigium non contemnendum propter morum improbitatem , cunctorum temporum , præsertim vero hujus seculi gesta declarant .

SIMONIACI , bonorumque Ecclesiasticorum raptores canonum auctoritate fuere perstricti . Reformati a S. Odone Cluniacensi monachorum mores , hortante etiam R. P. Leone VII. a Romano Episcopo coronatos Imperatores Occidentis Berengarium , & Othones , dictum est paullo supra . Ipsorum Imperatorum assensu summi eligebantur Pontifices ; eodemque assensu neglecto , Benedictus V. dejectus est , & Innocentius VIII. intrusus , Sacerdotii jure violato . A Romana Sede Archiepiscopi juxta veterem consuetudinem receperunt Pallium , quo statim utuntur diebus ; a Joanne IX. Rogerius Hamburgi , & Sergius Colonienfis , a Joanne XI. Artaldus Remensis , & Theophylactus P. C. Ab Agapeto II. Brunon Colonienfis Archiepiscopus , frater Othonis I. cujus & supra meminimus . Concessum item Pallium ab Anastasio III. Episcopis Tici-nensibus . Inhibitum a Leone VII. mulieribus , ne septa monasterii S. Martini Turonensis ingrederentur . Campanam Lateranenfis Ecclesiæ Joannes XIII. sacris cere-

ceremoniis consecravit ; atque hinc ritum signa benedicendi repetunt aliqui ; sed decipi Cardinalis Bona, Angelus Rocca, Edmundus Martene, & Franciscus Pagijs demonstrant, vindicantes antiquiorem ejusdem ritus originem. Jus præferendæ Crucis indulsit Silvester Secundus regibus Hungariæ, quoniam opera sanctissimi regis Stephani Pannonia ad Christi fidem pervenit. Sunt qui ad hujus Seculi initia referendam censent Academiæ Tolosanæ institutionem. *Cluniacensis* Ordo sub regula S. Benedicti anno 910. & Ordo *Camaldulensium* anno 997. habuere primordia ; fuitque illius auctor *Bernon*, de quo supra ; istius vero S. *Romualdus*, de quo rursus cap. 5. proximi Seculi XI.

IN DANIA hoc Seculo X. Christiana religio reffloruit. Eandem religionem circa annum 988. propagatam novimus apud Svecos, Hungari pariter, sese illis addixerunt, Evangelium eis annuntiante Pragensi Episcopo *Adelberto*. S. Olaus item rex Norvergiciæ circa annum 994. suscepit baptismum, assumpto Jacobi nomine. Hunc tamquam martyrem IV. Cal. Augusti recolit Romanum Martyrologium.

A P P E N D I X.

RES ATTINGUNTUR EXTERNE.

DEJECTO Carolo *Simplici* Francorum rege anno 923. obtinuit regnum *Rodolphus* Burgundio Normannorum debellator, extinctus anno 926. Revocatus tunc ex Anglia, quo ad avunculum regem cum matre *Oginnia* (1) confugerat, *Ludovicus IV.* F. Caroli *Simplicis*, Transmarinus nuncupatus ; qui consecratus Rex Lugduni XIII. Cal. Junias, obiit an. 954. Corona tum insignitur *Lotharius* illius Filius, consecratus Remis Idib. Nov. eodem anno, ac vita functus anno 986. Regnavit postea uno duntaxat anno *Ludovicus V.* ejus Filius, & cum eo extincta est anno 987. secunda regum Francorum Dynastia, (sive prosapia & Genus Caroli Magni) vocari solita *Carolovingica*. Incœpit anno

(1) Alias *Edgiva*.

no 987. linea *Capetiana* ab *Hugone Capeto* Comite Parisiensium, rex *Hugo* Novioduni salutatus est a militibus, & deinde Remis inunctus: cui vita functo anno 996. successit Filius *Robertus*, princeps sanctitate, & virtutibus præstantissimus. De hoc autem, cum vixerit usque ad annum 1031. proximo rursus Seculo agendum erit.

IN HISPANIA post Alphonsum Magnum regnarunt ab anno 910. *Garzias*: ab anno 914. *Ordonius II.* ab anno 923. *Froila II.* ab an. 924. (1) *Alphonfus IV.* ab anno 931. *Ramirus II.* ab anno 950. *Ordonius III.* ab anno 956. *Sanctius Crassus*: ab anno 967. *Ramirus III.* ab anno 982. *Veremondus II.* ab anno 999. usque ad an. 1027. *Alphonfus V.* (2)

SARACENORUM Caliphas adinveni X. Seculo eos, qui sequuntur. Extincto Ahmed anno 902. Hegiræ 289. renunciatus est Saracenorum Calipha filius ejus *Ad*, appellatus *Mosstaphi*. Is decessit anno 908. Heg. 295. regnavitque deinde illius frater *Jasar - Aboulfadel*, denominatus *Amonctadirbilla*. *Amonctadir* interfecto anno 932. Heg. 320. regnavit paucis mensibus *Mahomet - Aboulmansor*, eoque dejecto *Ahmed - Aboulabas*, filius Caliphæ *Amonctadir*, ad annum usque 940. Hegiræ 329. Hoc principe periit suprema Calipharum potestas ac plures creati sunt principes Saracenorum: quorum unus Ægyptum & Syriam regebat, alter Mesopotamiam, tertius Persidem; & qui in Africa aut Hispania permanserant, ducibus obtemperabant suis, spreto Arvirorum, seu Calipharum dominatu. *Hemir* vocabatur, qui suis præerat in urbe Bagdate, (3) quæ fuit antiquioribus Selencia. Qui vero principatum gerebat in Africa, dicebatur *Cambiamrilla*; quod item sonat Arabum lingua, ac latine, *Constitutus jubente Deo*. Ita Saraceni vivere usque ad finem Seculi XIII. quan-

(1) Alibi legitur, 923.

(2) Regnavit in Anglia post Eduardum I. ab anno 925. usque ad annum 940. *Adelstanus*: tum *Edredus* usque ad 955. Deinde *Edgardus* usque ad annum 975. *Edoardus II.* Martyr anno 978. *Etelredus*, 1016. In Polonia primus Christianus rex *Micislaus* obiit anno 999.

(3) *Bagad*.

quando, ut suo dicemus loco, *Ottomanicum* cœpit Imperium.

PRIMO hujus Sæculi anno *Hungari* Bavariam & Italiam vastarunt, aut anno potius superiori. *Mauri* & *Cantabria* a Sanctio rege Aragoniæ pelluntur, *Saraceni* duce Leone Tripolita, Christiano Apostata, anno 904. plurimos in Constantinopolitanis viciniis cæciderunt, urbemque Macedoniæ Thessalonicam devastarunt incendio. Idem anno 910. in Calabriam, urbemque Consentiam truculenti irruerunt. Refert id illustris Pagius ad annum 902. fortassis non recte. *Hungari* anno 907. Ludovicum IV. commissa atroci pugna vicerunt; ac anno 999. populati sunt Saxoniam & Thuringiam, annoque sequente Alemanniam. Cæsi tamen fuerunt anno 921. ab imperatore Henrico, & coacti ad novennii petendas inducias. Idem Henricus anno 928. *Sclavorum* copias internectione delevit, atque anno 930. Misnam condidit in superiori Saxonia. Rursus anno 935. Hungaros ingenti prælio devicit, sibi *Patris Patriæ* nomine comparato. Diruta an. 933. a Saracenis Africæ Genua. *Hungari* anno 937. in Italiam hostili furore irruerunt. *Saraceni* non semel hoc seculo superati: nam sub Joanne X. anno 915. a finibus Latii, & Campaniæ, ubi prope Lyrim fluvium annis 40. confederant finitimos quosque infestantes, expulsi fuere: devicti anno 939. apud Septimancas Castellæ oppidum a rege Ramiro: illorum classis ab Hugone Italiæ rege, & a Græcis *Chelyndro* igne (1) anno 941. combusta: duplici certamine, anno 964. & 968. eos in Asia debellavit Græcorum Imperator Nicephorus; & in Syria non semel anno 974. & sequenti Joannes Tzimiscus: e Fraxineti oppido eosdem expulit anno 972. dux Arelatensis Wilhelmus. Otho autem II. Imperator, qui a Saracenorum tyrannide Apulos, Brutiosque anno 968. liberaverat, eosque insequente anno coegerat ex Italiæ oris discedere, anno 982. ingenti prælio in Calabria commisso, una cum Græcis ab iisdem superatus, vix potuit exigua navicula fugam capere.

(1) De hoc Græcorum igne Guilelmus Apul. lib. 5. Rerum Norman.

*Et contra Venetum naues, Danaumque chelyndros
Certamen navale portant.*

re. In Hispania rursus invalescentes anno 985. expugnarunt Catalauniæ metropolim Barcinonem, & paulo post Legionem Germanicam, civitatem provinciæ Tarraconensis. (1) Sarmatæ quoque, seu Rutheni ac Moscovitæ, necnon Bulgari Myssiæ populi, seculo X. ruerunt in arma. Ac anno 941. a Græcis tam cruento bello cæsi fuerunt, ut Helena illorum regina Constantinopolim fugerit: atque anno 972. a Joanne Tzimisce magna item clade fuerunt prostrati. Bulgari, qui anno 917. ad Acheloum fluvium intulerant Græcis maximam cladem, & anno 933. obsederant C. P. suburbana incenderant, & universam Thraciam vastaverant, unde magnis delentiti muneribus recesserunt anno 929. Bulgari, inquam, an. 964. expugnati fuerunt a Joanne Tzimisce non semel laudato, & anno 1000. a Basilio II. ejecti e Thessalia, Macedonum regione.

PERPAUCI habentur Scriptores profanarum historiarum, huic Mantissæ inferendi. Obscura enim sunt nomina Joannis Assarii Britanni, qui initio X. Seculi scripsisse fertur Vitam regis sui Ælfridi: Cappidi Stauriensis, qui ætate Conradi, & Henrici Aucupis, Regum Britannię contexuit Genealogiam: Occonis Scharlensis, a quo, tempore Othonis Magni, conscriptæ dicuntur Origines Frisiæ: atque Dudonis Neustrii, qui narrationi rerum a Normannis gestarum in Gallia, Othone III. imperante, multas infarsit fabulas. Claruit circa idem tempus Roswida, seu Rosvitis, monialis in cœnobio Gandersheimensi, quæ jussu Othonis II. & Gerbergæ Abbatissæ, scripsit heroico carmine Historiam, sive Panegyricum de gestis Othonis I. aliaque metro, & prosa composuit. Recte autem de Scriptoribus hujus Seculi, si recensere nobiles præclarosque velimus, repetendus nobis erit cum doctissimo Vossio lib. 2. de Hist. Græcis, cap. 26. Virgilianus ille versus Æneidum primo,

Occurrunt vari nantes in gurgite vasto.

(1) Calabriam rursus depopulati sunt an. 986. expugnatis Rhegio Jullo, Crotone, aliisque urbibus magnæ Græciæ.



